

I V L I I . R O S C I I H O R T I N I E L O G I A M I L I T A R I A

AD . SERENISSIMVM . VRBINI . DVCEM
FRANCISCVM . MARIAM . FELTRIVM
D E . R V E R E



R O M A E , Apud Io. Angelum Ruffinellum,
Typis Bartholomaei Bonfadini C I O I O X C V I

S V P E R I O R V M . P E R M I S S V

*Illustres animae, quas non vis aspera ferri
Abstulit, aut rapido feruidus igne rogas,
Vivite felices, & nostros ducite honores,
Hic labor exiguus si quid honoris habet.
Quod potuit tenue Elogium, tenuisq. tabella,
Effigies vivent, claraq. facta Ducum.*

FRANCISCO . MARIAE
F E L T R I O
D E . R V E R E

S E R E N I S S I M O
V R B I N A T V M . D V C I



PHILIPPVS . DECIVS . HORTINVS . I . C .
F E L I C I T A T E M



MILITARI uirtuti, SERENISSIME
Dux, qua defenduntur & propagan-
tur imperia, tantus semper honos est
habitus, ut nihil ex is, quae inter
Mortales praeclara in pretio haben-
tur, pari laude censeatur. Fortes enim
uiros, & cum animi robore saeptos,
tum manu promptos, atq. eos praefertim, qui exercitibus
praefuerunt, resq. maximas suo ductu gesserunt, nemo
est, qui non admiretur. Et merito. cum nihil aeque sit ad-
mirabile, quam inueniri homines, qui sui oppositu cor-
poris, aut Principem, aut patriam, aut religionem defen-
dant, quiq. ob haec armati inter medias acies animam
ac sanguinem profunderere non reformident. O heroicam
uirtutem, & omni summorum honorum genere prosequen-
dam. Per hanc laureae, per hanc triumphi pariuntur.
Haec columnis, haec trophaeis, haec statuis honoratur.
Huic Oratorum praeconia, huic Historicorum uoces,

huic Poetarum carmina resonant. Quid plura? Bellicoso-
rum ducū non modo facinora suspēsi legimus, sed ima-
gines & ora quomodocumq. expressa admirantes intue-
mur. Iuvat trucem illius in hostem aspectum contempla-
ri: Alterius in imperando seueritatem fronte consigna-
tam iucundum est cernere. Hic affabilitatem erga mili-
tes oculis repraesentat: Ille prudentiam in prouidendo
uultu ipso demonstrat. Quo magis laudandum est eorum
cōsiliū, quos fortium Imperatorum imagines domi de-
pictas habere delectat: nec debita fraudandus laude, qui
centum clarorum ducum imagines aere incisas nuper in
lucem dedit, ac gentibus spectandas proposuit. Sed reue-
ra, seu picta, seu incisa imago, corpus est sine anima, do-
nec aliqua retum ab eo, cuius est imago, gestarum expli-
catione & illustratione caruerit. Vidit hoc pro singulari
iudicio suo iam pridem conciuis atq. affinis meus, Iulius
Roscius Hortinus, nempe ab eo tempore, quo illae ipsae
centum militares imagines parabantur: de quo cum in-
cisorē admonuisset, ab eo rogatus, luculentas in eas exor-
sus est explanationes. Ceterum homo pluribus rebus ho-
neste occupatus, atq. itinere, quod sanctae fidei studio su-
sceperat ad Heluetios, abstractus, rude opus, ac tamquam
Apellis Venerem, inchoatum reliquit. In sua magno undiq.
studio collecta, ac numerosa Bibliotheca, inter ma-
gnam struem librorum, postquam ille in medio cursu est
ad superos euocatus, monumēta haec eius ingenij Romae
a me reperta sunt. De quibus cum clarissimis uiris, ac stu-
diosis etiam non esset ignotum, rogatus sum saepius, ut
ea edere, atq. in lucem proferre uellem. Negavi pri-
mum, quod semilaceras paginas, scripturam multis li-
turis interpolatam, atque, ut dixi, rude plane, & in-
choatum opus uiderem. Ceterum diu multumq. rogan-
tium

tium praesertim eorum uirorum, quorum ob dignitatem, ac nobilitatem summa est apud me auctoritas, precibus cedere sum coactus. Bona igitur cum uenia felicis illius animae, quam in caelo propter egregias suas uirtutes aeuo frui sempiterno credimus, aleam ieci, atq. has militarium imaginū illustrationes ad LXXV. (tot enim Roscius reliquerat) nihil mutando, (quamquam ille sine dubio plura mutasset in melius) typis mandari permisi. Quibus cum patronum aliquem nominis maiestate praestantē quaererem, Tu mihi unus, SERENISSIME DVX, occurristi, qui aptissimus uiderere, cui haec a me affinis mei lucubratio commodè dicari posset. Nam, etsi me privatae fortis hominem nulla Celsitudini Tuae benemeritae seruitutis uincula obstringunt, Tua tamen in sublimi posita gloria, cuius longe lateq. splendor collucet, quemlibet suapte ui allicere potest, ut de sua incredibili facilitate, atque humanitate confidat. An Principi sanguine, titulis, ditione, & quod summū est, ingenio, ac uirtute pollenti non conueniat qualiacumque ingenuae, ac liberalis eruditionis opera dicare? An DVX e CLARISSIMA FELTRIA DOMO, quae alumna semper, & faulrix laudandarū artium fuit, non accipiat laeta fronte, si quid ei a musis, aut a Minerua munusculi offeratur? Nulla certe, (norunt hoc omnes) nulla FRANCISCO MARIAE VRBINATI DVCigratoria, & iucundiora dona sunt, quam quae non auri, uel argenti, sed ingenij pretio atq. pondere expenduntur. Quis hoc infitiri audeat? cum audiat Te sic inter Regias opes uiuere, ut magnam partem temporis inter nobilissimorum ingeniorum monumenta consumas, quae Tibi pro singulari Tuo in optimas disciplinas studio, sic in unū, & eum quidem

demornatissimum locum seposuisti, ut nulla sit in Europa Bibliotheca celebris, quae eam superet, quam Tibi ipse, nulli sumptui parcens, ad oblectationem cultumque animi, in magnificentissimis Vrbinatum Ducum aedibus statuisti; in qua quin his quoque militaribus elogijs qualicumque stylo delineatis, partē aliquam loci libet daturus sis, quis possit ullo modo dubitare? Praesertim cum inter bellicosissimos viros, fortissimosque Imperatores, quorum ab Auctore facta cōmemorantur, duos reperitur sis e gloriosissima Familia Tua, quorū longe maxima in armis, & memorabilia facinora exstiterunt. Qui quidē duo uere Martij heroes, Federicus, & Franciscus Maria Senior, in nobilem illam Bibliothecam non tamquā in alienam domum hospites immigrabunt, sed in ea tecta alacres, ac pro suo iure ingredientur, in quibus uiuentes innumera ediderūt opera excellentis uirtutis. At Tu & horum maiorum Tuorum, & ceteroru res domi forisq. strenue gestas recolēs, qui his elogijs celebrantur, inditam pectori Tuo animi magnitudinem excitabis ac recognosces, qui quamuis pacatissimo fruaris imperio, quod pietati Tuae Bonitas Diuina cōcessit, si restamen ferat, & in aciem progredi paratus es, & pro Christiana religione, proq. libertate Italiae, omnemq. iustam ob causam, maiorum exemplo, sanguinem, & uitam profundere. Quod etsi nomini Tuo gloriosum futurum esset, & generosae mēti, qua praeditus es, optabile, optamus nos tamen, a Deoq. Opt. Max. petimus, ut eadem, qua nunc frueris, pace, Tuq. populiq. Tui quam diutissime fruamini, aeuumq. ab omni bellico tumultu alienum in optimis studiis tranquille, ac feliciter agas. Romae. Idib. Sext. **CLIO XCVI.**

CANDIDO . LECTORI

Philippus Decius Hortinus I . C . Sal.

MILITARIVM elogiorum hunc librum, Cādide Lēctor, a Iulio Roscio Hortino, affine meo, informatum potius quam perfectum, aequi boniq. consule. Nam, Auctore, dum ad Heluetios religionis studio proficiscitur, in medio cursu extincto, extrema ei manus addi non potuit. Ceterum, cum uehementer me quamplurimi docti, nobilesq. uiri rogarent, ut in lucem prodire paterer, eorum postulatis diutius reluctari non licuit. Quibus eo lubentius parui, quod non uana spe duci uidebar fore, ut, cuius omnia alia scripta eruditis probantur, haec quoque eiusdem, etsi rudia, & inchoata, non displicerent. Fortissimos autem duces, quorum hic nomina celebrantur, alphabeti ordine collocari curavi, ne, sicut olim uirtutis fuit, ita nūc loci inter eos contentio aliqua oriretur. Quod & his, ad quos ipsorum gloriae hereditas pertinet, non ingratum, & legentibus etiam ad singulos reperiendos percommodum futurum putavi. Vale.

I N D E X E L O G I O R V M



ALEXANDER Vitellius	pag. 1	Fr. Maria Feltrius de Ruere.	103
Aloysius Gonzaga pri- mus.	4	Franciscus Sfortia.	106
Aloysius Gōzaga dux, dictus Turcus.	6	Fridericus I. Imp	108
Aloysius Gonzaga, Rhodomontis cognomento.	8	Gallo Foifseius Gallus.	111
Alphonfus Rex.	11	Georgius Castriora Epirotarum Princeps.	114
Andreas Auria.	14	Hercules II. Ferrariae Dux.	116
Andreassus Castellus Senior.	17	Hieronym' Trifstanus Castellus.	118
Angelus Sanuitalis	21	Io. Aloysius Fliscus Ligor.	123
Anneus Memorantius.	23	Ioannes Aucuthus Britannus.	128
Antonius Leua.	26	Ioannes Bentiuolus.	131
Aranus Cybo.	29	Ioannes Franciscus Gonzaga.	133
Ariadenus Ahenobarbus.	31	Ioannes Galeatus Vicecomes.	136
Baiazetes I: Turcarū Tyrannus.	35	Io. Iacobus Triultius.	139
Bartholomaeus Bergomas.	38	Ioannes Vitellescus.	142
Bartholomaeus I. Iulianus.	41	Ladislaus Rex.	145
Braccius Perusinus.	44	Lodouicus XII. Galliae Rex.	147
Camillus Vitellius.	47	Lodouicus Pannoniae Rex.	150
Camillus Vrsinus.	49	Maftinus Scaliger I.	153
Campfon Gaurus.	52	Matthaeius Poianus.	155
Canis Scaliger primus.	55	Matthaeus Vicecomes.	157
Canis Scaliger secundus.	58	Matthaeus Rex Pannoniae.	160
Carillus Albernotius.	60	Maximilianus Caesar.	163
Carolus Sequanorum Dux.	61	Nicolaus III. Atestinus.	165
Castrucius Castracanis.	66	Nicolaus Picininus.	168
Confalvus Ferdinandus.	68	Nicolaus Vitellius.	171
Erasmus Gattamelata Narniēfis.	71	Paullus Sabellus.	174
Farinata Vbertus Florentinus.	74	Petrus Nauarrus.	176
Federicus Feltrius.	77	Prosper Columna.	179
Federicus Gonzaga.	80	Robertus Rex Neap.	182
Ferdinandus rex Catholicus.	83	Robertus Sanseuerinus.	184
Ferdinandus Analus Piscara.	85	Rudolphus primus Imperator.	187
Ferdinandus Cortesius.	88	Sfortia Comes.	190
Ferdinandus Gonzaga Mel. Prin- ceps.	91	Sigismundus Malatesta.	192
Franciscus primus Galliae Rex.	95	Stephanus Columna, Praenestino- rum Dominus.	195
Franciscus Carnagnola.	98	Tamerlanes Scytharum Imp.	199
Franciscus Gonzaga.	100	Tanaquillus Castellus.	201
		Vguccio Fagiolanus.	204
		Virginus Vrsinus.	207
		Vitellocius Vitellius	210

ALEXANDER . VITELLIUS



ALEXANDER Vitellius, Paulli, Reip. Florentinae Imp. filius, Coloniam Orthoniam, una cum Pyrrho Stipiciano, Clementis Pont. Max. partes secutus, cum diu acriterq. obsedisset, tandem expugnat, circa an. CIO IO XXX. Fuerat Pyrrhus e Baleona Familia Columnae per clientelam insertus. Is, ex uario militiae usu, ea erat in opinione, ut breui supremū eius disciplinae gradum esset consecuturus; auctus praesertim ad Carinianum honore obsidionalis coronae. Ut uero ad Vitellium reuertamur, cuius plura gesta exstiterunt, quam huius nostrae orationis angustiis concludi possint, cum iterum uetus illa Etruriae colonia, quam expugnatam paullo ante diximus, tumultuaretur, ad eam una cum Vastio reuersus est, licet conatus euincere non potuerit. Hinc in Pistoriensem cum Marmaldo Hispano, cohortis praefecto, ac Pisanum agrum irrumpit, ut ibidem uires attereret Ferrucij, qui subsidia belli fouebat pro Rep. Florentina. Eo tempore ad Imp. inclinauit uictoria, licet desideratus esset Princeps Oranges, Borbonem secutus, qui paullo ante ad Sacrosanctae Rom. Urbis moenia meritis audaciae luerat poenas. At Vitellius nusquam apertis Castris dimor-
sus est, donec Alexandrum Medicem triumphantem Florentiam inuexit. Interea Solymanus classem ingentem in Pannoniam instruit. VI. Id. Maij sollemne sacrificium apud eas gentes indicitur. Id in augustiori eius superstitionis sacrario per tripudia, nec sine lasciuiis, peragunt barbari: adhibent perlongum vexillum, hortendis, more suo, carminibus profecuti, in quo impostoris illius Mahumetis effigies depicta, uariisq. magni pretij gemmis exornata ad Solis fulgorem radiabat. Sacrificio peracto, qui inter alios maioris dignitatis habetur, ueluti rem sacram, in regiam illatum conspicuo loco statuit. Iam professionis dies aderat. Visuntur Regij corporis praesidiarij. Solymanus professionem adornat: spectatur augustale tabernaculum: ceteraq. castrensia impedimenta deuehuntur. Pone subsequebantur centum comatuli pueri, Ionica mollitie insignes, quorum odoribus illita coma, muliebri more a fronte discriminata, aureis uinculis intorta, in humeros

humeros deduebat. Hastas hi gestabant manibus, Damascena
 arte tornatiles. Longum esset omnia in ea barbarie describere.
 Aduolat Alexander Carolo V. duce, quo maiorem nostra saecu-
 la non viderunt. Imperatorio apparatu territus Tyrannus, cum se
 recepisset, Vitellius in Italiam reuertitur. Quo tempore defun-
 cto Alexandro Medice, accitus eo, properat; ac populum auctori-
 tate coercens, arcem tunc munitissimam astu occupat, omnem-
 que operam nauat, ut Cosmus Medices, qui tunc uix XVII.
 annum agebat, eius Urbis imperio potiretur. Deinde sub Paulo
 III. stipendia meruit aduersus Ascanium Columnam, Alcido
 deleto, expugnataq. Petelia. Rursus prae omnibus ducibus unus
 Alexander in Germaniae subsidia deligitur; qui ubi tribus mill.
 militum Vacciam venit, non longe Buda, ciuitatem in Panno-
 nia plane ditutam, ac de insidijs in ea latentibus esset suspicio, lo-
 ci solitudine horrenda, ac formidabili, solus Vitellius ausus ten-
 tare caueas, atque omnes eas latebras lustrare. Ad Paestum, in
 Istri ripis, concione ad milites habita, eos ita accendit ad rem sa-
 ne arduam, ut inter indutias, quae statim consecutae sunt, ad ip-
 sum uisendum, non sine muneribus, ex barbaris, hostibusque, in-
 credibilis fieret ad eum concursus, non secus, ac ad Scipionem apud
 Linternum factum legimus. Non esset paucis Scipionis Maioris
 gloria, quae in hunc locum incidit, explicanda; nisi illud in uete-
 rum numismatibus uerendum caput, corona praecinctum ciuica,
 maiorem quendam stylum postularet, ac nostra in primis tenuis
 ad finem properaret oratio. Is, postquam patriam, & ad Ticinum,
 & in Cannensi bello seruauerat, atque Hannibalem, infestissimum
 Rom. nominis hostem, contriuerat, ad Linternum, patrio solo de-
 relicto, secesserat, cum satis patriae, gloriaeq. suae uixisset. Hic,
 dum per eas Campani litoris oras diuagatur, procul ab ambitu
 honorum, ecce tibi, quod ingrata patria negarat, nobiles praedo-
 nes supplices decus detulerunt. Venerati litus, quod attigerant,
 projectis armis, unum precabantur, Scipionis os intueri, quem
 apud omnes gentes nominis sui famam reliquisse paterentur.
 Prouoluti ad pedes exfulis, stupentes, ab eius intuitu diuelli non
 poterant. O magnam virtutis uim, quae, in tenebris abdita, luce
 sua etiam barbarorum aciem praestringat. Vitellius magnis ex-
 terorum honoribus in Italiam redierat; iterum ab Italia, una cum
 Io. Baptista Sabello, Octauio Farnesio duce, in Germaniam con-

trah aeteticos contendit: in quo bello ab aduersariis ipsis vter-
 que laudem tulit. Inde, in Italiam, triumphis onustus, reuersus,
 postquam Iulio I I I. in obsidione Mirandulae, & Gartiae in
 bello Senensi operam suam locauit, decedit Tiferni, in pa-
 ternis laribus, anno aetatis suae L I V. ipsum met, qui
 tunc uerebatur, Salutis annum consecutus, a
 Christo naro CIO IO LIV. Ei exequias
 fecerunt, iustis tributis honoribus, Ti-
 fernatum Collegium, ac propin-
 qui perpetuae futurorum
 memoriae monumen-
 tum posue-
 runt.



ALOYSIVS. GONZAGA

P R I M V S



ALOYSIVS Gonzaga, Guidi filius, primus in ea familia Mantuae praefuit. Ad hunc gradum nobilissimum, non nisi uirtute, ac laboribus, sibi uiu stravit. Fama est, inquit Clemens Alexandrinus, domicilium uirtutis in quibusdam rupibus esse, ad quas difficilis admodum sit ascensus, nec quibuscumque hominum oculis conspici, aut superari, quasi fortitudinis propugnaculum, nisi quis prius sudore, ac labore industriam suam probarit. Ac Plutarchus confirmat in Crasso, nihil magis prosperum euentum Romanorum auxisse, quam egregiam uirtutem, ac summam in laboribus, asperisq. in rebus tolerantiam, aduersis casibus succumbere nesciam. Annus agebatur a Virgineo partu Millesimustrecentesimus uigessimus octauus, quo tempore Philippinus, Aloysij filius, armata manu Mantuam excurrens, Passarino Tyranno, qui, tumultu excitatus, in forum aduolarat, de medio sublato, patriae libertatem restituit. Porro Elysa, Passarini uxor, Ferrariae, quo secesserat, obiit: ut est in Atestinorum historiis. Accessit populi electio, ad Imperij administrationem iure suscipiendam, a quo acclamatus Aloysius tanto concursu est, tantaq. laetitia, ut nullibi maior fuerit. Quam venerationem, Familiae clarissimae debitam, posterj imitati, gratissimum, ac iucundissimum existimant, tanto Principi ueterem obseruantiam exhibere. Et vero Vincentius, in eorum Heroum longo ordine aetate nostra Dux egregius, in ipso iuuentutis flore ita eam ditionem regit, ut supra aetatem argumenta ediderit prudentiae plane singularis. Cuius laudes inter ceteros Capiluporum Familia nouo ingenti uolumine persecuta carmine, alrix ut esse solet poetarum, nostra minus indiget oratione. Fuit uero Aloysius uir acerrimi iudicij, in miseros praeterea pius, in omnes liberalis, atque in sua a uicinis populis defendenda prouincia plane magni animi. Bonus Princeps, quasi pater familias, erga subditos fuit. et uere: quis enim est Princeps, nisi Plurimorum pater? Excel-
lit quidem ille; eiusdem tamen est generis homo hominibus, li-
ber.

ber liberis imperans. Quod indicasse uidentur uetustissimi poetæ, qui Iouem, cui totius mundi, ut illi loquuntur, tribuerunt imperium, Patrem hominumque, deumque appellarunt. Porro, quid execrabilius ea cōpellatione, quam apud Homerum Achilles, opior, facit in Principem, sibi, nō populo, gerentem imperium, & populum deuorantem? Itaque, qui publicum commodum spectat, Rex; qui proprium, Tyrannus dicitur. Qui vero suam felicitatem patriæ malis alunt, re Praedones sunt, nomine dumtaxat Principes. Praeclare Antigonus, ad filiū, in gubernatione acriorem: An non, inquit, nosti, fili, nostrum Regnum nobilem esse feruitutem? Ideo Plato uetuit legibus suis, ne quis Deum mali ullius causam diceret, quia natura bonus est, ac beneficus. At Princeps Dei simulacrum quoddam est. Hic, si quæ mala in Regno suboriantur, succidet; &, ne alia suboriantur, procurabit. Verum uberius philosophati sumus, quā soleamus, ad mores pleraque, in hac breuissima Virorum in armis illustrium descriptione, traducentes, ut sint in exemplum posterorum res praeclare gestæ. Aloysius Gonzaga Familiam suam triplici nobilissimo matrimonio sibi corroborandam, confirmandamque putauit: quæ singula sumptuoso apparatu, ac pompa maiori peracta sunt, quam aut ab illis saeculis, aut a Principe expectari potuisset. Na-

tus annum nonagesimum tertium, optatissimus adhuc
suis, cum omnibus ex ore la crymae diffuerent,

integris sensibus, sed collabente ceruice, supremum amoris osculum singulis de-

dit, dignissimus, cui tot affines,

ac propinqui oculos clau-

derent. Annus fuit

obitus post Chri-

stum na-

tum

circiter Millesimus tre-

centesimus trigesi-

mus quin-

ctus.

ALOYSIVS · GONZAGA · DVX

DICTVS · TVRCVS



ALOYSIVS Gonzaga, post Io. Franciscum, Marchionem Mantuae, administratione suscepta, tanta animi moderatione, iustitia, humanitate, tamq. singulari disciplina, tum domi, tum foris, eam exercuit, ut gratia, auctoritate, clientelis, suo nomine maiore quodam imperio dignus haberetur. Nam, sine fastu dignitatem retinens, ut in armis debitam seruabat seueritatem, ita inter suos, remissio ad lenitatem ingenio, incredibili quadam vi hominum mentes ad se trahebat. Itaque Vicecomitibus ita carus fuisse dicitur, ut a Philippo Filius, a Francisco Sfortia Fratrís loco, a Galeatio Pater nuncuparetur. Nimirum magna uis ingenitae nobilitatis; sed & non minima disciplinae, quam ille, Victorino Feltrio praeceptore, in litteris non inerudito, hauserat. Hostem habuit Nicolaum Picininum, cum pro Philippo Insubriae Duce arma cepisset, diuq. tractasset, patre etiam renuente. Deinde ad partes Venetorum se trātulit. Inde, iterum, cum Franciscum Sfortiam, Mediolani Ducem, renuntiatum audisset, inita pace, ad eum uenit: quocum, decem & octo millibus peditum, ac tribus millibus equitum, praefectus, in Brixianum agrum populabundus irrupit. Nec minori gloria in Venetos conuersus, Caroli Fr. exercitum fregit, magna parte equitatus attrita, & uariis proeliis pluribus detractis Reip. Venetae opidis. Haec cum geruntur, pax optatissima inter omnes Italiae Principes consecuta est, anno a Pace diuinitus data mortalibus Millesimo quadringentesimo quinquagesimo quarto. Hic, est, qui ob singularem fortitudinem Turcus vocatus est. Eum tam acri iudicio, ac tanta integritate, iustitiaq. praestitisse narrant, ut unicum Insubriae Arbitrum appellarent. Porro Iustitia, in Principe, qua sisidus, elucet. Grauius Marcellinus Ammianus libro suo vigesimo nono pronuntiauit, Imperium curam esse salutis alienae. Sic enim debent illi apud te statuere, non sibi se natos, sed sui populi commodis. Chrysippus uero Iustitiae imaginem ita expresserat, ut puellari Virginis forma, ad spectum uehementi luminibus oculorum acerrimis, spectanda uideretur. At uero

apud Thebanos inter sacras Virgines uisebantur olim, auctore
 Plutarcho, quae sederent sine manibus. sic enim admonebant,
 magistratus, ac iudices animo sedato esse oportere, nec ullis affe-
 ctibus perturbato. Quod manibus carent, innuit, eos ab omni mu-
 nerum corruptela, ac largitione, puros, & integros esse debere; ut
 ijs ab honesto numquam abducantur. Certe C. Fabricij in eo ge-
 nere nullo modo erit uirtus obscura, qui, non gentis unius, ut Cu-
 rius Dentatus Samnitum munera, sed Regis aurum, Regnumq.
 • pulcentissimum, cuius in partem recipiebatur, ne quid iustitiae
 detractum uideretur, aspernatus, dignus, cui hostis non mo-
 do captiuos ciues gratis restituerit, sed etiam eius ci-
 uitatis optauerit amicus fieri, quae tantum sorti-
 ta esset ciuem. At Gonzaga, in maxima rei
 bellicae experientia, & suis, & exteris
 carus, cum Mantuae annos tri-
 ginta tres quasi pater im-
 perasset, in uiri-
 li aetate
 de-
 celsit, ab humana Salute
 Millesimo quadrin-
 gentesimo se-
 ptuagesimo
 octa-
 uo.



8
ALOYSIVS . GONZAGA
RHODOMONTIS . COGNOMENTO



ALOYSIVS Gonzaga, Rhodomontis cognomentum adeptus, quod robore omnibus antecelleret, in lucta plane neminem parem habuisse dicitur. Nam, C. Miloni simillimus, cum constipisset, nemo uestigio educebat; manum tenenti, nemo digitum corripiebat. Simili robore fuisse praeditum Tiberium Caesarem, narrant historici, qui articulis ita firmis esset, ut recens, integrumq. malum terebraret; & pueri caput letaliter uulneraret, pollice solum, uel impudico digito inflicto. Erat porro apud Carolum Quintum Imp. quidam statura gigantea. Ad luctam uterque prodit: res ante Caesarem acta est: spectaculum sane pulcherrimum; cum, quasi alter Hercules, Gonzaga una cum Antaeo congressus uideretur; qui, terrae filius, cum terram attingeret, quod ab ea uim referret, fortior resiliat. Verum Aloysij uirtus egregia in eo enituit, dum ille immanem gigantem in aera sublatum ita compressit, ut pallentem, animamq. agentem, prostrauerit. Hoc lessore agitato equos exspirasse, ac saepe in fugae simulacro eundem uictorē plausu exceptum fuisse, ferunt. Huius incredibilis animi, corporisq. fortitudinis multa illustria reliquit argumenta. Verum ego, in militari disciplina, non tam robur, quam bene positas uires, laudare soleo. Plurima sunt, quae in ceteris animantibus longe magis admiramur; In Ceruis, uitae diuturnitatem; In Canibus, sagacitatem, & uim odorandi; In Aquila, aciem oculorum. Quis uero Leonem superaret aut robore, aut uirium firmitate? Ceteris concessit pelles, plumas, squamas, dentes, rostra, ungues, cornua; homini uero corpus exiguum, & inermis Deus Opt. largitus est; cui satis mens, qua his dominetur. Homo procreatus, ut Aegyptiorum, Chaldaeorumq. mysteria prodiderunt, rerum humanarum, diuinarumq. nexus, & quasi Hy menaeus; ut intelligentia non humana modo spectaret, sed diuina maxime intueretur. Itaque in Aloysio Gonzaga cum alia multa digna omni memoria commendare soleo, tum maxime, quod

quod, in miseranda Romanae Urbis direptione, sub sceleratissimo hominum Borbonio, comitibus Religionis nostrae pluribus desertoribus, unus inter omnes Italiae Principes, Clementem Septimum Pont. Max. S. Petri Successorem, Christi, Vicarium, ueneratus, ad Urbem Veterem praesidijs sacrum perduxit, ut tutius in ea arce ageret. Id ego eo magis aestimo, quod Clemens ipse ita Gonzagae pietatem probatam, perspectamque habuit, ut se, ac rerum omnium summam ipsius dumtaxat fidei crediderit. Ob quod insigne beneficium Summos Pont. Aloysium totius sui exercitus Imperatorem creauit. Interim impius ille, sane merito, in limine execrabilis uictoriae occubuit: glande traiectus, in ipso pomerio, iacuit, non ueritus ad eos muros scalas applicare, quorum custodes Sanctos esse, tam multa probarunt testimonia. In eum ego sic aliquando carmine inuectus:

*Moenia dum premeret ueteris Borbonis Urbis,
Sulphureo exemplo fulmine caesus obit.
Scilicet hoc ulta est crimen Roma ipsa, caditque,
Vindictae utq. homines, uindictae utq. Deos.*

At Gonzaga ad Vicum Valerium, seu Villam Varronis, quam nostri Vicouarum, in Latio, uenerat. Non procul hinc, in quodam piorum uirorum coenobio, dum fessus proeliando ad mensam assidet, ictu bellici tormenti, fulmen belli, columen Italiae, dux Pontificij exercitus, robur Urbis, splendor disciplinae militaris, occidit. Par quidem exitus mortis: quae & Regum, & pauperum tabernas aequo pulsant pede; at, quam dispar utriusque gloria? Ille, e moenibus Urbis deiectus, a furiis rapitur; Hic, e militiae incommodis, quae pro Dei Ecclesia susceperat, inter piorum manus, ad triumphantem Hierusalem sublatus, pie creditur. De eo igitur dulcior hic cantus erit:

*Siccine te, fulmen belli, Gonzaga, peremptum,
Aureaq. disiectum fulmen in astra tulit?
Issequere, ut serues Pastorem, ac Romula testis,
Occidis, & propera morte peremptus ouas.*

Decessit Gonzaga, annum agens trigesimum tertium: quae laus extrema prima omnium uideri debet, quod eam aetatem, quae illecebris dedita est, ad ea traduxit, ex quibus maximus ad Remp. fructus manauit. Diserte Hippodamus ille Pythagoreus fundamentum Reip. in iuuentutis educatione constituit: non

diffimulanter professus, illam, ueluti euerſa totius aedificij baſi,
ruituram, ſi negligatur: Hinc ille:

Dij, inquit, probos mores docili iuuentae

Romuleae gentis date.

**Et uero tales euadere ſolent homines, qualis fuerit primae
aetatis educatio. Itaque feliciffimus egreſſus ex
hac uita ad illum feliciorem Gonzagae
refertur in annum humanae ſalutis**

**Milleſimum quingente-
ſimum vigefimum
oſtauum.**



ALPHONSVS. REX



REXVM gestarum magnitudine clarorum Regum gloriā plurimi metiuntur; habet tamen etiā domestica disciplina suam laudem. Ego uero nō statuo, an in Alphonso gesta bella maiora fuerint, an uirtutum, scientiarumq. ornamenta. Is, uultu pallenti, oculis coruscantibus, ut acerrimi iudicij, acutissimis sententijs usus, primus Hispani generis stirpē Italiae inseruit. Rex adeo liberalis, ut, Titi Imp. exemplo, diem se perdidisse diceret, si beneficium non dedisset; ita pius, ut, aliquando, inter Missarum sollemnia, suborto terremotu, ceteris abeuntibus, solus ante aram relictus, Sacerdotem sacrum prosequi uoluerit; corda Regum in manu Dei esse, confirmans. Huc pertinet C. Fabij in superstitione ueteri diligentia; qui nobis in nostra solida, ac uera, exemplo deberet esse. Is, ne diem sacrificio statam omitteret, in cliuum Quirinalem, e Capitolio, a Gal- lis obfesso, per in medios hostes penetrauit, manu sacra ferens. Ceterum uanastanti Viri conatus. Longe laudabilior Gótfredus Boļeonius, Lotharingiorum Dux, qui, praemisso Salutis nostrae uexillo, priuatā pecūnia, triennium in barbara; remotissimaq. regione Syriae, ac Palaestinae posuerat. Quo eodem studio compulsi sunt Conradus Imp. ac Lodouicus Sextus Gallorum Rex, qui, dum domi omni rerum copia abundarent, non dubitarunt, ut Catholicam religionem propagarent, Damascū usque penetrāre. Ut igitur ad proelia ueniamus ab Alphonso gesta, in quibus ut erat acerrimus, sic a bello, quarumcumque iniuriarum oblitus, totum se lenitati dabat. Hunc, cum ab Hispania in Cynum uenisset, ubi urbem, Bonifacium nomine, oppugnabat, Ioāna, quae, Ladislao fratre extincto, ab Andegauenſibus uim factam sustinere non poterat, rerum suarum defensorem accersit. Aduolat Alphonſus magno exercitu, ex Cyni faucibus adoptatur in filium; cōsors fit Diadematis Regij. Verum, ut est muliebre ingenium uarium, ac mobilis semper femina, Alphonſo repudiato, Renatum, Andegauenſium filium, paullo post in filium uocat. Interim Alphonſus ex exilio maiorem gloriā refert. Tuneti Regem tributarium facit, in Mauritaniam reuersus, Africanam classem

depraedatur, & aduersus Scythas, Georgio Castriota duce, & arma, & pecunias exponit. Quibus externis bellis hanc etiam lauream addidit, ut Vrbe Neapoli per aquaeductum capta, consensu eorum procerum, Rex esset acclamatus. Quod sceptrum eo potissimum nomine uidetur fuisse consecutus, quod is fuit clementissimus. sic enim in ueteri quodam uolumine legi, in clementiam Alphonſi Regis: quem hunc ipsum esse ut suspicor, ita carminis plane suauis auctorem ignoro:

Idylus inuolucres matri seruabat alumnos,

Ediderat fetu quos Philomela pari.

Principis hos postquam uidit clementia captos,

Restituit matri pignora cara suae.

Ditibi non aliter dent, clementissime Regum,

Ciuihus ut reddas dulcia tecta suis.

Hac rerum gestarum gloria, uictis post Senensibus, ac Florentinis, ad Etruriae Principatum penetrasset, nisi satis putasset id Regnum Philosopho. Solebat enim is ab armorum strepitu ad suauissimum bonarum litterarum studium, ueluti in portum pacatissimum, sese recipere. Horum plane Regum gloria illustris, qui inter arma litteras tractarunt, easdēq. studiose fouerunt, perpetuis Scriptorū monuimentis commendanda esset. P. Cornelius Scipio Polybium, ac Panaetium, non modo domi aluit; sed etiam militiae socios iste uoluit; cum quo merito Hannibal a Plutarcho comparatus est. Alexander Magnus, rebus publicis intentus, Homeri lectione Regias curas leniens, cum Thebas solo aequandas statuisset, Pinđari familiae, eiusq. penatibus pepercit. Vespasianus, ingeniorum, & artium praeclarissimarum, liberali Caesarū emulatione, patrocinio suscepto, primus e Fisco Latinis, Graecisque oratoribus bismille & quingentos aureos in stipendia contulit. M. Antoninus Pius nobilibus disciplinis ita deditus fuit, ut cognomento Philosophus diceretur, ac, postquam ad imperiū euectus est, professores artium publice audire, & eorum disputationibus interesse uoluerit; ac Rhetoribus, ac Philosophis non solū stipendia, uerum etiam honores, ac prouincias decreuerit. Athenas profectus, omnium disciplinarū magistros, habito delectu, instituit, anhuīs stipendiis ex publico assignatis. At Alphonſus, studia grauiora sectatus, eam adamauit sapientiam, quam unam, ceteris rebus contemptis, exquiserat adolescens Hebraeus, quā-

que Regio toro assidere uoluit. Haec enim est castissima illa simul, & pulcherrima Sunamitis, cuius unius complexibus uice delectabatur sapientissimi filij sapientissimus pater. Haec est, per quam Principes imperant, & potentes decernunt iustitiam. Is locos humanae, diuinaeq. scientiae ita tractabat, ut non e Martis castris exstitisse, cum interim ita in bello se gereret, ut non nisi in armis uersatus fuisse uideretur. Hinc illa inusitata, & a paucis ad amata patentis uoluminis insignia; quibus se confirmabat meliorem consultorem habere neminem. Hinc illa tam uaria doctrinarum lumina, quibus eius aula, ueluti caelum sideribus, collucebat; quorum fama ut celebris est, ita non debuit praeteriri memoria Timothei Mafaei, Archiepiscopi Rhacusini, quem tanta caritate complexus est Rex, ut Archiepiscopum Neapolitanum esse uoluerit: quem gradum honoris clarissimum cum is recusasset, iussus est a Paulo Secundo Pont. Max. Rhacusam pari imperio proficisci, ut finitimas prouincias, probata saepius in haereticorum peruiacia domanda uirtute, in fide, ac religione instrueret, ac retineret. Neque silebunt posteri Giraldinum, Ameria, peruetusta ciuitate Umbriae, oriundum, qui in Regis aula inter uiros eruditos habitus est. Denique Alphonsus ab his terris, magna sui nominis fama relictâ, abscedit, V. Kal. Quint. annorū sexaginta sex, a reparata salute. Millesimo quadringentesimo quinquagesimo octauo.




ANDREAS . AVRIA



NDREAS Auria, maritimae disciplinae peritissimus, una cum aliis Genuensibus, ciuibus suis, sub Federico Fregoso, Archiepiscopo Salernitano, pluribus triremibus instructis, aduersus tunc temporis piratas, mare ingressus, ad Bisertam classem diripit, captiuosq. plurimos ex nostris in libertatem restituit. Adiacet Biserta piscosi stagni faucibus, per quas subiectum mare statis suis aestibus irrumpit, & infusum aquae dulci sensim emittitur, efficitq. portum uel amplis nauibus percommodum. Inde praeteruectus Vticam, & Carthaginis promontorium, eius turrem, atque munitionem, quam nostri Golettam uocant, expugnat. Hinc, Gerba, seu Lotophagite adnauigata, in Africano litore, pluribus illatis damnis, uictor in patriam reuertitur. Rursus, per mare Tyrrhenum piratas infecutus, ad Parthenopem insulam, simulata per dolum fuga, hostem circumuenit. Post a Rege Galliae maritimae classi praeficitur. Id enim significat apud eas gentes dignitas Thalassiarchi, uulgo Admiralijs. Tum eques S. Michaelis creatur; atque, adiuncto Philippo Auria, & Rentio Ceri, nobili Duce, Neapolim uersus adnauigans, Vastium, ac Columnenses Principes captos, cum magno pretio redemptos liberans, ad Imperatorem se se conuertit. Facta inter summos proceres pace, impetrataq. ab Imp. classe, qua Ahenobarbum insequeretur, ad insulas Baleares expugnato promontorio, octingentos captiuos ex nostris, qui misere in catenis erant, uitae, ac suis reddit. Deinde Coronem expugnare constituit. Id est opidum in pelagus porrectum, quod magna ex parte maris fluctibus alluitur, atque a mari recedens, sensimq. sese attollens, perpetuo saxo in oenia imposita ad trianguli formam efficit. Auria, terram, mariq. explorato loci situ, cohortantibusq. maxime Graecis, qui ad nostros e suburbanis aedificijs cupidissime transierant, proiectis in litus sub muro anchoris, postibusq. constratis, quibus clypeatae cohortes procurrerent, expugnatur, Hispanorum ibidem praesidio constituto, Graecisq. in fidem receptis. Hinc ad oppugnandum Patras iterum ad ita Zacyntho, cum classe descendit. Sine uulnere paene capta Vrbe, saluo seminarum pudore, in Aetoliam

ut eos trahere permitteret, imbellis turbae misericordia adductus
 pius Imperator. Inter alás militum utrimque extensa trium fer-
 me millium capita pertransierunt. Vbi cum nonnulli petulantius
 feminas attrectare ausi essent, extéplo alij suspensi, alij iugulati,
 impudicitiae poenas dederunt. Dilebat enim sapientissimus
 Imperator, Christianos ita uti debere uictoria, ut barbari huma-
 nitatem in nostris agnoscerent. In quo eo magis ad omnem mo-
 destiam mentes componere par est, quod id, leuissimum sane, ita
 nocere solet & nobis, & alijs exemplo, ut iuuare potest maxime,
 cum a religione nostra remoti homines apud nos nihil, nisi iu-
 stum, nihil, nisi purum, non sine admiratione, intuentur. Per multa
 quidem gessisse dicitur Alexander Magnus furiose; uerum eorú
 maculá absterfisse uisum est illud unú, quod a Darij mulieribus
 captiuis non modo abstinuit, sed etiam easdem honeste domum
 reduci iussit. Praestat autem maxime in Principe exemplum. Ne
 ab Alexandro discedam, & aliunde ducatur argumentum, Vel
 aquam porrectam sibi in summa siti respuit, ne ceteros milites
 traheret in exépulum. Didam, ut res gesta est. Is loca deserta Susi-
 tanorum intrauerat, nocturno itinere exercitum ducens. Aqua-
 rum paenuria, prius desperatione, quam desiderio bibendi, sitim
 accenderat. Per quadraginta spatia ne modicus quidem humor
 exstabat, arenas uapore aestiui Solis accendente. quae ubi fla-
 grare coeperant, non secus, quam continuanti incendio, cuncta
 torrebantur. Itaque primum animi, deinde corpora deficere coe-
 perunt. Pigeat & consistere, & progredi. Pauci, a peritis regio-
 nis admoniti, praeparant aquam. Haec paullisper repressit sitim.
 Deinde, crescente aestu, rursus desiderium humoris accensum
 est. Anxium Regem tátis malis circumfusi amici, ut meminissent
 sui, orabant: animi sui magnitudinem unicum remedium defi-
 cientis exercitus esse. ex ijs, qui praecesserant ad capiendum lo-
 cum, castris duo occurrunt, utribus aquam gestantes, ut filiis suis,
 quos in eodem agmine esse, & aegre pati sitim non ignorabát,
 subuenirent. Hi, cum in Regem incidissent; alter ex ijs, utre reso-
 luto, uas, quod simul ferebat, implet, porrigens Regi. ille accipit.
 Percunctatus, quibus aquam portarent, filijs ferre, cognoscit.
 Tunc poculo pleno, sicut oblatum est, reddito, Nec solus, inquit,
 bibere sustineo, nec tam exiguum diuidere omnibus possum.
 Vos currite, & liberis uestris, quod propter illos attulistis, date.

Haec Regis continentia. Haec milites accendit ad magna. Cum uero is, de quo dicebamus, Auria ad Naupacti sinus angustias deuectus esset, post multa gesta uocatur a Carolo in Bracatam Galliam, siue Narbonensem. Inde Auria ad cohibendum Solymani furorem sese in mare Ionium effudit, captis ad promontorium Cassiopeum triremibus duodecim. Tum Imperatorem Niceam deuehit, ubi Summus Pont. ac Rex Galliae de rebus grauiissimis consilium iniere. Paulo post, fugae notam, Neocastri, & Africae ciuitatis expugnatione, diluit. Ac, postquam Cyrno gloriose ad suos reuersus est, perpetuus praedonum hostis, orae maritimae praesidium, caeli, nubiumq. spectator unicus, pater patriae, pulsis Gallis, excussoq. longae seruitutis iugo, eius domi natu repudiato, aeternae erga patriam munificentiae trophaeum tulit. Sancitur lex omnibus Decurionum suffragiis, ut Auriae statua, Colosseae magnitudinis, candido marmore, decernatur, ea inscriptione, ut Ciuis optimus, felicissimusq. uindex, atque auctor publicae libertatis uocaretur. Excessit, in summo & uitae, item & gloriae, cum attigisset annum nonagesimum tertium, a partu Virginis supra Millesimum quingentesimum & quinquagesimum nonum.



ANDREASSVS · CASTELLVS

S E N I O R



ANDREASSVS Castellus, cognomento Senior, ex antiquissima Umbriae, & omnium temporum nobilissima Castellorum familia, Interamnae Nahartium natus est, patre Ianotto, auo Andrea, cuius etiam nomen imitabatur. Eo tempore uigebat factio inter Guelfos & Gibellinos perniciosissima: & Guelfarum partium Auus & Pater Duces erant, qui etiam ex proditionibus alterius factionis Duce Braccio interiere. Ad cauendum insidias Andreassus plane puer, Amiternum ad Comitem Lalem Camponescum, filium Antoniucci, Regni Siciliae Magni Senescalci, & aui sui compatris, a suis amandatur. Ibi mansit usque ad illud tempus proelii, quo Braccius fractus quoque periit. De cuius exitu haec habentur. Is in acie quidem, dum boni Imperatoris omnia munia strenue obijt, atque iam in hostium exercitum illata signa peruaserant, a gregario milite in ipso gutture uulneratur. Rumor de caelo Imp. ut dissipatur, ardore bellandi remisso, desperataq. uictoria, funduntur numquam antea uicti Bracciani. Dux caedendo, ac resistendo plurimis uulneribus confossus, rapitur semimortuus: ac uictor, ex infima plebe ignotus ante id tempus homo, Imperatori imperat. Subducto intra tabernacula Braccio, acciti undique medici, qui, magnis propositis praemijs, nihil intentatum reliquerunt. Illi, uiuere cum posse, praedicunt. Iam triduum ab accepto uulnere supererat. Andreassus, tum adolescens quindecim annorum, uel circiter, alacer accurrit ad spectaculum, non immemor iniuriae suis illatae, ac, stylo e Chirurgi manibus extorto, cerebrum expiranti, ac suspiranti Braccio adhuc toruis, ac micantibus oculis intuenti transfodit, omnibus, qui aderant, in adolescente animum admirantibus. Quod mortis genus, ab aliis scriptoribus siue praetermissum, siue aliter narratum, Bernardinus Corius, Historiae, fidelis potius, quam ornatus scriptor, posteris testatum reliquit. Idem postea, fuso, & interempto Braccio, reuersus, in patrio solo, factionis Gibellinae magnam fecit stragem. Inde, ad uberiores mil-

litiae vsum adipiscendum, uariorum & summorum magnatum seruitijs sese addicit: ubi sic enituit, ut breui tempore ad omnes illic, non tam maiorum suorum splendori, quam propriae uirtutis merito debitos honorum gradus adscenderit. Malatestae, Principes Pisauenses, Ecclesiae bona inuasert. Ea recuperatum Summus Pontifex Eugenius Quartus per Io. Patriarcham Vitelleschum belli illius Imperatorem exercitum cogit: singulariter illuc euocato Andreaſſo. In qua expeditione receptis Pisauo & Senogalia, illius uirtus praecipue excelluit. Vrbe tum a Fortebraccio, & Columnensibus grauitur uexata, inter praecipuos exercituū ductores, a motum hostiles insultus, magna iam uirtutis laude celebris, euocatur. Vrbs liberatur: Columnensium dignitatis status imminuitur. Iacobus Vicus etiam, qui multa, beneficio Ecclesiae, bona possidebat, rebellis factus, capitur. Alia etiam Aemiliae loca, ab Guidantonio Manfredi, Domino Fauentiae, Nicolao Piccinino, & Brandolino occupata, tum recepta sunt. Proelio apud Frusinonem facto cum Antonio Pontadera, qui itidem magnam partem Ecclesiastici status inuasert, illoq. captiuo ducto, atque ad oleae arborem suspenso, omnia Ecclesiae dominia amissa Pontifici restituntur. Isabella, Regina Neapolitana, Renati Angioini uxor, cum a Pontifice aduersus Alphosum Aragoniae Regem auxilium expeteret, Andreaſſus ab illa nominatim postulatur. Cuius praecipuo consilio, & manu factum, ut Amiternum obsidione liberaretur, & hostes ex toto Aprutio eijcerentur. Non procul inde Princeps Tarentinus, qui exercitum Alfonsi ductabat, proelio uictus, in eius & Vitelleschi potestatem redigitur. Illinc uis mouetur in Corradum Trincium Principem Fulginatensem, Castello quidem potius sanguine, quam amicitia iunctum: & is ad restituendum opidum adigitur. Et, quamuis ipse Corradus significaret, sponte ipsi Andreaſſo id restituendum fuisse, tamen in arcem Surianam abductus illic mori cogitur. Implacabili etenim illius odio Castellus flagrabat; quod, sanguinis iure, & necessitate neglectis, Braccianorum, Castellensis familiae infensissimorum hostium, partes secutus esset. Praeteruectus Antonius Rido Hadrianum Pontem, Vitelleschum uultu composito salutauerat, pedes equitem comitabatur, molliter habenas tractans, ac de tormentorum restauratione uerba producens, cum dato signo cataracta demittitur.

titur, quae extremum pontis caput excludebat. Circumsistunt satellites. Ille, equo incitato, incuruoq. gladio, quo, militari more, cinctus erat, in Antonium irruens, falcato hostilis unco sistitur. Huius ad latus Andreassus Castellus stricto gladio frustra conatus Vitelleschum eripere: m^o ad motis calcaribus altera parte pontis, quae Romam spectat, catenam supergressus, ac paullo post in ipsa fuga comprehensus ob honestae defensionis titulum a Compatre arcis praefecto militari ueste pretiosis gemmis intertexta donatus fuisse dicitur. Ab Italia, in Galliam deinde profectus, e ludicris illis concursationibus, & belli simulacro, cuius erat in regionibus illis singularis gloria, tandem exclusus est, quasi Graeco ostracismo, ob celebrem, maximaq. laudem saepius reportatam palmam: atque a Rege splendidioris specie honoris, donatus aurea torque, Ordini Militari S. Michaelis addicitur. Inde, in patriam reuersus, Interamn^a, uetus Romanorum municipium, pontibus, theatris, thermis, statuis, natali, ac cenotaphijs M. Cl. Taciti, ac M. Annij Floriani, clarissimorum Imperatorum, nobile, disciplina militari inter alios Andreassus illustrauit. Andreassus etiam sub militiae Ecclesiasticae summo Duce, Petro Aloysio Borgia, Duce Spoletano, militiam ordinauit: cuius etiam militiae plurimis in bellis Locutenens Generalis fuit; atque, ipso iubente, Viterbianam arcem exstruicurauit. Ad summam, in omnibus honorum bellicorum gradibus sui saeculi, ut honoratissimus, & summus, ita & in successibus rerum magnarum gestarum laudatissimus felicissimusq. semper habitus est. Dicitur in tormētis manuarijs, quae Archibufios, & Sclopetos etiam uocant, rotae aeneae, canis ita uocati, & filicis, apud Italos primus inuentor. Inuentum quidem bellum, & ingeniosum: an uero utile & probabile, non facile dixerim. Tandem Renatus Angioinus, Rex Neapolitanus, in recuperatione Regni, eius praecipua opera usus est: in quo statim ab illo Magnus Contestabilis creatur: sed Regis istud quidquid erat uel ornamenti, uel subsidij, propter illius e Regno per uim Aragonensium alteram expulsionem, infeliciter cecidit. Extremo suae aetatis tempore, quamuis singulari praestantia corporis, acumine ingenij, experientia rei militaris, honore titulorum, multitudine triumphorum famosissimus esset, non tamen ea illi merces erat, quam uetusta generis nobilitas, atque propriae uirtutis merita requirebant. Hinc, quod tali in seruitio perditos

uideret suos labores, totumq. aetatis suae tempus, non sine maxi-
mo facultatum suarum detrimento, usus est per iocum in crista
insignium suorum Candelā accensa, hac inscriptione: *Alijs in
seruiendo consumor*. Decessit omnium cognatorum, amicorum,
vicinarum urbium, tum militum hominū illius temporis, tam-
quam sui patris, maximo cum dolore, & luctu. Sepelitur Interam-
nae, ad S. Francisci, sepulcro praealto, & magno, more maiorum,
iustis magnificis, trophaeis ibidem erectis, Militibus, Prioribus,
Vniuersis Ciuitatis Magistratibus comitantibus. sequentiq. in-
scriptione ornata fuit eius memoria.

A N D R E A S S O . C A S T E L L O

S . E C C L . B A R O N I

REGNI . NEAPOLIS . MAGNO . CONTESTABILI
AC . S . MICHAELIS . MILITI . TORQVATO
QVI . FVIT . STATVRA . MAGNVS . FACIE . FORMOSVS
INGENIO . AC . VIRIBVS . SERTORII . PRAEDITVS
ET . IN . QVO . CONFLICTV . ADFVIT
EGREGIE . SEMPER . AC . FELICITER . DIMICAVIT
EX . AVCTORITATE . PVBLICA
CIVI . CLARISS . OPT . MERENTI
GRATA . PATRIA . POSVIT
VIXIT . ANNOS . LXXXI
OBIIT . A . D . M . CCCCLXXXVIII
DIE . XVI . SEPTEMBRIS

Erat statura septem pedibus altior: ad spectu hostibus formi-
dabili; eo tamen, ut non potuerit aestimari non grauis. Crines
erant flauī; color corporis inter album & purpureum medius. Iu-
diciū illi altum; animus uastus, & dominandi cupidissimus; er-
ga milites magnificus. Vixit longissime, sine ulla corporis, quae
alicuius momenti esset, infirmitate; robustissimus etiam ad
uitae exitum usque: uigorem uultu ipsum praesefe-
rens, ut mediae aetatis uir semper putare-
tur. Celeberrimi semper fuit nomi-
nis, & equestris ordinis il-
lius temporis nobi-
lissimus.

ANGELVS . SANVITALIS



ANGELVS Sanvitalis, a teneris annis ad bellam laudē natus, in ea ita se exercuit adolescēs, ut una cum Braccio partae Bononiae palmam tulerit anno a natali Domini Millesimo quadringentesimo uigesimo. Deinde uero in Amiterni obsidione Millesimo quadringentesimo uigesimo quarto, defuncto Braccio, eiusdemq. quasi quodam fulmine dissecto exercitu, oppugnante potissimum Summo Pontifice, Angelus, qui inter paucos superfuerat, ad Leonellum Atestinum se cōuertit. Hic, patriae amore succensus, nobilium adhibito consilio, statuit, a Picinino auxilia imploranda esse, a quo ille, ut Braccij sororis filio, fuerat ad amatus. Aduolat ad Tarum fluium Picininus phalange ingēti equitum, peditumque; ac, ut tulit occasio, iunctis una cum Parmēsis copijs, cum Angelus mille & octingentis equitibus praecesset, ante quam uel de aduentu quidem suspicaretur hostis, partim attritus, partim in fugam coniectus est. Icto deinde cum Veneris, una cum Francisco Sfortia, foedere, Leonellus Atestinus Angelum, ac Parmenses ipsos ad Sfortiam castra traducit. Exstare dicuntur communis consensionis in monumentis notata capita. Inter cetera Sfortia centum quinquaginta cataphractis Angeli nomine aes castrēse persoluit: patrio solo exfules restituit, atque opidorum eius familiae se patronum futurum profitetur. Quamquam, ut rerum humanarum fert uarietas, et causae suboriri solent inexpectatae, praeter spem, & opinionem, a Sfortia de militum praefinito numero detractum fuisset, Angelus aegre ferens, ab eo se ad Leonellum recepit, quem unicum consiliorum suorum auctorem sibi delegerat. Nec minus Frācisus, Iacobi Picinini frater, deserto Sfortia, cum tribus milibus equitum Mediolanum contendit. His Sfortia commotus, depopulari coeperat omnia, quae in agro Placentino antea a Picinini tenebantur. Angelus uero Ferraria ad Fontanellatum familiae opidum uenit: inde Florentiolum praesidijs firmat, defenditq. acriter pro Picinini spatio dierum quadraginta. Hinc saepe in campum egressus, cum hominibus eius loci, pluribus excursionibus eam praeclaram addidit uictoriam, cum castrum Casa-

dei, ut est in Chronicis Placentinis, igne cremavit. Verum diu sustinere non potuit. Enimvero nihil obsessis fame perniciosius, ob quam neque a filiis matres abstinuerunt; ac propterea Romani dicerent, in obsidione Hierosolymitana cum parētes non modo filij tostis carnibus uelcerentur, sed alios ad opiparum conuiuū inuitarēt, ignorare se, an cū hominibus, an cum feris pugnarent, cum his etiam crudeliores uiderentur, quae a filiorum pastu abstinerent. Arma, armis, & consilio retunduntur; at in ediam nulli aggeres, nullae fossae, nulla propugnacula depellere possunt. Hac dominante franguntur uires, atque ita debilitantur, ut non modo ad resistendum, sed ne ad sustinendum quidem satis esse uideantur. Res eo denique redacta est, ut ex necessitate decus astutia militari retulerit. Is enim, mira arte sub noctem cum suis obsidione relicta, se Picinino adiunxit. Intererea rursus tumultus Parmenses excitabantur. Ad quos sedandos missus a Picinino Angelus, in bello diuturno eius regionis, multa, eaq. praeclara gessit. Hoc tēpore Nicolai Pont. auctoritate pace facta inter oēs Italiae Principes, Angelus Millesimo quadringētesimo quinquagesimo quarto reparatae salutis meruit Reip. Venetae stipendia, dux quadringentorū cataphractorū equitum creatus. In quo munere talem se praestitit, qualē eius nobilitas, atque animi magnitudo pollicebantur. Cuius exemplo Octavius, in Geneuensi bello hostibus erepto uexillo, in ipso uirtutis conatu, humano spreto triumpho, aeternitatis palmam & meritis, & consecutus est. Ad sepulcrum ego tanti ducis hoc carmen addidi:


Octauī, Allobrogum in campis pietatis honore

Dum ingens, insuetum gloria anhelat iter,

Occidis: at mille exsuuias in marmore fulgens

Vexillum superat. cetera fama silet.

Decessit Angelus inter alios eius Familiae clarissimos, a Christo nato Millesimo quadringētesimo sexagesimo.



ANNEVS . MEMORANTIVS



ANNEVS Memorantius, ab alijs Annas dictus, Franciscum I. Galliae Regem secutus, in Italiam cum exercitu penetrat. Est Papia ad Ticini fluminis ripas, qui modico inde intervallo gemino cornu in eam Urbem labitur, altero dumtaxat moenia irrigans. Hanc urbem Rex obsederat.

Eodem die, quo is castra metatus est, cum iam multum processisset diei, Memorantius cum delectissimo peditatu pontem, qui Ticinum iungit, magno impetu aggressus, multis caesis, reliquos in fugam uertit. Postridie suburbana, quae trans flumen ad alterum pontis caput pertinebant, tanta ui inuadit, ut Antonius Leua, uir alioqui magni animi, perculsus fuisse feratur. Rex, non, nisi Papia expugnata, castra mouere statuerat, sperans fore, ut ea se fame deret. Verum, ut uarius est belli exitus, media in acie dimicans, cum cum ardor impelleret, ab hostibus rapitur. Non longe aberat Memorantius, qui pia mortis contemptu a protegendo Rege diuelli numquam potuit, cum omnium ducum gloriam in eo bello superasse dicatur, adeo imperatoriae, militarisque disciplinae munera omnia eo die numeris omnibus, ac partibus absoluerat. In eum subito praecipiti quasi torrente irruunt hostes. In his enim captiuis finis pugnae futurus credebatur. Hoc bello, ut existimo, Fonteius, uir fortissimus cecidit, cum Memorantio ceteris, ubicumque id acciderit, fuerat: quem extulit Bellaius, poeta Gallus, hoc carmine:

Dum patria uirtute fuit Memorantius Heros,

Inuidus hunc Mauors uidit, & erubuit.

Ergo Deus iuuenem caeco petit improbus ictu,

Quem texit clypeo Dia Minerva suo.

Astabat tum forte comes Fonteius: in illum

Decidit irati uis inimica Dei.


Felix, cui tantae concessa est copia mortis,

Et licuit domini fata subire sui.

Acceptae cladis nuntius Galliam perculit. Mittuntur Regij liberi obsides paternae libertatis. E carcere emissus Memorantius, cum in Italia Rex rediret, primum agmē ducebat una cum Hen-

rico Delphino: quo nomine Principem, Regniq. successorē Galli appellant. Idem carus Regi mittitur numerandis duodecies cētenis mill. aureorum. Kal. Quinct. prima luce occasionem nactus ad ripas Alduniae fluuij constitit in finibus Gallicae, Hispanicaeq. ditionis. Simul ac appensum, numeratumq. est aurum purum, Regulos incitato nauigio, cuius usus ad motum expeditior erat, auexit, & quasi noua regionibus illis, ac renascentia sidera reddidit: Gallia, in locos effusa, domestica, externaq. pace, lacta tristibus, ut res humanae sunt, miscet, gaudijq. extrema nouus luctus occupat. Nam Lodouica Regis parens, magni consilij femina, eo ipso tempore e uiuis excessit. Interea Memorantius Carolū V. Imp. salutat, eidemq. non modo liberum, sed etiam honorificum per Galliae fines aditum praestat. Peruaserat Parisios usque non falsus rumor, Caesarem passim expugnatis opidis uictorem appropinquare, tanta omnium perturbatione, ut Vrbs totius Europae amplissima, & copiosissima, in summa esset trepidatione. Iam incolae turmatim per Sequanam fuga sibi, suisq. consulebāt. Nemo ex indigenis Gallis arma capere ausus, ut patrios lares ab aduētantis hostis iniuria discederent. Itaque, solum qui per gymnasia liberalibus studiis operam dabant, arma sumpserant, praebente se eis ducem Caracciolo, Sergiani, Melphitani Reguli, filio, qui unus erat ex Scholasticis Parisiensibus. Is, uti militari patre genitus, armata manu studiosae iuuentutis, eaq. in cohortes digesta, tamen impar sustinendis hostibus uideretur: hoc nouo, & inusitato armatorum subsidio populus confirmatus, (tantum potuit unius Itali uirtus) fugam repressit. Ex quo patet, Franciscum Regem, dum studia litterarum fouet, non modo Galliam ornasse, sed inusitata arte defendisse. Postea pacis leges in tabulis descriptae, hinc atque inde, modo ad Caesarem, modo ad Regem eo usque delatae sunt, donec, consentiente utriusque uoluntate, & Caesar, & Franciscus condicionibus subscripserūt, quae pari utrimque laetitia susceptae sunt. Ceterum Franciscus, decumbens, cum uitae finem praesentiret, postquam se Christiano ritu religiose a delictis expiauit, Henrico fil. pietatē in primis commendauit. Ante quam haec gererentur, factum fuerat quorundam uasfro consilio, ut a Francisci gratia decideret Memorantius: quo tamen defuncto, ab Henrico Regiae beneuolentiae restitutus, cum multa praecclare gessisset in obsidione Came-

racens, ceterisq. Belgicis obsidionibus, singulari rei militaris gloria, spectante Galliae nobilitate, in summo morem mire exculta, Magister equitum est designatus. Id nimirum saepe conantur maleuoli, ut, cuius ruinam quaerunt, eiusdem decus extollant, sublatumq. in altum pertimescant. Hoc tempore uigebat in Gallia pietas, quaestionibus de pollutis sacris decretis, contra impios quosdam, qui nidulum sibi indigni hominum congressu substruxerant. His Geneva Allobrogum perfugium fuit, quae pridem Romani Pont. iugum excusserat, & Petro a Bauma uiro clariss. cuius ad hunc usque diem seruant peruetusta insignia, eius loci Episcopo, deturbato, qui ita se acrem Orthodoxae fidei defensorem exhibuerat, in ea miseranda sacrarum euerfione, ut sacro Cardinalium Collegio merito paullo post fuerit adnumeratus. Mirum narrant. Io. Andreas, eius loci primarius, ut aliquod despectae religionis specimen daret, Senatui auctor fuit, ut, quae tabula marmorea in ara maxima fuerat, ad carnificinam adhiberetur. Sic sane, quidquid est apud hos sanctum, illis est execrabile. Fuit consilium consultori pessimum. Diuinae plane ultionis exemplum breui decretum factum in consultoris caput recidit. Nam sceleris conuictus primus sacratissimum lapidem taetro sanguine perfudit. At Memorantius is, de quo loquimur, pro cui Elogium iure adscripsimus, omni memoria dignissimus, egregio Regi suo nauata opera, in incredibili totius Galliae desiderio, & lacrymis, ex hac mortalitate excedens, ad aeternam uitam sibi uiam fecit, Anno a Deipara Virgine Millesimo quingentesimo



ANTONIVS. LEVA



ANTONIVS Leua adhuc adolescens ex Cantabria, Hispaniae militum ferocissima provincia, in Italiam venit, Millesimo quingentesimo secundo, quo tēpore equestri alae a patruo praefectus est. Interfuerat is Rauennatum bello sub Cardone: idemq. ad Papiæ defensionem cum quattuor millibus peditum uenerat contra Gallos. In hac obsidione plane probata est, si umquam antea, uirtus Leuae. Coactus est cudere ex argenteis uasis nummum, hac inscriptione, CAESARIANI. PAPIAE. OBSESSI. M.D.XXIV. Praeterea, cum Germani stipendio efflagitarent, minitarenturque, ciuitatem hosti tradere, per litteras Daualum ea de re certiore fecit, qui tunc temporis ad Laudem Pompeiam confederat. Daualus, & Moronus, quibus eius uictoriae maior cura inerat, cum nec praesentem haberent pecuniam, nec quidem, si haberent, possent eo tempore Papiam deportare, sic uasre statuerunt. Deligunt homines duos, fide, & industria singulari, qui cum equis uino onustis conferant sese in castra Regia, tria. q. millia aureorum in cadis occluderent. Illi eam in partem flexerunt iter, qua propior erat ad urbem accessus; ibiq. tabernaculum figūt, tamquam uinum ex taberna uendituri. Interea litteris, ignotis characteribus notatis, Antonius Leua in Vrbe de tota re edocetur. Ille, unde signum datum fuerat, complures milites ad leue proelium emittit. Dum in Castris ad arma conclamatur, tabernaculaq. loco suo tolluntur, simulato hostium meru, alter ex iis, qui deferendae in Urbem pecuniae prouinciam sumpserat, effracto cado, acceptaq. madente pecunia, inter tumultum elapsus, Papiā ingreditur, & ad Antonium Leuam adductus, significat, allatam pecuniam, si non quantum Germani optassent, certe quantum dum, qui foris erant, illis satisfaciendi studium patiebatur. Hoc astu Germani, numquam amplius conquesti, uictoriam obsessi reportarunt. Inuentum Hieronymo Morono tribuitur. Is enim erat callidi ingenij, etiam indagandis hominū consilijs perspicax. Hic Rex Gallorum, magno equitum cataphractorum numero stipatus, dum suos a fuga cōpellere enititur, equo grauiter icto, a Caesarianis

farianis capitur, statimq. Lanoius, qui casu eo aduenerat, corporis proceritatem, & armorum pulchritudinem admiratus, iam se, qui esset, palam ferentem in potestatem recipit. Eodem tempore Antonius Leua, cum Germano peditatu Papiam egressus, Gallos a tergo caedebat, donec, fuga undique capta, nemo amplius e tanto exercitu resistere auderet. Ceciderunt in ea pugna, partim ferro, partim fuga, Ticino submersi, ex Gallorum exercitu, supra octo hominum millia, eq. primoribus totius Galliae circiter uiginti, inter quos magnus scutifer Galliae, ac magister equitum numerati sunt; ex Caesarianis uix septingentis desideratis; quorum e ducibus nemo, praeter quam Fernandus Castriota, in acie occisus est. Tantum praedae, tum ex castrorum direptione, tum e captiuis congersisse feruntur Hispani, ut, praeter summam laudem, & gloriam partam, potentissimo Rege capto, eiusdemq. deletis copiis, ac recuperato imperio Mediolanensi, nulli umquam in Italiam milites ditiores effecti sint. Cum uero ad Laudem Pompeiam Leua traduxisset exercitum, Franciscus Sfortia, qui ob aduersam ualeitudinem bello interesse non poterat, Io. Paullum fratrem cum duodecim peditum cohortibus reliquerat. Vix a Caesarianis circumfessa fuerat ciuitas, cum Leua ferialem una cum tibicine ad poscendam Urbem, uti Caesari debitam, mittit. Ad ea Sfortia respondit, ab ipsomet Antonio Leua, dum Papiam tueretur, didicisse se, quam decorum sit, hostium minis non terreri. Cupidus Leua ostentandae militum suorum uirtutis, post quassata machinis bellicis aliquandiu moenia, Hispanos, quorum uirtuti plurimum confidebat, ad murum, qua maiorem ruinam fecerat, praemit. Hi, scutis ingentibus tecti, subsequētibz sclopettariis, signa inferre intra Urbem, propugnatores e muris deicere, suisq. adiutum aperire, quam maxime nituntur. Contra, Insu-bres, praeter plumbeas, ac ferreas pilas, quas tormentis emittebant, saxa, ac fudes in Caesarianos deicere. Cum supra horā tertiam atrociter pugnatum esset, nox inaequali iactura proelium diremit. Post recessum Ducis Brunswicensis, cum summa rerum ad Leuam redisset, relicta iam dudum Laudensis Urbis obsidione, Marignani castrametatur. Longum esset omnia persequi. Is, uel sola lectica inuectus, acies hostium saepe fudit, unde, quasi e specula, naucleus uigilantissimus, totius exercitus gubernacula dirigebat, cum uniuersae Insu-briae praefectus est. Increbuerat interim rumor,

Turcam magnis uiribus Viennae moliri exitium, paucorumq.
dierum itinere abesse. Carolus, Ratisbona soluens, per Danubiū
illapsus, in Germaniam uenit. Omnium remedium aeruminarum
Germani in eo uno collocāt. Ex Italia uenit Antonius Leua, qui
inter ueterani robora exercitus Vrbi praeficitur. At barbarus, uix
conspēctis Christiani nominis Urbibus, animo concidit. Vigila-
bat enim superni numinis acquitas, quae labantibus pijs praesto
esse solet. Ille, pestilentia pluribus ex suis occisis, equis permuta-
tis, uelox sese ab adspēctū Germaniae subduxit, nulla re amplius
memorabili gesta. Expugnato denique Tuneto, Leua auctore
Caesare eundem in Prouinciam ad Galliam expugnandam ad-
duxerat; cuius intolerandi totius corporis, omniumq. prope ar-
tuum dolores, ita animum Leuae fatigabant, ut uiribus elisis ad
communem huius nostrae mortalitatis finem pertraherent. Ad
aquas Sextas, in castris, annum natus quinquagesimum sextum,
CIC. ID. XXXVI. humanae salutis occidit. Inde in Italiam ad
templum S. Dionysij penes Mediolanum insigni sepulcro condi-
tus, relicto alio, quod uiuens sibi destinauerat apud Lutetiam
Dionysiano in templo, addito elogio, huius uitae exitus non igna-
tus. Cui ego id addidi:

*Nobilis hexaphoro uehitur: non arma mouere,
Non castra, aut manibus proelia Leua potest.
Mente uiget sola, pugnat sine corpore: in hostem
Praecedit miles, subsequiturq. ducem.
Mirandum, si non Leuae resonantia tela
In cinere extincto Gallia tota tremat.*



ARANVS. CYBO




ARANVS Cybo, quem alij Aaronem, Franciscus Maria Cybo uates insignis Aruntem, ab ipso sacro fonte, quo infans Christiano ritu ablutus est a patre Mauricio appellatum tradunt historici, prudentissimus idem fuit, ac fortissimus.

Frontis honos, atque oculi indices animi in rebus agendis singularem integritatem praefecerunt. Et uero naturae dona, atque insignia peruerustae Familiae superauit Aranvs, effecitque, ut plus illi uirtus, quam maiores sui ornamenti addidisse uideretur. Nos summa attingemus maturioris aetatis, eaquodumtaxat, quae apud exteras gentes facta accepimus. Nam domestica & ea iuuentutis robora partim gloriae inimica obliuio silentio inuoluit, partim ueterum annaliū monumenta apud suos, historiae, idest uitae magistrae, studiosos asseruari non dubito. Annus uersabatur a Christo nato Millesimus quadringentesimus quadragesimus, cum a Repub. Genuensi cum classe ad Neapolis subsidia mittitur, dum inter Renatum, & Alphonsum de Principatu dimicaretur. Nam Ioanna Regina Andegauensium partium ducem, ipsumque. prouinciae Narbonensis Regem, peracerbis latis offensionibus, nouo adoptionis iure, ad Alphonsi contumeliā; in Regnum euocarat. Vbi Urbem attigit Aranvs, incredibili laetitia excipitur. In eo bello omnia, quae a summo duce munera postulantur, ea fortissime praestitit, usque eo, ut Renatus, Neapoli potitus, cum Pro rege haberi uoluerit. In potestate amplissima constitutus nihil habuit antiquius, quam iustitiam retinere. Cum uero summa fide omnia administrasset, retulita Rege insigne Paonem, symbolo Gallicis litteris expresso, quod Latine sonat, sidera rebus omnibus praestare. Id, qui ex Familia secuti sunt, retinuerunt semper. Inter quos, Ligurum decus, & litterarum patronus unicus, Albericus Cybo, auita Familiae decora augere, & ornare non desistit: quem materna hereditate Marchionem Sacri Imperij Principem, Innocentij VII. pronepotem, ad Pedes Urbani VII. uix creatum item & ereptum exspectabamus: cui Pont. Max. a Deo Opt. Max. ad Ecclesiae suae gubernationem admirabili Patrum consensu electo, ut affinitate cōiunctus erat,

ita se Reip. Christianae defensorem, propugnatorem q. paratum copiose exponeret. Porro Fidelitatis symbolum, galeae Arani incisum, merito dignissimum fuit, ut ad perpetuam posterorum memoriam retineretur. Fides enim est sanctissimum humani pectoris bonum. Nulla haec necessitate ad fallendum cogitur, nullo corrumpitur praemio. Vre, inquit, caede, occide: non prodam; quia, quo magis secreta quaeret dolor, haec illa altius condet. Haec fundamentum iustitiae, haec dictorum, conuentorumq. constantia, ac ueritas, qua nihil uehementius Remp. continet, cum, sublata fide, nihil stabile restet, nihil firmum, aut diuturnum. Hâc amplexus Aranus unam maxime est. Cum enim triduanæ indutiae indiçtae essent, ac Neapolitani milites ad excidenda ligna uallis fuissent egressi, non nullos ex hostibus Viros nobiles captiuos in Urbem traxerunt. Id ut accepit Aranus, exclamauit, ius uiolari, fidem etiam hosti seruandam esse, restituendos captiuos: inique agi. Verum, cum nullum Rex nec precibus, nec monitionibus locum reliquisset, Aranus, collectis suis, armatus in Regiam uenit: ubi, se de reditu ad suos deliberasse, ait, deserturumq. omnia, nisi libertati restituerentur hostes, qui sub fide publica abducti fuerant. Itaque Rex, non ignarus, quantum sibi opus esset opera Ariani, eo laudato, captiuos amandauit. Belli exitus is fuit, ut Alphonso, Vrbe Neapoli per aquaeductum capta, Renatum amissis copiis, in arcem compulsum, regno deiiceret, ac Ioanna defuncta gloriosum triumphum duxerit. In ea pugna, cum Regis partes acrius tueretur, Aranus, uulneratus ab Alphonso, capitur, curatusq. diligentia plane Regia ad suos liber dimissus est. Hoc tempore Resp. Genuensis, ut foedus cum Alphonso iniret, Aranum misit: quod ille non sine magna difficultate, ut hoc genus negotiorum ferre solet, impetrauit. Ita uero se prudenter gessit, ut, licet aduersas partes, ut belli natura ferebat, secutus esset, a magno Alphonso, quem saepe armis laeferat, saepe in uitae discrimen adduxerat, honorifice, ac splendide in aula exciperetur iisdem honoribus, quibus a Renato ornatus fuerat; maiori etiam quadam beneuolentia, qui in eius fide tantum posuerit, ut se, suaq. illi omni genere liberalitatis crediderit. Paullo post Calisti Tertij Sum. Pont. creatione secuta, licet aetate grauis, tanti animi fuit, ut Deo omnipotenti uouerit, bellum se aduersus Orientis Tyrannum suscepturum. Vt autem, quod promi-

serat, re ipsa praestare posset, per uniuersam Europam concionatores transmissit, qui Christianos homines animaret; & quidquid facultatum, & opum haberent, ad tantam expeditionem conferrent. Alphonsus Rex, & Burgundiae Dux, Crucis signo suscepto, se quoque in hostem ituros, profitebantur. Haec dum foris parantur, ad urbanos tumultus sedandos, retinendosq. Romanos ciues in officio accersitur a Calisto Aranus. Quem hominem facile quidem petenti Pontifici concessit Alphonsus; aegre tamen uel ab eo diuelli, uel ipso absente Regnum suum regi posse arbitrabatur. Creatur difficillimis temporibus Senator Urbis a Pont. Max. quae dignitas illis saeculis maioris fuit honoris, & oneris, quam quis existimet. Argumentum esse potest eius integritatis Innocentij VIII. filij, cui nomen fuit Ioannes Baptista, post annum circiter trigessimum secuta creatio, ut, quam in patre Roma experta erat fidem, in filio non dubitaret. Simile scribunt historici de Honorio IV. Sabello Romano Pont. cuius pater Pandolphus Senator Urbis tantae seueritatis, ac iustitiae fuisse dicitur, ut, quoties Romani ciues Urbem purgare sicarijs statuissent, non alium Senatorem, quam Pandulphum, exposceret. Exortis Neapoli nouis tumultibus, a Rege reuocatur iisdem honorum gradibus: quasi eo absente Regnum suum stare non posset. Paulo post (uix enim ad Regem peruenerat) Capuae, morbo correptus, decedit, natus annum sexagesimum nonum, Millesimo quadringentesimo quinquagesimo septimo. Nos tumulum hunc Capuae effinximus:

*Hic, ubi Vultur nus placidis interfluit undis,
 Vrbisq. potens armis tollit in astra caput,
 Lumina in obscuram noctem sine uulnere Aranus
 Claudit, qui belli, & pacis amator erat.
 Illustri titulus, decorat quem Dardanus auctor,
 In patriam, ut pietas seruet, & una fides.*



ARIADENVS. AHENOBARBVS



ARIADENVS Ahenobarbus, a colore cogno-
 minatus, Mitylenis, in mari Aegeo, insula, oriun-
 dus, maritima classe insignis, Horuccio Fr. qui,
 in terrestri acie peritus, ad cubitum ferrea ma-
 nu alligata, cum Numidis perpetuis bellis se
 exercuerat, in Cirthae Iuliae Coloniae regno
 successit. Naualem pugnam secutus, huc atque illuc oberrans,
 collatis praedonū audacissimis, insignis archipirata, insulas om-
 nes Hispaniae, atque Italiae Mediterranei maris ad unum uexa-
 bat, Calabriam ingressus, Thebas Lucanas expugnat, nostrorū
 nauibus septem igne absumptis. Inde Procytham insulam, ac ea
 prope omnia litora ad Anxuris usque partes populabundus ad-
 nauigat. Hac arte piratica nomen sibi facit apud Solymanum, a
 quo classi praefectus, Muleassem, Tuneti Regē, societate simula-
 ta; sedibus suis depellit: quamquam non diu eo Regno potitus
 est. Muleasses, abscondito Tuneti auro, ex ulteriore Numidia,
 exiguo suorum comitatu, ad Caesaris castra confugit. Sedebat
 in sella Regia Caesar in medio Praetorio: admittitur Muleasses,
 suo cultu mitratus, cui lintea fascia a mento demissa guttur prae-
 cingebat; & tibiās talaris adornabat uestis, e serico uiridi, & cya-
 neo discolor. Erat is procera statura, subfusco vultu, planeq. ui-
 rili; sed oculorum acie ita immani, ut semper spectantes atrocius
 contueri uideretur. Quod uero mirandum fuit, ut in armis egre-
 gie exercitatus in aciem prodibat primus, ita perotium cum
 Philosophis de natura uniuersi, de motu caeli, influxuq. fide-
 rum, erudite, ex Auerrois disciplina, disputare solitus erat.
 Postquam exosculatus est Caesaris dexteram, tapete substrato
 humi, collectis crumibus, more patrio, sedens, per interpretē per-
 orauit. Huic Caesar copiose omnia pollicitus, Regia plane ho-
 spitalis munificentiae munera exhibuit. Apparatur paullo post
 classis: expediuntur auxilia expulso Regi. In conflictu tantam
 fuisse narrant glandium procellam, ut ante congressum trecenti
 amplius ex barbaris occiderint. Ariadenus, ira dentibus infren-
 dens, multisq. simul distractus curis, se ipso factus atrocior, ser-
 uos Christiani nominis, circumposito, atque incēso summotorio
 puluere.

uulnere, ad unum omnes in ergastulis cōcremasset, nisi Iudaeus
 Sinas ab execrabili consilio auerisset. Eugentem ad Hippo-
 nam Urbem, S. Augustini nomine celebrem, sequuntur dudem
 suum Furearum agmina. Interea Solymanus, de Italia per-
 turbanda cogitans, maritimae, classi hominem praefecit; quo
 auctore maxima, damna interit Iapygiae, ac Sallentinis. In
 Iapygia eius gentis nomine nia sunt promontoria; hic Caly-
 plo, ab Homero dicta Ogygia, hic Lacinium promontorium lu-
 nonis, hic patria Milonis Crotonatis caelo saluberrima, ut scri-
 bit Plin. lib. secundo hist. suae, cap. 98. Ex mihi retulit Audoe-
 nus Lodouicus Britannus, qui ut nobilissimus, idemq. religio-
 sissimus, non desistit eam fidei suae regionem creditam in fide
 instruere, exemplo promouere, ac salutaribus uerae doctri-
 nae praeceptis, quod est Episcopi munus insigne, ad pietatem
 accendere. Is mihi retulit, fama loci haberi, Tribifacij, Pom-
 ponij Laeti solo patrio, in ea Ahenobarbi ferocia ipsarum mu-
 lierum praecipue robur enituisse, quae non minorem laudem,
 quam uiri, in patriae defensione retulissent, eius facti insigni ad
 posteros commendata memoria. Fugatus igitur Ahenobar-
 bus, Isthmum Corinthiacum, ac Neocastrum in Dalmatia ex-
 pugnat; quo loco plurimi ex nostris forti animo gloriosi occi-
 derunt. Prope Nicopolim, ac Coreyram, licet inferiori classe,
 superior celebratus est; Alcriuius uero, siue Chizinio, Bembi ope-
 ra pulsus, in Galliam nauigat, cum Polino, Praefecto Regio, ad
 Nicaeae obsidionem. Tum, ad Illuam reuersus, ac Tyrrhenum
 mare excurrent, Tetamone portu in Etruria occupato, ueteres
 iniurias ulciscitur impius. Hinc Liparim, ac Puteolos diripit; cu-
 ius loci nobilissima monumenta praeter nauigās, sine laude prae-
 terire non possum:

Hic uires natura suas expressit, & auxit

Ars opus; eximius certat utrimque labor.

Ille homines miserata cauis e rupibus undam

Elicit, operatam qua trahat aeger opem.

Ars ueterum monumenta uirum, stagna, antra, lacusq.

Ostentat, uillas, templa, theatra, fora.

Ambarum claro tollit se gloria caelo.

Quid magis obstupeat, nescius hospes, abis;

E

Gloria

Gloria sed maior surgit tibi, candida Syren,

Quae gremio servas commoda tanta tuo.

Sed valeat tandem Ahenobarbus, atque hinc abeat, qui,
multis Italiae mari proximis regionibus direptis, triumphan-
tis more Byzantium ingressus, non multo post poenas tu-
lit. Is, ad patrum suorum apud Inferorum sedes ra-
ptus, in aeternos cruciatus decessit, anno post
Christum natum, cuius barbarus impie
alumnos fuerat infecutus, circiter

Millesimo quingentesimo
quadragésimo
quinto.



B A I A Z E T E S . I

TVRCARVM . TYRANNVS

BAIAZETES, Hildrin eorum lingua, Caeli fulgur, cognominatus, Solymano interempto, ne in Imperio aemulum haberet, Amurathis patris mortem ulturus, ad eum ipsum locum, ubi pater fuerat interfectus, Marco Bulgariae Principe, cum Seruianorum nobilitate, in pugna trucidato, praesidijs omnibus potitus est: inde, per Pannoniam, Epyrum, Mysiam, crudelissimis factis excursionibus, Christianos complures in Thraciam captiuos abduxit. Postea, subacta Graecia, Constantinopolim obsidione cingit. Quo tempore Reip. Christianae ex Oriente Imperator in Galliam confugere coactus a Carolo VII. impetrauit Ioannem Comitem Niuernensem, Burgundiae Ducis filium, quem nonnulli nobiles, ac leuis armaturae equites secuti sunt. Res minus feliciter nostris cesserunt; tamen maxima strages palantium Turcarum, qui exploratum uenerant, facta est. Geritur id proelium Millesimo trecentesimo nonagesimoquincto. Ex Gallis trecenti tantum equites, ob diuitem uestium ornatum, auara crudelitas ad pretium redemptionis reseruauerat. Verum Baiazetes inter tot seruitos Niuernensi Comiti Regia stirpe, qui paene nudus compaernerat, & aliis quinque, quos ipse elegisset, ceteris omnibus tetrico, ac turbato uultu ad unum necatis, dumtaxat pepercit. Inter hoc Buccicaldum, Galliae Marescalcum, Mag. castrorum, ut uocant, staturae giganteae, uix lacrymis impetrauit. Omnes ducentorum millium aurcorum pretio redempti sunt, quos Iacobus Mitylenaeus Princeps soluit. In exercitu Baiazetis plusquam trecenta hominum millia fuisse dicuntur, cuius alae curuatura ad Lunae speciem facta septem & ei amplius miliarium spatium occuparet. Hac potitus uictoria Tyrannus, ad Constantinopolitanam obsidionem reuersus, ueteres Graecorum delicias populabundus plane deleuit. Cuius criminis impius dignas poenas latroni non multo post luit. Interea Euphratem transgressus Tamerlanes, ut semper nouas sibi subiectas na-

tiones intueretur, utq. Emanuelem obsidione liberaret, Armeniam inuiferat, ut eius saeuitia territi indigenae Imperatorem ante salutarent, quam castra posuisset. Illuc quoque aduolauit Baiazetes. Constitit ad radices Stellae montis, cui ab Antirauro ei obuerso spatiosissima quaedam planities subiacer. Hic olim a Cn. Pompeio Mithridatem, magnum Ponti Regem, nocturno illo proelio profligatum tradunt. Hic deuota, & Asiae dominatu decertandum erat. Baiazetes hoc consilij ceperat, ut Celebinum, & Mustapham a pugna summoueret, ut, se perditio, superesset proles. Hi duo igitur praepotentes, & longe omnium generosissimi Reges, suos strenue cohortati milites, ad pugnam parati erant; ac, quasi de summa rerum dimicaturi, classicum exorssi, utrimque se incitarunt pari animorum alacritate. Diu decertatum est, incerto belli exitu, sicut anceps bellorum euentus pendere uideatur. Sed, qui iam diu infinitis prope usus fuerat proeliis secundis, uictor exsistit Tamerlanes. Hic conspiciatus aduersas copias, uexillis stratis partim caede, partim certando fessas, fractasque, minoremq. exercitus sui partem adhuc integris uiribus constare, sagittas expediri mandat. Contra Baiazetes, Scythicae disciplinae non ignarus, hinc peditum, inde equitum alis in cuneum instructis, in postrema parte triariis collocatis, ad sagittarum grandinem repellendam, inflexis peltis, iubet, capita praemuniri. Sed telorum effusus imber tantam stragem edidit, ut tota fere immensa illa planities sanguine redundarit, Euphratesq. maiore sanguinis quam aquarum ui ad mare Rubrum defluerit. Scythae pauci supererant, fuga sibi consulere faucij, in colles Armeniae se sepeceperant. Demum, inclinante Sole in occasum, captus est Baiazetes. Cuius rei nuntio allato ad Regiam, non solum Asia, sed etiam ij, quos numquam Tamerlanes aut bello lacessauerat, aut uiderat, ut Moscouitis, quos a Tartaris Rha fluuius perpetuo aquarum cursu dirimit, terrorem incusserit. Bis centena Tartarorum millia eo in proelio a Turcis caesa referuntur, Turcarum uero supra centum & quadraginta millia cecidere. Baiazetem captum, ut ad ipsum reuertar, Tamerlanes catenis aureis religatum in caueam per totam Asiam, Syriamq. circumduxit; quem prius exultantem Graecia uix continere potuerat. Non enim saturatus animus eius uidebatur Turcarum clade, nisi ab ipso Baiaze-

te poenas repeteret. Huius procumbentis tergo, equum con-
 scendens usus est. Prudenti uero tripodis ailiatus, instar canis
 ossa legebat. Reliquum uero tempus ferrea in cauea, bestiarum
 more, conclusus, admirandum rerum humanarum spectaculum
 edidit. Itaque Paiazetes, maerore confectus, mortem sibi
 met imprecabatur, ceruice pluribus ictibus ferreae ca-
 ueae clathris, contusa, illisoq. cerebro, quod
 regnum auitum opilioni relinqueret. De-
 nique illi mors ex his ad maiores mi-
 serias aditum fecit, quod sub Bo-
 nifacij Noni Pont. Max.

tempora referunt, cir-

ca annum a

Chri-

stiana sa-

lute Millesimo

trecentesimo nona-

gesimo septi-

mo.



BARTHOLOMAEVS

BERGOMAS



BARTHOLOMAEVS Bergomas, Paulo patre, propinquorum insidiis interempto, miser, ac profugus, Sfortiana, ac Bracciana castra secutus est. Is, postquam Philippo Vicecomiti adhaesit pluribus in proeliis, illi operam suam nauauit singulari fidei integritate; a quo nescio qua suspicione seuissima in carcerem coniectus est. Defuncto Philippo, cum se Mediolanenses in libertatem asseruissent, Gallorum Dux Alexandrinum agrum hostiliter uastabat. E uinculis dimittitur Bartholomaeus, ad libertatem, atque imperium. Ille in aciem inimicorum subito irrupit, ac, depraedatis tentoriis, Rainaldum, ducem exercitus, ea in uincula conijcit, in quibus ipse paullo ante fuerat. Tantum potest unius hominis deliberatio in rebus quantumuis desperatis. Sic circa Nau pactum uictores Peloponneses, Atheniensium classis declinata in altum soluens fuga cum hostes in maxima securitate nauigantes conspiceret, in stationem ita depulisse ferunt, ut ex hostibus quamplures occisi, non nulli capti, & ad triumphum reseruati sint. Ac Fabius alio in proelio seruos, qui in exercitu erant, in libertatem asserens, exitu belli commutato, Mirhridatem, multis suorum amissis, grauius saucius, e castris se subducere coegit. Postea Bergomas transtulit se ad Venetos. Ollium tranat, ut hostem ex Bergomati solo educat; & in agro Nouariensi ipsius exercitus ducem capriuum una cum quadringentis equitibus ducit. Cum uero Mediolanum obsedisset, numquam efficere potuit, cum tamen artificio militari polideret, ut hostem in conspectum euocaret. Tandem cum Sfortia pacem init Millesimo quadringentesimo quinquagesimo quarto. Is omnium prius dicitur per Galliam Togatam Florentinorum exsulum bello flagrantem in acie traxisse tormenta, quae ad rubae tonitum se se contrahentibus alis aduersus hostes dirigebantur. Iniquum sane inuentum, portentum immane, execrabile monstrum, malorum omnium officina. Huius inuetae machinationis

nationis metu rursus praefidia, ac firmissima propugnacula globorum impetu evertuntur, tremunt omnia, & ui occulte oblucente, immixtis tormentarij pulueris fomentis, flamma effractis spiramentis, non moenia modo, sed Vrbes etiam excinduntur. Non satis erant terraemotus, ac fulmina, quorum naturam haec imitata ad perniciem nostram traximus. Quam uero breuis, quam fugax, quam fragilis est hominum uita, quot eadem malis obnoxia sit, plerique experimur. Haec quoque ad calamitatum cumulum accersenda erant. His potitis, nullus plane relinquitur fortitudini locus. Quamobrem praeclare Hercules Attestinus, Ferrariae Princeps, sub quo ille militabat cum spingardae pila, qua tricecubitalis longitudinis glandem effundebat, calcaneum detorsisset; Bergomatem acriter inculcavit, qui uiros fortes, gladio dimicantes, inusitata, atque horribili pilarum procella sterneret. Quamquam iam usu didicimus, necesse esse, artem arte ludere, ne imparatos nos hostis praecoccupet, eorum ulum retinere, dum inuentum minus probamus. Quamquam, ad Urbium defensionem tormenta ante recepta fuisse, alibi ostendimus. At Bergomas primus in aciem, campumque deduxit. Nec uero hoc solum artificium, sed etiam stratagemata militaria adhibuit; ideo Galeatius Sfortia uulpem cauea inclusam obtulit. Cum uero uiginti amplius annos Venetorum copiis imperio praefuisset, cum uixisset ipse septuaginta sex, Senatum Venetum ex quadrante heredem instituit, a Virginis partu Millesimo quadringentesimo septuagesimo quinto. Reliquit Bartholomaeus filias honestas, easdemque nobiles quattuor, ex quibus, quae familiae Martinengae desponsata est, Bartholomaeum genuit, ab eius ducis nomine, qui parens deinde exstirpit illius Prosperi Martinengi, quo gloriatur Benedictinus ordo. hic adeo in Graecis excellit, ut maiorem nec praesens, nec posterior aetas uisura sit. Is, licet Italus, multa monumenta Graece de rebus sacris reliquit, unicus Pindaricae Lyrae aemulus, & magister. In quem ego hoc carmen scripseram, quo tempore sub Nouembrem Vrbs aquis obruta est. Ille uero in Quirinali in suorum coenobio quiescebat.

Nos premit exundans Tiberinus uallibus imis,

Et replet effusolimina nostra lacu.

Hic te naufragijs, Prosper, dymus, alea Quirini

Eripit, aeterna nobilitata manu.

Sic tibi concessum Pindi requiescere in umbris,

Et sacrum Aonio uertice ferre pedem.

Inde sonas, plectro quae nec dat Pindarus auro,

Maeonius doceo nec pater ure canit.



41

BARTHOLOMAEVS

LIVIANVS

BARTHOLOMAEVS Liuianus, domo Aluiano, Etruriae opido, ob egregiam militaris disciplinae laudem ad Atellam Apuliae uictis Gallis una cum Virginio Vrsino, a quo in familiam fuerat adoptatus, e liberiori custodia, cum ille misere in artiori ergastulo teneretur, in libertatem se se asseruit. Ab eo tempore compluribus in proeliis uersatus, illustrem Imperatoriae dignitatis laudem est consecutus. Magno Consaluo se se adiunxit una cum aliis Vrsinis: cuius arte, atque industria usus, cum primum pugnae praeludium edidisset, Gallos ad Lirim contriuit. Quo facto homo officiosus dono illi dedit Urbem S. Marci, in Brutijs, ueteres Carthaginenses imitatus, apud quos milites anulorum ornamentis donabantur pro expeditionum numero, in quibus militassent. Atque apud Iberos inualuit ea consuetudo, ut circa sepulcrum tot obelisci erigerentur, quot hostes ab eo, qui cecidisset, interfecti fuissent. Antequam a Consaluo, tanto duce, digrediamur, licet de eo alibi, nihil tamen est tantum, ut maiori non indigeat laude, more nostro insigne aliquid asseramus, cum sub eo multa praeclara gesserit Liuianus. Ferdinandus, Apulia, ac Calabria non dum contentus, spe iam integrum Regnum hauserat. Itaque litteris Consaluum monet, sereret belli undique occasiones. Hic Armeniaco homini acri quasdam contumeliae faces admouerat. Non tulit ille. Eductis Gallicis copiis, Hispanos institit coercere. Palantes, ac dispersos nactus, plurimos captiuos abduxit. Tradunt scriptores nonnulli, Consaluum ad singulare certamen Armeniacum prouocasse: sed hunc prouocatum pugnam detrectasse. Alij ferunt, ab Armeniaco Consaluum ad proelium inuitatum respondisse, se comparata ratione non temere solitum bella capeffere. Penes quem horum fuerit uictoria, sit aliorum iudicium. Sane circumfertur, prope Patauium memorabile minime praetereundum, in quo plane Italicae uictoria adiudicata est; neque ab re fuerit. gestum enim fuit sub Li-

uiano Imp. Tres Hispani pedites, elati, ut solent, animi, Ita-
 los ad certamen prouocant, nulla omnino priuata simultate; ut, si
 essent aliqui Romanae indolis, in Veneto exercitu in arenam de-
 scenderent, ac paribus armis pro gloria patria dimicarent. Li-
 uianus, cum multi certatim eas partes deposcerent, totidem ma-
 nipularios expertae uirtutis emisit; qui, breui uno e tribus Hi-
 spanis interfecto, ceteris fauciat, ac captis uictoriam cum plau-
 su Italis pepererunt. De his haecenus. Iam Liuianus a Consal-
 uo ad Venetorum stipendia uenerat, sub quo certamen singula-
 re gestum retulimus: atque ad Cadubrium trucidatis Germanis,
 ac Tergesto ueteri Vrbe Maximiliano Caesari adempto, Peti-
 liano Imp. ex S. C. socius adiunctus fuerat. Hoc tempore Pi-
 ramum Roscium auum meum Petilianum secutum multa forti
 manu gessisse nostri retulerunt: & eorum temporum galeae, to-
 races, clauae, balistae, atque innumera armamenta adhuc habe-
 mus. Sed, ne a Liuiano diuertisse uideamur nostra caussa, satis
 fuerit eiustacitam praeterijisse memoriam. Ad Medoacum Hi-
 spani, Germaniq. effusi, uillas, regio sumptu, a Venetis patriciis
 substructas, uastabant, atque a praealtis turribus incendia ab ip-
 sis ciuibus misere spectabantur. Decreto Senatus Liuianus ad
 iniurias hostium uindicandas missus, milites cohortatur ad di-
 gnam Italiae nomine gloriam. Iam signa sustulerat: excitati erant
 ex agris coloni ipsi, quorum opera illi barbare deformauerant.
 Aduentu Liuiani imposuerunt incendijs modum Caesariani.
 Ad Abduam uero, cum a pugna abstinendum existimaret, uictus
 quidem est, sed non temere. Aderat Legatus Venetus, qui his
 uocibus Liuianum arguit: Quid cunctaris? inquit imperator.
 Insignis e manibus elabitur uictoria. Itaque iudicium Senatus
 ueritus potius, quam certandum iudicaret: pareamus, ait, fa-
 mae, & Legato. Captiuus in Galliam ducitur Liuianus; qui,
 scoparum furculis pro calamo usus, tritoq. carboni adperso ui-
 no in scabra, uiliq. papyro, rerum suarum Commentarios per-
 scripsit. Triennio post liberatus a Venetis, in demortui Petilia-
 ni locum electus, omnem lapidem mouet, ut eas Vrbes, quas Ve-
 neti superioribus annis amiserant, armis repeterent. Non sum
 ignarus, esse, qui tanto duci detrahant, atque inter alia obijciat
 fugam, qua se Vicetia profligatus Patauium subtraxit. Tu ne
 omnem fugam, in bello praesertim, timiditati, & ignauiae adscri-

pferis? Nihil rerum inopinatis, ac uariis euentibus, nihil tempori,
 nihil locorū iniquitati relictum putas? semper ne aut uincendum,
 aut moriendum erit? Neque interdum, bono si id publico fiat, se
 subducere non liceat, dum belli Mars est atrocissimus, atque un-
 dique horribiles tum procellae, tempestatesq. impendent. Pla-
 cet ne ergo rem ferocius, quam consultius, gerere? Num Duces
 Flaminiis potius, aut Teretiis, quam Iuliis similes esse malumus?
 quorum hic, cunctando, fugandoque, & in tuta se se semper reci-
 piendo, Romanam, priorum Imperatorum temeritate prolapsam,
 restituit rem? Illi uero, praeferui di utique animi, atque incōsulti,
 momento temporis se, exercitusque, exitiabili clade inuoluerāt.
 Proinde, ut non omnis omni tempore suscipienda pugna uidetur,
 ne in certam nostram, & haud dubiam Reip. perniciem feroces,
 ac praeproperi ruamus; sic quaedam, ut ita dicam, salutaris,
 & non reprehendenda fuga existit: ut mihi quidem perbelle,
 quisquis ille Regum fuit, cuidam eum cum suis effusius fugien-
 tem increpanti respondisse uidetur, Non se fugere quidem, sed
 concitatiore cursu utilitates a tergo sitas quaerere. Post Li-
 uianus, spe Veronensis obsidionis ductus, in supremam ualetudi-
 nem incidit. Eo nemo melius disciplinae militaris leges percal-
 luit, nemo fortius, aut uigilātius singula militiae munera obiuit.
 Vnum & sexagesimum natus annum, equestri agitatione, atque
 armorum pondere, cum uiscera in herniam abiissent, incredibili
 dolorum cruciatu raptus est. Eius filia Isabella, matrona nobilissi-
 ma, Aquaspartae dominatur, paene nonagenaria: me paullo an-
 te per Delphinium, uirum eruditum, saluere iussit. Liuiani corpus
 exenteratum, conditumq. aromatibus maestī milites per
 plures menses in castris solito praetorio retinuerunt,
 perpetuis tumulum flammis. & continua arma-
 torum statione custoditum. Annus a Chri-
 sto nascente Iuiāni obitus narra-
 tur, Millesimus quingente-
 simus decimus-
 sextus.


BRACCIVS . PERVSINVS

BRACCIANORVM Familiam qui ad Brachinos Carthaginenses referunt, per obscura sane sequuntur. Natus est Braccius Perusiae, Kal. Iulij, anno religionis nostrae Millesimo trecentesimo sexagesimo octavo, Oddone, & Iacoba, vetustissima Montemelinorum familia, si matrem spectemus. Tradunt, Andreae huic primo fuisse nomen impositum, mox, ob conceptam opinionem, gentili nomine Braccium appellatum. Contractum is habuit latus ex uulture, & crus non admodum expeditum. Vir adeo liberalis, ut aliquando Fulginei defuisse ad cenam pecuniam narrēt uerius historici, non autem Viterbij, ut ipsemet Campanus manu sua in libro apud me de rebus ab eo gestis emendauit. Itaque ad eam necessitatem adductus est, in suos munificus, ut alteram uestis partem diffuerit, argenteis limbis, Etrusco, ac Gallico more, distinctam. Hic Bononiae militat, quam cum copiis ab Alberico relicta in Aemilia, Imperio Romano debita, restituit. Postea, ad suos reuersus, in Piceno, & Umbria, multa uastat, diripit, uexat. Pugnas se dicitur cum Cingulanis ante ipsa moenia, cruenta sane pugna. Opidum Cimbium alij uocant. aedificatum dicitur a T. Labieno, qui Pompeij partes sectabatur. Plinius in quintam regionem reijcit. Braccius, Perusiae fractis foribus, suburbanum populabundus ingreditur, cum iam tertio bello, breui intervallo temporis, canes latratu Urbem illam seruassent. Et uero patriae suae imperium repudiauerat Braccius, cum, per legatos tandem coactus, triumphantis more, diuertens auiis, ornatissime stratis, honorifice exceptus est. Similem pompam exhibere Florentini, cum purpurea ueste, auro, atque argento distincta, phaleris aureis circumfusa. multitudo ad eum uisendum concurrat. Intromissum Braccium ad interiora penetralia, atque ad pedes proiectum, Pontifex complexus excitauit, grata commemoratione restitutae Bononiae, ac Ladislai Regis, Roma, Etruria, ac Latio pulsi. Primus autem Braccius fuerat, qui turmatim in Italia docuerat procliari. Quis uero eius adnumeret pugnas, aut uictorias? Vixit celebratus ad Vulsinensium locum.

dam perperam Vadimonium uocant, alioqui agri Hortini finibus conclusum. Venerat is ad Montem Flascunum, quem qui Faliscum appellat, eidemq. proximum Feroniae lucum adiungit, toto aberrat caelo, cum illa non longe a Soracte inter Faliscos nostros Veijs proximos coleretur. Pugnauere eo, quo dixi, in loco summi duces, summi accensi odijs, summisq. innixi uiribus, a meridie ad occasum Solis. Sfortiam, frustra reuocantem suos, ut in proelium redirent, letale uulnus, ceruice acceptum, retardauit. Hic capti sunt quadraginta octo praefecti, ac centuriones; uirtute uero maxime illustres, Eolichinus sororis filius, Acastabriga, Mannusq. Bariles, quos Braccius in Vescentinam, Martanamque insulas custodiendos transmisit. Diripit postea Tifernum, Nursiam, Spoletium, & Umbriam uniuersam expugnat. Plane ita clarus in militari disciplina magister, Braccius, ut, qui in eius schola fuere, insignes duces habiti sint. Inter quos numerantur Nicolai duo, Picininus, ac Pisanus, Petrus, ac Ioannes Paulus, Vrsini, Gattamelata Narniensis, Brádolinus Comes, & alij multi, qui militarem artem in Italia coluerunt. Porro Braccius, qui alias Contestabilis, pluribus muneribus donatus a Regina Ioanna, abierat, deinde hostis fuit in Amiternina obsidione. Hic, allato de Sfortiae obitu nuntio, cōtracta fronte, defixisq. oculis, grauiter indoluit, segetem gloriae suae intercisam, propriae mortalitatis conscius. Erat Braccius natu iunior maior mensibus octo, & diebus nouem. Vix quintum post mensem, cum in Amiterni obsidione mensibus item quattuordecim fuisset, a Sfortiano milite uulneratur. Curatur a Medicis, summa diligentia. spem maximam praebent ij, uitalem esse Braccium. Triduo post, Andreassus Castellus, adolescens Interamnas, maiorū, iniurias uindicaturus, accurrit ad Braccium, dum Chirurgus ei medicinam adhibere uult; ac, stylo apprehenso, inuisa quadam animi ui, Braccio, eum toruis oculis adspiciēti, cerebrum pluries transfixit. futurae uirtutis maximum id fuit argumentum, re ipsa postea saepissime comprobatum. Nam Andreassus celeberrimus sui aevi dux euasit. Hoc genus mortis a Bernardino Corio, & a Chronica quadam Perusiae, facile colligimus. De Braccio exstat Epitaphium Michaelis Tarchaniorae Marulli Constantinopolitani libro quarto suorum Epigrammatum, hunc in

*Braccius hic situs est. quæris genus, actaque & utrumque
Niteneas, dicto nomine, nil teneas.*

*Is, dum ex his præsentis uitæ ergastulis liberatur, Ami-
ternum obsidione liberat, Millesimo quadrin-
gentesimo uigesimo tertio.*



CAMILLVS . VITELLIVS



CAMILLVS Vitellius sub Virginio Vrsino meruit, qui ea aetate plane princeps in militari scientia habebatur. Hic incredibilem sui expectationem concitauit, & Imperatoris nomine, & maiorum suorum, qui omnes illustri bellicae laudis fama floruerunt. Narrant historici, pugnacissimi ducis laudem eo praesertim die fuisse consecutum Camillum, quo non procul a Luceria integram Germanorum phalangem, Aragoniis militantem, in orbem circumductis sagittariis equitibus, deleuit. Is primus in Italia sclopetariorum equitum turmam instituit: quod militiae genus postea intermissum est, quod eorum instrumentorum grauitate, & longitudine impediti milites miuus expediti ad pugnam uiderentur. Quamobrem non miramur, aetate nostra leuiora, breuioraq. a Germanis gestari, qualia nuper Gallia ex eorum manibus innumera excussit, ac eo genere armorum onustos breui interuallo ita perculit, ac prostrauit, ut miserabilem in modum effera illa gens partim turpissima fuga, partim ignobili morte contrita in agris ad uolucrum pastum iacuerit. Ceterum Camillus, Virginium Vrsinum summa fide secutus, hoc in primis in praeceptis habebat, ut, non ignauos milites imitatus, pone sequeretur; sed longius armatus antecederet, ueterum ducum exemplo. Et plane excellentem, atque heroicam quandam uirtutem esse Fortitudinem constat, quae in maximis, maximeq. difficilibus periculis uersatur, mortemq. contemnit decoris adipiscendi gratia, &, ut inquit ille, studet uitam pro laude pacisci. Eadem labores non modo alacri animo suscipit, sed in iisdem exultat, maiorq. se existit. Nam uarios rerum euentus contemnit. Qua militari uirtute praestantium cum rarus sit numerus, ut praestans omne rarum; ideo pleniori quodam ore laudantur, & in honore, atque admiratione habentur uiri fortes, quorum beneficio pacis commodis usi ad Musarum umbras diuertere possumus. Artaxerxes Persarum Rex in expeditionibus praecinctus pharetra, & praetenso scuto primus, & quidem pedes, loca montuosa, & cautibus aspera,

alacriter adscendebat, ut milites, eo duce, quasi alis acceptis, leuiiores, expeditioresq. redderentur. Alexander Macedo ante suorum agmina incedebat; cum uero ad interiorem Persidis regionem uenisset, ad iter perpetuis niuibis obsitū, locorum squalor, & inuia solitudo, ipsaq. asperitas milites terruerat. Ipse uero, equo desiliens, pedes, per niuem, ac concretam glaciem, ingredi coepit. Ipse primus dolabro glaciem perfregit: secuti sunt illum primum amici, tum copiarum duces, demum gregarij milites. Hannibal quoque, militari sagulo coopertus, inter custodias, stationesq. militum, iacere, ac somnum capere solitus erat. Is in obsidione Saguntinā tum in admouendis machinis ad moenia deiiciendā, tum in adeundis locis, ubi imminens erat periculum, semper primus conspectus est. Horum uestigia secutus Camillus, in Apulia Circellum opidum, applicata muris scala, transcedere ausus, molari prope lapide superne a femina deiecto, nequidquam protegēte galea, oppressus est. Sic sane Pyrrhus multa ante saecula occubuerat. Et uero fuit non effeminatum quidem licet muliebri genus, non nullis nationibus. Valasca, Boemorum Regina, facta cum ceteris mulieribus coniuratione de excutiendo Viro- rum principatu, copiarum ductrix, bellum mouit, interfectisq. Viris feminas omnes libertati asseruit, adeo, ut ipsius opera, Amazonum instar, multos annos sine Viris regnarint. Camillo gloriose extincto, tumultuarium ex aggere tumultum milites curarunt, cum ceteros fratres immatura sane morte praereptus secutus esset, circa salutis humanae an. CIO. CD. XCV. Hūc ducē clariss. Michaelis Siluij, Lusitani, Cardinalis, carmine laudatum, nostris etiam uersibus, licet rudioribus, illaudatum praeterire non debuimus, Scotti Scotti Narniēsis, & mea erga familiam nobilissimam obseruantia. Sic igitur de se loquatur Camillus:

*Qui docui inuictas acies, equitesq. feroces
Non prius audita fallere & arte duces;
Qui cornu seruare unus, primumq. tenere
Hostibus attritis ausus in arma locum;
Hoc tumulo inclusus iaceo, prope moenia capta,
Tempora murali fronde reuinctus ouans.
Hoc unum doleo, Circelli ad summa triumpho
Feminea ingressum me periisse manu.*

CAMILLVS . VRSINVS



CAMILLVS Vrsinus, Paulli filius, a Caesaris Borgiae saeuitia sese prudenter subtrahens, qui nobilitatis decus omne exstinguere in Italia conabatur, Neapolim delatus, a Rege Catholico, atque ex Grauinæ aerario redditibus auctus, magna liberalitate excipitur. Illius uero Borgiae crudelitas maior est, quàm a quoquam dici possit. Non satis erat, Columnios, Vrsinosq. proceres necare, exstincta prope Caetanorum familia, nisi impio dominatu innatam a progenitoribus rabiem in reliquos Pontificiae ditionis regulos, exemplum insignis crudelitatis, edidisset. In Vaticana Villa, ne a sacris ipsis profanas abstineret manus, uini lagena medicata ad exitum plurimorum hausta est. Sed, ut deleatur plane crudelis haec memoria, redeo ad Camillum, qui procul a patria, sub Nicolao Vrsino, Liuiano, ac Iacobo Triuultio, ita est institutus, ut patriae aliquando salutem afferret. Ante enim is arma tractare coepit, quam ferre posset. Lodouicum XII. ad bellum Neapolitanum cum tota sua familia secutus est, re infeliciter gesta. Inde, ad Florētinos conuersus, a Leone X. Pont. Max. leuis armaturae militibus praeficitur: quod ille munus, licet etiam supremum, in exercitu oblitum, paullo post sponte repudiavit, Io. Paulo Balioneo Socero capite multato, cuius filiam post primam Virginij sororē exstinctam in uxorem duxerat. Camillus igitur ad Imperatorem uenit, quo tempore Leo Pont. Nomentum, hereditarium opidum, olim Senecae uillam, ademit. Eo defuncto, ducentis peditibus, ac sexcentis equitibus collectis, in patriam, receptis castris agri Sabini, insigni gloria rediit. Rursus, ut qui natus erat ad arma, Venetis non longe Ticino, duplici glandis ictu accepto, uictoriam peperit, iisdemq. Bergomum quadringentis equitibus leuis armaturae, ac ducentis cataphractis seruat. Opponit se deinde Gregorio Fraispergio, homini impio, qui, oppignorato etiā patrimonio, cum quattuor legionibus Mindlauo Sueuorum Vico in Italiā irruerat; ut Clementem VII. laqueo suspenderet: cuius scelerati consilij fidem fecit aurea reſte, quam semper in sinu gestabat, cuius saepe per iocum militibus suis spectaculum praebuit.

Cum uero Vrbs bello arderet, postquam acriter pro patria decertauit, se ex Vaticanis muris patriae salutis reservans, Bergomum uenit. Tum Veneti exercitus dux bello Neapolitano interfuit, in qua expeditione, inter cetera, Manfredoniam obsedit. Haec Vrbs in rupe Gargani montis adiacet, a Manfredo Rege, Federici Secundi Imp. filio, condita, circa Millesimū ducētesimū ex ruinis Sipontinis. Hac parte ad litus arx imminet ita firma, ut Odettus Lotrecchius, cum Apuliam sibi uniuersam subegisset, eā expugnare numquam potuerit. Non longe hinc in marmore spectantur uestigia Bonae, lo. Galeatij Sfortiae, Ducis Mediolanensis, filiae, & Isabellae Aragoniae, cum per Hadriaticum mare, e parentis complexu, in Poloniam, ad Sigismundum, desponsata, mitteretur. Interea, fracto Gallorum exercitu, uocatur a Venetis, quo tēpore a patre acceptos Tripaldae redditus sane uberes perdidit. Venit Vicetiam Millesimo quingentesimo trigésimo secundo: mittitur in Dalmatiam cum tribus millibus peditum: quem secutus Paullus fil. heres & dignitatis, & gloriae paternae, ut se gesserit, in oratione, quam ante annos decem in eius obitum scripseram, prout tulit aetas, & occasio, iudicauimus. In hac regione, cum excursionibus Scytharum occurrendum saepe esset, praeclearum fuit & nouum Camilli inuentum. Ad Valli ueteris similitudinem deferebatur id, dissolutum in partes a militibus, quae cum facillime in unum coagmentarentur, & impedimento, & terrori erant hostibus: cum tamen ipsi repagulis obrecti defenderentur. Hic posterius narrabunt, quod in monumentis Venetis in memoriam seruetur, sex millia ex nostris libertati reddita fuisse, atque hostium uiginti mill. in triumphum fuisse deducta. Romam post reuersus Camillus, ut patriae, a qua uitam acceperat, uitam & ipse redderet, in duris sane saeculis, a Paulo I I I. Parmae curam susceptam, cum sustinere uix posset, aere alieno confiato, in Pont. manus restituit. Deinde ad Mirandulam pro Balduino defuncto supremam in exercitu dignitatem est consecutus. Inita hinc pace inter Gallos, ac Pontificem, dum Petrus Toletanus Senas contendit, ad Eretum, uetus Vrsinorum castrum, omni humanitatis officio excipitur, ipse euigilans ad Urbis trepidantis defensionem octo peditum millia incredibili celeritate colligit. Eo tempore transuecto Tiberi, a Sabinis, ad Etruscos exercitus, per uiam Augustam, in Faliscis, quae a Flaminia diuerteret, ac per

Bouillas in agrum Hortinum uenerat. Tiberi ligneo ponte Hortini ciues ad Piscinas ueterum Rosciorū latifundia in Vmbriae finibus iter parauerant; cum subita eluione diuertere in Cassiā coacti sunt. Eum diem sacrum habēt Amerini,ueriti,ne,si ea parte irrūperent,uillas amoenissimas penitus uastarent.Solent enim illi,ut nomē sonat,deliciis oblectari, ac non modo extra Urbem, sed etiam intra pomerium,ut locus poscit,frugiferis arboribus,& inflexis uinetis,digestisq. areolis uti:quae omnia diligenti cultura, ac suauī uoluptate culta saepe mirati sumus. Sed Camillus, patriae saluti natus,apud Paulum I I I I. tantum fuerat auctoritatis consecutus, ut sibi magis ille, quam nepotibus, crederet; utinam & omnia credidisset. Ad eum igitur fiebat totius nobilitatis concursus. Cum uero Albae Dux in Tusculanum uenisset, atque ad Villam Marianam xl. mill. hominum laterent,ueritus Camillus multo ante,ne se in patriam effunderent,prudencia singulari,& milite,& praesidiis hostem elusit, Pater patriae communi uoce nuncupatus. Non multo post, cum, rebus turbatis, in

hanc lucem primum uenisset, pacata Italia, ac Gallo una cum Catholico Rege affinitatis etiam uinculo colligatis, ad aeternam Hierusalem,

quae unica est, senex septuagenarius,

I I I. Non. Aprilis, Millesimo

quingentesimo quinquage-

selimo nono, deser-

tur ad S. Salua-

toris, hu-


meris Rom. no-

bilitatis, & pompa

militari: ubi maiorum se-

pulcro conditus

est.



52
CAMPSON . GAVRVS



CAMPSON Gaurus, Aegypti Imperator, a primis annis, apud Memphim in ergastulo Mamaluchorum disciplina institutus, magna argumenta industriae suae prae buerat. Quo factum est, ut paullatim ad omnes gradus ascenderit, praeclara in primis optimi nominis fama, quae solet barbarorum etiam oculos luce sua praestringere. Interim, Caithbeio mortuo, quem filius breui secutus fuerat, dum nobiles de summa imperij dignitate inter se non modo decernunt, sed acriter etiam decertant, Campson, qui onus detrectaret, imperator acclamatur. Qui de statu rerum disceptant, prout apud omnes bene sapientesque constitutas ciuitates in more positum est, consulunt, eum esse in Imperatorem eligendum, quem nemo aut oderit, aut extimescat; ament certe omnes fama probitatis. Hoc nomine censebatur Campson, qui singulari seueritate eam, quam inuitus susceperat, administrationem rexit. Habemus in historijs, per haec tempora Legatos Venetos, Catarinum Zenum, Iosaphatem Barbarum, & Ambrosium Contarenum, in Armeniam uenisse, ac diuersis uisibus totum Orientem peruagatos itinerum suorum commentarios reliquisse. Interea Persarum Legati artifices, qui aenea tormenta conflarent, a Venetis postulare, quibus, quae in ora Graeciae amisissent, recuperarent. Id ad Baiazerem, qui tunc erat eius Ethnicae gentis Imperator, refertur. Quamobrem per oratores, ac litteras conquestus est apud Campsonem Gaurum, Aegypti Regem, quod minus amice faceret, qui legatos per mediam Syriam ad communes hostes transire permetteret. Zenus, cum alijs pluribus, Memphim perducitur, qui, coram Campsone saepius causam ex catenis dicere coactus, uix post annum, quo omnes contumelias ab immanibus Mamaluchis pertulerant mercatores inmeri, qui erant in uinculis, insignis Oratoris uoce, uitam, ac libertatem impetrarunt. Porro deinde Aegypti pacis inuidus Selymus bella suscitabat. Obstat illae audaciae Tyranni, ut erat aequissimus belli arbiter. Ille erat Selymus Turcarum Imperator, qui, Calderanis in Campis stratis Persis, Ismaclis Sophi uastata regia, Syriae, atque Aegypti Reges delere ausus est. Hunc ab atra nube

nube equum, Carabulū nomīne, ad amasse ferunt, cui ueluti emérito uacationem dederat, sic, ut in honore habitū sine Sessore sola ex textili auro stagula protectum in Aegyptum usque deuerit. Eius enim cursu se se Tartarorum aspectu subtrahens, cum paucis Varnam profugerat. Huic demum mortuo ad Memphim, Alexandri Magni exemplū, sepulcrum condidit Tyrannus, in bestias pius, in suos impius, qui necatos fratres communi tumuli honore priuasset. Sed ecce tibi Selymus Campsonis castra aggreditur. Statuitur ad dimicandum dies: personat classicum: tubarum per campos exauditur sonitus, qui pauorem aliis, ardorē aliis adderet. Tum Campson, infestis signis, obuius, tanta ui in Turcatum cohortem impetum fecit, ut eorum nemo consisteret, omnesq. conuersi non solum loco excederēt, sed etiam protinus incitati huc, illucq. uagarentur. Eodem impetu cohortes sinistrum cornu, pugnantibus etiam tunc, ac resistentibus in acie Scythiis, circuiuerant. His praeclaris conatibus obstitere insidiae. Cayerbei, Alepiani praefecti, qui, ut in hostem stipendia faciebat, ita perfidus in Imperatorem suū arma conuertit. In hoc confictu Campson, licet aetate grauis, ita semper se gessit, ut egregios milites, & aetatis ardore effervescentes, longe superaret. Quod si, ut opinione scriptorum circumfertur, Cayerbeius partes suas, ut ceteri Mamaluchi duces, in fide sustinuisset, plane insignem triumphum Campson eo die retulisset. Qui quidem triumphus eo maior futurus erat, quod longe minoribus copiis quasi infinitum Scytharum numerum profligasset. Verum prodicionis hoc uitio accidit: cuius nomen eo magis effugere debet miles, quod eo ipso, quo alterum prodit, se etiam in illius met, cui rem prodit, proditoris suspicionem coniicit. Haec pudori caliginem obicit: haec nihil non audet. Est enim ueluti ille praefulgens gladius, e lacunari seta equina demissus, qui impendebat beati illius Democlis ceruicibus inter unguenta, inter coronas, inter odores, inter exquisitissimas epulas, inter pueros Regios, ut iam beatus amplius nolle esse. Contra hanc nihil possunt arma, nihil praesidia. Itaque uere dictum est a ueteribus, Praesidium caritate, & beneuolentia ciuium saeptum esse oportere, non armis. Est uero hoc genus prodicionis in patrem plane in ultimas terras asportandum: cuius tamen conuictus is Selymus est, qui cū Campsone decertauit. Meminimus paternos plenos lacrymarum ciui-

latus. Patiemiini ,exclamabat ille , ad sua antiqua praesidia , in hac tristi canitie,extremoq. aetatis actu , a nequissimo filio nihil tale merentem patrem crudelissime trucidari ? Oratione delenisse uidebatur barbaro. Sed,ut est eorum hominum mos, qui mobilitate,atque malitia , dum deprehendi extimescunt , praesenti perfidiae nouum scelus,nouamq. perfidiam addunt , non se continuit a scelere Selymus . Chiurleus pagus, antea obscurus , & ignobilis,nomen ab immanitate accepit. Paucos enim post annos eodem in loco Selymus immaturum uitae finem uidit:sic paricidio iustas poenas exigente . Neque enim in terris diu felices uiuunt , qui immani crudelitate omnem humanitatem ex-

fuerunt. Rapitur Selymus nobili furiarum pompa, ad ueterum patrum cruciatus . Sed, ut cum Cam-

psone concludam , ille in eo, de quo dixeram, certamine in acie ab equitatu

contritus, nemine agnoscente ,

ubi repertus est , ac triduo

ostensus , aditum ad

ea Regna Otho

manis ape-

ruit .

Dies eius proelii notatus est VI.

Kal. Quint. Millesimo

quingentesimo de-

cimo sex-

to .



CANIS . SCALIGER

P R I M V S



ANIS Scaliger Primus, qui Grandis cognomen tulerat, ab Alberto patre acceptum dominatum fouit, auxitque. Nomen, quod Imperatorem significat, a uictis barbaris reportauit: id quod erat temporibus illis gloriosum, & in more positum: ut hoc etiam honestissimae laudis, praeter insignia, referret testimonium. Hoc exemplum secutos Vicecomites legimus. In Syriam una cum Gotfredo profectus Otho, rem gessit, ut exstat in annalibus, ualde memorandam. Forte, dum Hierosolymae obsidentur a nostris, processit barbarus, uiribus ferox, armorum, & corporis specie inter ceteros eminens. Is in medium uenire iubet, si quis ex Christianis singulari certamine rem decernere auderet. Mirari omnes: nec quicquam ex tanta multitudine sortem tanti periculi adire. Ipsa corporis magnitudo, ac totius uultus immanitas terrori erat. Tunc Otho Vicecomes, in quo eximiae uires, animus intrepidus, & Regij spiritus aliquid, haerebat armatus; ad gigantem accessit; initoq. protinus certamine, barbarum, ferocius exultantem, primo congressu strauit. Detraxisse ferunt non arma tantum ab immani iacente cadauere, sed & nobile spoliū. Vipera stabat sinuosa, nudum infantem feminecem, gementi similem, & suffuso cruore turgidum, dentibustenens. Insigne sane taetrum, & barbaricae crudelitatis documentum, nisi quod hostium spolia, quo magis ab humanitate recesserint, eo speciosius sunt uictoriae monumentum. Itaque, ad suos reuersus, Otho parta trophaea patriae dono dedit. Dicauere ciues legionibus Viperam: mansitq. illustre eius familiae gentilicium. Hic insignia a barbaris stratis, Scaliger nomen transtulit. Nam ex pluribus proeliis uictor semper rediit, praeter quam in Patauina obsidione, in qua ex insidiis superatus est: in quo etiam uicit, cum, uulneratus, atque ex equo deiectus, acriter decertans, certissimum uitae periculum effugerit.

Inde,renouato bello,Patauium subdit,Vicetiam obsidione liberat,adiunctusq. Gibellinis,Cremonā, ac Taruifium expugnat. Hoc duce,& Actiolino, maiorem Insubria uidit neminem; hunc tamen scriptores humanitate longe Superiorem praedicant. Placet hic Actiolini ultimi saeuitiam attingere, ut praetereaturis, qui Caeciliam Baoniam, Actiolino secundo nuptam, incorruptamq. animo ad aquas Aponenses media in uia intentato ad iuglum pugione uiolauit. Ex hoc tertius editus, qui secutus Fridericum. Secundum immane monstrum Italis uisus est. Huic id unum curae erat, ciuitatum fortunas in fiscum redigere, proscriptis, ac damnatis ciuibus, sana donariis spoliare, sacros redditus auertere. In urbibus carceres tenebris horribiles crexerat, in quibus miserabili inedia, taetro squalore, ac fetore immenso, uiui enecarentur, partim aliis pallentibus in cadauerum complexum, partim in caeca nocte mortem implorantibus. Saeuissimum monstrum, cui suauissimum esset inuocantibus uitam in tormentis producere; cuius in suppliciis ad tria millia omnis generis sublata narrent historici. Paucis quidem poeta ille nobilis; sed plane ita, ut erat eius ferale ingenium disticho expressit:

*Sylla, Nero, Caius, Marius, Mezentius: his tu,
 Atroxline, ipso & saeuior es Phalari.*

Visum est, more veterum, parallelum copiosius afferre, quando historici Actiolinum conferre Scaligero ausi sunt. Is enim, de quo initio scribere coepimus, humanitate, ut ille immanitate, praestitit. Fecerat is, loco carcerum domum hospitalem singulari disciplina instructam, unicum nobilium miserorum perfugium. Hic, distinctis aedium partibus, poetas, pictores, & praeclari cuiusque artificij magistratos, profugos, quasi in suauissimis Musarum umbris, fouebat. Hic ipse Dantes patriam carmine, ut ea saecula ferebant, eleganti, & in primis erudito exul illustrauit, qui non ignoraret, minus gratis ciuibus nos adhuc parenti debere. Sed nos de Scaligeris parcius, ut de ceteris, dum sumus in expectatione immensae historiae Augustini Valerij, Sanctae Romanae Ecclesiae Cardinalis Amplissimi, quae, ut ex uetustissimis monumentis collecta, clarisq. magni Oratoris

Oratoris depicta coloribus, ita & fidem maiorem est habitura,
& uoluptatem posteris allatura. Vt concludamus, Scaliger,

cum auidius ex frigido fonte hausisset, non dum senex,

XI. Kal. Sextilis, ex hac uita excessit. Veronam de-

latus, sepulcro donatus, carmine in mar-

more inciso, anno Christi, qui fuit

Millesimus trecentessimus

uigesimus nonus.



CANIS . SCALIGER

S E C V N D V S



CANIS Scaliger Secundus, Mastini filius, in parentis defuncti locum Veronam tenere coepit a diuino partu Millesimo trecentesimo quinquagesimo. Quam administrationem ut pacifice conseruaret, putauit sibi in primis cum uicinis amorem, ac beneuolentiam expetendâ esse, quo conjunctionis uinculo sua in pace possideret. Itaque, uix accepto clauo, foedus iniit cum Ioanne Vicecomite. Is, quartus ex Matthaei filijs, ac factionis praerogatiua insignis, Mediolani Archiepiscopus delectus fuerat. Quo tempore a Ioanne Pontifice Maximo designatus Aycardus, ab Urbis ingressu prohibitus, finibusq. sum motus est. Itaque Pôrifex hominem detestatus, exsecratusq. est: de quo nos in nostra Epitome Vicecomitum satis diximus. Stuiduit uero Scaliger Philippinum Gonzagam sibi in gratia retinere, qui, recens, Passarino Tyranno extincto, libertatem afflictæ patriæ restituerat. Hic Atestinos quoque sibi adiunxit, ut, undique amicorum saeptus praesidijs, quam se in partem inimicus dedisset, haberet ditionis suae propugnatorem. Sic rebus firmatis, in Bolzanum, quod in faucibus Germaniae trigesimo lap. Tridentina Vrbe distabat, proficiscitur, ad nundinas totius Europae celeberrimas, quod eo confluentes Germani, potissimum Germaniae opes exponantur. Hanc occasionem nactus spurius frater, domi relictus, qui regnum illud affectabat, excitata populi seditione, Veronam occupat. De fraterna proditione certior factus Canis, in primis ab amicis auxilia implorat. Ut pleraque optima difficillima, sic nulla magis ardua administratio, quam Regni bene regendi. In principe felicitatis ciuium summa posita est: in eo situm est, salutem, luemq. immittere. Verum inter omnia praecepta non infimo loco habendum est, quod secutus est Scaliger, ut, amicis saepti, quasi uallo quodam, nostra tueamur. Magnum certe in rebus aduersis praesidium Amicus. Huc pertinet Myrtili militis prosopopocia ex Iulij Leonidae Graeco epigrammate, scutum suum celebrantis, quod in periculo potissimum praesto

praesto esset. Id ego sic uertebam; licet iam tertium ab aliis redditum non ignorarem:

Bis perco, uitam reparo bis Myrtillus: urgent

Mille pericla salo, mille pericla solo.

Ex bello incolumem clypeus me seruat, & idem

Per mare iactatum litora ad ipsa refert.

Hic plane typus est ueri amici, numquam non suppetias ferentis; uel etiam in iis, ad quae amici facultas pertingere non posse uideatur. Quamobrem Scaliger, Gonzagis, atque Atestinis ueteribus familiaribus, Veronam obsidet, expugnatque, in ipsis Bachanalibus, spurio fratre, ac coniuratis omnibus ad unum intereptis. Id contigisse habent annalia anno quarto ab ipsius gubernatione. Cui etiam non dubium prospere res successisse, qui Pontificiam dignitatem maxime ueneraretur. Nam aduersus Barnabam Vicecomitem, Bononiam oppugnantē, pro Romano Pontifice, non semel subsidia transmisit. Pro quo beneficio, sane temporibus illis opportuno, Carillus Albernotius, qui ad Italiā pacandam ex Galliae finibus fuerat delegatus, pleno pote-

statis imperio, Canem Veronae Vicarium confirmauit Millesimo trecentesimo quinquage-

simo anno a Christi ortu. In hac ma-

xima gloria, ac pace rerum sua-

rum optatissima, minori-

bus his relictis opi-

bus, cum annos

uiginti quat-

tuor

regnasset, ab impio fratre occiditur, anno

Christi, qui fuit Millesimus

tercentesimus septua-

gesimus quar-

tus.



CARILLVS. ALBERNOTIVS



E G I D I V S, uir Hispanus, gente Carilla, patria Concha, stirpe Regia, Garziae Albernotij fil. a Clemente Sexto, una cum aliquot nobilibus, inter Cardinales adscriptus est. His miserandis temporibus Tyrannis Italiam oppresserat. Inter omnes Tyrannos satis sit unius Nicolai Rentij attigisse memoriam, de quo historia manuscripta circumfertur, ut ex infimi hominis audacia eorum, qui auctoritate pollebant, vis innotescat. Is, Romanus scriba, occupato armis Capitolio, tantum sibi beneuolentiae apud omnes conciliauerat, ut facile, quo uellet, mentes populi Romani impelleret. Quo uero magis plebeios animos commoueret, quae foret esse plerumque rerum nouarum auida, hoc titulo utebatur, *Nicolaus, Seuerus, & Clemens, libertatis, pacis, iustitiaeque. Tribunus, ac Sacrae Romanae Reip. liberator illustris*. Qua uerborum pompa tantam de se opinionem concitauerat, ut omnes Italici nominis per Legatos pacem, amicitiamque poposcerint. Verum breui cessit fucata gloria, & Tyrannus cognitus, magistratus sui Mense septimo, mutata ueste, in Boemiam abiit, ad Carolum, Ioannis Filium. Hunc Auenionem ad Clementem Pontificem mittit. Interea Franciscus Barocellus, pulsus e Senatoria dignitate Ioanne Vrsino, & Petro Columna, ita inscripserat: *Franciscus Barocellus, Scriba Senatus, Dei Gratia Almae Urbis Tribunus secundus, ac Rom. Cos.* Ad cuius audaciam comprimendam Romam mittitur Nicolaus, qui, Barocello interempto, Tribunatum repetiit. Quamquam, inimicus sui, nobilissimam, ac potentissimam Columnensium familiam dum insequitur, e Capitolio fugiens, ab uno ex Sabellis, quorum item familia inter primarias est, simulato in amictu cognitus, obtruncatur. Huic saeculo infausto opportune Aegidius datus, qui in Italiam uenit, ut eam, a Tyrannorum impetu oppressam, in pristinam libertatem uindicaret. Qua in Legatione ita se gessit, ut plane omnium expectationem uicerit. Etenim omnia opida recepit, quae Tyranni, instigante Bauaro, in Flaminia, Piceno, ac Sancti Petri, ut uocant, Patrimonio occupaue-

rant. Vicarios, quos uidet Ecclesiae Romanae obsequentes, in opidis confirmat. Inter quos fuit Galeottus Malatesta, Guido Polentanus, & Varranenses. Ordelaphos uero pertinaces bello biennio persecutus, e Foro Liuij, Foroq. Pompilij, ac Caesena deiecit. Pacata Flaminia, Aegidius Forum Liuij acrium esse uoluit earum pecuniarum; quae Auenione missae fuerant, ut Italiae arces repararentur. Quo loco institutiones quasdam Vir prudentissimus scripsit; quarum peruetustum exemplar in membranis inter antiqua ciuium meorum monumenta legi. Hisperactis, pace parata Italiae toti, Aegidius, cum maximam uim auri in praesidiorum reparatione in contulisset, ac Principes omnes, populosq. ad officium redeigisset, anno quinto Legationis suae successorem habuit Arduinum Burgundum, Abbatem Cisterciensem. Abeunte Aegidio, omnia perturbari: Pisani Florentinos uexare, uillas passim incendere, uniuersa diruere. Cum igitur rursus tumultuari coepisset Italia, Aegidius cum summa potestate mittitur, qui cum Lodouico Gonzaga, Nicolao Atestino, Francisco Carrario, initis foederibus, Barnabam e proelio, faucium, ac fugientem, amisso filio, ac ducibus ipsius exercitus captis, est persecutus. Harum rerum praeclare gestarum longe lateq. fama peruagata, ad Aegidium ueniunt Galliae, Angliae, ac Cypri oratores, quibus ille pacem cum Vicecomitibus deprecantibus liberaliter concessit. Rebus feliciter gestis, Urbanus Quintus, anno quarto sui Pontificatus, cum annos circiter septuaginta in Gallia Sedes fuisset, Romam uenit, quae diuturna parentis absentia, uitium, ac ruinam traxerat. Pontifici Cornetum usque obuius factus Carillus, rationeq. administrationis suae redditus, liberatus tantae Legationis onere, Viterbium cogitat, ubi, curis solutus, senex generosus conquiesceret. Hinc uix tribus exactis mensibus, ad ueram, aeternamq. in caelis quietem conuolat, anno nostrae salutis, ut in historiis Hispanis legimus, Millesimo trecentesimo sexagesimo quarto. Sunt, qui existiment, Aegidij ossa in Ecclesia Sancti Martini supra Vituruuium in monte Cimino condita esse; sed eo loco deposita, delata postea Alisum ad Sancti Francisci, ubi uiuens sibi sumptuosum sepulcrum construxerat. Monasterium, quod Ecclesiae cohaeret,

ret, totius ordinis caput habetur, nec structura toto Orbe hu-
 -iufce Ordinis inuenitur, quae hanc superet. Inde suorum
 precibus in Hispaniam defertur, tanta celebra-
 -te, ut, culparum solutione tributa porti-
 -toribus, prouinciae certarent inter
 -se pietatis officiis. Iacet

Toleti Archiepis-
 -copus To-
 -letanus, in ma-
 -gno Tem-
 -plo.



CAROLVS.SEQVANORVM

D V X



CAROLVS, Sequanorum dux, Philippo patri succedens, isto foedere una cum Galliae nobilibus, aduersus Gallorum Regem Lodouicum Vndecimum arma mouit. Ingreditur Galliae fines, ac, pluribus in ea castris occupatis, cum indicta esset belli dies, a dextro cornu ita hostem fregit, ut diu fugientem insequeretur. Inde, reuersus eo, unde furore belli se se abstraxerat, alterum suorum alam declinantem adiuuans, licet semel & iterum ab hostibus circumuentus esset, & in gutture uulnus accepisset, ausus est, auctis copiis, Regem Lutetiam usque insequi. Quem ad locum ubi uenit, haec pollicitus fuisse dicitur: a uectigalibus libertatem, & religioni antiqua decora se restitutum. Indignum enim esse aiebat, Francorum Regiam, quae ceteris populis suae exemplum grauitatis, dignitatisq. dedisset, seruitute premi: se facturum, ut Rex principem, patremq. patriae agere assuesceret, utq. animum induceret, patrios mores, institutaq. maiorum colere, atque in primis nobilitatem suis honoribus non fraudare. Et uero Lodouicus Vndecimus, Carolo Septimo, die Sanctae Magdalenae festo, Magduni Biturigum decedente, anno eius saeculi sexagesimo primo Rex salutatus, sacratuque, longe alio, quam quo pater, instituto sibi regnandum arbitratus, sollicitam sibi omnem deinde uitam effecerat. adeo repentina omnis magnae rei mutatio, ipsis persaepe auctoribus oppressis, molesta esse solet. Is in Regno aulicos patris in nullo honore, gratia ue habuit. Toto ferme Regno magistratus, praefecturae, procurationes, munerum functiones, in quibus aliquid dignitatis, commodi ue foret, repudiatis ueteribus, nouis hominibus demandabat: ueteranis militibus, ductoribusq. Ordinum exauctoratis. Quod maximo malo illi existit. Id uero alijs Principibus exemplo esse debet, qui, si fidem in suis requirunt, a benemeritis militibus postulent; in nouos gratia lente subrepta,

repat, quos spatia temporum, & officia probauerint. Itaque coactus Rex ad eas condiciones descendere, quas maxime Dux optasset, pax facta est, quae Confluentiae nomen obtinuit. Hinc illa Regia uox: Sua cuique: &, quas a maioribus suis facultates, & quae a patre munera, honoresq. acceperant, restituo. Cuius generis argumenta interdum inter haec Elogia libentius inserimus, non modo ad uoluptatem, sed etiam ad utilitatem, quam capere fortasse poterunt, qui, minus caute, aliter, ac a maioribus suis acceperunt, gubernationis formam instituunt. Carolus uero conuertit se ad Britones, citerioris Britanniae gentem, quae in Gallia est, ac Normandiae defensionem, Leodio, atque Eburonibus, non sine sanguinis effusione, expugnatis. Eodem tempore Oduardo, Anglorum Regi, affini suo, opem tulit, qui a Regio solio deiectus fuerat. In eam insulam feracissimam, quae nec lupos, nec rapax ferarum genus edit, in mira caeli, ac copiarum omnis generis suauitate, tanta celeritate aduolauit, ut non modo aduentantem, sed ne abeuntem quidem praesenserint. Restituitur in patrium Regnum Oduardus, duce Carolo. Henricus, in carcerem trusus, maerore exstinguitur: filius in bello cadit: coniux, licet discordias foueret, libere dimittitur. Quamquam, in Heluetios conuersus, ita se atrocem praebuit, ut quingentos ex eis longo ordine laqueo suspenderit. Quo facto, ea gente acrius in se irritata, Carolus, collectis uallis, solum uertere coactus est. In Lotharingiam summa hieme peruadit, ubi, certamine in diem integrum & eo amplius producto, confosso equo, inopinato hostium aduentu, triplici accepto uulnere, obiit, dux maximi animi. Est enim haec natio strenua, & equitatu maxime praestans. In qua flos nobilitatis, aetate nostra, dignissimus esset, qui celebraretur, Antonius a Bauma, Comes Montis Riulli, Vir clarissimus, & rebus a se praeclare gestis, & auorum memoria; quorum insignia ex Hierosolymitana expeditione una cum Gotfrido, in sacris illis Palaestinae parietibus expressa, in perpetuum eius familiae pro Religione Christiana testimonium, praefulgent. Eadem maiorum suorum signa, ut, suis, ac Religioni debita, e profanis impiorum manibus erepta restitueret, ac sedem illam impietatis,

ac pa-

ac patinam omnium scelerum excinderet, non destitit Vir fortissimus ad portas usque Geneuae excurrere. In hunc ego hoc carmen feceram; dum maioribus eius factis maiora historiarum monumentis commendem.

*Pugnantem ut uidit pro se, pro nomine Christi
Sancta fides, gelida stare sub Alpe Ducem;
Perge, ait, Antoni: uinces: uictoria nulla,
Quam pro me, & Christo, pulchrior esse potest.*



CASTRVCIVS. CASTRACANIS



CASTRVCIVS Castracanis, Antelminella, nobili familia, mira uarietate humanorum euentuum, ad exercitus praefecturam adscendit. Luca patria, ob Gibellinae factionis nomen, pulsus, in Galliam uenit; inde in Angliam profectus est: qua in regione inita cum Odoardo Rege familiaritate, unius paruae pilae lusu, qua mirifice Rex oblectabatur, cum ex altercatione illatam sibi iniuriam, Regulo pugione traiecto, depulisse sibi uideretur, per Tamesim, ad Belgas, incredibili celeritate scapha conscensa, transfretauit. Hic, sub Alberto Scoto, nobili Placentino, ordines duxit, tanta gloria, ut etiam in Galorum monumentis sui, celebrem memoriam reliquerit. Inde, spoliis onustus, in Italiam redijt, ea spe, ut, & se patriae, & libertati patriam restitueret. Erat temporibus illis Vguccio Fagiolanus Lucae, cui Nerium filium praetoriae potestatis procuratorne praefecerat. In huius se gratiam Castrucius insinuauerat. Quamquam ille, qui ad Etruriae Imperium adspirabat, ueritus eius ingenium, in ergastulum ita coniecerat, ut breui e medio ciuitatis, ac suorum ciuium adspectu, quibus gratus uidebatur, securi percussus eriperet. Verum, quod admiramur, & paene, cum legimus, assensum cohibemus, quasi quiddam poetarum fictum coloribus, e tenebris ad lucem, ex custodia in libertatem, e crudeli securi ad sceptrum, ad Urbis dominatum uocatur, Pater patriae acclamatus eo ipso tēpore, quo Vguccio Fagiolanus quasi e Regia Etruriae, ac Pifarum Imperio, misere deiicitur. Quis, cū ad carcerem concursus fieri uideret, non putaret itidem hominem ad supplicium rapi? Quid uinculis cum corona? Quid commune habent catenae cum aureo torque? Quem cum miseria locum habet uoluptas? Hoc certe innocentiae debebatur solum, quod ui ille rapuerat. Qualis est haec rerum humanarū uarietas? Plane haec contemnenda, quae in perpetuo motu sunt, spectanda caelestia, quae nullam mutationem admittunt. Confero nostrā longissimam aetatem cum aeternitate: ita breuis reperitur, ut nec quidem momento par sit. Conferantur triumphi, qui, ut non sine sanguine comparari solent, saepe etiam luctu concluduntur. Leuissimum est, se uulgi sermonibus dedere, & in praemiis humanis

spem ponere rerum suarum. Regna, imperia, honores, nobilitas, opes definiuntur tempore, & puncto parva percunt. Non potest esse hoc ipsum diu, in quo est aliquid extremum: nihil semper floret: idemque uix, ortum occidit. Aulus Vitellius, ut de hoc pauca afferamus, in Germaniam, ad regēdos exercitus, missus, cum nec quidem pro uiatico satis haberet pecuniarum, nisi uxoris margaritas uendidisset; postea, creatus Imperator, Romam uenit, Augusti nomine salutat: sed breui tanta felicitas in miseriam, ac luctum conuersa est. captum, ac uinctum Vespasiani militares duces per Urbem traxerunt, appposito gladij mucrone sub mento, ne uultum obtegere ab iniuria posset, cum coeno, sordibusque eum pueri incescerent. Caesus ad hunc modum, & per scalas Gemonias coniectus Imperator, ad quas eorum corpora proieciuntur, quibus sepulturae ius fuerat denegatum. Certe, qui tam paruo tempore, tam uarie, tam grauitur tulerint, per paucos fuisse, arbitror. Verum Castrucij diuersa ratio. Is cum statum, quem sibi longa patientia, ac uirtute quaesierat, moderate, ac prudenter studuit retinere. Nam, Pistorio in potestatem redacto, Gibellinae factionis princeps, Guelfos ad Altopassum, pari paene Montecatiniensi proelio, concidit. Itaque Lucam redeuntem, non dissimili triumpho ab eo, quo ueteres Romani Capitolium conscendere, ciues sui exceperunt. Qua comparata laude, non se otio, aut desidiae dedit. Nam, a Lodouico Bauaro uix commeatu impetrato, apud quem antea gratia pollebat, liberatus, quod Guelforum partes tueri uideretur, Pistorium magnis itineribus contendit.

Hic, diuturna noui generis obsidione, & fame, pressum ad deditiōem compulit. Cuius quidem obsidionis dum

triumphum petit, aeger Lucā uenit, Galeatium,

ueterem amicum, eadem caeli inclemētia

morte praeeuntem, paullo post secutus,

ad eam caeli patriam prope

rans, ad quam adspiramus.

Erat annus a Deipara

Virgine, Mil-

lesimus tre

cen-

tesimus uigesimus

octauus.

CONSALVVS

FERDINANDVS



CONSALVVS Ferdinandus, merito omnium gentium consensu Dux Magnus appellatus, Cordubae, Baetica, urbe peructusta, Lucani, atque utriusque Senecae patria illustri, natus, Petri filius fuit, cuius uirtus in Punicis bellis potissimum enituerat. Is, cum in Hispania, ac Germania, felici rerum successu, bella gessisset, Baetico solo purgato, a Rege Catholico quinque millium peditum, equitumque sexcentorum ductor creatus, ad Siciliam appulit. Inde, per Italiam sui Regis partes secutus, insignes honores retulit. Primum Regium, Cosentiam, & ad sexaginta castra apud Calabros expugnat, auxilijs Fabricij, ac Prosperi Columnae. Cum uero saepius cum Gallis dimicasset, tandem cum illis ita conuentum est, ut Galli incolumes rebus suis saluis egrederentur. Hinc ad Ostia Tiberina archipiratam, eam uniuersam partem infestantem, fugat; ac mare Tyrrhenum, Hadriaticumque, traiciens, octo millibus peditum, ac mille ducentisque equitibus aduectis, insulam Samum Venerae ditioni subdit: pro quo beneficio accepto, inter alia munera, Consaluum ea ciuitate donarunt. Fuit uero tanta animi integritate, ut, cum Regi sui nomine contra Federicum Regem Neapolitanum bellum indicturus esset, eidem Vrbes duas, ac septem castra dono antea accepta restituerit; iniquum esse affirmans, cum eo pugnare, cui foederis uinculo coniunctus esset: dum non desunt, qui, ab hostibus opulentissima colligentes stipendia, impudenter merent. In consilium cum uiros graues, tum semper, tum in Lucania, alendo militi, trahendoque, inter ceteros Mathaeum Aquauiuam, Praecutiae Hadriae regulum, adhibuisse dicitur, in utraque disciplina clarum, cuius, praeter Actij Sannazarij insigne testimonium, exstant in bibliotheca mea inuenta praeclara nobilis ingenij, de Venatione, & Aucupio. Cannas Ferdinandus in Apulia a Gallorum impetu defendit. Idem quaed Erdoliam, siue, ut alij, Ardoneam, uictor, absque leuiss-

lima suorum offensione, celebratus est. Ferunt, adeo liberalem fuisse Consaluum, ut, cum Gallorum spolia suis partiri non potuisset, mandauerit miligibus, ut domus suae suppellectilem depredarentur. Mox illi, dicto audientes, ita in Ducis sui res irruerunt, ut hostiles, sicq. plane hominem non sane diuitem expilarint. Interim Rex Galliae decem & septem millia pedum, & tria millia equitum pro restitutione Regni Neapolitani in Italiam mittit: quod infauste cessit, caesis Gallis ad Linternum fluuium in Latio, oppugnante Consaluo. Huic cum se quoque Caieta dedisset, nihil plane supererat in eo tractu terrarum ferocissimo, quod non magnus dux sibi subiecisset.

Hic etiam Consalui liberalitas commendata est, quae solet esse in ducibus praecipua. Diocletianus, cum, deposita Imperij administratione, solitariam uitam ageret, a quibusdam interrogatus, quae esset in Principe dos potissima, Liberalitas respondit. Nec enim ornatur Princeps, nisi communi utilitati studuerit. Quam rationē qui tenere neglexerunt, se in manifestum periculum adduxerunt. Namque usu comparatum est, ut ingentes pecuniarum thesauri insidiatores quam plurimos possessoribus suis acquirant. Id quod in militia maxime obseruamus, quam honos, & praemia, ut ceteras artes, semper aluerunt. Consaluus igitur dona primarijs ducibus partitus dicitur. Ioanni Cardonae, Antonio Leuae, Prospero, & Fabricio Columnae, Bartholomaeo Aluiano, Temeram, siue Tampsam, insigne castrum, apud Calabros, dono dedit. Horum munerum distributionem, sub feudi nomine, mox Rex Catholicus confirmauit. Apud quem, & Gallorum Regem, tertius conuiua Sauonae in Liguria ab ipso Lodouico, Galliae Rege, post maximum laudum cumulum, aureo torque, & collo Regio in eius ceruicem iniecto, donatus est. Dux sane pluribus nominibus clarus: sed eo maxime gratias illi ingentes habere debet Italia, quod per eum a Tyranno saeuissimo liberata est. Nam emissum Caesarem Borgiam e mole Hadriani, elapsūq. ab Ostia Neapolim properantem comprehendit, atque in Hispaniam captiuum misit. Idem, cum setriennio post funibus e carcere deiecisset, glande traiectus, nudusq. uili iumento impositus, pendentibus hinc brachiis, inde cruribus, dignum factis exitum habuit. Is, longe post, duplicis quar-

tanac morbo correptus, traducitur a Loxa Granatam, ubi se-
 xagesimo secundo aetatis Anno, in uxoris, Heluiraeq. filiae
 complexu, susceptis Christianae disciplinae sacramen-
 tis, conspiravit, postridie Kal. Decembris, a par-
 tu Virginis supra Millesimum quingente-
 simum decimum quintum. Ad tu-
 mulum stetit ferunt su-
 pra centum uexil-
 la, ma-
 gnorum pro-
 cerum spectante, ob-
 stupenteq. co-
 mitatu.



71

ERASMVS · GATTAMELATA

NARNIENSIS



ATTAMELATA, Narniae, nobili Vrbe, in antiquis Sabinis, quae semper aluit Viros fortissimos, natus, Erasmus antea dictus est. Is, belli stratagematū peritissimus, ex Braccij schola, per omnes militiae gradus, uitam sibi ad immortalitatem, paucorum tritam pedibus, fecit. Hunc ita Braccius adamauit, ut insignibus, ac liciniaē suae coloribus, honoris ergo, & amoris monumento, donauerit. Quo ad Aquilam, quae ex Amiterinis reliquiis cōstructa est, defuncto, Gattamelata, pecunia redemptus, se ad Nicolaum Picininum transtulit, quem sororis Braccij filium diu secutus est. Quod exemplum plurimi imitati sunt, qui ex eius castris, tamquam ex equo Troiano, prodierant. Verum inter omnes unius eluxit gloria militis Narniensis, qui, rebus fortiter gestis, supremum militaris Imperij decus adeptus est: ut tritum illud prouerbum confirmaret: Quemque esse fortunae suae artificem. Et certe uirtus eiusmodi est, ut, nullo duce, sibi uiam etiam per inuia loca sternat. Itaque, eius nominis fama peruulgata, per Italiae regiones, Veneti, eum ad se accersitum ornarunt. In suscepto militiae munere Gattamelata cum ea Respub. polleret opibus, Fabij Max. exemplo, in proeliis sibi cunctandum, dissimulandumq. putauit. Illud uero praeclarum, cum ab exercitu Vicecomitum imparatus, & longe copiis inferior fuisset deprehensus, Athesim amnem uado transire suos iussit, dum interim ipse, alienae salutis magis, quam suae, ratione habita, quasi alter Cocles, impetum hostium sustinens, ultimus omnium traiecisset. Post Gonzagam Gattamelata Dux totius exercitus renuntiatus, loca, quae Picininus occupauerat, Venetae Reip. restituit. Bergomensē, ac Veronensē agrum ingressus, quasi Leo ferocissimus, omnia ferro uastat, hostium elusis insidiis. Cum uero Gonzaga se ad Picininum adiunxisset, licet minoribus copiis, certare coactus, a matutino crepusculo ad uesperam usque ita se gloriose gessit, ut aequo Marte continenter pugnatum fuerit. Inde Veronam contendit, ac per Tridentinos saltus interclusos aditus perrupit, ac penetrauit. Hic, post-

quam diemauerat, occasionem expectabat aggrediendi hostis; ac, Brixia, Bergamo, Verona, ac Cremona, Philippo Vicecomiti ademptis, Venetam Remp. quam semper, per se maximam, ditat, & auget. Id habet cum paucis commune dux noster. Porro huic illustre exemplum dederat Gentilis Leonissanus, in antiquis Sabinis, item, uix uigesimo lapide a Narnia, natus, ut Albertus Hortinus, ac ceteri silentio praetereantur, qui in uicina nostra florentissimam illam Remp. defenderunt. Gentilis certe, singulari fide, ac clementia praestans, supremum militare decus est consecutus. Quo in munere obeundo sagittae ictu Brixiano in bello genu percussus, maluit in ea gubernatione pro Venetis occumbere, secto crure, eius Imperij propugnationem, ac illustre munus deponere. At Alexander uere Magnus, simili in periculo constitutus, insigne fortitudinis reliquit exemplum. Ex eo bello, cui, qui postea regnauit, Ptolemaeum affuisse, auctor est Clitarchus, & Timagenes, Alexander uulneratus, in tabernacula relatus fuerat. Medici lignum hastae, corpori infixum, ita, ne spiculum moueretur, abscindunt. Corpore deinde nudato, animaduertunt medici, hamum inesse telo, nec aliter id sine perniciē corporis extrahi posse, quam ut secando uulnus augerent. Ceterum, ne secantes profluuium sanguinis occuparet, uerebantur, quippe qui ingens telum adactum erat, & penetrasse in uiscera uidebatur. Critobolus, inter medicos artis eximiae, sed in tanto periculo territus, manus admouere metuebat. Lacrymantem eum, ac solitudine propemodum exsanguem, Rex conspexerat. Quid? inquit, quodue tempus expectas? & quam primum hoc dolore me saltem moriturū liberas? An times, ne reus sis, cum insanabile uulnus acceperimus? At Critobolus, tandem, uel finito, uel dissimulato metu, hortari eum coepit, ut se continendum praeberet, dum spiculum euelleret. Etiam leuem corporis motum noxium fore. Rex, cum affirmasset, nihil opus esse iis, qui semet continerent, sicut praeceptum erat, sine motu praebuit corpus. Igitur patefactum latius uulnus, & spiculum euulsum est. Verum ad Narniensem Ducem reuertamur. Hic enim Venetae Reip. clarissimae maxima fide imperium non modo tutatus est semper, sed etiam propagauit. Porro ad Venetorum fines uetus illa Aquileia est, per quam Gattamelata excurrentis latius plurima praeclare gessit, quae sponte praetereo. Itaque, di-

gressionem repetens, referam quiddam, ab antiquissimis usque
 temporibus accersitum, pro suscepto instituto breuius, ut, qui has
 nostras narrationes legent, si qui forte fuerint, inter nouas histo-
 rias habeant aliquid ueteri historiae admistum non plane uulga-
 re. Attila, Aquileiam ciuitatem, in ipso Italiae sitam ingressu, ex-
 pugnare aggressus, adhibitis machinis, tormentisque, adhorta-
 batur suos ad expugnationem. Erat in ea ciuitate feminarum no-
 bilissima, Dugna nomine, forma quidem eximia, sed candore
 pudicitiae illustris. Haec, dum domicilium supra ipsa Urbis
 moenia haberet, turremque excelsam suae domui imminentem,
 sub qua Natissa fluuius uitreis labeatur fluentis, ne sordidissi-
 mis hostibus ludibrium fieret, animaeque pulchritudinem uelut
 illata libidine uitaret, mox, ut ingressum hostium, captamque
 urbem praesensit, e summa se eadem turre obuoluto capite in-
 gurgitem praecipitem dedit, merumque amittendae pudicitiae
 memorabili exitu terminauit. Gattamelata, ut cum Duce no-

stro, ut coeperamus, tandem concludamus, durissimae hie-

mis frigoribus, ad Benacum, sub Alpibus, paralyti
 contracti, pro florentissima Rep. extinctus, in

Antonianum templum, Patauij, militum

humeris tollitur, erecta ibidem eque-

stri ex aere statua, circa an. Mil-

lesimū quadringentesimū

quadragesimū secun-

dum. Post ipsum


enim Mi-

chael

Codognola suffectus

est impera-

tor.



74
FARINATA . VBERTVS
FLORENTINVS



FARINATA, ueteri familia Vbertorum, propria potissimum uirtute clarus, maiorum suorum mirum in modum auxit ornamenta. Is, temporibus illis infauis, concertantibus Guelfis, ac Gibellinis, natus, occasionem arripuit ex domestica pugna, ut militiam profiteretur. Inter hos de summa rerum agebatur. Guelfi Pontificis, Gibellini Imperatoris partes sequebantur. Florentini plerique Guelfi erant; tamen inter eos non nulli Gibellinae factioni studebant. Inter hos Farinata, uir grauissimus, ac consilio maxime pollens, patria cedere coactus est. Domus solo aequatur: hostis declaratur: ignis, & aqua indicitur. Tunc forte Senenses Gibellinis adhaerant: a quibus omni humanitatis officio exceptus, cuius artificio sperarent uicinum, atque aemulum hostem domare. Id ita plane, ut conceperant, euentum probasse, narrabimus. Dum enim haec aguntur, oblati equites cataphracti a Manfredo, Neapolitanorum Rege, sub Aquilae uexillo recipiuntur a Senensibus, coactu, ut, si superior hostis fuisset, Manfredus diminutas copias repararet. Fuerat auctor huius consilij Farinata. Et uero Germani attriti, deiectum uexillum Regium, denique infeliciter res gesta. Itaque Manfredus signis Regiis suppetias dare coactus est. Ausi copiis Senenses, hostem opprimere machinabantur. Guelfi, arbitrati Gibellinos ad Arbiae ripas castrametatos spe praedae, ignari tamen noui exercitus, unius Farinatae consilio ad impar proelium traducuntur. Millesimo ducentesimo sexagesimo anno reparationis humanae, Pridie Nonas Septembris, res adeo funesta acta est, ut diu Arbia humano cruore perfusa fluxerit. Similis plane clades Dario, extremo illo proelio ab Alexandro profigato, erecto trophaeo, & tantae uictoriae testimonio urbe in colle Alexandria, ac simul ipsius simulacro, unde loco impositum nomen, Seueri, Nigriq. militibus contigit, dispari tamen euentu. Vtrimque enim sub uesperam parati ad pugnam constiterant: curis noctem totam insomnem traxerant: Solis orructibus

cibus hinc inde adhortantibus, incredibili a lacritate incitabantur, quasi de omni spe reliqua nouissimo illo congressu dimicaturi; sed, ubi diu pugnatum acerrime, tãta edita strages est, inquit Herodianus, Graecus historicus, ut flumina per eam planitiem decurrentia maiore aliquanto sanguinis, quam aquarum, ui, in mare perumperent. Redeo ad Etruriae calamitatem. Eo die peditum triginta millia, equitum quinque millia, cecidisse feruntur, eorum, qui ad rectam spem, ut ipsis uidebatur, uictoriae, militari stratagemate Vberti, adducti fuerant. Guelſi, qui Florentiae subſtiterant ad domesticorum larium tutelam, ante ſibi fuga conſuluerunt, quam eo hoſtis accederet. Hic locus poſtulat, ut deploremus ueterem Vicedominorum familiam, inter quattuor illorum temporum Florentiae clariſſimas; quae, Guelſorum partes ſecuta, tempori cedens, patrium ſolum deſeruit: quod idem de ſe, ſuiſq. ſaepe conqueritur Franciſcus Petrarca. Itaque in Inſubriam ſeceſſit honeſto titulo deſenſionis partium Eccleſiaſticarum. Parmae primum conſtitit. Inde, partium, quae tunc uigebant, diſcordiis, Monticulum non longe tenuit, eamq. ditio-nem ſane diuitem, & uberem. Cõfirmationis eius diploma apud Petrum Antonium Vicedominum, Epiſcopum Auellinum, ſub annum Milleſimum tercenteſimum quadregeſimum tertium humane ſalutis, eſſe audio. Hinc diuortia facta familiae. Alij in Picenum uenere, alij Regium, quod diſtat Parma lapides circiter xlii. Illi in Piceno caſtrum aedificauerunt, cui nomen item Monticuli indiderunt, quod, malignitate temporum deletum, in coenobitarum hoſpitiũ tandem conceſſum eſt a Pellicano Maceratenſi, olim Urbis Senatore, qui ſe eiufdem familiae eſſe memorat. Verum hac de re alibi. Nos alio curſu contendimus. Farinata Vbertus, ualido euectus equo, Florentiam uenit fugiente paſſim multitudine, magnoq. ubique fletu, clamoribuſq. ciuium, ac mulierum, planctu miſerando, non potuit non patriae deplorare ſolitudinem. Ingreſſus Urbem, & euerſa factione Guelſa, exclamare potuit, aliter, ac Scipio ille Africanus: Ingrata patria, etiam inuita habebis oſſa mea. Patriam ille, ut armis, ita conſilio tueri ſemper uoluit. Ipſa enim eſt, quae omnes omnium amo-res una complexa eſt. Non mirum, ſi plurimi, eius caritate adducti, non opes modo, ſed uitam ipſam proſuderunt. Ad aquarum hiatum ex ſuperſtitioſo oraculo cum pretioſiſſimas gemmas, au-

riq. vim maximam coniecisset Ancharus, Midæ filius, quando nihil profecerat, patriæ, quem salutis propriæ amantior, in hâc sententiam interpretatus oraculum, nihil esse, quod humanae uitæ conferri posset, pretiosius, a parentis, uxorisq. complexu in eâ uoraginem, ut Callisthenes in historia tradit, equo infidens, se se dimisit. Sic Praenestinus ciuis, cum a Sylla se seruatum intelligeret, ceteris interemptis, in numerum occisorum recipi maluit, quam sub patriæ euerfore uiuere. Plenæ sunt historiae Deciis, & Horatiis. Farinata, una cum ceteris Gibellinae factionis, Florentiæ patriæ administratione suscepta, de firmando ciuitatis statu deliberabat. Plurimi, quia imminere bellum uideretur, & Guelfi nominis multitudinem diu se retenturos diffidebant, in eâ sententiam ibant, ut ciues omnes Florentini in propinquas Vrbes, in quibus maiores honores, quam Florêtiae, habituri essent, demigrarent. Assurgens in concione Farinata, clara uoce, numquam se passurum dixit, ut se praesente patria desereretur, pro qua tantum esset sanguinis sparsum, ac iterum uitam effundere esset paratus. In haec uerba concione dimissa, plusquam se ipsum diligere se patriam, ostendit. Itaque, cum decretum de patriâ delenda sustulisset, impetrauit, ut floreret adhuc nobilissima Etruriæ ciuitas, ipseque ob egregiam erga patriam pietatem patriis uersibus a Dante, eorum temporum Vate insigni,

ad perpetuam posterorum memoriam celebra-

retur. Quamquam, ut de Scipione Afri-

cano dicebamus, cuius fuerat secutus

uestigia, eiusdem etiam exem-

plo id praemium a ciuibus

suis est consecutus, ut

exsilio morere-

tur, circa

an.

a Christo nato Millesimum

ducentesimum sexa-

gesimum quin-

ctum.

FEDERICVS. FELTRIVS



FEDERICVS Feltrius, in scientia rei militaris usque a teneris annis sub Nicolao Picinino nutritus, in periculis fortitudine, in dubiis iudicio, in certis constantia, in conspectu acrimonia, in ipsa uictoria moderatione ita praestitit, ut posset cum tota antiquitate comparari. Nam, ut ego quidem certe existimo, non maximi exercitus, summiq. apparatus, sed numerus proeliorum totidem uictoriarum duces illustrat. Ut uero multa, quae ab aliis passim scripta sunt, quod in singulis conati sumus, sponte praetereamus, pauca dumtaxat attingemus: Federicus Florentinos protexit, iisdemq. Orthoniam, quam perperam alij Orthanam, in Etruria, Romanorum Coloniam, tumultuantem restituit. Hic sub Pio Secundo Pont. Max. Picenum agrum paene deperditum postliminio reperiit, atque ita firmavit, ut eo posteri maxima pace potirentur. Nulla aetas cōtuleret, ut te ipsum alloquar, Federice, quanta rei militaris peritia maximum, ac fortissimum exercitum Sigismundi Pandulphi, ducis, ante te, inuicti, & in omni bellorum genere cum summa gloria uersati, compresseris. Ille quidem, amisso patrio, auitoq. Regno, & illo quidem amplissimo, ita in angustias reductus fuerat, ut, ad clementiam confugiens, eam a te liberaliter impetrarit. Neque uero illud erit in postremis, cum eius filium Robertum, uirum strenuum, non modo in paterno Regno excepisti, ac fouisti, sed etiam nuptiis familiae tuae copularis. Non enim de Regno, aut uita, sed de gloria dimicabas una, cum dissidium ipsa uictoria terminarit. Quid dicam de Bartholomaeo Bergomate profligato? Hic totum fere terrarum orbē perterruerat. Principes, ac ciuitates liberae de rebus suis dubiae erant. Ipsa etiam Gallia, Germania, ac Illyria timebat maxime. Italia, quasi diuinitus sibi flagellum datum existimans, uora numcupabat. Quo pertinerent innumerae illae equitum, peditumq. cohortes, ignari populi, uix intra domesticos parietes tuti erant. Inter haec pericula populorum, unus fuit Federicus, qui, quasi e caelo lapsus uideretur, titubantis Italiae animos singulari uirtute, ac prudentia confirmauit. Is, stratagemate usus, in medio conspectu tormenta admo-

uit, quibus exercitum pugnae intentum plane dissipauit. Quāobrem Bergomas, cui non satis Italia uideretur, adeo conterritus est, ut, omni spe deiectus, non nisi de fuga cogitaret. Simili ratione Tifernates aliquando ad pacem traduxit. Narrabo rem plane, ut gesta est. Vbi Ferdinando Regi belli dux maximus, ac pluribus rebus bene gestis, operam suam nauauit, ad Pont. Max. Romam uenit, eo ipso tempore, quo Tifernates in obsidione erāt. Pontifex Federico omnia, tam pace, quam bello, componenda credit. Ille uero, expedita manu, iustis itineribus, ad legatum contendit. Erat hic Iulianus S. R. E. Cardinalis, Pontifici ex sorore nepos, uir magni animi, ac singularis religionis, mansuetudinis, atque integritatis. Vbi castra attigit Feltrius, lustrare omnia coepit. Hostium praesidiis exploratis, mox ad obsidionē Carolum Manfredum Fauentia, Constantium Sfortiam Pisauero, & Robertum Malatestam Arimino aduocat; cuius nomine libellus ille de obsidione Tifernatum, uix incendiis bellorum restinctis, in lucem editus, adhuc in tenebris iacens, lucem optare maxime uideretur. Aduerunt Urbino, una cum cohortibus, tormenta duo maxima, quibus Urbis moenia quaterentur. Eo ipso tempore duo inuenta profecta a mortalibus feruntur, alterū ad immortalitatem, & memoriam, quod Imprimēdi arte continetur, quod artificij genus, nostris maioribus incognitum, non tam uigili hominum cura, quam Diuino munere ex Germania effluxerat; alterum ad usum pertinebat maximorum tormentorum, quae pilas in orbem ductas, easdemq. marmoreas, librarum etiam quingentarum, quae fulgura, aliaq. admiranda naturae opera, quae uel in aere, uel in subterraneis locis admiramur, imitarentur. His terri Tifernates, & consilio potissimum ipsius Federici, qui, ut amicitiam conciliaret, per Legatos, retulit, uniuersam Italiam in eos coniurasse. Eo denique eloquentissimus Imperator hostes perduxit, ut opidanos in ueterem fidem, ac beneuolentiam attraxerit, pacis condicionibus ipsius etiam manu obsignatis. Et certe, ut in bello, ita in pace, clarissimus fuit Federicus, non Martis modo, sed Palladis etiam artibus instructissimus. Vates idem, & Orator etiam, ea, quae in naturae sinu latent, & omnium parens disciplinarum Philosophia proficitur, ita explicabat, ut inter disputationes grauis sinu uirorum, quae imitatione quadam dimicandi artem sequuntur, plane in Philosophorum exedris perpe-

tuo confedisse uideretur. Itaque, illustribus titulis, trophaeis, spo-
liisq. onustus, in patriam reuersus, ad amans pacis, Bibliothecam
ornatissimam exstruxit. Quam, dum haec cōmentaremur, Fran-
ciscus Dux, auito suorum, ac Ptolemaei, & Gordiani exemplo,
urget, ex omnibus terrarum partibus conquisitis libris, illustrare.
Sed de tanti Ducis laudibus, nec est institutum hic scribere, nec
defuturi sunt Viri eloquentissimi, qui, ut de ceteris eius familiae
Viris illustribus, sic de eo uberiorem memoriam in monumen-
tis suis referent. Ego sane praeterire non possum carmen de au-
reo Vellere, quod ille Bononiae retulit I X. Kal. Octobris, Mille-
simo quingentesimo octuagesimo quinto, quod eo ipso anno Tu-
sculi, inter ea opaca nemora, meditatus sum, securus Iacobum
Sabellum, antiquum studiorum meorum patronum:

*Hoc uellus, gemmisq. nitens, auroq. rigenti,
Et clarum titulis, conspicuumq. fide,
Rex, armis, & pace potens, tibi mittit Iberus,
Ornent ut quercum Martia dona Iouis.
Et tua Paconis sociis est aemula uirtus,
Suntq. salo per te monstra domanda solo.
Libra sic uirides palmas tibi seruet Idumes,
Et Tagus auratas in mare uoluat aquas.*

Federicus uero, e castris, aeger, Ferrariam delatus, iam
plane senex, quasi somnum suauissimum capiens,
conquieuit, Millesimo quadringen-
tesimo octuagesimo primo.



FEDERICVS . GONZAGA



FEDERICVS Gonzaga, primus Dux, Francisci Marchionis filius praeclaram indolem a primis annis praetulit. Et merito. Neque enim, ut inquit ille,

— *imbellem feroces*

Progenerant Aquilae Columbam

Vt enim in arboribus inest plerumque uis seminum, ex quibus procreatae sunt, ita etiam in hominibus fieri solet, ut fortes procreentur fortibus. Hic in ipso adolescentiae flore Leoni X. Pont. Max. egregiam operam nauauit, creatus ab eo tum sui, tum Florentini exercitus Imp. in Senarum oppugnatione. Tum uero in dies fiorens disciplina militari, una cum Prospero Columna, ac Ferdinando Piscara, ad Niciam, Insubriae fluuium, iunctis copiis, Parmam obsedit. Inde, aucto exercitu Mediolanum profoederatis expugnat, fractis, fugatisq. Gallis; a quibus iterum ad Biocham gloriosam uictoriam retulit. Deinde ad Papiam defensionem ad Gallorum impetum refringendum contendit, dum Prosper Columna, ac Ferdinādus Piscara Laudem Pompeiam, Cremonam, ac Genuam sibi subdunt. Ferdinandus Alarconus, qui, Caesaris mandato, e Calabria Mediolanum per eos dies uenerat, ut peditum praefecturam gereret, donec Daualus aberat, Prosper aegrotans iniunxerat. Hic, bene gerendae rei studiosus, ut hostem ab urbe summoueret, aggerem, effossa terra, & ex cespitibus trabibus, atque arborum ramis intextis in turris specie erigit, in cuius uertice area erat, ambitus pedū circiter ducētorū, quae a fronte eratibus terra oppletis, uallata tormentis, tormētis, ac peditibus collocandis spatium relinquebat; atque ita aliquot dies Gallos crebris tormentorum ictibus infestans ex eis plurimos interfecit. Verum, cum id parum ad liberandam obsidione Urbem, ut antea dicebamus, Prospero uideretur, Principi Mantuano, qui se ad quaecumque belli munia alacrem praebebat, iniungit, ut cum equitibus Pontificijs Papiam se conferat, ut inde uiatores, eosque, qui annonam ad exercitum hostium deferebant, infestaret. Itaque Gallus iam timere coeperat, ne, a Mantuano, & ab ijs, qui Papiam erant, occupato ponte, quo Ticinū e regione

e regione Vigleueni coniunxerat, commeatus paenuria laboraret, e Brigateis collibus, totoq. superiore agro, tanta uis tritici, ac uini obfessorum saluti inuecta est, ut Ammiraldo nulla amplius potiundae urbis spes subesset, patefactis praesertim insidiis, & proditione Murgantis. Interea, Prospero Columna defuncto, eiusq. loco suffecto Lanoia, Gallorum copias una cum Mantuano persecutus, numquam ambo iunctis uiribus destiterunt, donec magna cum gloria contriti, ac penitus ab Italiae finibus terga uerrentes, atque ad triarios redacti, ita, ut, qui suis nuntium afferret, paene nullus esset relictus. Sic sane exstat in antiquis monumentis: Dum a Romanis solueretur pretium mille pondo auri Gallis, & ab insolente eorum regulo Breano ponderi gladius adderetur, Camillus tot Gallos trucidauit, ut ne nuntius quidem cladis relictus fuisse uideretur. Eorum Gallorum uetus memoria, & arentia ossa, & nomen, in Hortino, ad Naris fauces, mansisse dicitur. Porro hic Brennus, Britannus fuit natione. Non satis erat Gallis, uastasse Italiam, ac Rauennates uictos uicisse, nisi etiam pertinacius subiectos insequerentur. Sunt plurima in Gonzaga, eaq. singularia fortitudinis argumenta, historiarum monumentis consignata. Sed, &, quae humanitatis plena reliquit, praeteriri silentio nullo modo possunt. Quae ut in ea familia nata, altaq. sunt, ita in hoc Federico praecipue enituerunt. Gobrias, cum Cyro dixisset, praestare quidem ipsum re militari, sed multo magis humanitate: Per Iouem, inquit Cyrus, multo mihi est iucundius, humanitatis, quam rei bellicae opera demonstrare. Cleomenes, Rex, adeo humanus fuit, ut nullum Regium apparatus secum habuerit, non ianitores, non satellites; sed, breui tunica amictus, ultro adiens ad se uenientes, petentibus comiter, benigneq. respondens, summa humanitate, & loqui, & audire paratus. Ac Alexander Seuerus Dominum se appellari uetuit, epistolas ad se tamquam ad priuatum scribi iussit; seruat tamen nomine Imp. Item adorari se prohibuit, cum iam coepisset adorari Heliogabalus, more Regum Persarum. At Federicus Carolum V. Imp. aetatis nostrae unicum Caesarem, Pannonia, e Solymani classe fugata, uictorem redeuntem, Mantuae incredibili munificentia excepit. Hic ego non exprimam coloribus apparatus; ut in ingressu magistratus omnes suo ordine obuiam prodierint, ut umbella aurea exceperint Imperatorem,

ut plebs sacris acclamationibus circumfusa summos honores de-
tulere. Mirabatur populus externorum cultum, equitum agmi-
na, phalangesq. Heluetias, & ad tormenta aenea trasucta curri-
bus maxime stupebat. Dies gratissima Mantuanis notata in fa-
stis. Hoc tempore primum Dux creatus Federicus, quem

Imperator nosset & hoc nomine, & maioribus insigni-
bus dignissimum. Aetate, post, licet ad arma ap-

tissima, arma deposuit, Diuina praemia,

miles emeritus, reportaturus ab eo,


qui nos mortales inuiserat, su-

pra annum Millesimum,

quingentesimum


quadrage-

mum.



FERDINANDVS

REX. CATHOLICVS



FERDINANDVS, Aragoniae Rex, ob egregia pro religione suscepta opera, ac cultam uitae sanctitatem, Catholicus est nuncupatus. Vxorem duxit Castiliae Regis sororem; qua uita functa, Lusitaniae Rex pro uiribus conabatur neptem sceptro augere. Sed Ferdinandi in hac contentione uirtus praestitit. Nā, post plurima gesta bella, atque utrimque factas copias, qua parte uetus Numantia celebrata est, in primis Ferdinandi decus eluxit. Postea, una cum Isabella coniuge, ad bellum Baeticum contendit; in quo pluribus annis acriter dimicauit. Castris aliquot, urbibusq. subactis, tandem Granatā, quae Vrbs primaria toti illi regioni nomen dedit, & a ueteribus Munclepla dicta est, mensibus octo obsessam, capit. Hanc Urbē quinquaginta millibus peditum, & decem millibus equitum ingressus fuisse dicitur, triumphantium more. Magna auri ui deportata, Regem Regia longius in Hispaniae finibus continuit, & dignitate Regia fouit. Ab hoc tempore Hispania, quae ante annos octingentos a Mauris tenebatur, uerae pietati restituta est. Insignis uero uictoria, in qua non modo barbari, sed se ipsos milites Hispani uicere. Referunt, in tam longa obsidione milites mulierum adspectum ita abhorruisse, ut nec una quidem uisa sit, quae egregios militum conatus, uel leuiter tentarit. Temperantia, una cupiditatum moderatrix, in libidinem, atque alios non rectos impetus animi, firmus, ac moderatus dominatus est. Haec exhibet robur, alacritatem, ac stabilem auctoritatem comparat. Hanc quidam recte, & officiose Viuendi unicam rationem uocant. In quo maior militum laus fuit, quod soluti, ac longe lateq. castris diffusi ita uixerunt, quasi intra laepta coenobiorū agere uiderentur. Refert Vopiscus, Aurelium Imperatorem, ut uindicaret militis cum hospita adulterium, duarum arborum capita primū inflexisse pedibus abligatis: quas cum ferri suo impetu dimisisset, illa utrimque pendens exemplo publicae disciplinae posteris esset, & suis. Alexander Seuerus militarem disciplinam seuerē etiā

rexit. Ad Persicum bellum profecturus, totam legionem exau-
 ctorauit, qui apud Daphnem in Syria milites illecebris uolupta-
 tibus indulgisse intellexisset; ac non destitit, donec in tribunos
 acriter etiam animaduertit. Cum ad Alexandrum Magnum de-
 latum esset, mercenariorum quorundam militum uxores a Damo-
 ne, & a Timotheo, Macedonibus, qui sub Parmenione merebāt,
 constupratas, Parmenioni per litteras mandauit, si rei manifesti
 criminis forent, ut eos, tamquam belluas, ad hominum corrupte-
 las natos, morte multaret. Ac de semetipso in hac epistola ad
 uerbum adseripsit: Ego enim non solum non uidisse inueniar Da-
 rij uxorem, aut uidere cogitasse, uerum nec uerba facientes de
 eius decore sustinuisse audire. Nullus esset huius generis exēplo-
 rum finis. Et quidem commemoratio & utilis, nec in opportuna
 in hoc genere Elogiorum: in quo hanc rationem secuti sumus, ut
 ex rebus praeclare gestis non tam doctiores, quam meliores, ui-
 deamur. Ferdinandus, Baetica expeditione triumpho reportato,
 misit Magnum Consaluum aduersus Turcas; quo duce, incredi-
 bile est, quantum retulerit commodi Resp. Venetae. Hic est ille
 Consalius, qui, cum mirum in modum Hispano Regnum auxisset,
 tabulas expensis proferre coactus, maleuolorum perfidia, exhibuit,
 pro parta uictoria, Dei Opt. Max. Sanctorumque. atque tantum, ut
 accepti tabulas longe superarent. Imposuit petitioni silentium
 Ferdinandus Rex, non modo in priuatos homines, sed etiam in
 omnes. Pontifici certe Iulio Secundo opem tulit in rumoribus
 Rauennatum, ad quem locum aduersus Gallos Cardonium trāf-
 misit, exercitus uniuersi magistrum, quo tempore Aemilia S. R. E.
 est restituta, neque umquam defuit aliis, qui secuti sunt, beneuo-
 lentiae suae argumenta liberaliter exhibere, maximis sem-
 per propositis in rem Christianam, explicatisq. mili-
 tum copiis. Rebus praeclare gestis, titulis insi-
 gnis, ad meliorem uitam uocatur, annum
 agens sexagesimum quartum, ab ac-
 cepta salute Millesimo quin-
 gentesimo decimo
 sexto.

FERDINANDVS. AVALVS

P. I S C A R A



FERDINANDVS Piscarius, Dauala, clari-
sima familia, in ulteriore Hispania, Neapoli, ex
Cardoniae parentis utero, tenui membrana, ue-
stem peramplam, quasi paludamentum, in mili-
tis morem, deferens, hereditariam maiorū suo-
rum in armis gloriam mirifice auxit. Versatus
est adolescens in paternis opidis, quae partim in Ferentinis, &
Samnio, partim in Campania, & Picentinis erant: quibus in locis
sollerti ingenio, ac singulari moderatione, ius suis dicens, Regio
apparatu nuptias cum Victoria Columna celebrauit; quam sibi
trimam adhuc & ipse infans desponderat. Haec ut nomine auspi-
cium dedit, ita litterarum cognitione, editisq. in lucem libris, su-
per sexum dotalia munera longe superauit. Hoc tempore Lodo-
uicus Rex Gallus Italiae Imperium affectare uidebatur. Nam,
subactis Mediolanensibus, ac Liguribus, praeterea Venetis ingē-
ti proelio superatis, Bononiam quoque Pontificiae ditionis occu-
pauerat. Piscarius, accepto sago, in ipsa pubertate, totius leuis
armaturae equitum praefectus eligitur. Quo munere, nemo est,
ueteri symbolo, Spartiae matris, AVT. HOC. AVT. IN
HOC. De cuius Lacenae seueritate, sic ego cecini aliquando;
si licet grauissimi ducis factis haec leuiora admiscere:

Obuia tibi natum Spartana adspexit inermem,

Iniussumq. fuga deseruisse locum,

Aggreditur, ferroq. premens: Mentite, parentes,

Tu ne, ait, ad Stygias ibis, inultus, aquas?

Hi, qui scutum in bello amisissent, Athenis infames, & *πράκτοι*
δε dicebantur, ut ab Aeschine Demosthenes, & ab Aristopha-
ne Cleonymus. Qui hoc faceret Spartānus, occidebatur. quare
matres liberos suos in bellum proficiscentes acriter admonebāt,
in patriam, aut cum scuto, aut supra scutum redirent. quod idem
apud Germanos retentum, apud quos, qui scutum in bello ami-
serit, infamis est, nec sacra adire poterat, nec concilium. Pisco-
rius in Rauennatum bello sane infausto bis circumfusorū hostiū,
multis

multis acceptis, illatisq. uulneribus erupit; in quo tamen ueterani duces, quorum exempla imitari oportuit, multa aduersa tulerunt. Efferbuerat adolescentis animus hostium sanguini: & uix quidem abripi potuit Placidij Sangrij consilio, ut se maioribus proeliis reseruaret. Relictus fuerat inter congesta cadauera, ornatis-
 tissimis spoliis detractis, cum a Gallis Gregariis equitibus ad Federicum Sansuerinū Cardinalem delatus. Recreauit in primis adolescentem Fabricij Columnae soceri adspēctus. Deducitur Mediolanum in funere Campsonis Friseij captiuus Piscarius, una cum Ioāne Medice, Cardinali, eodemq. Legato, qui, non dū uertente anno, Pontifex postea est renunciatus. Hinc libertati restitutus plurima gessit. Quo tempore pugnatum est ab Equitatu Veneto cum Caesarianis. ex Venetis cecidisse ferunt circiter septem millia, desideratis ex ala Colūnae Eberardo Corneo signifero, domo Perusia, ac Camillo Maximo Romano. Piscarius in ipsa uictoriae gratulatione indoluit Italorum casum, quos unice adamabat. In expugnatione uero Genuensi ad Daualum ciuium Genuensium nomine Oratores mittuntur, cui ea tota prouincia fuerat demandata. Erat enim is magni consilij, & singularis eloquentiae: quae duo in duce praecipua sunt. Antonius Orator immissos a Mario ad eum interficiendū milites dicendi copia adeo demulsit, ut eorum nemo ei uim inferre auderet. Nimirum admirabilis quaedā uis est orationis. Haec animos flectit, distractisq. in diuersas partes animis, quo uult, homines pertrahit. Interea Viualdo ex Genuensibus ad rem componendam intento, attolluntur a cohortibus signa, peditesq. qua primum oceperant, inuadunt. Daualus, dimissa concione, uersatur inter primos; ac, muri parte occupata, ingressus, suos, qui temere progredi uidebantur, subsistere imperat. Admonet praeterea Prosperum de uictoria, qui cum reliquo exercitu ciuitatem iam captam subiret. Mox, suis in unum collectis, praecipit, ut ordinibus seruatis procedant. Fit fuga undique ab ijs, qui in praesidiis erant. nemo est, qui audeat se ipsum defendere. Ipse Antistes Salernitanus cum Centurione, qui Praetorium custodiebat magno militum, ac ciuium comitatu, naui conscensa, Massiliam nauigat. Octauianus Fulgus, eius frater, quod in lectulo aeger decumberet, cum praetorij fores occludi mandasset, mittit e suis unum, qui e fenestra nuntiet hosti, se in Ferdinandi Dauali potestatem uenturum. Capta Vr-

be, in qua tantum erat praedae, quantum uis hostis optare potuisset, mādatur edicto, ut ne quis e ciuibus captiuus fiat, utq. modus uictoribus imponeretur, e ciuitate educto exercitu, uetere illo ingenti, atque admirabili Smaragdo, qui in sacrario templi maximi custodiebatur, ceterisq. piis locis religiose seruatis. Ingemuit Daulus Genuensium calamitatem. Interea Prosper Columna, grauissimi ducis fama relicta, inter Insubrum lacrymas exspirāte, Carolus Lanoius, ac Pisaurus exercitum accipiunt. Imperatoris munia pluribus in proeliis praeclare exsecutus, ne, quae in manibus omnium sunt, singula prosequamur; ut illi uitae, ita nos rerū gestarum cursum praecedentes, dum Mediolani diligentem nauat operam, ut a Francisco Sfortia arcis deditiōem exprimat, corpore tabe confecto, ex longis laboribus accedente, assidua aquae siti in medio flore aetatis extinctus est. Vrgente morbo, Victoria Columna, coniux, Mediolanum accersita, cum subito se itineri dedisset, Viterbij nuntio de Viri obitu exanimata, non ausa, aut ulterius progredi, aut Romam regredi, in sacrarum Virginum coenobium sese perpetuo abdidit. Quae Vrbs compluribus eius generis sacris locis illustris uicinitate locorum omni tempore patriae meae & quidē affines puellas aluit, pietate claras, quae, relictis rerum humanarum curis, quibus nos stulti nimium torquemur, in eo recessu suauissimo felicē, ac beatam uitam secutae sunt. Piscario Mediolani funus ducitur Pridie Kal. Decemb. anno a Virginis partu Quingentesimo uigesimo quinto, supra Millesimum. Non multo post Neapolim elatum cadauer in templo S. Dominici conditum est ad aram maximam.

FERDINANDVS

CORTESIUS



FERDINANDVS Cortesius, clarissimum alterius Hesperiae sidus, latentes antipodum sedes, qui nos plantis suis urgere dicuntur, lustrauit. Is, Occidentem uersus, Columbum Ligurum secutus, cursumq. dirigens, ad abdita, & maioribus nostris incognita regna, Mexicanam usque penetrauit. Ad quod iter suscipiendum mouebatur fortis, ac pius dux, eo maxime, quod nullus ijs in regionibus uero Deo cultus tribueretur. Hinc Druydas primum emeruisse ferunt, qui post in Britanniam secesserunt; atque inde, ut scribit Caesar libro VI. belli Gallici, in Galliam, superstitionis plenam, disciplinam transtulerunt. Hi multa de sideribus, atque eorum motu, de mundo, ac terrae magnitudine, de rerum natura, de Deorum immortalium ui, ac potestate, disputare, ac iuuenturi tradere credebantur. Nihil uero, dum haec agunt, litteris mandant, quod neque in uulgum disciplinam efferri uelint, & ne, qui discunt, litteris confisi, minus memoriae studeant, quod fere plerisque accidit, ut praesidio litterarum diligentiam in perdiscendo, ac memoriam remittant. Audiuerat praeterea Cortesius, Mexicanam prouinciam incolae ab hominibus, & studio litterarum claris, & uario artificio insignibus, qui, inter cetera, more nostro, aedificia illustria erigerent marmoribus caelatis, eademq. picturis exornarent. Cum ad haec loca appulisset, ubi inter se decertare eos populos audijt, eo se facilius in ea regna penetrare posse sperabat, si alteri parti operam suam polliceretur. Neque uero hominem deteruit exiguus suorum numerus. Procedebat barbarorum exercitus: sequebantur Hispani milites: humeris deportabantur necessaria ad uictum, ac com meatum, more ueterum Romanorum: denique trahebantur tormenta bellica. Vbi uentum est ad pugnam, monstri simile esse putabant, quod homines equis insiderent, Ceteros tauros eos existimantes, uel nouum monstri genus. Id ut sibi persuaserint, facile ex eo adducimur, quod locum fabulae apud Thesaliae Regem olim praebuerit. Lapithae enim primi equitem docuere

euere sub armis resultare solo. Quamquam illud erat apud eas gentes maioris admirationis, quod tormenta bellica quasi e caelo emissa fulmina uiderentur. Itaque, parta uictoria, audisq. copiis, Cortesius admouit ea instrumenta Themistitanae Vrbi, undique pernauigabili, & Venetae, ut ferunt, plane simillimae. In hoc conflictu, non nullis barbaris desideratis, Rege, quem dedicationis paenituerat, interempto, Cortesius, ut uices eius ageret, cōclamatus est. Themistitano in foro Regiam ad ius dicendum exaedicat. Hinc ad spargenda semina religionis concursus, pro qua una tantum susceperat incōmodi, breui coepta barbarorum tēpla per sacerdotes expiari, cruces erigi, uero Deo aras, aedesq. dicari, saluari aqua lustrari, sacras conciones haberi, sacra fieri. Vide, quantum ab homine uno liceat sperare. Hoc praeclaro consilio non modo a Caesare uix post septennium illustri titulo donatus est, sed a Deo Opt. ea praemia consequi meruit, quorū fructus in dies augeri pro uerae religionis propagatione in ea bonis omnibus affluente patria uidet. Et uero in hoc eodem pietatis studio, diuersis tamen itineribus, praeteriri non debet Societas Iesu, quae ita in Orientis potissimum partes diffusa est ut etiam ciuem Hortinum, Albertum nomine, studiis paene parem, domicilio, ac beneuolentia coniunctum, abstraxerit a parentis sinu, adulescentem, cuius litteras ad suos, ex remotissimis illis regionibus, pietatis plenas, complures, legimus. Verum inter omnes Xauerius insignis fuit, qui a Deipara Virgine, Millesimo quingentesimo quadragesimo primo Vlyssipone soluens, ubi Goam attigit, nihil prius habuit, quam eam gentem, rudem sane in diuino cultu, Christianis praeceptis imbuere, atque ad omnia pietatis opera traducere. Eum indigenae, ueluti Heroem, uenerabantur. Porro, is in eo munere Diuinam maiestatem ita liberalem expertus est, ut, pluribus ad Remp. Christianam aggregatis, eximium sanctitatis nomen moriens, uiuensq. reliquerit. Huius Diuini hominis res gestas, ut ceterorum, insignis eloquentiae magister Mafaeus stylo est persecutus. Ego uero carmine aliquando quiddam conatus fueram eo poemate cuius initium erat:

*Tu quoque, Xaueri, nostro celebrare uersu,
Insuetos tentare sinus, qui primus Eoi
Ausus, & ignaris ostendere signa salutis.*

Reuertor ad Cortesium : cuius ut in armis eluxit uirtus , ita
in horum clarorum Virorum numerum adscriptus est . Inco-
gniti soli efferis gentibus , & antropophagis Ferdinandi diligen-
tia expiatis , altero & prope immenso terrarum orbe pernauiga-
to , tantum auri , geminarumq. allatum est in Hispaniam , ad pu-
blicā priuataq. opera , quantum Europa nusquam uiderat , sub-
actis fere totius Indiae Regibus , uel certe conterritis . Is , qui tam
longe fuerat uagatus , non dum plane senex , angustiss. tumulo
clauditur , CIO IO XLII. de quo ego sic :

*Fernandum tumulus tegit hic , quo sospite tellus
Extrema intremuit , Phoebus & erubuit .*

*Illa quidem emensa est ; hic , dum submergitur undis ,
Audax miratur trans freta nauiis iter .*

*At maris & terrae fines superantis honores
Nulla dies claudet , nullaq. claudet humus .*



FERDINANDVS . GONZAGA

MEL . PRINCEPS



FERDINANDVS Gonzaga, Francisco II. Mantuae Marchione, & Isabella Atestina, Herculis I. Ferrariae Ducis Filia, nascitur. Is, usque ad decimum septimum aetatis annum in domestica cura educatus, galeam ferre, cum lorica incedere, clypeo uti, iaculum iacere, enssem tractare, modo peditem, modo equitem agere, & huius generis militaria munera ita didicerat, ut eo nemo alacrius hasta cum cataphractis equitibus concurreret. Et uero, ut ea ferebat iuuenilis aetas, & opum uis, licet in his, & similibus exercitationibus uersaretur liberius, in otio tamen se esse existimans, coepit de finibus bonorum, ac malorum secum cogitare. Iter in primis Lauretum parat, qui in B. Virginis precibus praesidium suum posuisset. Vbi cum collem fortunatissimum conscendit, atque ad conspectum Sacratissimae aedis uentum est, incredibilem cepit animo uoluptatem. Non poterat adolescens a sacris illis postibus diuelli, allectus suauitate loci, in ueteres eos parietes, Christi infantis manibus tractatos, oscula, ac lumina desigebat uenerabundus. Inde Mantuam reuertitur; atque in ipso itinere secanti maris Hadriatici litora ea altius in animum incidit cogitatio, ut tandem de se ipso statueret. Re cum paucis communicata, recedere statuit a patriis deliciis, & ad exterarum cogitare regiones, in quibus utilius, quod sequebatur, aetatis reliquum impenderet. Itaque pluribus, iisque nobilitate dignissimis artibus institutus, ex matris consilio, cuius erat in rebus agendis iudicium acre, ad Carolum Quintum in Hispaniam mittitur Millesimo quingentesimo uigesimo tertio. Accepta quamprimum, in ea regione, & Hispana, & Gallica lingua, apud eas gentes, quasi patrio idiomate, expedite utraque utebatur. Is; Caesari aetate paene par, in dies officia, & obsequia augebat; quibus ille addebat amoris incrementa. Excitabatur uero maxime Regia disciplina, ut, quod de Themistocle legimus, cui uel sola Miltiadis trophaea som-

num adimebant, ita Ferdinandus, in uiuum exemplum intentus, magnis pugnae simulacris, ad ueram, ac solidam gloriam accendebatur. Itaque non modo summorum Virorum beneuolentia, sed in primis ipsius Caesaris collecta gratia, spem certissimam dabat, fore, ut egregius Imperator existeret. Triennio apud Caesarem posito, quo cum familiariter eo toto tempore uixerat, cum id ipse cupidissime peteret, gestiens iam dudum cum hostibus in pulvere uim suam experiri, in Italiam mititur, eo tempore, quo Borbonius cum Caesarianis copiis ad Regium Lepidi confederat. Hanc provinciam aegre suscipit Ferdinandus, licet ad arma alacritate maxima prodiret; quod is eius Urbis ruinam machinaretur, quam & ipse parentem, & omnes gentes agnoscerent, ac uenerarentur. Ex eo tamen fructum retulit uberrimum, ut cum parente Isabella ad radices Quirinalis seruata prope Thermas Constantini, Romanarum quoque matronarum, ac Virginum nobilissimarum, patrocinio suscepto, ad Romanam direptionem, quasi quoddam praesidium, accessisse uideretur. Flos hic Romanae nobilitatis seruatus est singulari pietate, ac studio Ferdinandi, cui merito, non modo qui praesentes fuere, grati esse debent, ex armatorum impetu erepti; nec solum uertere coacti, nec in triumphum in exteris regiones ducti; sed posterius maxime, qui & totum & uitam tanto duci debent uni. Quo tempore cum matronae illae armillas, aureos torques, & omne genus ornamentorum in galeas iniicerent, trepidantes, repudiavit ille munus omne, qui se quidem pro rei necessitate, quod debuisset, praestitisse diceret, quod optasset reddere non posse Romae communi parenti, paratumque se, in omni discrimine, uitam, si tempora postulassent, saepius exponere. Deinceps, in bello Neapolitano, incredibili ad uictoriam adiumento fuit, adeo in insidiis militaribus uersatus, ac sollers, ut fama esset minime dubia, Neapolim, Vrbem amoenissimam, ac splendidissimam, ab acerrima illa obsidione per eum maxime fuisse uindictam, abacta re frumentaria hostibus, ac non sine uitae periculo e praerupta crepidine per aduersariorum castra facta eruptione. Quo quidem insigni facinore Arriani Dux creatus est. Post haec, ad Gabinianum, Aurantio, uiro generoso, desiderato, ipse, omnium consensu, exercitus Imp. deligitur. Rebus Florenti-

nis ex sententia compositis, Beneuenti, ueteris municipij, a Cle-
mente Septimo, Gubernator creatur; a Caesare uero Tornaci,
in celeberrimo Summorum Principum conuentu, amplissima
uelleris aurei dignitate donatur. Multa deinde gessit ad Vien-
nam, Tunetum, Preuesam, & Algerium aduersus Turcas, &
in Prouincia contra Gallos, cum crescente uirtute eques crea-
tus est ab Imp. Ad Tunetum terte, ueterem Carthaginem,
narrant, cum primum tuba pugnae signum datum est, sine mo-
ra concurrisse Ferdinandum, atque omnium primum impetu
facto praestantem Afrorum ducem hasta transfixisse, spectan-
te Caesare, strictoq. gladio aciem ita barbarorum perturbasse,
ut suis uictoriam unus attulerit. E Sicilia, ubi regiam guber-
nationem praesidiis undique paratis tenuerat, abeuntem Ma-
mertini ingenti aureo torque donarunt: tam sancte per decen-
nium eos populos rexerat. Hinc in Belgicam contendens, ad
Bonnam, Urbiorum opidum, lustrato exercitu, Duram, Si-
cambrorum Urbem, expugnat. Post, Mediolani, praeter arti-
ficum iudicium, propugnacula excitat; ac Subalpinæ regionis
opida minimis copiis defendit. At in Mediolanensi guberna-
tione, ut fidem seruarit Regi suo, esset, cur afferretur longius
repetitum argumentum, nisi angustiis breuis dictionis conclusa
finem quaereret oratio. Ad Centum cellas ille aduehitur, iamq.
portu paene tenebat, ad nauigato Tyrreno mari, cum, a piratis
circumuentus, licet uxore, filios haberet, & plena essent omnia
impedimentis, longe impar uiribus, fugauit hostem, myoparo-
ne detracto, uictorq. fuit, cum de uita, & sua, & suorum dubitaretur
maxime. Sed, quorsum iter tantum susceptum? ut Hippolyto Ca-
pilupo, Vati, & itidem nauo rerum agendarum, narraret, ut,
si qui Mediolanensis ditionis cupidi forte scrupulum inieci-
sent, ut interdum mortalium auditas animum stimulat, ne qui-
dem scribere auderent, cuius non modo animus cogitare quid-
quam simile, sed uel etiam audire aures perhorrescerent, quod
ipsum confirmauit euentus. Ut merito Vincentio, Duci clariss.
Symbolum fides sit, ut ille cecinit Vates Mantuanus:

— *queis belli insigne paternum* —
Intemerata fides, ueterum & decora alta parentum.

In Belgas uocatus, ipso Sancti Laurentij peruigilio, fracto
Galliac

Galliae exercitu, ad Augustam Veromanduorum una uictoria
innumerabiles peperisset, nisi Philippus Secundus, inuictissimus
Hispaniarum Rex, iam prope labenti Galliae pepercisset.

Ferdinandus, morbo correptus, suos omnes, ut munifico Regi perpetuo fidem seruarent, est adhortatus. Rege ipso collacrymante, moritur,

XVII. Decembris, anno aetatis

L I. a partu Virginis Milleſi

mo quingentesimo

quingageſi-

mo ſepti

mo.



FRANCISCVS . PRIMVS

GALLIAE . REX



FRANCISCVS, Rex Galliae huius nominis Primus, e Valesiorum gente, cum ad priscos Reges sanguine pertineret, defuncto Lodouico, iniit Principatum Kal. Iun. qui fuit annus salutis quingentesimus decimus quartus supra millesimum. Huius pater fuit Carolus, Engolismen-
 sium Princeps. In primis Rex Insubrum ditionem, in uarias partes discerptam, sibi relictam ratus, per Alpium iuga, immensi mole assurgētia, licet undique praesidiis saepta, nouū iter, atque humanis antea uestigiis plane intactum, suscepit. Cum Mediolanum ventum esset, educuntur ex portis Heluetij, quos ex puluere nube aere diffusa, cum Rex aduentare praesensisset, ad signa concurrere milites iubet. Magnus utrimque clamor; ac Sol meridians, fulgentibus arinis irradians, oculos praestringebat. Infinita Heluetiorum multitudo protrita caeditur; qui sese hastarum concursu tuebantur. Vtraque, bellō, & fama clara gens, accensa suorum rebus gestis, acriter dimicabat. At Heluetij, truci ululatu instrepentes, licet impetum pertinacius sustinerent, suis excedere ordinibus coacti sunt. Hi, cum redintegrassent pugnam, non destiterunt, donec captae fugae infamiam hostium sanguine Gallus expiarit. Pugnatum est octo continenter horis: ac ne nox quidem proelium diremit: quin sublustris Luna calamitatem maiorem fecit. Reliquum noctis spatium rex in lustrando exercitu posuit. Vix matutinum crepusculum illuxerat, cum iterum classicum insonuit. Heluetiorum incredibili repetita strage, quorum ad duo millia in Xenodochiis interiisse dicuntur, Vbis clauēs a Mediolanensibus Regi oblatae; expugnataq. arce, Maximilianus Dux captiuus in Galliam ductus est. Haec est illa celebris ad Malignanum Vicum gesta pugna: Venio ad Papiam obsidionem: nec enim omnia persequi statui, ut in ceteris soleo; sed, summa secutus, uix pauca quaedam conor attingere. Rex Papiam obsedit V. Kal. Nouembris. Castrametatur in loco holpitem dignissimo, & undique munito Ticino flumine, Regium

Tabernaculum, Urbemq. interlabente. Defendebant Urbem non modo Viri, sed etiam clarissimae feminae; inter quas una omnium in se oculos conuertit Hippolyta Malaspina, quae, Princeps feminei agminis, saxa, atque rudera humeris ad aggeres non uehebat modo, sed alias quoque, uoce, atque insignis sexus exemplo, accendebat. Haec, ut ex ea familia, quae tot duces extulit, tot nobiles euexit, tot aluit Principes, deiectis speculis, moenibusq. substratis, duos delectae iuuentutis Galliae globos, qui signa muris fixerant, saxorum congerie perturbatos, longius repulit. Rex uero, auidus uictoriae, ac belli ardore accensus, cum se se in hostes liberius insinuasset, suffosso equo effusus, alteri subleuatus dum imponitur, in Caroli Lauoiae Proregis potestate uenit, fractus magis, quam uictus. Nec enim uirtus Gallica, sed uariis belli euentus cessit Hispanis. Ex Gallis ad octo millia desiderata. Rex in Pisterdensi arce asseruabatur. Mox Insubria ad Caesarianos transit, quae paullo ante cum Rege foedus percusserat. adeo ad leuissimas commutationes societatibus instituendis, renouandisq. praecipites homines aguntur, ut, quocumque uentus adspiret, eo cursum uelis omnibus intendant. Obsidibus filiis relictis, in Galliam redit Rex omni memoria dignissimus: qui, cum audisset, a Caesarianis Urbem Romam, domicilium pietatis, diripi, templa uiolari, refractas Vestalium fores, coenobitarum sacpta spoliari, omnia denique iura fuisse comminuta, qui plus rem Ecclesiasticam, quam sua ipsa pignora, adamaret, pro Pontificia libertate, ingenti parato exercitu, Lotrecchio duce, opem suam Christianis. Rex parenti optimaefert. Tandem Nicaeae pax fit. Huc, niuoso tempore, Veris initio, senili maxime aetati infenso, indictis supplicationibus, Vrbe profectus, uenit pro publico bono, grandaeuus Princeps Farnesius. Negligit ille Romanorum preces, damna uectigalium, propinquorum obestationes; quin sui met ac suorum commodorum oblitus, proposito communi laborum fructu, ut, ipso pacificatore, atque auspice, Reges ad concordiam redirent, longum iter, & asperum suscipit. Ceterum Franciscus, litteratorum pater, humana omnia inferiora uirtute ducens, antiquitatis monumenta undique perquirebat. Utebatur in eos plane Regia liberalitate, curabat omni studio, ut bonarum artium amantes in otio cum dignitate uiuerent. Lutetia illa Parisiorum, ut florentissima semper fue-

rat, ita hoc tempore uigebat ita, ut Musae uiderentur e sinu suo munera omnia, gratiasq. in eam effudisse. Regum nobilissimus in ignobili Vico, cui Rambuleto nomen est, decessit, Pridie Kal. Aprilis, qui fuit trigessimus tertius eius Regni annus, aetatis uero quinquagesimus tertius, Millesimus quingentesimus quadragemus septimus. supremis illius exsequiis tam multi honores habiti sunt, tantaq. funeris frequentia fuit, quantam numquam elato Rege uisam esse credibile est. Cui ne defuisse uideamur, pro ea, qua Gallos plurimos doctissimos prosequimur, beneuolentia, hoc carmen eorum Regi addamus:

Gallia, te incolume, amplexa est bona commoda pacis,

Et gessit forti proelia mille manu.

Francisce, hic tumulum Musae cinxere coronis,

Seruat & aeternum nomine Martis opus.



FRANCISCVS

CARMAGNOLA



FRANCISCVS Carmagnola, patriae nomē,
 Subalpinae Galliae, pro gentiliſcio emeritus, ob
 indolis praeſtantiam, ac ſpem militaris gloriae,
 ad bella traductus, maioribus ſuis uirtute praelu
 xit. Creſcebat indies adeo eius gloria ſub Phi
 lippo Vicecomite, ut illi ex familia ſua aſſinem
 ſpoponderit. Exſtat ad hunc uſque diem Mediolani eius nomi
 ne magnifice exſtructum palatium. Quamquam haec emeritae
 militiae potius praemia ſunt, quam geſta. Ferro Placentiam
 Philippi imperio adiunxit, Bergomum ſubdidit, Cremonam, ac
 Brixiam obſedit, Heluetios fregit, Genuenſibus denique proſſi
 gatis ultra Eridanum ſublata antea caſtra, paternam Philippi he
 reditatem reſtituit, Genua ipſa expugnata. Verum, ut ſaepe ac
 cidit Viris glorioſis, pluribus hinc inde urbibus comparatis, in
 tanto uictoriarum cumulo, ut par triumphus parari non poſſe cre
 deretur, in ſuſpicionem uenit Philippo. Sic ſane Socrates, tum
 ſe in aliquo inter mortales numero eſſe putauit, cum primum in
 aliorum uenit inuidiam. Haec enim eſt inimica uirtuti, quae cū
 uirtute tamen ipſa naſcitur, ac cum eadem ſuſcipit incrementa.
 Haec, alienis bonis, toruis oculis inſpectis, macreſcit ipſa; quodq.
 aſſequi nequit, ceteris denegari contendit. Vt uero ad Carma
 gnolam redeam, non defuerunt, qui eum celebrarent: nec qui
 dem defuturi ſunt maiori ingenio & eloquentia. uerum ego, pau
 ca quaedam ſecutus, ut in ceteris, maiori ſane ſtylo, quam reſ tā
 ta magnorum ducum pateretur. Inter omnia illud maxime ſta
 tuo memoria poſteriorum digniſſimum, quod, in felicitate tanta,
 ac rerum copia, minime oblitus patrij ſoli, unde primum hanc lu
 cem hauſeras, ut praeclare ille cecinit,

Ad Scabrum haud ueritus conſeſſim exire parentem es,

Fortiaq. inſirmo circumdare brachia collo:

Illicet hoc unum malim, quam mille referre

Geſta tua, & praeclara inuicto ex hoſte trophaea.

Mirabilis quaedam uis eſt filiorum amoris erga parentes.

Leo imperium ab auunculo per manus acceptum patri suo sponte tradidit; indignum ducens, ac prope nefarium, imperare, ubi pater priuatus ageret. Cimon Atheniensis, ut Miltiadem patrē, publice damnatum, uinculis eximeret, ultro se se carceri obtulit. Merellus, pro patre, tam multis lacrymis, precibusq. intercessit apud populum Romanum, ut Pij cognomentum retulerit. Antigonus uero, Demetrii patris morte audita, in Libyam nauigat, atque aurea in urna collectos cineres Corinthum, insigni nauium apparatu, adhibito quoquetibiarum cantu, deportauit. At Carmagnola, a paterno complexu auulsus, ad Venetos se se transtulit, a quibus dux exercitus creatus, Philippo Veronam, ac Brixiā adimit. Interea eadem illa, quae semper in gloriose factis obrepit, pestis, non defuerunt, qui, Carmagnolam in bello Cremonensi defecisse, in Senatum referrent.

Rapitur ad supplicium Carmagnola, immensa
auri ui relicta, pluribus etiam ex populo ipso
collacrymantibus, in eo spem omnem suam
ponens, qui salutem rebus humanis attulerat,
anno trigesimo primo
supra Millefimū
quadringentesimum.



FRANCISCVS. GONZAGA




FRANCISCVS Gonzaga, Aloysij, Mantuae Marchionis, filius, pro clarissima Venetorum Repub. aduersus Carolum VIII. acerrime decertauit. Is erat Carolus, quem toto orbe quorundam carminum, quae tunc iactabatur, interpretes nescio qui potiturum praedixerant. Nec deerant, qui nobilissimum quoddam Graecorum Imperium, quod Mahometes Othomanus, Byzantio capto, caeso Constantino Imp. non multis ante annis occupauerat, ad Gallos pertinere iactarent. Sed, cum in Italiam vires suas effudisset, suorum sanguine uetus illud prouerbum confirmauit, Gallorum corpora Italiae, ueluti propriae, ac gentilitiae sepulturae, mandari consueuisse. Veneti igitur, ingenti comparato exercitu, cuius imperium Francisco Gonzagae Mantuano Principi Senatus demandauerat, rem armis gerere coepere. Confederunt milites in agro Parmensi ad Tarum amnem, qui ex Apennino labitur, nihil in Gallos moturi, ut Senatus iusserat, nisi lacesciti. Carolus Neapoli sub signis Romam fuerat profectus. Pontifex Urbem ueterem primū, tum Perusiam concesserat. Carolus, triduo in Vrbe hostiliter uersatus, Tuscanellam, & Montemfasconum diripit, Pontremulum in Apennini faucibus, ac Nouaram Sfortiae ademit. His sociorum cladibus commoti Veneti, Gonzagae imperatori mandant, ut Gallorum uim bello arceat. Progrediebatur hostis ad dexteram Tari fluuij ripā, agmine quadrato, coeperatq. Venetū interturbare. Gonzaga, ut iuuenta ferox est, & proelii cupida, conuersus ad Melchiorem Triuisanum, & Lucam Pisanū Legatos, qui armati in acie aderant; Quid stamus? inquit: lacescunt nos Galli: Italorum uirtutem quasi extinctam rident. Ad ea Triuisanus: Age igitur, Imperator; signa infert, ac, paternae, auitaeq. uirtutis memor, barbarum hodie Italicis uiribus prior inuade. Auditur classicum: turbatur primo congressu hostis: maioreq. animo, quam consilio, primum dimicatum. Gonzaga, omnium primus, ut erat corpore praeualido, in aduersam aciem, equo inuectus, armatum hostem, qui sibi obuiam ex Gallorum regione furens aduenerat, lancea transfixit: stricto tum ense, ita se glorio

se gessit, ut eodem tempore & equitis ualentissimi, & prudentissimi ducis partes sustinuerit. Quo facto, peruasit subitus metus ad Regem usque: qui detraxit sibi imperatoria insignia, ne, si aduersa pugna contingeret, conspectior haberetur. Galli, Rege adhortante, multa ui connixi, Venetum, in quo loco dimicantem, primo ordinem turbine, mox ferocius instantes per decliua in praecipitium agere. Quo belli inopinato euentu Viri illustres plurimi, armorumq. peritia clari, ad retinendum militare decus fortiter mortem occubuerunt. Occidit in Venetorum exercitu Rodolphus Gonzaga, Ioannes Picininus, Rainutius Farnesius. Sed, dum hostium spolia Venetus miles audius diripit, clarissima ex Italorum manibus elabitur uictoria. Tum, cum Veneti in castra redissent, immissus equitatus ad hostem persequendum Borbonius, ac Miolensis duces a Gonzaga in ea trepidatione capti sunt. Deinde, Gonzaga, ut cetera de tanto uiro persequamur, Nouarā in agro Mediolanensi acerrime oppugnat, dum eam Lodouicus Aurelianensis, qui, Lodouicus Galliae nuncupatus, Galliae, ac Mediolani imperium est adeptus, pro uiribus tueretur. Interea, Francisci fama per Hadriaticos sinus peruagata, mittunt ad eum Veneti argenteum sceptrum, ceteraq. eius dignitatis insignia, quae summi exercitus Imperatori ab illis, pro ueteri more, maiorūq. inueterata consuetudine, concedi solent. Secuta inter confederatos, ac Carolum VII. pace, a Lodouico Aurelianensi Nouaro, Lodouico Sfortiae, qui Morus dictus est. At tunc Franciscus Gonzaga in primis familiae suae, ac proprio humanitatis officio Carolum Vercellis conuenit, eidem omnia pollicitus, quae ab homine Gallici Regni studiosissimo optari potuissent. Dimissus a Rege, non tam militaria insignia ambiens, quam onus liberalissimi pro Veneta Repub. oblatum subiturus, Venetias contendit. Non longe aberat, cum, e litore soluens, Bucentoro inuectus, nobili nauigio, Urbem, mari dominantem, ac disciplinae militaris altricem, consiliorum parentem, ueteris Romanae Urbis aemulā, non tam ut magistratum suscepturus, quam triumphantis in morem, ingreditur. Fuit ea laus maxima, licet communis pluribus Italiae Principibus, ut militarem cohortem aleret; sed singularis, quod in eo toto genere accuratiorem quandam disciplinam secutus est. Quod studium apud exterarum gentes cum esset minus usitatum, factum est, ut Italorum in armis gloria exteris semper

præstiterit. Refert Herodianus, quo tempore Alexander aduersus Persas pugnavit, barbaras eas gentes, mercenario milite non usas, ut mos erat Romanorum, neque stativis castris exercitus habuisse, qui bellorum actibus minime exercebantur; sed omnem multitudinem uirorum, non numquam etiam mulierum, Regis Imperio congregatam bellum intulisse. Mox, bello peracto, suas protinus in sedes dimissas, ijs dumtaxat præmiis, quæ ex rapina superfuissent. Ac Seueri aduentu Parthus imperauit Satrapis per epistolas, uti copias congregarent. Ita enim facere consuevit bellum comparaturus. Siquidem mercenarios milites, atque ordinarios exercitus Parthi nullos habent. Gonzaga uero, Senatus Veneti nomine, in Apuliam conuolat, opem daturus Ferdinando Regi Neapolitano; ubi, maioribus titulis auctus a Lodouico XII. Galliae Rege, maximi exercitus Imp. creatus est. Hinc se Mantuam recipit, cum colligatorum foedus aduersus Venetos innouatum est. Annus erat a Christo nato Millesimus quingentesimus nonus. Idem interfuit Veronensi, Vicetino, ac Patauino proelio. Cum uero, stipendiis a Caesarianis acceptis, in patriam reuerteretur, equitibus sexcentis in potestatem Lucij Maletij deuenit: qui eo usque seruatus Venetiis in custodia est, donec Iulij Pont. Max. beneficio liberatus est, cum Federicum fidei suæ obsidem Romam misisset.

Rursus, imperator exercitus renuntiatus, in signi gloria, in patriam reuersus, ab armorum strepitu semotus pacatam uitam secutus est, spe felicioris, quam uideatur fuisse consecutus

Millesimo quingentesimo uigesimo
Christi anno, quam ille Diuino munere largitus
fuerat.



FR . MARIA . FELTRIVS

DE . R V E R E



RANCISCVS Maria de Ruere, Iulij II.

Pont. Max. germano, ac Ioanna, Federici, Vrbi
natum Ducis, filia, natus, in Feltrium familiam
adoptatus, retinens antiquum robur suorum, ilu
stres titulos militari disciplina mirum in modū
illustrauit. Is, cum accepisset, inter Imperato
rem, Gallorum Regem, ac Venetos, pacem secutam, Verona mi
lites dimitti, collecto exercitu, dum compendiarie itineris secta
tur, tanta celeritate ad suos perrexerit, ut nuntium praeuerterit.
Hic, ne singula persequamur more nostro, detecto Hispanorum
dolo in Ducem humanissimum, militum atrocitatem eorundem
sanguine expiandam curauit. Interea Veneti Feltrium in Imp.
exercitus sui eligunt; cuius cōsilia Lotrecchius merito saepe fue
rat admiratus. Is, Veronam ingressus, recensendorum militū spe
cie, exercitum coegit; quem Caesariani in sui perniciem ubi pa
rari praesentiunt, praesidia, quae in Subalpinis statua habebāt,
Mediolanum deducunt. Mox ciues, qui in primis Sfortianis con
sultum cupiebant, magno tumultu in Caesarianos insurgunt, li
bertate, alijsq. speciosis titulis plebe concitata. Populus, spe Gal
lorum aduentus erectus, contumaciam cum pernicie, quam Cae
sar's imperium cum secunda pace, malebat. Extemplo caedes in
uiis facere, ex ipsis domorum speculis senes, ac feminae, Sfortiae
nomen conclamantes, saxa, lateres, trabesq. ex summis aedibus
reuulsas in subiectos Caesarianos iacere. Ea seditio biduum te
nuit: utrimque plurimi occubere. Kal. Iunij eius anni castra
Reip. Venetae, ac Pontificis in unum conuenere. Quibus diebus
Vrbinas, opera Lodouici Vastarini, Laudem Pompeiam recupe
rauit, Caesarianis in arcem redactis. Horum cum plerique in po
testatem uenissent, sui iuris facti, apud Vrbinatē, accepto sacra
mento, stipendia metuerunt. Certior factus Antonius Leua, Vr
binati Laudem Pompeiam extorquere omnino in animum indu
xerat. Verum Vrbinas, collatis signis, acriter tam diu manus con
seruit, dum Caesariani, re infecta, cum clade suorum in fugam

uerterent.

uerterentur. In eo Urbis conflictu Errara Vir fortis, qui inter Caesarianos ordines duxerat, pilam per tempora excipiens, maxillis, ac dentium uallo conuulso, occubuit. Processerant hinc Caesariani in agrum Mantuanum, praedasque undique agebant. Hoc coercere Vrbinas cupidus, ac sociorum agrum tueri, accolarum auxiliis hostem adoritur. Par utrimque diu proelium fuit: tandē, sub noctem, pulsus loco hostibus, uirtute armorum praestitit Vrbinas. Hic Vir magni animi, aegre ferens, Cremonensem obsidionem e manibus cecidisse, de ea rursus obsidenda rogationem promulgar: egregiam gloriam fore ratus, si ea pellerentur Caesariani; ex qua tantum ad bellum conspiciendum momenti penderet, sub cuius moenibus Viri clarissimi Iulius Mafredonius, atque Alexander Marcellus mortem oppetiissent. Ad delendam igitur ignominiam redire, auctore Duce Vrbinatē, coeptum est; qui, inclinante iam in meridianum tempus die, tormenta idoneo loco collocari iuber. Muri plurimum solo aequatum erat. Forte ita euenit, ut inter Urbem, arcemque, actis praealtis fossis, Veneti cum cohortibus aliquot delitescerēt, quos, noctis silentio, ad unū concisos Caesariani reliquerūt, inter quos fuit Carpalus Perusinus; insidiae auctori perniciem cum dedissent. Vrbinas igitur multo infestius Urbem tormentis oppugnare institit, cuius animus, nisi excisa Urbe, conuiescere nullo modo poterat. Obfessi, torcladium pertaesi, conciliare sibi Vrbinatē studebant: allatae sunt ad Vrbinatē condiciones deditiois. Vrbinas ouans Urbem iniit, nec in quemquam atrocius saeuit. Sed, dum multa, a tanto Duce praeclare gesta, ab aliis copiose explicata, silentio inuoluimus, Borbonius Romanam Urbem, Pontificum sedem, domiciliū pietatis, ad motis scalis, occupare conabatur. In muros iam prope uictor euaserat, cum, pila per latus sinistrum ictus, praeceps ruens, semianinis iacuit. Hunc sibi uitae finem adesse ratus, Gognam suprema uoce monuit, ut se ueste inuolutum Urbi inferret, ne milites mortuum conspicati coeptam uictoriam defererent. Impij truces oculos mors texit. Sic sane impios acquissimus Deus eo usque labi permittit, ut nec quidem euidentissima pericula uideant; sic ferente eorum obdurata in malo conscientia, ac pro uida rerum omnium Diuina mente, quae grauitate supplicij tarditatem compensat. Numquam Gothi, aut Vandali tantum inuexere exitij. Milites nec a sacris, nec a profanis impias manus ab-

Perinuerunt: martyrum augustissima templa expilata: sacra ossa,
 direptis auris loculis, disiecta, ac nefariis pedibus contrita sunt.
 Annus uertebatur salutis humanae Millesimus quingentesimus
 uigesimus septimus, cum Roma hanc cladem funestissimam passa
 est. Aduolat, infausto nuntio accepto, Fr. Maria subsidio: uni-
 uersa Umbria, suis auulsa sedibus, pro patriae salute arma capit.
 Vbi a Mariano colle, & Mellinorum uilla, qui Vrbanum Septi-
 mum piissimum Pont. affinitate attingebant, Urbem fumantem
 conspexit, deplorauit Dux maximus communem calamitatem,
 doluitq. se illi ut parenti Opt. uitam non potuisse opportune resti-
 tuere, a qua tam multa familia sua accepisset ornamenta dignita-
 tis. Non tam is dolebat aurum, gemmas, uasa argentea, signa,
 tabulas, atque alia generis eiusdem pretiosissima diripi,
 quam sacra insigni scelere fuisse polluta. Post inter
 Paullum III. Imp. ac Venetos contra Turcas
 Imp. terrestris exercitus creatus Feltrius,
 omnia in tâto munere praestitit, quae
 a Principe, & militiae exercita-
 tissimo, desiderari posse ui-
 derentur. Moritur
 mense Octobri,
 salutis an-
 no
 Millesimo quingente-
 simo trigésimo
 nono.



FRANCISCVS . SFORTIA



FRANCISCVS Sfortia, Mediolanensiu Princeps, Mucij filius, sextum decimū natus annū, quod antea ei pater minime concesserat, interfuit bello, quod ad Tuscanellam in Tartalianis equitibus gestum est. Hic, Tarralia, ad tubacatū, sub signis, porta effusis suis, ipse quoque cum globo cataphractorum exsiliit. Tum uero erupere e siluis undique Sfortiani, eorum more, quibuscum Caesar se pugnasse scribit in Commentariis suis. Pugnatum est, ac si alias umquam, acerrime. Ipse, dux saucius, perculsusq. metu, se se recepit: ex templo cataracta demissa, alienae salutis oblitus, tertiam fere suorum partem exclusit. At Franciscus, quod in aduersos hostes alacriter hastam pertuperat, cingulo militari, & calcaribus aureis, praeclaro etiam hostium testimonio, exornari promeruit. Hunc sub sua disciplina institutum pater in Bruttios ad dotales urbes dimittit, cui attribuit eximiae uirtutis duces, pluribus iuuenem cohortatus, ut unam pietatem, ac uirtutem adamaret. Hos ad magna peruenire, harum contemptores in peius ruere. Vicit opinionem Franciscus. Nam postea, sexcentis equitibus Aterno amne traiecto, cum Braccianis prospere dimicans, periclitanti quidem parenti, laetanti tamen, iucundissimū praebeuit spectaculum. Annum tunc agebat uigesimalium tertium Sfortia, cum in paterna hereditate a Ioanna quoque Regina confirmatur, Caieta, ac Neapoli expugnatis, cum Guido Torellius maritima classe, ipse uero terrestri acie urgeret. Nono Kal. Iunij iungit se castris Martini V. aduersus Braccium, qui Aquilam obsidebat. Quarto Non. Iunij insequentis horis octo certatum est, ac fractus Braccius a suis desideratus est. Reginae Aquila restituta, uenit in Insubriam ad Philippum Vicecomitem, cuius auspiciis Fauentiam in Flaminia diripit. Hinc ad subsidia Brixiana, tum ad Genuenses aduolat, quos tumultuantes singulari prudentia conciliauit. Hoc tempore ex Insubriae finibus ad Ligures Gaspar Vicomercatus, Franciscum secutus, per Pulciferam uallem, ad Cornelianū vicum, tria pass. millia Genuae proximum, proruperat. Dimicat in agro Cremonensi a meridie ad mortem usque: postea, Lucensibus occupatis,

Regulum eorum ad Philippum transmittit. Pace secuta inter Venetos, ac Vicecomites, Millesimo quadringentesimo trigesimo tertio, Sfortia ad Apenestem, in Apulia, tumultuantem, properas, in ipso itinere, quasi aliud agens, uniuersum Picenum occupat. Postea Franciscus, pace facta cum Eugenio IIII. creatur Romani exercitus Imp. Hunc per Flaminiam Bononiam deducit; Foroliuij expugnato, uulneratoq. Fortebraccio, qui uix horarū duarum spatio uiuus superfuit. Ex iterata Lucensi obsidione, a Venetis uocatus, sub his stipendia meruit; saepius a Philippo fil. nuptiis delusus. Brixiam a triennali obsidione uindicat, Picino uulnerato. Caput Pescheriam, nunc Venetae Reip. propugnaculum inexpugnabile, cuius ad radices Benacus adiacet Lacus; unde Minicius, Mantuam irrigans, se se in Padum pleno gurgite effundit. Denique, subueritus tanti Ducis uirtutem Philippus, pacem poscit, quibuscumque uisum esset condicionibus: de quibus cum in Senatum Venetum relatum esset, in arbitrium Francisci eae reiectae sunt. Nuptiis insigni pompa celebratis, Millesimo quadringentesimo quadragésimo primo anno Diuini partus, Picenum, quo se receperat, quantum quantum erat, perdit. Vnum Fabrianū obdurauit in eius fide, ita, ut, Pontificij Legati monita negligens, obsidionem exspectarit. Sed uide, quam haec humana fluxa sint, quam ue facile labantur. Laborabat scilicet mole tantum Imperium. Insubria una uix fidem seruat, ac, quidquid intra Abduam ac Ticinum fluuium clauditur, se se dat Sfortiae. Mediolanum obsidione captum Millesimo quadringentesimo quadragésimo: I V. Kal. Martij triumphans ingreditur, militum insigni ornatu, quod semper adamauit, atque auro, argentoq. fulgenti cohorte. Moritur, anno decimo imperij, aetatis sexagesimo tertio, mense Martio, post Virginis partum Millesimum quadringentesimum sexagesimum.

FRIDERICVS. I. IMP.



FRIDERICVS, a colore, Ahenobarbi cognomē adeptus, sub Corrado patruo in Asiaticis proeliis disciplinam militarem accepit. Is tanti animi fuit, ut nullum esset periculum, quod non subire auderet. Itaque pluribus se bellis commisit. Erat quidem grandi corpore, ad pugnandum tamen ita expeditus prodibat, ut nemo ipso alacrior uideretur. Accedebat rabies quaedam temerariae ambitionis, ac sitis immodicae gloriae, ac perpetuae cupiditatis dominādi. Est uero cuique insitus gloriae stimulus: is tamen fines suos habet, & modum. Hic labor strenuus adiungitur: *Quis enim magna coronari contendat Olympia dulcis sine puluere palmae?* Praeclare Xenophon: Curae laboriosae efficiunt, ut ad pulchra, & honesta facta perueniatur. Utinam Fridericus mature mentem ad Reip. Christianae defensionem conuertisset. Solidiorem certe rerum a se gestarum famā collegisset. Ea enim demum uera est, quae a recte factis percipitur, laus. Fridericus, cognomento Barbarossa, Friderici, Sueuorū Ducis, ac Iudithae filius, in defuncti Conradi patris locum Francofordiae Imperator appellatus, Millesimo centesimo quinquagesimo tertio, Bauaria primum, atque Austria, ad pacem, & concordiam redactis, coaecto exercitu, in Italiam irrupit. Expugnat in ipso limine Derthonam, quae Vrbs in eius aduentu portas occluserat; tum uero Spoletium in Umbria ex itinere funditus exscindit. Inde Romam proficiscitur. Romani, ex Aelio ponte, cum Germanis, egressi, ad Neroniana prata cruentum proelium commisere. Hadrianus Pont. qui ad mare profugerat, ad Urbem reuersus, Caesarem placatum, ac uenerabundum in Vaticano, more maiorum, Imperij Coronam detulit; quam Conradus cum optasset maxime consequi, non potuerat. Reuersus in Germaniā Vladislaus exsul, orat Imperatorē pro sui restitutione in Regnū, ex quo a fratre fuerat deturbatus. In Poloniam arma expediēs, difficiliore, quam putarat, condiciones reperit. Quamobrem studio tunc Boemorum Principis factum est, ut Vladislaus Silesia dumtaxat potiretur, dum Boleslaus frater Poloniae Rex esset, isq. Imperatori in subsidia belli Mediolanensis trecento s. hatta-

eos equites in Italiam mitteret. In quam iterum ingressus Mil-
 lemo centesimo quinquagesimo octauo, maximo exercitu, Me-
 diolanum obsidet, parta uictoria. Capto deinde Foro Diugun-
 orum, Cremam nostri appellant, Mediolanum, sibi rursus in-
 sensum, oppugnans, penitus delet. Miserum sane excidium.
 Ruit Vrbs opulentissima, pulsus ciuibus. Vix protul fumantem
 patriam prospicere ciuibus licuit: ipsa ueterum monumentorum
 uestigia delentur penitus. Hic erant Compitales lares: hic Fau-
 sta, & Porciana, & quae Herculi fuerat a Maximiano aedes
 consecrata. Hic a Claudio decantatus Honorius: hic domus
 Statij Caccilij, cui primas in comoedia partes Nigidius statuit.
 Hic Virgilius humanioribus studiis operam dederat, ac Albu-
 cius Nouariensis Rhetor non obscurus causas apud L. Pisonem
 Procons. perorauerat. Ab hoc excidio annum septimum patria
 ciues exsulabant. Exstimulabat animos par exsilium, commu-
 nis calamitas; sed in primis uiolata Pontificia dignitas, quam
 tot annos barbarus insequeretur. Nam, Hadriano defuncto, Ale-
 xandrum II. Pont. Max. Vrbe depulerat impius Imperator, ut
 uictorem, tum Paschalem, postea Calistum Tertium, ac demum
 Innocentium Quartum, subrogaret; qui tamen omnes, Deo uindi-
 ce licet robusti, Alexandri legitimi Pont. aetate grauis obitum
 anteuerterant. Veniunt Mediolanenses in vicum, qui Barillanus
 dicitur, estq. in uia ipsa, qua Comum patet, Orobiorum urbs insi-
 gnis. Occiditur Imperatoris signifer, direpto uexillo. Fridericus,
 qui iam tertium ex Germania in Italiam uenerat, equo suffosso,
 in terram sternitur. Pluribus ex suis desideratis, Papiam profu-
 git: ipsa Friderici uxor, quae Comi relicta fuerat, uirum pro con-
 clamato luxit. Mox, ad Pontificis pedes prouolutus, apparuit,
 pacem postulans, capto nauali proelio Othone filio: Annus uerte-
 batur salutis humanae Millesimus centesimus septuagesimus se-
 ptimus. Inde, deposita Imperiali dignitate, quam longinqua re-
 bellione polluerat, Romam usque, priuato similis, eundem profe-
 ctus est; ubi in sedem suam restituto Alexandro Pont. iterum
 stratus humo, palam omnibus calcandam ceruicem praebuit.
 Ab hoc tempore cogitans meliora pro criminu expiatione, Hiero-
 solymitanam profectionem, quam saepe promiserat, expedit.
 Cum enim in Germaniam redisset pio, religiosoq. animo, co-
 acto ex ueteranis militibus lectissimo exercitu, Henrico filio Cac-

sare renuntiato, per Pannoniam Byzantium properans, in Cili-
cia Vrbes plurimas cepit, hostesq. profligauit. Non multo post,
quam Philomelam, supremum eius operum, in Armenia cepis-
set; ut aestiui feruoris erat impatiens, more suo, natatio-
nem repetens, undis limpidissimis allectus, uel, ut alij
scribunt, Ferreum amnem equo uadatus, ma-
gno nostrorum incommodo, ac singulari
hostium laetitia, aquarum uertice ab-
sorptus, occubuit, in cursu uicto-
riarum; Fridericus, Impe-
rij sui anno XXXVII.

Redemptionis

nostrae

Millesimo centesi-

mo nonage-

simo.



GASTO . FOISSEIUS

G A L L V S



ASTO Foisseius, sororis Lodouici Duodecimi Galliae Regis filius, in ipso iuuentutis flore in Italiam ab auunculo missus, prius imperator, quam miles laudatus, celeritate maxima insignes retulit uictorias. Bononiam ante aduolat, quam uel de eius aduentu nostri suspicarentur. Eadem celeritate Brixiam uenit. Hic temporibus illis erat Andreas Gritus, qui eam urbem Venetis tueri nitabatur, sed Foisseius captam, direptamq. in sui potestatem ita attraxit, ut etiam ducem ipsum in ulteriorem Galliam captiuium miserit. Gritus postea multis aduersis proeliis affectus est, ut Grima, no succedens Venetorum Reip. florentissimae annos undecim in summo imperio praeesset. Iterum ad obsessam Bononiam expeditione omnium expectationem praeuertit. Citius enim castra metatus est, quam uel ea mouisse existimaretur. Sic sane Cl. Nero, qui, castris prope Hannibalem hostem relictis, cum detraxisset, quidquid erat roboris, ac flogis Hasdrubalem tanta itinerum celeritate conuenit ex Apulia ad Metauri, tortuosi amnis sinus, flexusque, ut, hoste occiso, prius regressus sit ad suos, quam uel eius discessum alteruter hostis suspicaretur. Vix in Apuliam redierat, castraq. coniunxerat, cum caput Hasdrubalis, quod seruatum cum cura attulerat, proiici ante hostium stationes curat. Tunc demum Hannibal percussus praesensisse dicitur, quam infelicitate secum ageretur. Verum infelix adolescens, ut ad Foisseium redeam, qui tot naturae bonis aduersus Italiam, summumq. Pont. abusus sit. Dum antiqua Gallorum monumenta euoluo, admirari soleo domi, forisq. eius gentis industriam, honestamq. de omni uirtute inter nobiles contentionem. Seniores, quorum uirtus multis magnisq. rebus esset cognita, Prouinciis regendis praeponebantur: iuuenes uero, ad maxima pericula prompti, seniorum praemia expectabant. At, pietatis studio sublato, omnia conciderunt.

derunt. Verum nimirum uetus illud: *Aetatem parentum peiorem diuis ferre nobis nequiores: max. d. uturos perniciem uitiosorem.*

Et uero, dicet aliquis, aetati aliquid dandum est, ignoscendum adolescenti. Solet enim ea aetas lubrica esse, & plerumque incertos habere exitus. Huc adde mandata Regia. Graeci agricolae, cum uiderent maturefcere segetes, certo tantum temporis spatio, non colonorum opere, aut soli natura, dixerunt, Annus producit, non ager. Cumq. animaduertent, saepe immaturas segetes demeti non sine detrimento plurimorum, & fructum laboris superioris perire, prouentum uniuersum soli tempori tribuere, & patienter expectari uoluerunt iustum messis tempus. Ita sane suscipiendis grauium rerum curis temporis habenda ratio est; ut admoueantur ad eas facultates adolescentes, quibus pares sint, & tantisper domi exerceantur, donec maturuerit iudicium, nec messem properent facere ante tempus. Ecce Foisseius imberbis in Rauennatum campis iacet: eius sepulcrum ab ipsa testudine templi deiicitur: conculeantur trophaea. Fuerat enim a Iulio Pontifice Max. impietatis damnatus. Quam dispari studio in Italiam eius frater Lotrecchius uenit? Hic, uel exemplo edoctus, uel pia educatione institutus, uel Francisci Regis Christianissimi praecepto, non oppugnator, sed defensor, omnium testimonio celebratur. Is certe proprium Elogium habuisset, nisi etiam notandus praeceps iuuenilis aetatis cursus Foisseij exemplo fuisset. Dum Romana Vrbs bello ardet; dum Pontifici uix tutus esset relictus locus, concitatis equis aduolat, libertatem communi parenti restituturus. Quam merito, ut illius deiectum cenotaphium, ita huius seruatoris Rom. Urbis, ac ciuium, pretio redempta ossa, ac ex S. C. decretae in Laterano anniuersariae quotannis exsequiae. Te ego, Odette, odis, & cantibus celebrarem, si per huius nostri instituti angustias liceret. Si te Roma genuisset, laudarem ita, ut officium parenti reddidisse gratus uiderere; sed, quia ultra Alpes Gallia te sinu suo excepit, solo silentio possum non sine admiratione, ac ueneratione tantum facinus celebrare; ut te auspice Italia olim a Gothis, & Vandalis deformata, prostrataque, rursus a suis iniuriis passa, ab incendijs, ac latrocinijs liberaretur,

O bellica

O bellica uirtute Heros, Pontificiae dignitatis assertor, ac uin-
 lex; tu quidem tuis carus, sed nobis salutaris, perpetuo cele-
 brare. Porro Foisseius, uictoria, in Rauennatum campis,
 morte positus, dum uictoriam uincere studet, iuuenili ar-
 dore inflammatus plane delendi hostis, se se prae-
 cipitem hostibus dedit, ut uictam uictoriam uin-
 ceret, ac penitus profligaret. Hic sub ag-
 gere profluentis amnis, quasi flos, suc-
 cibus, post armatorum copiis
 misere obrutus est, aeta-
 tis anno uix XXII.

a Christo nato
 Millesimo
 quin
 gentesimo duode-
 cimo.



GEORGIUS . CASTRIOTA

EPIROTARVM . PRINCEPS



GEORGIUS Castriota, a barbaris Scanderbechus nuncupatus, Ioannis, Epiri Principis, filius, Amurathi, Turcarum Imp. obses datus, in Scytharum disciplina militari, adolescens, spem maximam sui, in tractandis armis, excitauit. Equitum alae signifer creatus, cū in dies magis eius eluceret gloria, in Asiam mittitur aduersus Ciliciae Regem. In quo bello, rebus praeclare gestis, insignes est honores cōsecutus. Id uero eum maxime extulit, quod, ad singulare certamen lacesitus, Tartarum hominem, pluribus uictoriis exultantem, ac Persam, strenuum ducem, strauit. In flore militiae patrem deplorat, ac Regnum amissum fletis, atque adulterinis epistolis recipit. Arce occupata, atque in concionem populo aduocato, Rex, communi omnium consensu, acclamatus est. Hinc saepe Amurathis, & Mahumetis filios repulit. Septem purpuratis clarissimis Turcarum ducibus deuictis, foedus pepigit cum Mahumete. Plane insignis eius uictoria aduersus Scythas celebratur Millesimo quadringentesimo sexagesimo sexto. Qua occasione sibi oblata, in Italiam nauigat, operā suam pollicitus Ferdinando, Regi Neapolitanorum, qui cum Andegauensibus decertabat. Apulia uniuersa amico Regi omni fide, ac diligentia restituta, ad suos, expleto cum hoste foedere, reuertitur. Oblessus in expugnatione Croiae, animo infraeto, Georgius, celebrem ab hoste triumphum refert. Hic obsidionem pluribus referamus oportet, ut pateat eius gentis robur. Vrgebat ea loca Scythia, cum uentus exortus Croiensibus uictoriā adiudicauit. Miraculo fides manifesta accessit. Tota nocte uisi sunt cerei, per stationes, in hostilium cuspidibus, accensi. Scodrenses, ea spe erecti, preces Deo Opt. Max. fuderunt, dum tamen nihil praetermittunt, quod ad custodiam pertineret. Hic non modo uiri, sed mulieres ipsae uallos faciebant, ducebant uineas, ollas calce, oleo, pice replebant. Intenti omnes, adhortari se inuicem, parareq. ad pugnam. Par animus matronis erat, quae nec sedulitate, nec labore, uiris cedebant: quarū eo maior

maior laus est, quod sexus est debilior. Hae, immistae uiris, moenia ascendebant: aliis occisis, aliae succedebant: omnes unanimes, quasi ab una origine manantes, ut de gente Fabia traditum est, in quas illud cadit, *Pulchrumq. mori succurrit in armis*, sub oculis parentum filiae, sine lacrymis, sine funere, cadebant. Inter omnes illa Virago celebratur, quae Turcam, per cuniculos irrepen-tem, summaque petentem, capillis arreptum, capite, ante ipsa moenia, obtruncavit. Sed ad Georgium ueniam: qui Croia Romam uenit, ut Christianos Principes aduersus Turcas conciliaret. Verum, Pio Secundo ad meliorem uitam euocato, res minus pro uoto successit. Sic enim datus est ille Orientis Tyrannus, ut nos exerceat. Fuit Georgius Christiani nominis amantissimus, quo nemo felicius, nemo acrius contra communem hostem pugna-uit. Eius gladius tantae fuisse dicitur magnitudinis, ut Mahumeti, eum uidendi, cupiditas incesserit; ac, prout ferebat eius gentis superstitio, eiusdem cineres, tota Epiro perquisitos, nonnulli pro amuleto gestarint, spe certae uictoriae, licet in confertissi-

imum armatorum agmen inituri uiderentur. Princeps

egregius Lyssi, apud amnem Dryllum, febris cor-

reptus, ac filio Venetae Reipub. commen-

dato, moritur, aetatis anno sexage-

simo tertio, Regni uigesimo quar-

to, salutis de caelo alla-

tae per Dei Filium

Millesimo qua-

dringen-

tes

mo sexagesimo

octauo.



HERCVLES . II

FERRARIAE . DVX



HERCVLES, ex Nicolao III. eiusdemq. ter-
tia uxore Riccarda, legitimo matrimonio, natus,
una cum fratre Sigismundo, in primo aetatis flo-
re, Neapolim, in aulam Alphonsi Primi, mit-
titur, ut in Regia disciplina educaretur. Hic
breui eam sui opinionem concirauit, ut non mo-
do inter aequales, sed se ipso maior uideretur. Frequens erat
temporibus illis usus umbratilis pugnae: in quo genere cum fa-
mam sibi non mediocrem adolescens collegisset, singulare cer-
tamen cum Galeatio Pandone instituit. Delecto solitudinis lo-
co, testibus dum taxat duobus utrimque adhibitis, ad Hercu-
lem uictoria inclinabat, ut testatur Aequicola; cum certior fa-
ctus Rex celeritate pugnam diremit. Ab eo tempore intrepidi
equis nomen accepisse dicitur Hercules. Defuncto Al-
phonso, Ferdinandus, in Regno succedens, non ita se familia-
rem illustribus his adolescentibus exhibebat. Itaque, Borisae
Leonelli consilio, qui tunc Ferrariae rerum statum administra-
bat, se se una ab eo subducere statuit. Hercules in Apuliam pro-
ficiscitur, atque, ad subsconcione habita, facile omnes in Ioan-
nis Andegauensis castra deduxit. Apud hunc frontem exercitus
ducens Millesimo quadringentesimo sexagesimo, multa subdidit
Andegauensi ditioni, inter quae numerantur Troia, Folia, Man-
fredonia. Cum uero Regiis copiis occurrisset ad Sarnum fluuiū,
inter Cumanos, qui, quod hanc partem tenuerint, nomen regio-
ni dederunt; Hercules ita acriter cum Ferdinando manus con-
seruisse dicitur, ut Regiae purpurae partem distractam inter ma-
iorum suorum trophaea esse uoluerit. Pluribus in Apulia prae-
clare gestis, una cum Sigismūdo III. in patriam uocatus, alter Re-
gio Lepidi, alter Mutinae praeficitur. Hinc apud Remp. Veneto-
rum eam condicionem obtinuit, ut, quo tempore, deposito sago,
bella silent, Iani conclusis foribus, quindecim millia aureorum
optatissimae pacis stipendia cōsequeretur. Adiunctus postea Bar-
tholomaeo Bergomati, in Insubria, inter dimicādum, licet uulne-
ratus,

ratus, ad noctis usque imminētis tenebras, pugnans, Ferdinandum filium fugientem insecutus, numquam destitit, donec ab eo Liciniae partem succidit, simillimo ueteri, quod a patre retulerat, trophaeo. Itaque merito post Borsum Principatum cepit Milleesimo quadringentesimo septuagesimo primo, Nicolao, Leoneli filio, qui Regnum affectabat, e medio sublato. Interea Riccarda mater, stirpe nobili, quae se ad suorum castra receperat, Ferrariam insigni pōpa ingreditur, quam non nisi dominam se spectaturum praedixerat. At Hercules, cum Veneris, Florentinis, ac Vicecomitibus, foedus contrahit; quamquam non multo post a Veneto dissensit, qui, in insulam Eridano adiacentem, ingressus, praesidiis cinxerat. Hanc in insulam de nocte irruptione facta, Hercules caedem facit, ac, uallo superato, praetorē in triumpho ducit. Tandem a Xysto I V. Pont. Max. rebus compositis, Hercules pacatissimo statu annos circiter uiginti potitus est. Et uero melior certa pax, quam sperata ex bello uictoria. In pace merita spectantur: ubi proelium ingruit, innocentes, ac noxij aequē occidunt. Pax, aureum, atque adamantinum uinculum est: bellum, dissolutio non amicorum modo, sed affiniū prope, ac propinquorum. Pax, parēs, & altrix litterarum, ac bonorum omnium; bellū, uastitatem, solitudinem, orbitatem agris, opidis, ciuitatibus, Regnis ipsis affert. Non igitur mirum, si pacem nonnulli ueterum etiam pecunia redemerunt. Commodus hostes sibi pecuniis deuinxit, securitatemq. redemit apud barbaros, proposita mercede uenalem pacem habentes: & Alexander Seuerus decreuit oratores mittere ad Germanos, bellum inferentes, de pace, qui pollicerentur, omnia illis Principem Rom. quorum foret opus, praebiturum, pecuniasq. daturum magna copia. Quare Alexander pacē, foederaq. potius ab illis emercari, quam periclitari bello tendebat. In pace igitur Hercules maiorum suorum sepulcro conditur, circa annum aetatis exactum septuagesimum. Natalem enim diem ignorantes, ratiocinatione tēpora subduximus. Quod idem in nonnullis aliis facere coacti fuimus. Obiit igitur repetimus a partu Virginis: supra Milleimum quingentesimum quartum.

HIERONYMVS · TRISTANVS

CASTELLVS



HIERONYMVS Tristanus Castellus, Inter-
annae Nahartium, in Vmbria, clarissimis ortus
natalibus, Tristani nomen, ob summam in pa-
trem pietatem, atque ob eiusdem maximum,
maximis in rebus, consilium, prudentiamque,
secutus est: quod necem uiolenter illi illatam,
auxilio Agapeti Castelli, nepotis, licet adhuc adolescentuli, & ex
Dominis Papinij postremi, cui tali in negotio soli fidebat, uin-
dicasset. Statura erat maiestatis cuiuspiam plena: animo ingeni-
ti, ingenio excelso: qui, in primis suae aetatis annis, defuncto
patre, in tutelam Andreae Senioris patrui recipitur: quo duce,
summam rei bellicae peritiam est adeptus. De eo, adiuncto Hie-
ronymi nomine, in diuersis instrumentis, uel Priuilegiorum, uel
Inuestiturarum sub ipso factis, & in Vicaria Neapolitana, atque
Archiuio Aragonensi, adhuc studiose asseruatis, honorifica sit
mentio. Adolescentulus se aulae Ferdinandi I. Aragonensis
addidit: cuius etiam Coronationi, cum primoribus Italiae, singu-
lari ornamento interfuit. Ea quoque aetate, teneriori licet, in-
ter Consiliarios, patris pristinum locum obtinuit. Cuius merito,
ac propriae uirtutis, tanto fauore Rex illum est complexus, ut
illum non alio, quam Fratris, nomine appellare solitus esset, tra-
ditis insuper in illius gubernationem multis prouinciis, nomine
Viceregis: id quod multa illius Regni monumenta clare testan-
tur. Quod Magni Consiliarij dignitatem tenuerit, exstat in Ar-
chiuio Aragonensi, ut & Ducis Atrienensis, percelebris memoria.

Annos natus quattuordecim, militiae se dedit: atque ita gra-
datim in omnibus sui temporis bellis semper honoratus exstitit,
ut eius & prudentia, & fortitudo omnibus in rebus clare appa-
reret: ob quae a Rege multarum dignitatum status obtinuit. Crea-
tur Eques ex Sedilibus, deriuato honore ad posteros. Crescens sic
aetate, & uirtutum meritis ad annum quadagesimum primum, Ge-
neralis Locum tenens cataphractorum militum status illius Regni
constituitur: quam dignitatem tunc temporis Principes tantum
uiri,

uiri, uel singulari aliqua uirtute spectati, sperare poterant. In eam aestimationem illis temporibus uenit, ut omnes alios Italiae honoratos dignitate facile aequaret. Galearum formam longe commodiorem adinuenit: ut etiam tam hominum, quam equorum armaturam diuersi generis magis expeditam, & minus grauem. Demum, re contra Turcos non procul ab Hydrunto bene gesta, maxime celebris factus est: consorte Io. Iulio Aquauia, Duce Atrienfi, eius prouinciae Gubernatore, expeditionis illius Imperatore, & uiro militaris rei experientia illius saeculi facile summo. Qui moritur anno Domini Millesimo quadragesimo octuagesimo, in acie a sclopetario tormento ictus. Aliquādo impetrata a Rege uenia inuisum patriam, in itinere apud Cantalicem forte interuenit pugnae, quae erat inter Reatinos, & Cantalicianos, caussa finium; dum sese, tumultus sedandi gratia, partibus interponeret, lancea in eius, non agniti, latus a milite Cantaliciano quodam adacta, decedit, iuxta imaginem in uia positam; quae etiamnum illic exstat, morte egregij huius Equitis satis apud omnes illius regionis testata. Luctus non tam suae genti, quam exteris omnibus, maximus ortus est; praesertim Regi. Accepto etenim, de eius interitu, nuntio, lacrymis profusis testatus est, se se fratrem amisisse, & Coronae suae fidelissimum ministrum; & quanto dolori amicis, tanto gaudio inimicis mortem eius fore. Ac, in testimonium ueri amoris, & aestimationis, qua apud se semper fuisset, Neapoli publice in Cathedrali Ecclesia, iuxta funebria, quibusmet interfuit, Regali munificentia persoluit. Interitus eius luctuosus, exemplo suis esse debet, & omnibus aliis magnis uiris: se se non temere ob quamuis leuem causam, sed tantum ob graua negotia, uitae periculis exponere. Quia multi saepius hoc modo eā amiserūt, ac sibi ad maioris gloriae amplificationem uiam praeciderunt: quamuis illi nihilo minus tantum gloriae culmen fuerit, quantum quiuis alius, ex eadem florentissima stirpe ortus, possederit. In qua quidem, omni tempore plurimi, non solum rebus bello gestis, sed, quod pluris sit, uitae sanctitate & innocentia clarissimi uiguerunt uiri. Et praesertim felicissima etiam facta, orto ex illa S. Anastasio, Episcopo, & rutelari Interamnatum Sancto, circa annos Sal. DXXXVI. Nec silenda uidetur, Caelestini I. Castelli Pont. Max. honorifica,

ca, licet brevis, memoria : cui Pontificatum summa uirtute adepto, obstitit ad res maximas peragendas Mors, honestarum, & laudabilium actionum funesta interruptrix, Millesimo centesimo quadragesimo quarto anno a reparato humano genere.

Cum in eo simus, ut Familiae honorificentissimae homines, & praeclara gesta laudemus, non ab re forsan erit, si Togatis praecipuis quibusdam uiris enumeratis Militares quoque adiungamus. Inter eos igitur, qui, praeter antiquos, quos nimis longum esset recensere, militari gloria proximiores nostris temporibus praestiterunt, non extremus fuit Andreas, eius nominis Tertius, & Hieronymi proauus. In Ducatu etenim Spoletano partium Guelfarum Dux erat; omnes Interamnatum arces, & castellanias quas uocabant in sua ditione potestateq. retinens. Eques auratus creatur a Pontifice, a quo, ob eius singularem uirtutem, honoratus est ense, & pileo: quae non nisi Regibus, aut summae nobilitatis uiris, concedi solent. Erat illi frater Galeottus, Ladislao Regi Neapolitano acceptissimus: sub quo longum tempus militauit, in honorificis militiae praefecturis constitutus. Et, praeter alios suis laboribus debitos honores, Comes insignitur Terrarum Arnulforum: in cuius priuilegij instrumento, etiam Magnus Regis Consiliarius appellatur: accepta facultate utendi insignibus Regalibus. Quem quidem dignitatis gradum, dum uixit, retinuit: sed post Regis obitum Comitatus Terrarum Arnulforum ad primos dominos, quasi iniuste sibi ereptum caussantes, subito relapsus est.

Pater horum erat Iannutius, qui Ecclesiae multa dominia, ab aliquibus Tyrannis occupata, recuperauit. Effecit ille sua auctoritate, ut ciuitas Interamnatum Sedi Apostolicae se libere dederet. Opera etiam, & consiliis huius prudentissimis, Aegidius, Legatus Apostolicus, in omnibus grauioribus negotiis Ecclesiastici Status usus est.

Iannutij pater erat Andreas secundus, filius iorij, Dominus Papinij, qui circa an. Dom. CIO CCC XXV. in Umbriae regionibus Guelfarum partium dux erat. Is inter ciues Interamnae, auctoritate Apostolica Officium Banderariorum, uti nominabantur,

bantur, amplissimae potestatis instituit: quo ciues Interamnates Remp. suā magna ex parte regebāt: eoq. suāui quodā obsequiū uinculo, & quasi dulci, adumbrataq. dominationis specie, deuinctos, post etiam ducentos & quinquaginta annos, erga Familiae suae posteros, reddidit. In quibusdam publicis instrumentis, Illustris, appellatur; qui titulus eo tempore rarus, & non nisi celebrioribus Italiae uiris, raroq. admodum, dari solitus: ex quo non solum propriae eius uirtutis splendor, sed sanguinis uetusta nobilitas clarissime ostenditur.

Ante hos memoratur circa annum Christi Millesimum ducentessimum quinquagesimum, Arronicus, Nicolai Castelli, Gorij aui, frater germanus, & filius Tebalduccij, aemulus maiorum suorum Principum Naharnum fortitudinis, imperijque, & dominandi cupidine flagrans. Is, cum multa frustra tentasset, demum principatum in Patria assecutum multos annos retinuit. Postea, totius Vmbriae Gibellinorum ducum facta in eum conspiratione, miserrime trucidatur: maximaq. hostium impietate, semiuuius adhuc in atrio suae arcis includitur, ac tumulatur, eiusq. corpus bouina pelle inuolutum conditur, iuxta templum Sancti Andreae, sub pede columnae, quae hodieque, maiori forsan inimicorum probro, quam ipsius ignominiae, illic uisitur. Haec arx sita erat ad Narem, prope muros opidi, in regione a Castello dicta: quod primi illius stirpis, & loci eius, ut etiam aliorum plurium in Vmbria, perpetui Vicarij, sedem illic haberent.

De Hieronymo, ita cecinit Iosephus Castalio, Musarum alumnus:

*Commis̃sas inter se Vrbes furialibus armis
Dum sedare cupit, medium se millibus offert
Tristani armipotens Hieronymus inclyta proles.
Finitimos uerum populos seruare studentem
Teli acies allapsa uirum prostrauit arenae:
Atque ita, qui innumeros ferro deleuerat hostes,
Occubuit casu, dextraq. errante clientis.*

Exstinctum decus omne suum Nar fleuit, & omnia

Vmbria plorauit pullis indusa lacernis.


Parthenope cum Rege pio maestissima firmum

Amisum columen luxit, iustisq. solutis

Ad superos animam cari praemisit amici.

Magnanimi Ducis in terris rediuiua coruscet

Gloria, praestantesq. acuit uirtute nepotes.



IO . ALOYSIVS . FLISCVS

L I G V R



VAE a nobis haecenus allata sunt nostrorum temporum, aut superiorum fortitudinis robora, pleraque maturioris aetatis fuere, & merito. Nihil enim plane perfectum est, ac suis numeris absolutum in homine, nisi animi ardori iudiciū, ac consilium accesserit. Demus illa naturae indagatoribus, omnia rerum initia minuta esse, ac deinde suis progressionibus augescere. Non enim, ut semen mandatum est terrae, protinus demetitur; sed elicitur primum solo, ex eo herbescens uiriditas suo tempore adolescit; nec, ut ad articulos tormentorum gemma existit, continuo uua percipitur, sed inde oriens paulatim se se ostendit, post terrarum succo, atque ardore Solis, quae acerba fuerat, maturata, dulcescit. Quin & natura in primis homines informauit, ut, primo sui ortu, tenero esset, ac molli corpore, quod deinde, progrediente aetate, subcrescens, robustius fieret. Quod si qui fuerint, qui aetatem praecurrentes superauerint, uel quibus praecocis ingenij ad maturiora consilia fuerit praecclusa uia, cur taciti praetereantur? Praeclara quaedam nimirū res est historia, qua, qui interierunt, uiuunt adhuc in hominum memoria, & partim exemplo suo ad praeclara posteros promouent, partim ab ijs absterrent, quorum uel opera, uel ipsos exitus animus perhorrescit. Haec ego dum mecum cogito, ecce obijcitur ante oculos Io. Aloysius Fliscus, Sinibaldi filius, Lauinia Comes, magnae potentiae, magnarumq. opum adolescens, qui, formae dignitate eximia, atque oris uenustate, oculorumq. amabili quadam hilaritate in se totius Genuensis nobilitatis animos, mentesq. attraxerat. Erat uero illi in Vrbe ipsa acerrimus aemulus, quem sibi Andreas Doria senior in filium adoptauerat, Ioannes nomine, cum quo non minus suae, quam patriae, ruinam crescere dubitabat. Itaque uersabat animo huius praeuire consilia, & periculum suum patriae libertati praeferre. De Petro Aloysio Farnesio,

Placentinorum, ac Parmensium Duce, triremes quattuor co-
 emit, quibus cum sub Paulo Tertio, Rom. Poeta mereret, eam
 ob causam Romam uenerat. Sed in Liguria nullum est artifi-
 cij genus, quo ille non usus sit in familiaritate domesticorum
 Doriae, in Ioannis ipsius filiorum deliciis, atque amplexu, in
 omnis denique obsequij simulatione, ut senilem Andreae ca-
 nitiem, quod est affectus, eluderet. Effecit ille, ea arte insi-
 gnis. Sic enim se se effinxerat, ut machinationis ne minimam
 quidem daret suspicionem. Ferdinandus Gonzaga, uir prou-
 idus, ac temporibus illis Mediolanensi gubernationi praefectus,
 ut clam acceperat, ita Andream certis nuntiis monuerat ea de
 re; numquam tamen ille adduci potuit, ut crederet, tam occul-
 ta in se consilia tanta ingenij, morumq. suauitate, ac tam pro-
 pe caelesti adspectu, obtegi. Interea, de nocte, pro more suo,
 Fliscus, cum Urbem paene totam laruatus, ac ludibundus, ex-
 currisset, domum reuersus, ubi comperit capita nobilitatis, qui-
 bus epulum daret, cenam illis eam apparatus dixit, qua li-
 bertas patriae a Ioannis Tyrannide redderetur, atque, eam
 ut expediret facilius, sibi ab eo insidias paratas, lectis litteris,
 confirmavit. Vrgendum igitur rem patriam, & saluti propriae
 consulendum, & communi: occurrendum hostis fraudibus,
 quibus ea nocte detectis, lux prima, quae suboriretur, patriae
 lucem redderet, & ipsis amplissimum decus. Non sic Thyestis
 in cenam, caput ubi allatum filij uidit, expauit, ut hi perhor-
 ruere, uultu pallefcere, ac obmutescere, quid responderent,
 plane ignari; ut quorum circumstantium armatorum horribi-
 lis offusa oculis species aciem plane praestrinxerat. Plerique
 ex eis, libertatis studio ducti, adhaeserunt; alij, aliter liberta-
 tis nomen interpretati, metu dissimulato, assensum cohibuere.
 Hi duo duntaxat fuere, qui, clathris oclusi, ac diligenti cu-
 stodia detenti sunt, ne, dum res agitur, machinationem aut sol-
 uerent, aut aperirent. Illi ducis consilia ipsa intempesta nocte
 concepta expediunt. Voluit, ante quam Fliscus his comitibus
 praiceps praecipitis item rueret interitu, miser, se se in com-
 plexum dare Leonorae Cybo, nobiliss. feminae, Laurentij,
 Massae Marchionis, filiae, quam sibi in matrimonium coniun-
 xerat. Eo, inquit ille, sub his tenebris propero, unde, me re-
 deunte,

deuote, uel laetissima, uel omnium feminarum infeliciſſima futura ſis. Illa uero, ut erat eloquentiſſima, ut quae ex ea ſtirpe naturae dona arte excoluiſſet, quae alias generoſiſſimas edidiſſet, pluribus conata eſt, ut arbitror, coniugem retinere. Parentis ſenectam, familiae ſolitudinem, leuitatem aurae popularis, incertos rerum exitus, hoſtium ipſorum uires, & inter lacrymas, ut ſaepe dolor quaelibet comminſci ſolet argumenta ueteris nobilitatis, Innocētij Quarti, & Hadriani Quincti, memoriam forte obiecit. Verum, ut deliberatis nullus eſt, conſilij locus, ille a gementis uxoris complexibus auulſus, eo, quo praecinctus erat, chalybe durior, ab eius conſpectu exceſſit. Mandat Othobono fratri, ut Sancti Thomae, Cornelio item fratri, ut Sancti Stephani portam occupet: Triremium praefecto imperat, ut ad fauces inferioris portus appellat: Thomae Aſſareto mandat, ut, celoce uectus, cum aliis in interiorem portum ſe ſe inſinuet: eo ſe cum Verrina, qui particeps unus erat conſiliorum, & Hieronymo fratre, terra properare. Res erat plane acta: nauigabant in portu: occupata praefidia: refractae fores: expedita omnia: uia facta, ſine ui, ac ſine ſanguine, ad eam, quam ille ſpem animo conceptam praeterlabentem uidit. In triremibus tumultus factus a captiuis, ut fieri ſolet, libertatis amantiſſimis, idem praefentia adoleſcentis ſtatim ſedatus. Inde ad ſuos reuertitur Fliscus, tabula, qua ad litus ex triremi praetoria deſcenderet, inſtar pontis, in mare prolapſa, armorum grauitate preſſus, tribusq. coniurationis conſciis adiunctus, & ſociis, ſpes omnes ſecum in altiſſimos aquarum gurgites attraxit, penitusq. demerſit. Eodem paene momento 10. Doria in noctis ſilentio ab Andrea Seniore (ea enim aetas ſolet eſſe uigilantiſſima) excitatus, inermis ad S. Thomae fores confoditur. Vide, quam minimis caſibus magnarum rerum momenta uerſantur; & quam ſecreta utriuſque adoleſcentis in pectorum latebris caecaeq. noctis caligine abdita, penitusq. retruſa, unum, idemq. una nox, unum momentum cluſerit. Id uero in Flisco fortaiſſe exitum habuiſſet, niſi ita ille occultaiſſet animi ſui ſenſus, ut ſuos etiam laedere uoluerit. Itaque, territi nuntio mortis ducis coniurationis, alij ſibi fuga conſuluerunt, alij ſecuri percuſſi, ut Hieronymus, & Verrina, uitam finire. Eodem tempore arx ipſa, quae a Lo-

douico

Douico Duodecimo Gallorum Rege in loco omnium, qui toto
 orbē terrarum sunt, natura munitissimo constructa fuerat, cum
 ciuitatis praesidio immineret, turbulentorum hominum rece-
 ptaculum, plane deleta est. Dum haec aguntur, & fama de
 tumultu Genuensi diuagatur, Iulius Cybo, qui paullo ante ui-
 parenti Massae Marchionatus ditionem occupauerat, Flisci,
 ac Ioannis Doriae sororius, duobus millibus hominum Genuam
 cogitat: tum, utriusque leuiri casu cognito, trecentos dumta-
 xat eligit, quos, ubi Genuam uenit, praesidia Andreae patris
 patriae affini suo reliquit. Inde Iulius Comitissam infelicissi-
 mam Fliscam, eandemq. sororem, Massam deducit. Et ue-
 ro mirandum, quam his, quae retulimus, id cohaereat, quod,
 eo, qui secutus est, anno, Millesimo quingentesimo quadra-
 gesimo octauo contigit. Iulius, qui horum casuum experien-
 tia magister esse poterat, ut spectator actae paene domi suae
 tragoediae, ipse quoque se in simillimum genus machinatio-
 rum inuoluit. Nam, cum is Caroli Quinti imperio, cui in
 Alemania, & Durac potissimum, in acerrimis proeliis, operam
 singularem nauauerat, coactus Marchionatum Massae resti-
 tuere, in spem praemij laborum militarium, tam acerbē tul-
 lit, ut ab Imperatore discedens, oblata occasione, ut sibi uide-
 batur, opportunissima, Gallis Genuensem Rempublicam obtule-
 rit. Rem ille Venetiis cum Galliae oratore, atque Othobo-
 no, Aloysij Flisci fratre, communicauerat: quod consilium re-
 centi plaga eius Reip. & militum copia facilem exitum habi-
 turum uidebatur, nisi coniurationis conscius Paullinus qui-
 dam Etruscus prodidisset. Itaque ad Apuae captus Iulius Me-
 diolanum ducitur, ubi paullo post moritur. Tres igitur leui-
 ri. ad patriae mutationem adspirantes, in patriae ipsius sinu,
 uix anno uno, extincti sunt. At Aloysius, ut eius sit conclusio,
 cuius fuerat initium, IIII. Non. Ianuarij Millesimo quin-
 gentesimo quadragésimo septimo eodem momento temporis,
 & Genuae Princeps fuit, idemq. extinctus, cum annum aeta-
 tis suae uix uigesimum attigisset. Expiscati nautae cadauer,
 uix post diem quartum reperere pallentem iuuenem quasi flo-
 rem uere nouo renidentem. Erat thorace ahenco inaurato, an-
 sulis ferreis armatis brachiis, galca indutus, ad latus ense
 praecin-

ecinctus, clypeo ad sinistram pendente, ita denique instru-
 us, quasi Mars, aut eius alumnus iterum ad certamen esset pro-
 turus. Doria, qui in patriam, ex qua tumultu aeger diffuge-
 rat, eundem in locum coniectum cadauer iussit in limo
 per menses duos iacere, ac tum demum in altum
 mare proiectum est: ut, qui tanti animi
 fuerat, idem haberet amplissi-
 mos sepulcri ter-
 minos.



IOANNES . AVCVTHVS

BRITANNVS



IOANNES Aucuthus, uir Britannus, nō apud suos modo; sed etiam apud Gallos, ueteres hostes, clarus, occasione belli Belgici in Italiam uenit. Porro Barnabas Vicecomes, cum temporibus illis in agro Mantuano castra posuisset, militarem Britannorum disciplinam in Aucutho experiri statuit. Huius in pluribus proeliis probatam industriam, artemq. in mittendis sagittis admiratus, (non dum enim tormenta bellica adhibuerant) cum indies incrementa amoris accederent, auctis stipendiis, filiam quoque spuriam sponddit. Conciliauerat praeterea sibi beneuolentiam omnium Italorum Principum. Ea enim uis est uirtutis, ut, licet oculis non spectetur ipsa, ab hostibus etiam amorem eliciat. Hoc tempore Aegidius Carilus, ad pacandam Italiam missus, inierat in Barnabā foedus, qui pacem per Reges petere coactus fuerat. Sed pax non diuturna fuit. Nam Aucuthus, Vicecomitibus militans, cum Florentinos bello incesset, eorum copias apud Miniato opidum grauititer profligauit. Hanc ob rem Aegidius Legatus Thomam Obicionem, egregium copiarum ducem, cum tribus millibus equitum, & satis magno peditatu, Florentinis auxilio mittit. Pugnatum est inter Arretium, & Derthonam, dubio Marte, horis quattuor: ac demum Thomas ita hostes superauit adnitente peditatu, ut ex sex millibus equitum, qui cum Britanno militabant, pauci euaserint, atque ipse dux in deditionem uenerit; quem tamen Urbanus Quinctus, e carcere emissum, copiis illis omnibus praefecit, quae ante sub Aegidio militauerant. Deinde, sub Gregorio Pontifice, receptis, insigni cum laude, Togatae Galliae urbibus, in praemium nauatae operae, quinque opida, & in his Cotignolam, ueterem Sfortianorum Comitatum, retulit. Cum uero Italiae Principes in proeliis exterorum potissimum uiribus niterentur, facile hominem ad suas partes traxere. Meruit stipendia Florentinorum, a quibus non multo post ad Pisanos, atque iterum ab his ad Florentinos rediit, quibus

quibus plane tamquam ad scopulum adhaesit. Dux Britanus hoc tempore adeo res Pisanorum affixerat, ut omnibus belli calamitatibus fracti uictorum arbitrio se dederint. Mansere illi sub Florentino imperio annos octuaginta septem. Eluxit ad iugum excutiendum Simonis Orlandij plena lacrymarum oratio; acciditque, casu sane memorabili, ut eadem hora, qua Florentini Mediceos patria, domoq. pellebant, ipsi quoque a Pisanis, pari uindicandae libertatis studio, pellerentur. Histemporibus Gregorius Vndecimus Romam redierat. Fuit dies notatus in fastis Idibus Ianuarijs a partu Virginis Milleesimo trecentesimo septuagesimo sexto, Pontificatus sui septimo; migrationis uero Romanae Curiae in Gallias septuagesimo. Praeuiderat enim sanctissimus Pontifex, ut a puppi gubernatoris absentia nauem periclitari, ita, se procul ab Italia agente, plurimorum bonorum sequi naufragium. Excipitur in patrium solum incredibili populi Romani laetitia Pontifex Max. uultu, gestu, publicis acclamationibus restitutum parentem non sine lacrymis matronae saluant. Et uero Urbis moenia, templorum parietes, ipsae basilicae ubique ruinam minabantur. Redeo ad Aucuthum, ex cuius castris nobilissimi, qui deinde celebrati sunt, Itali duces prodierunt. Quamquam Britanniae non id tantum certaminis genus debere nos fateri necesse est; sed illud etiam domesticae pugnae simulacrum, quod in disceptatione positum, ratione, argumentisque agitatum, sine sanguine Scholasticum uocauere. Id inde auctum, illustratumq. accepimus. Inde enim prodiit Ioannes itidem ille, cognomento Scotus, qui in Oxoniensi schola subtilitatum aculeos unus inter ceteros incredibili studio adinuenit. Porro plurima nos Itali, quod tandem fatendum est, debemus exteris. Omitto multa inuenta. Satis sit meminisse Graecarum litterarum, quas ad nos Chrysoloras Byzantius attulit, quae annis ante quingentis apud nostros conticuerant. Hinc gymnasia excitata, insignibus uiris prodeuntibus, quorum aemulatione maxima ingenia floruerunt. At Britannia, unde erat oriundus Aucuthus, insula est omnium, quae sunt in mari Oceano, praeter Taprobanam, maxima, ex qua ad sacrum bellum nobilissima acies aliquando properauit: beata esset, si uel solam religionem Romanam, maiorum exemplo, retineret. Ex ea certe, quos noui, noui autem plurimos, quasi angelos cum illo uocare soleo mo

rum integritate singulares. Senio confectus, militiae pater, ac-
magister, Aucuthus, cum non amplius armorum gravitatem su-
stinere posset, diem suum clausit Florentiae, Millesimo trecen-
tesimo nonagesimo tertio. Cuius corpus lugubri pompa in
templum maximum delatum est. Eius ego soli Britannici cala-
mitatem his temporibus miseratus, sic eius robur Vates exop-
tabam:

Primus ad Ausonios pietate insignis, & armis

Rettulit antiquum nobile Martis opus.

○ *utinam nunc illa animis vis prisca maneret,*

Aucuthe, Anglorum, o splendor, & Ausoniae;

Pro patria, quae in nos fuerant tua tela, redirent:

Sic pater Ausoniae, sic patriaeq. fores.




IOANNES . BENTIVOLVS



IOANNES Bentiuolus, Hannibale patre, ciuiū
coniuratione, trucidato, exceptus a Sanctio, qui
se in Bentiuolam familiam adoptauerat, & hono-
rifice eductus, institutusque, cum praecellaram in-
dolem praeferebat, ciuium suorum acclamatione,
accedente aura populari, in Principem eligi-
tur; Genebra Sfortia, Constantij, Pisauriensis reguli, filia, supra
sexum plane animo uirili femina, in coniugem datur. Huius con-
silio cum esset Bentiuolus ingenio facili, accenditur, ut Maluetio-
rum coniurationem ulcisceretur, infensis sibi ciuibus ad unum e
medio sublatis. Spes erat, ut undique tuta essent omnia, qui no-
bili sobole illustribus, Italiae familiis propinquitate coniungere-
tur. Interēa Galeottus Manfredus occiditur. Itaque in uiduita-
te relictae filiae subsidium accurrit Bentiuolus. Erat tunc ea ci-
uitas in armis posita. Cum uero se ille in castrum recepisset, in se-
quentibus hostibus, in carcerem truditur, unde uix, precibus Flo-
rentinorum, ereptus est. Hoc tempore Caesar Borgia Bononiam
uenit: uerum is, re infecta, abiit. Secutus est Borgiam Iulius
Secundus Pont. Max. qui, ut fuerat antea in armis egregie uersa-
tus, e Romanis sedibus, ingenti exercitu, auxiliariis Gallorum
copiis, in Insubriam proficiscitur. Plane contra stimulum calci-
trat, qui Pontifici repugnat. Ex uero sacrorum Principi, ob san-
ctitatem uniuersis gentibus religiosissime uenerando, obtempera-
re par est. Is, ubi semel consecratus, & nouo desumpto, nomine,
lustratus, pastorem lituum praefert, gemmatoq. apice refulget,
quasi mortalitate deposita, augustus, ac plane diuinus efficitur.
Habemus ab antiquis usque tēporibus etiam apud Ethnicos uiol-
atae religionis poenas, cum nostris uerioribus abundemus. Affe-
ramus illius antiquitatis exempla, ut insitum diuinitatis numen
etiam illis comprobetur. Pyrrhus, Epirotarum rex, thesauros Pro-
serpinae apud Locros cum spoliasset, & pecuniam in naues impo-
suisset, postera die saeuissima oborta tempestate, tota classis mi-
sere dissipata, disiectaq. est; nauesq. omnes, quae ablatam pecu-
niam aduehebant, in Locrensiū litora reiectae sunt. Tunc ille,
uim numinis, ut sibi persuaserat, reformidans, quod ereptum fue-

rat, protinus referri iussit; nec tum ira diuina cessauit. siquidem nihil posthac prospere gessit. Pulsus enim ab Italia, temere Argos ingressus, ignobili morte occubuit. Sed uerius Attila Leoni Pontifici, pro Romanorum salute deprecanti, cessit; cuius a dextra, laeuq. uibratis gladiis augusta specie Heroes minarentur. Itaque territus hoc ostento Tyrannus, relicta Italia, in Pannoniam seduxit exercitum. In angustias igitur redactus Bononiensium Tyrannus, ut ad nostra ueniamus, nullum praesidij locum conspiciat, fuga sibi consuluit. Delabitur ad Gallorum castra. Inde Mediolanum uenit, ubi inter miseras reliquum uitae peregit. Quarium rerum humanarum statum, o uolucrem spem, o incertos exitus. Quam breui ex faustis hymenacis, in nurum, splendissimo coetu, celebratis, ad lacrymas omnia prolapsa sunt. Licet quidem in pluribus hanc uicissitudinem mortalitatis nostrae admirari; sed maxime in Bentiuolo: cuius cum fuisset insignis gloria, opes immensae, natorum ingens numerus, domus Regalis, subito quasi Iouis icta omnia fulmine, cui quercus a ueteribus superstitiose dicata fuerat, conciderunt. Ruit elegantissima structura turrita domus, ruit arx illa, quae castris instar erat, idem & praesidium, & deliciae clarissimae familiae. Quarum rerum euerione certior factus Io. Bentiuolus, mirandum sane, eum, amplius triginta annis in domo minatu positus, septuagenarium superstitem esse. Infelix pater, qui liberorum libidine & suorum libertatem, patriamq. dulcissimam perdiderit. Moritur post Christum natum circiter Millesimum quingentesimum quintum.



IOANNES. FRANCISCVS

GONZAGA



IOANNES Franciscus Gonzaga, annu magēs
 quartum decimum, Francisco patri successit, cir-
 ca acceptam salutem Millefimo quadringente-
 tesimo tertiodecimo. Is, cum esset studiosissi-
 mus ditionis Ecclesiasticae defendendae, ac pro-
 pagandae, Bononiam acerrime defendit, ad eā
 satis iusto peditum, equitumq. numero profectus, mandato Ioan-
 nis Pont. cuius auspiciis tunc militabat. Nam Malatesta Arimi-
 nensis, Ladislaum Regem secutus, eam Urbem graui bello pre-
 mebat. Ille uero, adiuuantibus Bononiensibus, graui aliquot
 proelia cum hostibus commiserat. Sequenti hieme Pontificem,
 Roma Florentiam, inde Bononiam, hinc Mantuam fugientem,
 ac rura quaerentem, Io. Franciscus Gonzaga splendide, ac ma-
 gnifice suscepit. Fuit uero, quod ab hostibus requirebatur, ut ho-
 spitē etiam honorifice deduxerit. Nam abeuntem cum magna
 parte copiarum Laudam Pompeianam, quo uenturum Ungariae
 Regem sciuerat, comitatus est. Plurimum enim huic Principi
 fidebat Pont. Max. cuius fidem, & integritatem in bello Bono-
 niensi perhorruerat. Cum uero minime tutum uideretur, Laudae
 immorari, mittitur Mantuam Gonzaga, ad parandos commea-
 tus, urbemq. ornandam, quo nō modo commodo, sed Regio pla-
 ne apparatu tanta multitudo hominum reciperetur. Hic, breui
 paratis rebus omnibus, Cremonam rursus occurrit, ad quam ur-
 bem Pontificem, ac Regem peruenisse intellexit. Inde Mantuam
 iter flectentes, populo per agros effuso, opinionem omnium beni-
 gnitate, & gratia superauit. Venit Mantuam paullo post Sigis-
 mundus, ut etiam Imperator Tertius adderetur, cuius de aduen-
 tu rumoribus excitatis Cossa, maerata ueste, se se ab adpectu Im-
 peratoris subtraxit. Hoc tempore referunt a Sigismundo primū
 Ioanni Francisco Marchionis nomen, & insignia Imperij, a Ro-
 cino uero Leones fuisse collatos. Ab Italia Sigismundus Caesar
 Augustus in Germaniam rediturus, Andreā Masaeum, Comi-
 tem, & Equitem ornatissimum, uirum fortem, cuius opera eximio,

in rebus gerendis usus fuit, multis cumulatam muneribus, cuius
exstant peruetusta in ea familia diplomata, secum deduxit, id
aegre permittente inclyto Principe Mantuano, eundem, cum e
Germania reuocasset, opibus auctum, & honoribus, dum uixit,
semper inter carissimos habuit. Post uero depositum Ioannem
Vigesimum tertium, legitime creato Martino V. ex Concilio re-
deunti idem Gonzaga uberrimos innatae in ea familia humani-
tatis, liberalitatisq. fontes aperuit. Viderint posteri, non tan-
tum in Gonzagis officij, quatum saeuitiae in Gabrino Fundulio,
Cremonensium Tyranno, fuisse. Is, Mediolani, in medio foro, con-
specta supplicij machina, cum securi ceruices subiicere cogere-
tur, hortarenturq. homines pij, ut, ex Christiana disciplina, com-
posito animo, uitae exitum feriet, male factorum paenitentia su-
scepta, ille, contortis atrocibus oculis, dolere se affirmauit, maxi-
me quod Ioannem Vigesium tertium, ac Caesarem, hospitio ex-
ceptos, & in culmē praecelsae turris inuitatos, non praecipitasset:
nimirum duo orbis terrarum lumina solius hospitalis mensae de-
cus seruauit, ne eam ipse foedaret, cui honoris caussa tertius con-
uiuia eodem die fuerat adhibitus. Hoc ipso tempore Martini Pon-
tificis auctoritate pax cum Philippo Vicecomite, ac Pandulpho
Malatesta, per Gonzagam, his legibus composita est, ut Pan-
dulphus, persoluto quotannis tributo, tamdiu Brixia potiretur,
quod ei uiuere liceret, nulla in tabulis de ciuitate, quae merito
ad Philippum deuolueretur, potestate relicta. Verum breui pax
perturbata est. Itaque Gonzaga hominem deterrere pluribus
conatus est, missis etiam legatis, contra ius fidem tueri. Quod
si hominum auctoritatem contemneret, Deum, saltem uereretur,
quem ultorem uiolati a se foederis esset habiturus. Porro, fidem
etiam hostibus seruandam, tum nostri, tum ueteres memoriae pro-
diderunt. Reguli exemplum notum est omnibus. Huc accedant
alia, quae, ut in plerisque conati sumus, a uulgo magis remota,
ad uoluptatem, in has narratiunculas consueuimus conicere.
Guido, Belgicae comes, eiusq. filius, carcere a Philippo, cui co-
gnomento Pulcher erat, Galliae Principe, liberati, data fide, si ad
officium populos, qui rebellassent, non reuocassent, se ad carce-
res redituros, re non ex uoto succedente, nullius impulsu, con-
tra ac Acilius, qui nouerat superiorem senatum, & fidei datae ua-
dimonio conscientia agitabatur, fidem, carcere repetito, serua-
runt;

in quo breui Guido decessit. Gallorum item Rex Ioannes
 mus, captus ab Odoardo Tertio, Britannorum Regis filio, pro
 emptione uim auri pactus, cum, in Galliam reuersus, tantum
 i parare non potuisset, in certos Britanniae carceres reuersus,
 breui occubuit. Maiori fide tenebatur Philippus. Hanc
 merito repetebat Gonzaga, quod data esset in mani-
 bus Pontificis, cuius dignitas apud ipsum, poste-
 rosq. magno in honore haberetur. Vt mi-
 nime mirandum sit, si pacatum, ac flo-
 rentissimum statum maxima pa-
 ce retinuerūt semper Man-
 ruani Duces. Por-
 ro, fratrem, in
 proelio de
 fide-
 ratum, ipse
 quoque ad ma-
 iora praemia paullo
 post secutus est, circa an.
 salutis humanae, Millesimum
 quadringentesimum qua-
 dragesimum sex-
 tum.



IOANNES . GALEATIVS

VICE COMES



IOANNES Galeatius a prima pueritia praecocis ingenij argumenta reliquit. Nam, aduocata a patre, pro more, ciuium concione, in qua uiri grauissimi confederant, de negotiis ciuitatis acturi, iussus puer sapientissimum omnium indicare, cum oculos in singulos intendisset, ad unum Franciscum Petrarcam, quem antea uiderat numquam, se se prouoluit. Quo adhortante postea, cum adoleuisset, sub patria disciplina sapientiae studium mirifice adamauit, conductis liberalibus stipendiis omnium scientiarum professoribus, qui in Ticinensi gymnasio, a patre erecto, iuuentutem instituerent. Inter ea lumina scientiarum enituit Petrus Philargus, Cretensis, sacrarum litterarum interpres, qui inde sibi gradum fecit ad amplissimas dignitates, atque Alexander I V. Pont. est appellatus. Huius doctrinae uiros, & in rebus administrandis peritos, in consilium adhibuit Galeatius. Quod sane in Principe tanti faciendum est, ut statuunt uiri prudentes, non tam armorum, quam consiliorum, uiribus ciuitates bene constitutas sustineri. Difficile factu est, recte consulere, ac potissimum consilium dare Regi; sed, cum eo homines animantibus praestent, in rebus dubijs, ac grauibz utemur. Est quidem finis status rei cuiuslibet; qui quidem in dubitationem non cadit: de medijs dumtaxat, quae ueluti ad centrum lineae multiplicia esse solent, quaeq. ad illum nos ferunt, diligens, & accurata consultatio esse debet. Porro, quae ad finem conferunt, quaeq. in potestate nostra sunt, ea non nisi a uiris peritis considerari possunt. De uectigalibus, de bello, de pace, de foedere, de indutijs, de praefidijs aut reparandis, aut construendis, de legibus aut condendis, aut abrogandis, si denique de annona sit deliberandum, in quae capita potissimum publica incidit consultatio, ab his, qui haec norunt, iudicium ferendum erit. Porro, in suscipiendo bello non illa tantum considerata uidentur, utilitas,

utilitas, & facultas; sed etiam honestas, quae una caput est ceterarum, & a pluribus praetermissa. Si, subdola pace reiecta, bellum suscipiendum fuerit, utile expendimus. Facultas ex pluribus conficitur, ut bonum ex variis circumstantiis, quarum si vel una desideretur, deflectat a sui recta ratione, necesse est. Duo numerant potissima, instructas copias, ac pecuniam; quae belli neruus dicta est. Copias, si terra pugnandum sit, diuidunt in equites, ac pedites; illos in cataphractos, ac leuis armaturae milites; hos, in hastatos, ac triarios, & alios, si qui sunt, militares ordines. Haec omnia honesto metimur. Nec enim nobis utile esse potest, quod iniusto bello quaeritur, neque facultas ulla est ad aliena usurpanda. Itaque Orientis Tyrannum merito perpetuum hostem habemus. Is enim iniusto titulo Hierosolymam possidet, ac sacrosancta illa loca, quibus Imperatores nostri potiebantur. Fui in consilio longior: in quo dandō nemo longus uideri debet: ut, tanti uiri exemplo, eorum, quae in deliberationem cadunt, consultationem a uiris doctis capiamus. Quod institutum cum sequeretur Galeatius, non minus est, si ex uoto plerumque euentus ceciderunt. Nihil ille sine prudentum consilio agebat. Itaque Scaligeris Veronam, ac Vicetiam, Carrariensibus Patauium ademit, Francisco seniore in Modoetium carcerem coniecto. Praeterea Taruissium, Feltrium, Bellunum, montanaq. opida, una cum Tridento, in potestatem redegit. Perusini, & Asinatenses, se se illi dederunt. Senenses, taedio incertae libertatis, ad eius auctoritatem, Pisanorum exemplo, confugiunt, cum nec etiam Lucenses eius abnuerent imperium: quin etiam Gallos, per Iacobum Vermium, ad Alexandriam, ipso etiam duce interfecto, delet. Caesarem ab Alpibus se demittentem repellit. Denique primus suae gentis dux nuncupatus, ad eum honorum, bonorumq. omnium cumulum adscēderat, ut non nisi de ruina extimescendum uideretur: quam eo quasi praesidio familiae sublato Vicecomes contraxere. Nam, cum illi uiginti sex circiter urbes subicerentur, eo decedente, praefecti castrorum dominium futuris heredibus praeripuerunt. Anno aetatis quinquagesimo quinto, cum imperasset uiginti quattuor, in desiderio rerum maximarum, a suis collacrymantibus desideratus est, in arce

Melenniani, Romana uia, supra Lambrum, Pridie Non. Septembris, anno a partu Virginis supra Millesimum quadringentesimo secundo. Inusitata pompa elatus est, ex aetario publico, opidanis etiam legatis atra in ueste comitantibus, ac uiginti millibus funalibus cereis, & eo amplius, circa pyram collucentibus. In Carthusiae templo, cui latifundia uiuens reliquit, rat, humatus est.



IO. IACOBVS . TRIVLTIVS



O. Iacobus Triuultius, ex nobili Mediolanen-
sium familia ortus est; in qua tēpus fuit, cum ea-
dem aetate Orbis terrarum Cardinales tres, Ar-
chiepiscopos decem & septē, Imperatores exer-
cituum duos, cohortium militarium praefectos
sane plurimos est admiratus. Eius pater, ne anti-

quissima uidear adduxisse, Antonius Triuultius fuit, qui, cum ua-
ria egregie gessit, tum primis Alphonfi Regis copias in Piceno
profligauit, cepit, ac trans Aternum fugauit, missus a Francisco,
Mediolani duce. Filius uero Iacobus, ipsa oris dignitate gra-
uissimus, Coriolani exemplo, hostibus erat formidolusus, ac C.
Mario simillimus, de quo legimus, senem, atque inermem, solo
uultu, ac uoce, Cimbrum in se armatum irruentem perturrisse, ac
penitus fugasse. Sed, inter insignia argumenta huius militaris di-
sciplinae, illa sunt, quod Romani imperij in primis defensor, ac
propugnator fuit: quae laus in milite nostro semper mihi prima
uisa est, ac summa. Nam, cum Innocentius IIX. a Lodouico
Sfortia, qui Morus nuncupabatur, auxilia postulasset, contra Buc-
calonum, Auximatum Tyrannum, Triuultius missus est, qui eum
captiuium in triumpho Mediolanum deduxit. Porro Auximum,
locus natura, & praesidio munitus, unius Triuultij arte domitum
est. Valles, aggerū montibus aequati: tormentis hinc inde disie-
cta moenia: opidani ad deditionem compulsi. Piceno redeuntem
Pont. Maximus alacri uultu exceptum, donatumq. magnis mu-
neribus, dimisit; inde maiores dignitatis honores relaturus, nisi
cassidem ferream, ad arma natus, pacis commodis praetulisset.
Fuit tanti ducis uita ita agitata rerum uarietate, ut nullius magis.
Francisco Sfortiae filio, & ante, & post adeptam gubernationem
Mediolanensem, carissimus fuit. Apud Galeatium uero, qui Fran-
cisco patri in Regno successerat, ita gratia praestitit, ut eum inter
praecipuos sodales habuerit. Ad maiora Triuultius gradum sibi
fecit sub Bona, Galeatij coniuge. Siquidem, post Galeatij mortē,
in eorum adscitus est numerum, qui priores partes in Principatus
administratione tenebant. Ceterū, his successibus plurimum etiā
addidit, postea quam Mediolani cura ad Lodouicum Sfortiam,

Galeatii fratrem, translata est. In omnibus enim tam externis,
 quam domesticis bellis, quae Lodouicus sub nepotis persona ges-
 sit, primarios honores Triuultius sustinuit. Haec quidem plera-
 que, in patria, & pro patria gloriose gesta, quae eadem parens haud
 multo post nouercam, se se praebuit, cum ea, quod homini grauif-
 simum esse solet, extorrem patriis finibus, defensorem sui, atque
 alumnum cedere coegit. Itaque ab Aragonensibus ad uitam lu-
 stinendam quaerere coactus est necessaria, quae illa ultro ac libe-
 raliter filio concedere debuisset. Non longe post Triuultius exi-
 lii sedem altius euexit; ab illis ipsis Regibus Neapolitanis inter
 primarios militares duces adscriptus. Quorum res dum stetit, ni-
 hil munificentius optare potuit a Carolo I I X. Galliae Rege,
 Neapolitani Regni imperio suscepto, benigne exceptus, quem in
 Galliam redeuntem per Italiae fines inter armatos populos, ho-
 stilesq. campos, parua manu Astam usque, idest suis, restituit.
 Deinde Lodouicum X I I. iuuat maxime, ut iure hereditario Me-
 diolanum reciperet. Praetereo, ut ad Petram, ueluti belli propu-
 gnaculum, se se opposuerit. Quamquam in his expeditionibus so-
 cios habuit, ut & cum e Ioannis Bentiuoli manibus Bononiam
 extorsit, ac Iulio I I. Pont. Rom. liberam restituit. In quo bello Ca-
 roli Ambrosiae uirtus maxime enituit. Quo igitur tanti ducis fa-
 ma non peruasit? Vix se ille ostenderat, cum, repente dissipato ho-
 stili exercitu, uictor existit, rebus suis omnibus non modo saluis,
 sed etiam plane integris. Fuit enim hac laude clarissimus, quod
 saepe sine suorum uulnere ingentes hostium copias profligauit;
 cum, uix districto gladio, Ducis nomine audito, hostes nullo proe-
 lio fugarentur. Illud certe ipsius fuit singulare, ac propriū, quod,
 in patriam reuersus, in eorum bonorum possessionem uenit, quo-
 rum opera factum fuerat, ut ipse patria careret. In Galliam profi-
 ciscitur, una cum Iuliano de Ruere S. R. E. Cardinali amplissi-
 mo. Quo tempore ei Pontificiam dignitatem praedixit Frācisus
 ille de Paula: cuius res praeclare gestas Euangelistae Palotto, itē
 & Cardinali, dum obsignandis libellis esset praepositus apud Six-
 tum V. Pont. Max. paullo ante, quam is e uiuis excederet, ma-
 gno uolumine dicauius. Franciscus uero, uitae sanctitate cla-
 rus, ex Calabriae finibus a Lodouico X I. in Galliam accersitus,
 cum nullam ex philosophorum scholis, aut Theologorum disci-
 plina, eruditionis partem haussisset, tamen diuinitus institutus, su-

pra quam credi posset, de rebus omnibus, & plane altissimis, lo-
quebatur. Supra diximus, quemadmodum Triuulcius in Gallia
uenerat. Inde Lodouicum XII. secutus, in Italiam reuersus, cura
uit, ut Mediolanum iure hereditario debitum reciperet. In quo
instituto suscepto ea ingens gloria fuit, quod Lodouicum Sfor-
tiam captum in Galliam uanis abduxit. Quo facto insigni, Mare-
scalcus, id est equitum magister, creatus est. Haec quidem milita-
ris animi, illa in litteras animati exempla maxima. Litterarum
enim ita studiosus fuit, ut, stupeantibus omnibus, tantus dux publi-
ca gymnasia celebrarit Cn. Pompeium Magnum, triumphis de
tribus orbis terrae partibus reportatis, cum ex Asia decederet, ui-
ctis potentis. Regibus, domitis quam plurimis, ac bellicosissimis
nationibus, Rhodum urbem uenisse ferunt, optimarum artium stu-
diis florentem, adisse omnium gymnasia, talento cuiuslibet distribu-
to: eundem Athenis Posidonium inuississe, nec perhorruisse ex-
edris philosophorum eos subicere fasces, quos neque Mithrida-
tes, neque Tigranes superasset. Quid Cato? Relicto exercitu, ad
Athenodorum nauigauit. Sed suauissimo litterarum otio diu frui
non potuit sapientissimus, ac potentissimus Imp. Nam, qui toties

Alpes pro Galliae Regibus transcenderat, in summa hie-
me, niuib. undique ridentibus, accedente quoque

animi intimo dolore suspicionis iniectae Fran-
cisco Regi de renouati foederis pactione,

quasi causam dicturus, ad Regem pro-
perans, senex, septuagenario ma-

ior, exstinctus est. Conditur

Mediolani in aede

Nazaria, tribus

suae, circa

Chri-

sti ortum Millesimum quin-

gentesimum decimum

quartum.

IOANNES. VITELLES CVS



IOANNES Vitellescus, Corneti, Tuscorum opido, honesto genere natus, praeclara in primis indole, post Tuscanellensium Tyranni obitum, cui, ob linguae haesitantiam, Tartaliae cognomentum fuit, apud quem & a secretis fuerat, & in grauioribus negotiis obeundis operam suam praestiterat, unius Palladis ductu, in Martis aciem, quod nouum est, & insuetum, penetrauit. Quamquam non me latet, omnes omnium aetatum Imperatores, qui res praeclaras gesserunt, aut ipsos doctissimos fuisse, aut certe uiros doctrina illustres summo amore fuisse prosecutos. Neque fere alij sunt, qui literas oderint, nisi qui, uita per ignauiam, ac turpitudinem acta, conscientiam posteritatis reformidant. Vt non minus uere, quam eleganter, cecinisse uideatur antiquus Vates:

Gaudet enim uirtus, testes sibi iungere Musas:

Carmen amat, quisquis carmine digna gerit.

Vix Urbem attigerat Vitellescus, quae uirtutem etiam latentem in lucem, ac prospectum prouehere solet, cū a Martino Pontifice Protonotarius creatur. Quo defuncto, ab Eugenio Patriarcha Alexandrinus, & exercitus Romani Legatus est renuntiatus. In hac dignitate constitutus, Picenum ingressus est una cum Andreasso Castello, eius collega, qui praeter summam generis nobilitatem, nec Vitellesco, nec cuius praecipuo militum duci illius tēporis, rei militaris peritia, ceterisq. animi dotibus, quae in maximo equite desiderari possunt, minime impar erat. Duo igitur belli fulmina, militiaeq. sidera, Malatestae Pisaurum, ac Senogalliam subtrahunt, omnemq. lapidem mouent, ut Forum Iuij, & Asisium occupent. Interea pax inter Pontificem, & colligatos, cum Vicecomitibus celebratur, Millesimo quadringentesimo trigesimo quinto. Vitellescus uero & Andreassus intenti Romanae ditioni propagandae, Iacobum Vicanum, Urbis praefectū, pluribus circa Forum Cassij opidis imperantem, una cum Conrado Trincio, Fulginatum Tyranno, in arce Suriana securi percutiunt. Porro Trincium, Fulgineo obseffo, ac noctu re-

clusis

clusis foribus, in triumpho breuiori uia per Hortinum pontem
 duxisse credimus. Fuit uero ea arx, in qua Nicolaus Tertius
 Pont. diem suum obiit, ut lego in Topographia Fabricij Roscij,
 cui mei sane nobilis, in Faliscorum finibus, ne quis peruectum
 Faliscorum ordinem, qui est in Etruria, fidem faciente Hortina
 inscriptione, alio temere, ut non nulli fecere, traducat. Lipius li-
 bro decimo, Fabio IV. Cos. quod is aperuisset Ciminiam sil-
 uam, uiamq. per deuios saltus Rom. bello fecisset, non minore
 totius populi consensu, quam Senatus, prouinciam Etruriam ex-
 tra sortem decretam fuisse confirmari. Et uero adhuc nemorosa
 illa iuga spectamus. Sed est, cur Fulgineum paullulum reuer-
 tamur. Haec enim urbs Eugenio Quarto Pont. Max. Romanae
 Ecclesiae est restituta. Ferunt eius Urbis regulum, uirum pium,
 qui futura praediceret, consuluisse de Fulginei successu: respon-
 sum accepisse, tunc demum posteros ea sede priuandos, cum
 boues circa Urbis illius moenia uolitrassent. Id fieri non posse
 existimans loci Tyrannus, regnum sibi perpetuum polliceba-
 tur. Sed ecce tibi Ioannes Vitellescus, Patriarcha Alexandrinus,
 urbem obsidens, fidem fecit responso: Explicatis uexillis, uen-
 toq. agitatis, in quibus par bouum impressum erat, magnus ciui-
 tati terror incussus est: erat enim omnibus notum uaticinium:
 nec multo post ea urbs dedita est. Sed redeo ad historiam. Vi-
 tellescus, & Andreassus, eos persecuti, qui Romanam ditio-
 nem uexabant, ad unum omnes sustulere. Inter eos fuit Anto-
 nius Pisanus, qui, quod Priuernum in Volscis occupasset, ad
 altiore oleae ramum sane saeuus, sed ut honestius, splendi-
 diusq. penderet, ut ille per iocum iactabat, duplici capistro su-
 spensus. Deinde Praeneste, fatigatum, sitq. enectum, difficili
 obsidione cepere: tum Aquilae hostem in fugam coniecere at-
 que Arpinum, M. Tullij patrium solum, amplissimosq. totius La-
 tij campos, Pontificis imperio, ac potestati subiecerunt. Is, post-
 quam, pluribus praeclare gestis, prudentiae suae argumenta
 maxima reliquit, tum demum in Cardinalium numerum rela-
 tus est, cum ab eo per nuntios de Taranti apud Calabros Prin-
 cipe capto Summus Pontifex accepit. Alphonsum, Neapolita-
 norum Regem, licet conatus, numquam tamen in fugam per-
 trahere potuit. Atellae ad Iulianum uicum, militari stratage-
 mate,

mate, minus laudato, ob perturbatum sacrorum apparatus, ac
 laesam Regiam pretatam, abacum, ac pretiosam supellectilem
 deprædatus est. Tum uero, cum Picinino, aduersus Florenti-
 nos, foedus contraxit, apud quos Sfortia, eius hostis acerri-
 mus, magno in honore habebatur, Ut concludamus, dum Ro-
 ma in patriam cogitat, uisurus magnificum a se palatium ibi-
 dem exstructum, nescio, qua suspicione ab hostibus Pontifici inie-
 ctâ, ubi ad Prata Quinctia exercitum lustrauerat, ab Anto-
 nio Rido, Patauino, arcis Hadrianæ præfecto, de-
 tentus, est. Paulo post, partim ingenti animi
 dolore, partim ex accepto uulnere, dum
 fugam tentaret, uel secretiori alia
 quacumque de caussa, in aureo
 toro compositus, e duplici
 huius nostræ morta-
 litatis carcere
 euolauit,
 an-
 no Christi Millesimo qua-
 dringentesimo qua-
 dragesimo.



LADISLAVS. REX



ADISLAVS, Caroli Tertij filius, a Bonifacio Nono sane adolescens ad paternum Neapolitanorum Regnum, ut legitimus successor, adscribitur, coronaturq. Millesimo trecentesimo nonagesimo manibus Angeli Acciajoli, S. R. E. Cardinalis amplissimi, confirmatusq. Rex Apuliae, Siciliae, ac Hierusalem: qui quidem tituli ad hunc usque diem una iungi consueverunt. Quamquam, Ladislao cum Aloysio Secundo, Andegauensi Duce nuncupato, natione Gallo, qui post Carolum Tertium defunctum a Clemente Septimo Avinionensi, aduersus Bonifacium Nonum non legitimum Pont. in Regnum intrusus fuerat, acriter pugnavit. Victoria parata, ad Ladislaum certatim vicinae omnes urbes confluxere, quae se imperata facturas promiserunt. Quamquam inferior fuit eo bello, quo, Sfortia, ac Paulo Vrsino ducibus, in Apuliae Regnum Lodouicus reducebatur. Tunc, Ladislao, ut fines tueretur, ex Casinatibus campis alacriter prouecto, cum ob id suspensio admodum Lodouico duces cunctarentur, Sfortia, pernobilis in medium prolata sententia, transeundum omnino Lirim amnem, atque euestigio hostes inuadendos, censuit, quod, cunctari, ac sedere arma inferentibus, ineptum, & exitiale uideretur. Itaque, Liri supra Fregellas uado superato, collatis signis, dimicatur, & eo quidem euentu, ut, Rege profligato, & eius prostratis copiis, & castris, una cum signis, ducibusq. captis, uictoria inter memorabiles pararetur. Eo tempore primam uictoriae lauream Lodouicus Sfortia tulit. Id quod eo libentius in Ladislao retulimus, quod Ladislao Tuderti id ipsum praeclaro testimonio confirmari. Tum uero, rebus in pace compositis, ad patrium Regnum ab Ungaris uocatur: cuius Coronam cum ab Archiepiscopo Strigoniensi accepisset, mutato postea ab illis ipsis consilio, qui eum in Regem elegerant, accedente tumultu Neapolitano, iterum in Italiam reuertitur. Interim, defuncto Bonifacio Nono, Imperium Romanum affectat; qua spe frustratus, iterum a Columnensibus, ac Sabellis uocatus; tum, tertium, Romanae Urbis cupiditate ductus, anno Christi Millesimo quadringentesimo septimo Pontificem alio se

recipere compulit. Eo, qui secutus est, anno, mense Martio, IV. ad urbem uenire statuit. Eo tempore patuit, Liguriae gubernatorē, una cum Paulo Vrsino, statuisse Romam dedere Benedicto XIII. quod dum conantur, maris tempestate, ad Pōrtum Veneris tredecim Genuensium triremes repulsae sunt. At Ladislaus Etruriam, Cortonam, Arretium, plurimaq. in Faliscis uastat, Bouillis Hortino Castro, uillisq. eiusdem ditionis, quarum exstant passim insignia uestigia, succensit. Hortanum enim acriter restitit, ut impressae ibidem conuentiones, Io. Baccarino, mihi affine, procurante, fidem faciunt. Mirandum certe est, quod, cum late omnia paene sibi Ladislaus in illis partibus subiecisset, Gallesium non modo non lacessuit, sed etiam benigne in tutelam suscepit, ut litterae in publicis scriniis, datae in Castris prope Narniā fidem faciunt. Et uerō aduersus furem Ladislai audaciam, conuentus egeret Ecclesiae Romae Principes, quorum consiliis, & copiis, fracto, ac dissipato exercitu, Ladislaus se in Regnum suum recepit. Hinc, iterum, rebus suis compositis, Romā cogitat. Millesimo quadringentesimo deesimo tertio tanta est mortalium cupiditas imperandi. Neapolim deinde reuertitur, unde Spoletium uenit, urbem in Umbria nobilissimam, & Ducatus titulo insignem: in cuius uicinia, quae incendia sparserit, fidem faciunt Spoletina monumenta, quae manuscripta a paucis circumferuntur. In his clarissima exstat memoria Ioannis Hortini, qui pro arcis Spoletinae, Romanae ditioni, ab nobilibus per uim occupatae, restitutione, ante ipsa moenia gloriose occubuit, circa annum Millesimum trecentesium nonagesimum. Ladislaus uero, qui longē post illa tempora floruit, cum Florentiae consedisset, uim eius ueriti Florentini, quibus illi uisum esset condicionibus pacem obtulerunt. Paulo post, Perugia, aegra ualitudine affectus, nec sine ueneni in secretioribus partibus illati suspicione, Romam uenit. Mox, nauis in portu Romano soluta, in patrium Regnum delatus est.

Hic, relicto exercitu instructissimo, cui uiros generosos praefecerat, cum nullos superstites haberet filios, sororem heredem instituit.

Decessit IX. Idus Sextilis, Regni uigesimo nono, acceptae salutis CIO. CD.

XIV.

LODOVICVS . XII

GALLIAE . REX

LODOVICVS XII. ex Galliae administratione, quam Carolo IX. adolescente susceperat, deiectus, ut quem popularis aura eluserat, se se in eam regionem Britonum recepit, quae in Celtica Gallia ad Oceanum occidentalem uergit. Quod non quidem in Regni administratore, sed in ipso Henrico III. dum haec scriberemus, non possumus non admirari, qui, Regia ipsa pulsus, a uicinis praesidiis subditos Rex ipse fugiens salutem quaerit. In quo precari decet. Deum Opt. Max. Sanctosque eius Regni tutelares, ut opem afferant Galliae laboranti, quae iam prope amisso cognomento, maiorum pietate parro, iarestinis bellis fluctuat. Verum, ut ad peteres tumultus reuertar, Lodouicus, paege facta una cum Carolo IX. in Italiam ingressus, insignem refert ex Liguria uictoriam. Postquam processit Galliae, more Regio, iussa Carolo fecerunt, elatusque ille est magna ordinum frequentia, sui desiderium maximum ciuibus reliquit. Lege Gallica ad Lodouicum Valesium, Aureliorum Duce, Regnum rediit. Is, rebus suis in regno compositis, in Italiam prorupit Millesimo quadringentesimo nonagesimo nono. Inter plurima loca, quae celeritate incredibili in Insubria capit, Mediolanum fuit, ciuitas florentissima, opulentissimaque. Tum, nouis collectis copiis, Regni Neapolitani imperium recipit, quod postea Magni Consalini armis ereptum est. Conuenerat inter Armeniarum, & Consaluum, ut, pacta certa mercede, captiui utrimque ad suos redirent. Conuentio peracta est ad Barolum. Barolum autem Vrbs ab Heraclio Imp. aedificata fuisse fertur: idque facile indicat aerea pedestris eius statua, quae in foro erecta conspicitur. Ea comitate factum, ut ultro citroque Hispani, Galli, colluderent. Itaque quae sit occasio singularis certaminis. Armeniacus, qui accedi suorum animos uideret, pugna amplexus est. Placuit, utrimque undecim deligi. Transi locus delectus, quem Veneti ex foedere occupauerant. Nostri narrant scriptores, sex horis continuis pugnatum. Inclinate uictoria in Hispanos, a Torseio, Mondra-

co, Petro Baiardo, Arturo, Oliuero Cabanaço elufos Hispanos. Hos enim, laepris aliorum equorum corporibus, Hispanorum impetus sustinuisse, cum Hispanorum equi, olfactu necatorum aliorum equorum commoti, Hispanos equites excutèrent. Consulti Veneti iudices, utris uictoriam addicerent, iudicium ampliarunt. ita, ueluti compendinato iudicio, utrique sibi uictoriam arrogarunt. Symphorianus Campegius narrat, septem Gallorum equis occisis, Baiardum, & Torseium ita restitisse Hispanis, ut in fugam uersos reliquos fuga sibi consulere coegerint. Reliqui quoque Galli scriptores uictos aiunt equites Hispanos. Ego, in hac uarietate scriptorum, ac bellorum incerto euentu, quo saepe fortissimi succubuerunt, uicti ab ignauissimis, nihil statuo. Certent ipsi inter se de uictoria. Afferam, quod liquet, & paullo post secutum est. Accidit, ut Petrus Baiardus, tumultuaria in pugna uulnerato Alphonso, quem alij Alosum uocant, alij Aldonsum, Sotomatore captum abduceret, adhiberetq. ea fouendis uulneribus, quae adhiberi in ea rerum paenuria possent. Is, morbo recreatus, ad singulare certamen a Terralio uocatur. Obfignatis ab utrisque tabellis, conuenit. Congressi ambo cum essent, primo ictu uane in cassidem impacto ab Hispano, cum id uitasset Baiardus, ipse, in collum hostis gladio adacto, cum armato hoste longius aberrasset, tertio demum per iugulum uitata lorica, adacto necauit Hispanum. Caeso arma Baiardus non ademit. Hispanis sepulcri iura concessit, quod si recusarent, ipse ultro sepeliret. Hi, cum uictus esset illustri familia, laudato Baiardo, gratias egere, elato ad sepulturam corpore. At Lodouicus, ut ad caput historiae redeamus, fracto ad Linternum, Latij fluuium, exercitu, infracto tamen animo, Genuam recipit, unde in Galliam redit. Inde rursus in Italiam uenit Millesimo quingentesimo nono. Abduam fluuium prope Mediolanum tranat; ac, post, fractis Venetis, florentissima potitur uictoria. Capit Brixiam, Cremam, Cremonam, Bergomum, & alia cōplura loca, quae sibi in partitione facta a sibi foedere coniunctis iure belli cedebant. Reuersus in Galliam, & proprio Regno Imperatoris acies pellit, atque Henrici IIX. impij Regis furorem reprimat. Cum quo pace inita, in matrimonium sibi coniunxit eius sororem, mulierem uenustissimam, cuius falsae religionis heres spuria relictā, quasi altera Iezabel, adhuc in nostros furens debacchatur. Quo de Britannarum mulierum constantia sic ego decan-

decantabam:

Femineae pignant acies, & sanguine miste

Concidit ante aras natq; parensq. simul:

Hostia grata Deo, caedit quam saeva Tyrannis,

Qua ducet festos Anglia laeta choros.

Compulerint matres natos in bella Lacenae,

Proles ab amplexu mater in arma ruit.

Mariae ad nuptias uenienti Rex Abcuillam usque obuiam
iuit, magnificeq. eam excepit, ac ad Dionysij pro more splendi-
dissime ornandam diademate curauit. Verum ea parum recrea-
uit senescentem Regem, cuius nuptiali face rogam succendit. &
Incesserat ea cupido, ut Mediolanum reciperet, cum, a medicis
ualetudinem curare iussus, anno Millesimo quadringentesimo
decimo quarto, Kal. Iun. sexagenarius, Regni sui XV. de-
functus est, ipso initio uertentis anni. Quo die, ut rur-
sus in hanc lucem produci uidemur, ita magnis
itineribus ad mortem singuli properamus.

Lodouicus, sepulcro maiorum con-
ditus, Patris patriae nomen re-
liquisset, nisi Romanis

Pontificis ditio-
nem
acrius oppu-
gnasset.



L O D O V I C V S

P A N N O N I A E . R E X



LODOVICVS, Pannoniae, ac Boemiae Rex,
 Ladislao, genere Polono, ac Caudola, Vasco-
 rum stirpe nobilissima, in hanc lucem, prope in-
 formis, instat Vrini fetus, prodiisse fertur. Hic,
 dum pios Reges in mutuum exitium domestica
 bella accendunt, Solymani audaciam subire co-
 actus est. Venit in Pannoniam Solymanus una cum hominibus
 ducentis millibus. Quo tempore Lodouicus, non tam spe victo-
 riae, quam ut suos fines tueretur, arma suscepit. Cum uero in ipso
 uno, & tenerae quidem aetatis, ipsius quoque Regni salus uerte-
 retur, proelio Regi abstinendum censebant proceres uerum Paul-
 li Tomoraei uerbis adductus Lodouicus, qui Regi per familiaris
 habebatur, se se in hostium aciem inferre statuit. Nihil enim prae-
 clarius putabat, quam si pro ea dignitate, ac maiestate, quam ge-
 reret, quid posset, armis experiretur. Porro Tomoraeus, studio
 defendendae, ac propugnandae religionis, pro more praesulum
 eorum locorum, quae perpetuo hostium excursionibus obijceren-
 tur, armatus & ipse frequenti militari oratione nobilium animos
 ita ad arma accedebat, ut etiam in Rege innatos uitae nobilita-
 tis igniculos suscitaret. Non pro aris, & focis fictorum Deorum, dice-
 bat ille, pro quibus tamē non destiterunt, qui uitam fuderint, sed
 pro ueri Dei cultu, proq. ea religione decertari, quam Christus
 ipse, e caelo lapsus, eiusdemq. discipuli nobis sanguine testatam
 reliquissent. Addebat patriae amorem: urgebat audacia hostiū:
 quae nisi retunderetur, fore, ut neque intra domesticos parietes
 tutus esset relictus locus. Huius generis argumētis, aliisque, quae
 sunt in hoc genere, grauioribus, generosus Antistes permouebat
 Christianorum animos ad bellum; quibus impulsus, non modo
 persuasus, Lodouicus Rex adolescens, consilij, auxiliq. inops, ita
 animatus est, ut nullum plane uitae discrimen extimesceret. Ut
 uero Rex ipse potissimum in arenam descenderet, his suadere po-
 tuit. Omnes enim Reges, qui feliciter rem suam gessere, ipsi in ar-
 ma prodierunt. Sic Philippus Macedo, sic filius Alexander, con-

filiis hostiū per exploratores cognitis, praesentia urgebant. Praeterea illud commodi affert Regis praesentia, quod ille subitis casibus occurrere potest maxime, ut in bello, quod Tullus aduersus Veientes, ac Fidenates gessit, comprobatum est. Cum enim in ipso conflictu ad Regem fuisset perlatum, Sufetium se prodidisse, ac cum suis copiis ad hostem transfugisse, continuo, alta uoce, ut etiam aduersa acies audiret, Ego ipse, conclamauit, Sufetium commisi cum milite, ut hostem a tergo adoriretur. Qua uoce suis animus redditus est; hosti uero metus iniectus, uictoriam Romanis peperit. Hoc casu, Rege absente, plane collapsa fuisset res Romana. Locus sane lubricus, & plenus controuersiae, praesertim in ijs, a quorum salute Regni item salus penderet, & in summo discrimine belli, ut nos ipsi proximis annis in potentissimo Rege, eodemq. adolescente, funebrem pompam spectantes meminimus. His, uel sane simillimis consiliis Tomoraeus iuuenem alebat. Itaque Rex sub tutela Dei Maximi, pro cuius fide gloriosum est simul mori, hosti obuiam ire perrexerat. Est ad ripas Danubij opidum, cui Mogacium nomen est, medio fere itinere inter Budam Regiam urbem, ac Bellogradum. Eo se Lodouici exercitus contulerat, seq. fossa per transversam uiam acta, uehiculisque, undique saepiuerat. Interea Tomoraeus, dux designatus, magis impetu, quam consilio, exercitū dirigebat. Erant ad quattuor & uiginti millia aduersus infinitam barbarorum turbam. Strigoniensis, Verandinusq. Antistites, uiri clarissimi, primo agmini praeerant. His Ambrosius Sarconus, ac Georgius Vaynoda (sic enim provinciae praefectum Pānones appellant) iungebantur: sequebantur delecti equites praesidia Regis. Tartari, contra, infrenes equos uirga dumtaxat circumflectentes, telis in Ungaros intorrens, subito refugiebant. Sic enim equos assuefecerant, ut assultare, procurrere in gyrum, qua uellent, uel solo barbarico sibilo inflecterent. Non enim equos, Sybaritarum, aut Cardianorum more, ad tibiam, aut tripudium, assuefecerant; sed ita, ut ad tubae cantū accenderentur. Itaque Regij ordines coeperant incursionibus perturbari, cum maxime sitis omnes urgeret, nec aquatum ire liceret. Interea ingens caedes fiebat Regiarum copiarum. Strigoniensis, ac Verandinus, dum ante signa obuersantur, iaculis trajecti, cadunt. Diu aequo Marte conflixerunt: tum, Vſaronibus, quo nomine Ungari leuis armaturae equites nuncupant, fugatis, ita

pugnatum est, donec, satiatis piorum caede barbaris, in unum Regem impressionem faciunt; non ignari, in uno duce uictoriam ueriti. Rex rem perditam restituebat: suos a fuga reuocabat impaudus: tandem, campo deturbatis Vngaris, barbari, omni crudelitatis exemplo, Christianos fugientes persequiebantur. Hoc proelio nostrorum multa millia desiderata sunt. Lodouicus Rex, deletum exercitum circumspiciens, praesidio, quo saeptus erat, spoliatus, tandem, salutis suae memor, iter Budam uersus auertit, sperans aliquando maculam maturiori consilio delere. Verum, in altissimam fossam corruente equo, dum in alteram crepidinem prosiliret, grauis aere, equo in se ipsum relabente, solo spectante Cetrusco Boemo, armigero Regio, perquam exiguo aquae gurgite obrutus est. Tomeraeus, proelii auctor, iaculis confossus est, paucis ex Pannonibus relictis, qui in montes, siluasq. refugerant. Haec pugna celebrata est V. Kal. Septemb. qui fuit annus salutis humanae uigessimus sextus supra Millesimum quingentesimum. Postridie eius diei arma laeta, & in acruum collecta sunt. Solymanus Budae, arce laudata, statuas aereas admirandae pulchritudinis Constantinopolim auexit, quas loco illustri inter trophaea Hippodromi suis ornamentis addidit; de Lodouico, quem euasisse existimabat, affirmans, se eum exiguo sane tributo in Regiam relaturum. Detectum per scutiferum, ablutumq. corpus, eo, quo potuit, tumultuario funere, ad Albam Regalem translatum, sepulcro mandatur, Millesimo quingentesimo uigesimo septimo. Sepulcro addimus carmen:

*Ille ego Pannoniae Lodouicus nobilis heros
Tutatus patriae sum pietatis opes.
Dulce puto, pulchram subiens per uulnera mortem,
Cum regno, heu lacrymor, me cecidisse meo.*



MASTINVS . SCALIGER . I



MASTINVS Primus Scaliger, Canis fratris filius, heres relictus, non multo post, quā Veronae administrationem susciperet, a Brixianis, quibus Boemorum condiciones minus probarentur, accitus, breui ferro fufis fugatisq. Boemis, sibi ad eam Urbem obtinendam uiam fecit. Deinde Bergomum occupauit, Gibellina factione profligata. Cum uero Parmam tentasset, posteriori congressu cepit. Deinde Patauio, Feltrio, Belluno, Ceneta, Taruisioq. subactis, uicini omnes Mastini potentiam timebant maxime; ut ne Venetorum quidem Resp. periculo uacare diceretur, quae in medio Hadriatico mari sedem sibi quasi inexpugnabilem posuit. Ad huius enim Urbis expugnationem propugnacula excitauerat. Itaque Veneti, consilio praestantes, in Senatum referunt de foedere percutiēdo cum Boemiae Rege, cum Florentinis, aliisq. Italiae Principibus. Inter hos adnumeratur Petrus Roscius, qui, cum Apuae in Liguria a Mastino obsideretur, insigni stratagemate usus, Venetias subito aduolauit, ubi, more maiorum, militiae praefectus est. Scripta feruntur ad quadraginta millia militum. Interea Gherardus ad Forum Iulij, Opitergium, quod Heracleam alij uocant, pro Venetis capit, quae prius a Scaligeris erat. Id ubi accepit Mastinus, accurrit, ac post, fuga simulata, in paratas insidias hostem pellicit. Urbem ingressus, omnia sanguine foedasse dicitur. Interea Luchinus Vicecomes, Philippinus Gonzaga, ac Marsilius Roscius, in hominem coniurati, Veronam obsident. Mastinus, constanti animo, egressus in apertum certamen, fracto hostili exercitu, fuga, seruitute, ac sanguine hostium, obsidionem soluit, duplici obsidionali corona dignissimus. Hinc, Patauium contendens, Alberto fratri opem allaturus, fame obsessus hostis periisset, nisi Brixiam properare alia aduersa acies compulisset. Ita, quasi Briareus, tot ducibus unus resistit. Sed miseram rerum humanarum condicionem. Vix Veronam attigerat, cum uniuersus Orbis illi inuerti uisus est. A Luchino capitur Bergomum, ac Brixia. Patauium in Venetorum ditionem transit. Carolus Feltrium recuperat. Orlandus Roscius, una cum Florentinis, Lucam, ac Vi-

V

cetiam

cetiam obsideret. Itaque Mastinus, animo in tam varias partes distracto, nullius Principis aut gratia, aut opibus, aditus, periclitantem rerum suarum statum, quasi ex altissima specula, praevidens, cum Venetis, imparibus sane condicionibus, pacem facit.

Brixia, ac Bergonium Luchino cedit, Carolo Boemo Feltrium, Bellunum, ac Cenetam traditur. Patavium stat penes Vbertinum Carrariam, Venetis conceditur Tarvisum, Bassianum, ac Castrum Baldum. Mastino, qui haec omnia potenti manu deuicerat, solum Parma, Vicetia, Luca, ac Verona relinquuntur. Quamquam paullo post Luca Florentinis diuendita, Parma a Guidone Corrigio capta est. Haec dum aguntur, Ioannes Vicecomes, cum Bononiam diuexaret Summus Pontifex, in Italiam transmissio Legato, Florentinos, ac cum his Mastinum, ad eius defensionem

submouerat. Hoc tempore spes iniecta est Mastino recuperandi status uniuersi: & quidem, quod conceperat, effecisset: sed, ut nostra consilia saepe fluxa sunt,

ac dubij euentus, in maximarum rerum de-

siderio morte praeripitur. Veriti Vice-

comes in filio, quod in patre su-

spicabantur, pace cum Ca-

ne Secundo facta, ac

Gibellinis om-

nibus, sibi

cau-

te consuluerunt. Mastini mortem


reiciunt in annum sanctissi-

mi partus Millesimum

trecentesimum

quinquage-

simum.



MATTHAEVS . POIANVS



MATTHAEVS, ex uetustis Poij Bastoni Dominis, Poiana, primaria Reate in Vmbria, familia ortus est. Patre mortuo, patrefamilias diligentissimo, ac proinde ditissimo, iuuenis ad studium bellicum animum appellens, euasit demum suorum temporum belli Dux celeberrimus. Variis in bellis, uariis Principibus operam praebens, laudem immensam semper inde retulit. Demum se applicans Summo Pontifici, Nicolao Quinto, tantum apud illum ualuit, ut in ea expeditione, quam contra Turcas recuperatum Cōstantinopolim & Peram, suscipere in animo habebat, pedestrium copiarum dux designaretur. Atque tum Matthaeus non solum consilio, & manu, sed etiam haud exigua argenti summa, Pontificem adiuuit, ut uideat in illa Priuilegij inuestitura, qua bellissimae Regionis Pelucentis, & Arcis, tum ob compensationem pecuniae expensae, tum ob labores, propter Apostolicam Sedem pluries strenue susceptos, mero mistoq. Imperio, & libera & omnimoda potestate, a Pontifice Perpetuus eligitur Vicarius. In his Ecclesiae seruitiis perseverans, summa & auctoritatis, & prudentiae laude, mittitur a Calisto Tertio (quod in eius uita Platina scribit) ad obsequium Crustumini, in Sabinis. Iacobus Sabellus, Castellum dominus, inde subditos quosdam in exsilium egerat: ij, ira aestuantes, in Patriam reuersi, duos Iacobi filios trucidant: atque totam eandem ditionem Ecclesiae offerunt. Hoc munus a Pontifice non acceptum: quin potius illis, misso ad hoc negotium Cardinale Prospero Columnensi, mandat, ut cum Domino suo in gratiam redeant. Neapoleo uero, metuens, ne Cardinalis sibi, uindicandi animo, Castellum caperet, illuc profectus, sua manu locum per aliquot dies occupat. tum superueniens Matthaeus, cum Francisco Sabello, castellum obsidione liberat: ibiq. ducentos, defectionis praecipua capita, suspendio affecit: ac, ut quibusuis subditis in posterum ab eiusmodi facinoribus tentandis cauendi exemplum statueret, ex singulorum corporibus frustra exsecta in eo territorio circumuehi curauit.

Iacobus, Matthaei filius, paternae uirtutis aemulator egregius

gius exstitit: ex cuius quidem rebus bello gestis, quae non solum a Bernardino Corio, sed & ab aliis tractantur, breuitati consulentes, unum tantum praecipuum narrabimus. Iulius Hectoris F. Iacobi Nepos, adolescens unde uiginti annorum, a Paulo Terzio, Summo Pontifice, & a Petro Aloysio Parmae, Placentiaeque Duce, Farnesianis, (cum qua Serenissima Familia Poiani sanguine coniuncti erant) uniuersae expeditionis naualis, & maritimae Generalis dux constitutus erat: quo in munere ita se praeclare gessit, ut in omnibus Pontificique, & Duci satis superque fecerit. Captiuum duxit Sirocchum, piratam eius temporis famosum, & immanem. Domum postea reuersus, adhuc iuuenis, administrationem rei familiaris adit. Atque, post multos annos, moriens, filiam ex matrimonio post se reliquit, Victoriam, & admirabili corporis pulchritudine, ut nullumquam cederet, & singulari ad exemplum uitae castimonia, atque inenarrabili prudentia praestantissimam feminam. ea, nupta Comarcho Io. Baptistae Castello, ex eo suscepit prolem generosam, & a maiorum uirtute, ac nobilitate non degenerem, Gabrielem, Io. Franciscum, Gaudium, Onophrium, filios. Atque, hac consanguinitatis causa, in regionis Pedelucensis, quam Iulius possederat, iurisdictione, legitimam successionem satis argumentis illis deberi, iuris peritis simi existimant.



MATTHAEVS

VICECOMES



MATTHAEVS Vicecomes natus est Masino, in pago Mediolanensi, ad Verbanum lacum, eo ipso die, quo Fridericus Secundus, dictus Italiae Caesar, a filio Manfredi Rege confecta in stragula ueste, necatus interiit. Hunc Anastasia parens propriis uberibus lactans crescentem honestissimis moribus instituit, quod Otho nescio quid egregium, & uere magnum in pueri indole suspiceret. Porro Mediolani, Infubriae florentissimae Urbis, circa annum Millesimum ducentesium septuagesimum duae nobilissimae familiae perpetuo de Imperio dimicabant, altera Turrianorum erat, altera Vicecomitum. Huius se primarium Matthaeus praebuit, homo consilio potens, & uiribus. Cum adoleuisset, ex uxore honesta, & secunda prolem sustulit generosam. Ad magistratum ubi accessit, interno, externoq. bello composito, cum ob singularem humanitatem in omnes a ciuibus suis coleretur, maxime iam dignus imperio uidebatur. Itaque a patruo, qui futuram nepotum amplitudinem praesagiebat, ita rebus publicis praefectus est, ut penes eum unum Urbis uniuersa iurisdictio esset. Quo tempore non inuiti illi & ciues, & peregrini paruere; quibus ut plebs optabat, ipse respondens, relictis legum ambagibus, lites dirimebat. Religionem uero in primis coluit. Sacerdotem, quoties sacra facturus erat, amictu, ac Sacerdotali habitu, ipse ornat, & sacrificanti subinde palam ministrabat. Commendabant praeterea hominem eximiae uires. Ferreas equorum soleas, in diuersa distractas, non numquam refregit. Iam finitimis Matthaei opes, & arma timori erant; dum alij foedere, ac societate Vicecomitis regnum iuuabant. Vnus Gulielmus quiescere minime poterat: multa cogitare, copias contrahere, atque expedire, ac uicinos fines infestare coeperat; tandem Vicecomitem bello aggredi statuit. Adduntur alij Turrianae gentis, quorum factione domi res Vicecomitis maiori in periculo erant. Ticinum traiecit; latiusq. excurrrens, ingentem hominum, ac pecorum praedam

dam abducit. Vici diruti, suburbia, direpta, aedificia rustica succensa sunt. Riuus est ad irrigationem agrorum a Ticinó deriuatus. Hic Gulielmus statiuá habuit. Matthaeus illi, exercitu tumultuario collecto, sit obuius: pugnam utrique continuo in-eunt: atrociter depugnatur. Cessit acie Gulielmus, ac, Papiam confugiens, nouum conscribit militem; sed, dum, reparatis uiribus, Vicecomitem iterum aggreditur, e uita cedit. Matthaeus, potenti hoste, ac pertinaci aemulo sublato, Vercellis statim potitur. Procurator, siue Imperialis Vicarius creatur: quae dignitas, ut splendidior popularibus uideretur, opinione, & amicitia Arnulphi, quasi illo auctore gereret omnia, Aquilam, Imperij signum, tunc primum sustulit. Secuta Othonis, magni patruí, morte, domum, quam habitare coeperat, repentino igne consummatam speciosiore reddidit. Missus postea in exilium Matthaeus, Veronam petit, ubi Bartholomaeus Scaliger, uir clarus, exsules excipere, teste ipso Petrarcha locupletissimo, solitus erat. Interea deformis exsilij incommoda constantissime tolerantem in spem erexit Henrici Caesaris in Italiam aduentus. Dissidebant inter se Turriani, extincto Musca. Itaque, opportunum tempus nactus uisendae patriae, cum arripiendam occasionem sapientes praecepissent, ueste agresti, auiisq. itineribus, Asiam ad Caesarem contendit. Quis crederet, sexagenarium senem, canitie ueneranda, & male tecto frontis honore, ipsoq. praesertim arduae ceruicis habitu conspicuum, pedibus iter habentem, hostium insidiantium oculos fallere potuisse? Proiecto ad pedes, & iuris, & aequi opem imploranti, admiratus facundiam, & oris decus Caesar, spem dedit, ut reduceretur: id quod egregia fide praestitit. Matthaeus, in patria, summa potitus potestate, iterum annis decem imperauit. Eo duce subactae Vrbes, capti hostium principes, ac opes Turrianae attritae, paeneq. deletae sunt. Ipse enim domi ab inueterata prudentia singulari consilio omnia administrabat, ac foris filiorum ductu Magni nomen meritis ac consecutus est. Praeclara parenti gloria, quae per se nobilis filiorum laude illustratur. His omnibus ut gubernator in naui, in qua alij malos scandunt, alij huc atque illuc per foros cursant, alij alia munia exercent, Matthaeus pater, Mediolani, clauum tenens, ac uigilans, praecerat, atque ita praecerat, ut laborem, qui singulorum erat, ad se unum pertinere existima-

sistimaret. Atque filij, quasi in specula excubanti parenti, In-
briac uniuerſac imperantes, ad nutum obſequebantur. Ad
ne Vicēcomitum potentiam infringendam uenerant ceteri.
Philippus Galeatius, uastro ingenio adoleſcens, tantum elo-
quentia potuit, ut, facta colloquendi copia, reditum hoſti in
triam plane perſuaſerit. Matthæus uero, licet Macedonis
cognomento Magnus ſenior factus, laetus, ut ille Diago-
ras, qui in Olympicis ludis uiderat filios, atque ex fi-
lia, filioq. nepotes coronari, ipſe quoque duo-
rum, & ſeptuaginta annorum, Galeatio im-
perij uexillo conceſſo, ad Iō. Bapti-

ſtae templum Longobardicac

pietatis argumentum ma-

lorum ſepulcro man-

datur, anno a

nato Chri-

ſto

Saluatōre Milleſimo tre-

centefimo uigeſi-

mo ſecun-

do.



M A T T H I A S

R E X . P A N N O N I A E



MATTHIAS, Corvinus, Rex Pannoniae, Io. Vayvodae filius fuit, qui inter primarios adnumeratus est, qui Turcas domuissent, ac propterea eorum Fulgur dictus est ab illis usque temporibus, quibus ad Taurinum Scythas fudit, fugauitque. Inter huius generosi Regis filios paternae gloriae imitator Matthias, dum in carcere Augustae Bracarum detinetur, a nobilibus Pannorum Rex acclamatus est. Quo tempore uxor Ladislai Regis defuncti, cum pro Corona acriter decertaret, tandem uictor, annum natus uigesimalium, Albae regali, urbi Pannoniae primariae, quae, quod in ea Reges coronarentur, id nomen acceperat, ipse quoque coronatus est. Nullum illi postea tempus a bellis uacuum relictum est. Poloni, inter ceteros milites alioqui generosi, dum hominem irritant, breui aculeos sensere. Postea, in Germanos irrupens, Viennam Imperatori adimit. Frangit copias Valacorum in dubio certamine, in quo & ipse spiculi uulnere ictus est. Duplici praeterea proelio Turcarum impetum frangit, qua parte Illyrij fines excurrerant. Quo factum est, ut Mahumetes, ac Baiazeret, illis temporibus in Orientis imperio florentes, iidemq. fortissimi, pacem efflagitarint. Bellum mouit Stilesijs ad Vratislauiam, eius prouinciae urbem, tanta felicitate, ut passim in Regni finibus gloriosa trophaea deuictarum nationum, more ueterum Romanorum, spectarentur. Praeterea transmisit auxilia ad Regem Neapolitanum, quibus Turcas Hydruntinis finibus repulit. Hic ipse, qui propugnaculum fuit totius religionis Christianae, qui toties Turcas afflixerat, toties desertores religionis nostrae represserat, toties suorum, qui rebellionem fecerant, uictor exstitit, qui nec animo, nec corpore umquam conuiescebat, Rex inuictissimus, idem ingenio acri, & in studiis litterarum uersatus, quod rato contingit, Marti simul, ac Palladi, egregiam operam nauauerat. Nam, exemplo Alexandri Magni, qui Homeri uolumen secum ad ceruical uoluit inter arma excubare, quod a bellis tempus succidere poterat, illud sua.


ad suauissimis Musarum studiis tribuebat. Amabat bonarum
 artium studiosos uelementer, quos ad se ex omnibus Italiae par-
 tibus Budam, domicilium disciplinarum, cōuocauerat, maximis
 propositis praemiis. Inter quos fuit Galeottus Marcius, Nar-
 sienis; cuius laus sine scelere praetermitti hoc loco non poterat.
 Hic, omni in genere doctrinarum cum summa laude uersatus, cū
 annos triginta Patauij publice humanitatis studia fuisset profes-
 sus, Matthiae Regi a secretis erat. Quo tempore Matthias ad-
 uersus Georgium Boemiae Regē pugnabat, quem Paullus Pont-
 facris interdixerat, spectante uirō eruditissimo Episcopo Strigo-
 niensi, ac tota nobilitate Rex a cena inuitauerat milites ad pal-
 laestram. Inter omnes eminebat Alesus, qui in militia ordinem
 ducebat. Hic, ubi in medium profiliit, nemo ausus congregio.
 Tunc Rex, ad Galeottum conuersus, An aliquid tibi, inquit, reli-
 ctum est pristinae palaestrae? Modeste ille, ut solebat, iam diu
 desijisse se luctari, respondit. Nudi illi, more antiquo, sed non
 iuncti in arenam descendunt. Galeottus duritie nerutorum, col-
 lectis membris, ac latis humeris erat. Studia ciuium Alesu uires
 addebant ad pugnam. Galeotto non nulli dumtaxat fauebant,
 quos Alesus ille deuicerat. Diu certatum est fluente totis artibus
 sudore. tandem Galeottus, crure sinistro inter Alesi crura inser-
 to, brachiis, ac toto pondere in eum ugens, soluerat omnes no-
 dos, cum rursus hominem medium arreptum in sublime euehens
 capite allisum in terram strauit, quem iacentem humi semimor-
 tuum statim humaniter exulit. Galeottum Io. Pannonius, Quin-
 que ecclesiarum Episcopus, hoc eleganti carmine celebrauit:

*Qualis in Aetolia maerens Achelous arena
 Herculeae legit cornua fracta manu,
 Talis luctator Galeotto uictus Alesus;
 Turpia puluerem signa reliquit humo
 Matthiae Regi Latiae placuere palaestrae,
 Risit Strigonia clarus ab arce pater.
 At te ne pudeat ludi cessasse magistro,
 Improbe. Mercurius noster & ista docet.*

Et uero, ut ad Matthiam redeā, praeclarum illud Platonis di-
 ctum, Eas ciuitates tum demum felices fore, quibus dominaren-
 tur philosophi. Cui ego, si licet, adderem, Perbeatos etiam esse
 eos,

eos, qui ab iis regerentur, qui, si minus ipsi saperent, eruditis ta-
men hominibus delectarentur. Mirandum sane, ut iuris, legumq.
scientia possessionem suam latissime propagarit, retexta saepius a
nonnullis Penelopes tela, ac medicina necessitate sua inter mor-
tales ditescat, studia dignissima liberali homine, unde ea nomen
acceperunt, adhuc fautorem optare. Et tamen tempus fuisse legi-
mus, in quo magna erat auctoritas Homeri non solum in scholis,
sed etiam in foro, ac ciuilibus controuersijs, adeo, ut Solon ali-
quando, uno uersu Homericò, Salaminam insulam fuisse Athe-
nienstem, in iudicio decreuisse, dicatur. Matthias, & armorum, &
litterarum amantissimus, quam plumbeam Regiam receperat, au-
ream relinquens, apud posteros famam merito sibi collegit. Hic,
dum pios fouet, dum religionis terminos propagat, ac gymnasia
ornat uiris clarissimis, a cena, in maximo omnium desiderio, ra-
ptus, ad celestem palmam uocatus est, eo ipso die, quo triumphas
Christus Opt. Hierosolymam ingressus est, natus an. LVI. Regni
XX XVI. salutis humanae Millesimo quadringentesimo nona-
gesimo. Eius tumulo sic ego insculperem:

*Qui pius extuleram belli Corwinus honores,
Proq. sacra cinxi religione latus,
Aonidum quoque castra colens, & Palladis artes,
Ornau iuatum fronde uirente comas.
Palma meo duplex merito est insculpta sepulcro,
Altera Mauortis, altera Pacis opus.*



MAXIMILIANVS. CAESAR



AXIMILIANVS I. Caesar, ex Friderico
 III. Imp. & Elenora Lusitana natus, in Belgi-
 ca, nuptiis celebratis, Caroli Burgundi filiam
 in uxorem ductâ anno aetatis suae decimo octa-
 uo, sexto post matrimonium anno grauidam de-
 plorauit. Deinde Millesimo quadringentesimo
 octuagesimo sexto, aetatis suae anno uigesimo octauo, Franco-
 rdiae Romanorum Rex creatur, anno ante obitum patris octa-
 to. Hic, biennio post, Brugis captus, inter aromatarij domesti-
 cos lares, mensibus nouem, in maximo uitae periculo, quasi ite-
 rum in parentis utero, delituit. Vnde mox in lucem, parentis
 opera, eductus est: cui merito, ut ille in fabulis Semeles filius,
 uis uitam acceptam retulit. Nimirum tantum potest patrius
 amor in sobolem, uel ipsa duce natura, ut in feris aduertimus, ut
 nullus sit tam difficilis locus, ad quem is non peruadat. Parat
 exercitum Fridericus triginta duorum millium hominum, ac, Bel-
 gica deuastata, impressione facta, filium libertati restituit. Ego
 uero, dum haec refero, addubitare soleo, an is, an Octauius Bal-
 bus, maioris erga filium beneuolentiae fuerit. Proscriptus ille
 a Triumuiris, cum postico saluti consulisset, qua parte fugae
 expeditum iter pateret, ubi filium trucidari falso in uicinia ru-
 more accepit, ei se morti, quam filius prudens euaserat, sponte
 obtulit. Maiori enim illi momento fuit, praeter spem uidere fi-
 lium incolumem, quam salutem suam. Miserum adolescentem,
 qui sui ipsius opera patrem expirantem uideret. Quid ille Seleu-
 cus? Cum is filium humiliori in loco conspexisset, non sustinuit
 paternus amor. Ipse solio descendit: diadema in filii caput trans-
 fert: hortatur, ut in Curulem sellam, ex qua senex surrexerat,
 adscendat. Exciderunt lacrymae adolescenti: totis artibus co-
 horruit: dilapsum concidit diadema: nec finem singulare hoc
 pietatis officium habuisset, nisi paternae uoluntati Pompeij uo-
 luntas accessisset. Ex quo concludi potest, longe maiorem es-
 se parentum in filios, quam horum in parentes amorem. At
 Caesar, in Italiam irrumpens, Florentinis in Etruria bellum in-
 dicit; a quibus discessione facta, cum se ad Heluetios conuer-
 tisset,

risset, audius decertans, in ipsa dimicatione paene occubuit,
 duplici confossus lancea. Deinde, cum Lodouico, Gallorum Re-
 ge, indicto certamine, ad Teruanam, quae uetus Morinorum
 Colonia fuit in Belgica, magnis ultro citroq. damnis acceptis,
 inita pax est. De eo Lodouici Regis uox est: Galliam uniuersam
 tremere, solum excusso Maximiliani tympano. Interea,
 defuncto Matthia, Pannonum Rege, Maximilianus in Austriam
 uenit, in qua ditione ea loca recipit, quae ille uiuens occupa-
 uerat. In hoc tumultu eo maior Maximiliani uirtus uideri de-
 buit, quod milites ueterani emortui Regis, collecti, non desiste-
 bant omnia flammis, ferroq. uastare. Hos ille aggressus profligauit,
 resq. Austriacas in summa pace composuit. Tum Belgicum
 ducem, ueniam postulantem, omni humanitatis officio complexus
 est. His expeditis, iterum in Italiam inhians, cuius imperij
 florentissimi exterae gentes cupiditate flagrarunt semper,
 Venetis bellum mouet; quibus, inter cetera opida insignia, celeberrimasq.
 Vrbes, Veronam, Vicetiam, ac Patauium praeripit; licet Patauium,
 postea creptum, nec quidem octoginta millibus hominum euincere
 potuerit. In Germaniam reuersus, relinquit M. Antonium Columnam,
 qui bellum illi Reip. suscitatum foueret, urgeretque. Neque uero
 ipse destitit tertium in Italiam regredi Millesimo quingentesimo
 decimosexto. Mediolanum, quo Italiae robora, & sex illa
 maximorum exercituum capita concludebantur, artissima obsidione
 cingens, ciuibusq. dira omnia intentans, commeatus paenuria
 obsidionem soluit; obsideri magis ipse, quam obsidere, uisus.
 Quod eius in milites liberalitate saepe contigit, ob quam plures
 uictorias perdidit, quam compararit. Inde Bergomum, ac
 Laudem Pompeiam, diripit. Hinc, uel Heluetiorum suspicione,
 uel leui insomnia Leopoldi, Austriaci Ducis, uel Triultij astu,
 contento cursu in Germaniam abit, allatis praesertim nuntiis,
 Scythas solita audacia Pannoniae fines liberius depraedari.
 Hic, quasi mortis praescius, cum Venetis, ac Gallis pacem componit.
 Excedit anno sexagesimo octauo, imperij uigesimo quinto,
 Christi Opt. Max. Millesimo quingentesimo decimo nono,
 filijs orbarus, ex Maria Burgundiae Ducis filia susceptus, et
 ex Philippo filio nepos, relictis.


NICOLAUS . III

A T E S T I N V S

NICOLAUS III. Marchio Alberto patri anno aetatis uix decimo successit. In qua hereditate adeunda uim factam ab Azo affine ita propulsauit, ut Fauentiae Millesimo trecentesimo nonagesimo sexto poenas dare compulerit. Circa haec tempora Petrus Lybs, in naturae obscuritate indaganda diligens, tormenta bellica, quibus quasi fulminibus coeptum est Vrbes demoliri, adinuenisse dicitur. Eodem saeculo imprimendi quoque ars per Germanum hominem detecta apud nostros est, ut, quam illa uitam adimerent, haec insigni artificio ad perpetuam posterorum memoriam conseruaret. His sane bellicis instrumentis inter primos usus Nicolaus in eo proelio res suas firmavit. In huiusmodi rerum statu Francisco Gonzagae saepe subsidia mittit, qui cum Ioanne Galeatio dimicare compellebatur. Tertio Idus Aprilis Millesimo quadringentesimo pacem componit inter Vicecomites, & confoederatos: foedus init cum Bonifacio Nono, cui ille exercitus sui summam crediderat. Hoc ipso tempore Patauij & quadruplici pugnae simulacro lauream refert, quam item longe post iterum tulit Mantuae, inter nuptias Gonzagae cum Malatesta filia. Prosequamur, quae ad arma pertinent, diuersis licet saeculis gesta. Pugnat acriter pro restitutione Bononiae: plurima dat adiumenta Carrariae familiae: Veronam expugnat. Ex quo proelio quasi obsidonalet coronam emensus, uita cum Iacobo Carrara, Brunono, & Antonio Scaleris, Philippo Pisano, Strozza, Michaeli Medice, Paulo Leone Patauino, aliisq. uiris generosis, eques creatus est. Postea, fracto Paulo Sabello, profligatisq. Venetis, pax rediit. Bello expugnat Parmam, ac Regium Lepidi, ubi Ottobonus Tyrannus a magno Sfortia interemptus est. In foedere Venetorum, ac Florentinorum, summus Imperator adiuturum intercludit Malatestae, qui a Vicecomitibus erat ad Scultennam

tennam, Infubriae fluuium. Horum postea Principum pacificator factus est. Dum haec geruntur, in morbum incidit Nicolaus, in quo nihil prius habuit, quam se Deo reconciliare. Vota nuncupat: continuo, diuinitus beneficio accepto, statuit tria, quae grauissima conceperat, Deo Optimo Maximo uota exsoluere. De peregrinatione Hierosolymitana mire sollicitus, uiatorum parat amictum, sparteos calceos, talarum tunicam, tornatilem contum. Quia uero is non ignorabat, facilius uestem, quam mentem, mutari, omni ope sibi nitendum curauit, ut illa exterioris ornatus insignia interioris animi sensus perpurgarent. Hierosolymam profectus, Palaestinae pia loca perlustrans, Sacratissima Christi Domini Incunabula ueneratus, osculatusque, supplex, eiusdem monumentum, Sancti Sepulcri eques creatur, ut se ad bella pro Republica Christiana suscipienda paratissimum exhiberet. Nec minus, ut habebat in uotis, ad Sancti Iacobi Compostellani iter flectens, Lutetiae aurea lilia insignibus suis hospiti Rex Galliae primum addidit. Post Lauretanam aedem inuisit, tam insigni exemplo; ut mirum non sit, si tam multa eius habemus argumenta pietatis erga Rempublicam Romanam. Nam, defuncto Alexandro Quinto, Bononiae, Conclauis custos adstat, in cuius imperium Martinum Quintum, ex Constantiensi Concilio redeuntem, & Regio apparatu exceptum, introducit tertio Nonas Iulij, Millesimo quadringentesimo decimo nono. Tum uero Daciae Regem, Christi sepulcrum, pietatis ergo, uisitantem, ac Sigismundum Imperatorem, ab Vrbe Roma redeuntem, munifica hospitalitate prosecutus est. Constitit Eugenijs Ferrariae, ubi Ioannem Palaecologum, Graecorum Imperatorem, reciperet ad foedus pertractandum. Hinc, grassante peste, Concilio Florentiam translato, Atestinus Pontificem Maximum eo usque est comitatus, sequentibus Graecis plusquam quingentis. Ferrariam postea reuersus est, ubi, bonarum disciplinarum amantissimus, gymnasia erexerat, accitis nobilibus iurisperitis, inter quos Salicetum extulit. Magna proposuit uirtuti praemia Princeps adeo liberalis, ut Parmam Philippo Mariae Vicecomiti dono dederit, Millesimo quadringentesimo uigesimo anno nostrae salutis. Itaque merito

illi longe post totius ditionis suae concessit imperium. Vix
 mense exacto ab suscepta administratione, Mediolani,
 sub noctem, moritur VII. Kal. Ianuarij, aetatis
 quinquagesimo octauo, cum ab anno de-
 cimo, quo regnare coeperat, an-
 nos quadraginta octo addi
 disse. Erat uero
 annus
 communis salutis Millēsimus
 quadringentesimus qua-
 dragesimus pri-
 mus.



NICOLAVS . PICININVS




NICOLAVS Picininus, magni animi miles ,
 pauca , sapientum more , eaq. plena sensibus ,
 proloqui solitus , Braccij partes secutus est .
 Porro ex eadem familia prodierat Nicolaus
 Fortebraccius , cui Stellae cognomen erat , ac
 igne & aqua interdixerant Summi Pontifices .
 Ex litteris datis decima quarta Augusti Eugenius laudibus ef-
 fert Sutinos , ac Gallefinos , quos ex Machaletto Attendulo , du-
 ce exercitus sui , acceperat Fortebraccio acriter restitisse . Dice-
 rem sane , hoc ipso tempore Hortanum in Romana fide glorio-
 se perstitisse , munere fidelitatis accepto a S. R. E. si auctorem ha-
 berem . Nihil enim praeterea obstat , & tempora congruere ui-
 dentur . & Eugenius Hortinae , ut peruetustae , Castellanam Ec-
 clesiam , ob hoc forte singulare acceptum beneficium , adiunxit .
 At Picininus militiae tirocinium ab auunculo acceperat . Cum
 uero Braccius celebres partas uictorias , tamq. late propagatum
 imperium , unius horae momento esset commissurus , Nicolaum
 Picinum , cum quattuor cohortibus , ne erumpere ciuis posset ,
 ante Urbis portas collocauerat . Ipse cum parte ceterarum co-
 piarum progressum ad mediam planitiem hostem magno impe-
 tu aggreditur . Hinc pugnae initium fuit : hastis primum , tum
 gladiis , cominus res gesta est . Ruunt pari conatu in proelium
 pacatae utrimque acies . Instabat a tergo Braccius : hostes , in
 densissimum quasi globum collecti , ferientium ictus excipiebant .
 Stabat a Braccianis uictoria , cum Michiletus , unus ex Reginae
 ducibus , ubi uidet spem fugae sublatam , & hostilem peditatum
 montis iugo inhaerere , mandat , equorum illa suffodi , quorum
 undecies centena tergora post consictum Aquilam reportata
 traduntur . Inter haec , Nicolaus Picininus , quem ad Urbis por-
 tas relictum dicebamus , cum his , quibus praeerat , cohortibus ,
 magno cursu in hostes peruolat ; incertum , an praedae cupidita-
 te , uictores suos arbitratus , an , ut fatigatis opem integro milite
 afferret , quod facile crediderim . Haec certe res ut aduersarios
 primum terruit , ita postea euexit . Nam ciues , ubi excessisse ho-
 stium praesidium cognouere , erumpunt portis non uiri modo , sed
 feminae

feminae quoque, hastis, dolabrisq. armatae. Sex millia fuisse dicuntur eorum, qui effusi campis accurrerant ad pugnam. Quamobrem, perterritis Braccianis, uictoria ad hostes se transtulit. Huc compulit adolescentem pugnae auditas, dum alios turpis metus redarguit. Certe, ut Isocrates dicebat, insignis orator, se calcaribus, in Ephoro; contra autem, in Theopompo, frenis uti solere; Picininus ita audax ad pugnam prodibat, ut coercendus uideretur potius, quam incitandus. Hinc ad Florentinos accessit; a quibus postea, Philippum Vicecomitem secutus, Brixiae arma admouit. In cuius defensione referunt non minus uirorum; quam feminarum, operam egregiam enituisse. Inter quas Braida, Aduocarae gentis, tam praestantia animi, quam domestica nobilitate, illustris, spectataeq. uirtutis celebris matrona, apparuit. Sic sane antiquioribus temporibus Artemisia, Lygdamis filia, nulla necessitate coacta, animi solius praestantia, in auxilium Xerxi aduersus Graecos profecta, in pugna nauali, apud Salaminem, tanta audacia inter primores duces praestare uisa est, ut eam Xerxes imperator ceteris ducibus praetulerit. Nec uero minori terrori apud hostes fuit. Siquidem eam Athenienses adeo extimuerunt, ut illi, qui uiuam cepisset, drachmarum decem millia, in praedae praemium proposuerint. Sed in eo conflictu ita se uirilem exhibuit, ut, Persarum classe foede uicta, dissipataque, e mediis hostibus incolumis euaserit. Neque silentio praeteriri debet Venna, natione Polona, Virgo insignis; quae, ubi Ritigerus, rerum desperatione, mortem sibi consciuit, Cracouiam in triumpho reuersa, mactatis, pro more patrio, uictimis, sollemni ritu, ut ea ferebant tempora, se ipsam deuouit, ac de ponte in profluentem Vistulae, ne quis aduersus casus eius felicitatem interturbaret, se proiecit. Repertum cadauer ab urbe lapide uno, ad pagum, cui Mogilae, hoc est Tumuli nomen est, proceres, aggere facto, sepelierunt. De Venna Matthias Smogulechius, Polonus item adolescens, & ingentis spiritus, in quodam poemate sic cecinit:

*Ritigerus, Vennae insano succensus amore,
Dum spectus bello petit optatos Hymenaeos
Vincitur, o nullis abelenda infamia telis,
A tenera uir uirgine. Fortunata uirago,
Siquid & historiae, & uatum praeconia possunt,*

*Nulla tuum condent annosa obliuia nomen ,
 Dumq. parer lato turgentes spumeus alueo
 Vistula uoluet aquas, dum tellus fundet aristas,
 Magnanimas inter tua lauserit Heroínas .*

Ceterum Philippus Vicecomes, uirtute clarissimi ducts Nicolai Picinini, ad recuperandas remotiores paterni imperij Vrbes, animum adiecit. Verona enim Veneti, Pisis Florentini potiebantur. Itaque Genuenses uexat; prope Abduam praedas agit; ac fluuio transmissio, omnia paene Brixiani agri castra duci suo restituit. Etruriam ipsam populatur. Verum insigne est, quod in hominis sollertiam, ac militarem astutiam, referunt. Is, circa Benacum lacum, a Francisco Sfortia, Veneti exercitus duce, in eum statum compulsus fuerat, ut neque copiis suis iungi posset, neque in eo opido diutius sine periculo manere. Illinc igitur dolo se subtraxit. Includitur quasi in aculeum, ac humeris Germani militis gregarij, ad tuta delatus est. Et merito. In duce enim est robur exercitus, a quo, ueluti ex capite sensus, ac uita in uniuersum corpus, ita gubernatio omnis manat, ac salus. Exincto enim duce, nullus ordo est in multitudine. Vt finē faciamus, Picininus, otij hostis, in periculis intrepidus, militum amantissimus, celeritate belli singularis, leuis armaturae militibus usus, acer in exploratores, Mediolani, septuagenario proximus, mortem clausit, quae rerum humanarum ultima linea dicitur, Millesimo quadringentesimo quadragesimo quinto.



NICOLAVS . VITELLIVS



NICOLAVS Vitellius, Tifernas, equestris ord. ac ciuis primarius fuit. Tifernum in Vmbriae, seu Etruriae finibus situm est. Nam Tusciam ab Vmbria Tiberis determinat. Ducentis circiter ab hinc annis Ciuitas Castelli dicitur. Vrbs haec Apennino ad Orientem adiacet, altera parte Tiberi fluuio irrigata. Planitie fertili cingitur, in qua uini, frugumq. copia maxima: circumquaque aquis paene, continuisq. montibus, ueluti amphiteatra, exornatur. Duplici circumdabatur temporibus illis muro in speciem Babylonis. quod sane in paucis Italiae, urbibus admiramus. Porro Sixto I V. Pont. Max. dissipatus est rumor, sine auctore, Romanas acies ex Spoletinis campis Tifernum contendere. Qua fama increbrescente, licet immaturas, segetes Tifernates in urbem transtulerunt. Interea Pinus Ordolphus tertius apud Vicum Sicilicis castra posuerat, eo plane in loco, ubi Nicolaus Vitellius ornatissimam, munitissimamq. arcem construxerat. Pinum Ordolphum comitabantur uiri insignes, inter quos erat Io. Gonzaga Mantuanus, ac Laurentius Iustinus Tifernas I. C. & eques auratus, belli huius concitator, si non auctor; apud quem harum copiarum imperium esse ferebatur. Hic, exsul cum esset, patriae fines ingressus, apud ciues praecipue flagrabat inuidia. Hoc tempore Nicolaus Vitellius, communi populi consensu, Dictator est acclamatus. Quod munus professus est se numquam suscepturum fuisse, nisi se patriae minus consulturum putaret, eo detrectato. In primis imbellem multitudinem in finitima castra dimisit; mox mittit ad Sixtum Pont. Max. Oratores, qui eam Urbem, semper Rom. Imperio deditissimā, ac Tifernatum incorruptā erga Pontifices fidē celerius narrent. Cāpanus itidē, prouinciae praefes, idemq. uir grauissimus, & integerrimus, plane singularem eorum populorū erga populum Rom. obseruantiam confirmauit. In hac obsidione dum dies in diem producit, eo deuentum est, ut per caduceatorem hostes prouocarint ex opidanis aliquem, qui singulari certamine ferratis hastis concurreret. Plurimi, idemq. primarij, e muris in arenam prosilire audebant, ita est ea gens generosa. In ea maxima contentione sorte

statuendum fuit. Cornix Apulus eques pro Tifernatibus datus est. Quaerebatur ab hostibus de loco. Nicolaus Vitellius comitem exire iubet. pugnae locum eum statuit, quem legatus elegeret. Hoc responsum Tifernatum liberalitatem, ac Vitellium maxime extulit. Designato loco, hastis equatis, stabant in planitie circumfusi hostes. Opidani uero ad spectaculū e muris circumfusi erant. Kal. Sextilis dato signo Hieronymus Imolensis, & Cornix Apulus paribus hastis concurrunt. Cornix Hieronymum dextero in brachio uulnerat; quo in ictu contracta hasta, cum solus truncus ceteris spectantibus, fuisset relictus. Partam Cornici uictoriam omnes plausu confirmabant: neque militiae legibus ulterius pugnandum fuerat. Hortatu procerum rursus certat Cornix, qui in cervice hastam in plures discissam infregit. Manabat toto corpore sanguis Hieronymo, cum tertium in certamen uenitur. Iam Cornix in medium prosilierat; cum, sereno caelo, subita exserta tempestate excussus e caelo imber densissimus pugnam diremit, uel ipsis hostibus Cornicem celebrantibus. Redeunti Cornici licet omnia pluuiā maxima maderent, Tifernatum concursus ad portas usque factus est tantus, ut uix illi locus in ipso etiam foro relictus uideretur. Nicolaus uero hominē e muris ipsis, ac post e rostris laudauit. Dignus sane Cornix illustri memoria, qui licinia, armisq. a Nicolao Vitellio ob partam Tifernatibus uictoriam fuerat donatus; nisi Apulus is fuisset, ac, beneficiorum immemor; transfuga factus, quam gratiam referre non poterat, ingrati animi uitio recompensasset: qui item non est ueritus Io. Vitellium Nicolai primogenitum dolo malo secum in hostiū castra abducere. Ille, ubi prodidit Nicolai consilia apud hostes ipsos, hac turpi nota e castris transfugit. Mirandum potius, ut muliebri sexus hominum saepe quorundam leuitatem uicit. Ingens faxorum copia e turri prouoluebatur in hostem, quae a mulieribus singulari sedulitate suggerebantur. Harum una, fama nobilis, Violanta nomine, scorpione in brachio percussa, sibi metellum eduxit, & fasciā alligauit. Neque ob id a patriae defensione recessit: quin cum ceteris coeptum opus persecuta est. Praestans animi Virgo sanguinem, ac uulnus non perhorrescit, telum educit, obligat, castris nec minimum dimouetur. Sed, ut finis sit, Nicolaus, ubi boni ciuis, ac militis munus ita est exsecutus, ut Patre patriae nuncuparetur, acceptis pacis condicionibus, iisdēq.

legati sigillo obsignatis, ac cōfirmatis, non sine suorum lacrymis, in Romana castra profici scitur increduli sui desiderio ciuibus relicto. Legatus uero, postridie eius diei, Millesimo quadringentesimo septuagesimo quarto, Urbem ingressus est. Haecenus de prima obsidione. Alia fuit, cum, dux Florentini exercitus creatus, prope Thrasimenum, Perusinum lacum, celebrem, ueterem Romanorū cladem renouauit. Non multo post, pace facta a Florentinis, una cum Rege Neapolitano, copiis collectis, quarum imperium Nicolao tributū fuerat, Tifernatum dominatum accepit; illi uni Florentinis concedentibus Millesimo quadringentesimo octuagesimo primo. Vitellius Eugenio IV. ac Nicolao V. a quo eques creatus fuerat, Summis Pont. familiaris, paene septuagenarius moritur, Millesimo quadringentesimo nonagesimo quarto Christianae salutis anno, quattuor germanis filiis in Virginij Vrsini disciplina relictis, qui illis saeculis inter Romanos: proceres splendore domus, ac pluribus militiae partis honoribus, merito clarissimi habebantur. Nos hunc tumulum fecimus Nicolap Vitellio, eundemq: Io. Lisis Vitellio, adolefcenti maximi iudicij, & non modo summae spei; sed crescentis gloriae heredi obtulimus:

In patria en morior patriae defensor, Et arma

Illius in gremio sanguinolenta loco:

Illa dedit uitam; nos, seruaretur ut illa,

Non piguit telis exposuisse caput.

Dixerat haec, atra deprensus morte Vitellus,

Laetus & ad superos iam properabat iter.

Felix sorte tua: celebrat te patria patrem,

Et tumulo incidit nomina tanta tuo.



PAVLLVS . SABELLVS



SABELLORVM progeniem inter ceteras Romanas antiquissimam, & nobilissimam esse, manifestum est. Originem habuisse dicitur ab Auentino, Albanorum Rege, quo tempore Latinus, Rex Latinorum, contra Troianos pugnavit.

Semper dominis; titulis, praecementis, eximisque honoribus claruit: Ecclesiasticis dignitatibus illustrissima: habuit enim Pontifices sex, praeter permultos Cardinales, ac viros egregios: Saeculari dignitate clarissima, cum ab ea tot Consules, & Tribuni in Romana urbe prouenerint: Scientia, & uirtute: quoniam perpetuo Heroes fuerunt, & sunt in hac familia eruditi, & docti, & corporis, & animi uirtute praediti: Diuitiis: cum possideant ciuitates, opida, & castella: Rebus militaribus: habuit enim omni tempore egregios, eximiosque uiros, & exercituum imperatores, inter quos Paulus Sabellus, clarissimus inter Duces; eximij splendoris familiae fuit. Hic, militiam secutus, magnam sibi laudem comparauit. Vna cum Alberico Barbiano, Urbani V. I. exercitus imperatore, contra Monzoiam, profectus, cum eo prope Marinum pugnans, maxima laude dignus fuit. Hinc a Rege Siciliae exercitus Dux creatus, multa laudabiliter gessit; & in Regno Neapolitano contra Othonem Bransuichum, Ioannae Primae Reginae coniugem, militauit, & prope Barium contra Aloysium Primum Angioinum magna laude dimicauit. Postea, a Ioanne Galeatio Vicedomite, Mediolani Duce, ad stipendia uocatus, cum Barbiano, Ducalis exercitus Imperatore, Florentinum agrum ingressus, Pisam a Florentinorum incurfionibus tutatus est, & in proelio Casalechiano, contra Bononienfes, & suos collegas maxime fuit laudatus. Tum a Venetis, Michaeli Steno tunc Venetiarum Duce, cum Francisco Carrara, Patauio Domino, dimicantibus, exercitus imperator factus, illum a Vicetiae obsidione depulit, Veronam cepit, Patauum obsedit: uehementerque illud oppugnans, cum audisset, Nicolaum Tertium, Marchionem Atestinum, in auxilium Carrarae uenire, illi obuiam iuit: a quo tamen, prope Campum Sancti Petri, in pugna cladem accepit. Sed, Patauum reuersus, cum eam ciuita-

ciuitatem ad deditionem fere adduxisset, obiit, anno a partu Virginis Millesimo quadringentesimo primo. Tot tantaq. eius merita apud Venetos fuere, ut eius corpus Venetias translatum in Ecclesia Fr. Minorum sepultum fuerit, & ad eius memoriam statua equestris erecta, hac inscriptione

Hic iacet armipotens Paulus de stirpe Sabellus,

Incolumi quo Roma parens gauderet alumno.

Haec sibi ad extremum statuebat semina priscæ

Reddita uirtutis: non hic Scipionibus impar,

Non Fabijs uirtute fuit belloq. domique.

Magnus erat uia, Marte ferox, prudensq. rogatus uulcano

Consilij hic Apuliae uictoria campis

Agmina direxit Caroli sub nomine regis.

Et cum Dux Ligurum Galeaz, iussissimus heros

Crescit in Italia, multa cum laude sub illo

Hic tulit arma, acies strauit, terrasq. subegit,

Postquam cum Veneti uirtus animosa Senatus

Carrigenam delere domum cupit, obsidet urbem

Euganeam belli ductor, castrisq. locatis

Ad Bassanellum, cum iam prope uictor haberet


In manibus Patavum, melioris adauclæ triumphis

Gaudia, peste suum est corpus rapiens uocatus

Phoebus adorato Christi dum uoluit ab ortu.

Lustra ducenta unum, & centum quater autens annis

Tertiaq. Ocl. ubi lux infaustissima fulget.



P E T R V S . N A V A R R V S



PETRVS Nauarrus, ex patria nomen adeptus, quae ad Pyrenaeos montes adiacet, in excursionibus maritimis exercitatus, atque agendis sub terra cuniculis sagax, ubi in Italiam uenit, in Lunensi proelio stipendia fecit. Inde ad maritima certamina rediit. Post, ad terrestres pugnas reuersus, pedestris copiae ductor, in bello Neapolitano, sub Magno Consaluo, aduersus Gallos tantum est nominis cōsecutus, ut plane hostibus formidolosus uideretur. Praeclara quidem ad Canusium, ac Tarentum gesta; sed illa admiranda, cum Megaris insulae duris affixa scopulis propugnacula immissis tormentarij pulueris fomentis, obstructisq. spiramentis, oblucente flammaram ui, ueluti a suis sedibus conuulsa, contremiscerent. Quod ubi uiderunt pallentes Galli, ceteris relictis praesidiis, facile concesserunt. Quo mortalium ingenium non peruadit? Ipsas cauernas subiens uis ignea, naturamq. imitata, quae praecclusis flatibus terram concutit, maiori quodam impetu conuulsos montes, atque in aera sublato, disiecit, & effundit. Itaque inusitatum temporibus illis conatum admiratus Consaluo, Alueti opidi prope Lirim comitem Nauarrum creat. His uirtutis militaris insignibus imperator in Mauritaniam traiecit: quam regionem felicissimis euentibus excurrens, in Numidiam uenit, atque, amplissima Africana spatia praeteruectus, Lepti expugnata, innumeras terra, mariq. uictorias reportauit. At, post reditum in Italiam, minus fauste res ceciderunt in Bononiensi obsidione, ac Rauennatum. proelio captus, per biennium in Gallia detentus, cum spes nulla redemptionis affulisset, operam suam Francisco Regi locauit. Pro quo Caesarianos, Venetosq. acriter oppugnauit. Hoc tempore adfuit quoq. Triuultius: cuius licet alibi a nobis uirtus monumentis aliorum exēplo tradita est; est tamen aliquid, quod in hoc ipso bello sileri non potuit. Is, una cum Petro Nauarro, cum per Argentarium montem aditum sibi fecisset, in Heluetios obstinate repugnantes ad Marignanum irruerat. Hic Triuultius, ad clementiam Regem adhortatus, plurimos ille eius consilio uita, innumeros libertate donat. Nimirum haec est uirtus, quae cum semper,

tum maxime in bello accensis animis semper laudata est: Temperare uictoriam, maius est, quam uicisse. Huius moderationis est, subiectis parcere, hosti ignoscere, dominari furori, nec solum fortia castra, sed uictores uincere. Haec eam meretur gloriam, cuius fructum non miles, non centurio, non ipsa cohors decerpit. Est recentioris memoriae, quod dicam; rarum tamen, & eiusmodi, ut omnibus exēplis, quae omnis tulit aetas, iure conferri possit. Alphonfus maior, qui fuit Siciliae, & Apuliae Rex, uictus nauali proelio a Genuensibus, ad Pontias insulas, cum aliis clarissimis ducibus, qui Aragonum partes tenebāt, Philippo Vicecomiti a uictore Ligure traditus; (erat enim tunc temporis Graua ditionis Vicecomitum) non modo non hostile quidpiam est ab eo passus, sed, amice, & Regaliter habitus, amplissimisq. muneribus donatus, cum suis omnibus incolumis dimissus est. Quae apud nostros dum narramus, antiquiora, & externa praeterire nō debemus; praesertim cum eiusmodi legamus, quae nos exemplo suo instruant. Itineris continui labore, animiq. aegritudine fatigata, inter socrus, & Virginum filiorum manus; collapsa erat Darij uxor, deinde & extincta. Id ipsum nuntians superuenit unus. Et Rex haud secus, quam si parentis suae mors nuntiata esset, crebros edidit gemitus, lacrymisq. obortis, quales Darius profudisset in tabernaculum, in quo mater erat Darij, defuncto assidens corpori, uenit. Hic uero renouatus est maeor. Ut prostratam humi uidit recenti malo, priorum quoque admonita, receperat in gremium adultas Virgines, magna quidem mutui doloris solatia: sed quibus ipsa deberet esse solatio. In conspectu erat nepos paruulus, ob id ipsum miserabilis, quod non dum sentiebat calamitatem, maxima ex parte ad ipsum redundantem. Crederes, Alexandrum inter suas necessitudines flere, & solatia non adhibere, sed quaerere; cibo certe abstinuit, omnemq. honorem funerali patrio, Persarum more, seruauit, dignus herede, qui nunc quoque tantum mansuetudinis, & continentiae ferat fructum. Semel omnino eam uiderat, quo die capta est, nec, ut ipsam, sed ut Darij matrem uideret, eximiamq. pulchritudinem formae eius, non libidinis, habuerat incitamentum sed gloriae. Quid uero de Dario ipso? Ad corpus demortui perueniens, tam indignanti illo fastigio mortem lacrymis prosecutus est; demptaq. sibi chlamyde, corpus illius contexit, at-

que Regio ornatum cultu ad matrem Syfigambin patrio, Regio-
que more sepeliendum, atque Regijs maiorum suorum tumulis
inferendum, misit. Haec quidem non minora pietatis officia,
quam captiuos dimisisse, quibuldam uideantur. At Nauarrus,
re infelicitè gesta, in Ligustico bello, non nisi post triennium, ab
ea arce, quam ipse sua manu ceperat, liberatus est. Inde, una
cum Lotrecchio, ad Clementis VII. defensionem a Borboniana
obsidione Romam properat. Hinc, cum primum Neapolim re-
diit, tunc in exercitu grassante, in hostium insidias incidit.

Iterum, quod sane miserandum fuit, in idem castrum

coniectus, ingenti animi dolore, accedente

etiam carceris paedore, iam tertium erga-

stuli spatia emensus, senior, ex his

humanae uitae carceribus solu-

tus animus, ad metam se

se morte subduxit,

circa an. Chri-

sti Mil-

lesimum quingentesimum

uigesimalum octa-

uum.



PROSPER . COLUMNA



PROSPER Columna, Paliani dominus, clarissimus sui temporis Dux, maximo fuit in rebus militaribus consilio, constanti, & moderata animi uirtute, iusti, atque honesti cupidus, in militia ualde exercitatus, & peritus. cautus erat, & prudens, nec inimicis occasionem praebebat sui opprimendi; in agendo tardus admodum; ut merito Cunctatoris nomen ei deberetur: maxima laude fuit dignus, in bello, consilio magis, & prudentia, quam ense, usus. similis fuit Fabio Maximo, qui, cunctatione, ac prudentia, Romanam rem, & nomen fere deletum ab Hannibale Carthaginensi, restaurauit. Itaque Hannibalem palam dixisse ferunt: Romani etiam suum habent Hannibalem: & se magis timere Fabij cunctationem, consilium, prudentiam, quam eius enssem. Pari modo Prosper, sua cunctatione, docuit, Dominia tueri extra dimicationem, nisi graui imminente necessitate. Is Carolum Octauum in bello Neapolitano, contra Alphonsum Secundum Regem secutus est: postea; Gallis parum fautoribus usus, Ferdinando Secundo, Altonsi patris successori, se adiungit; & in urbe Neapolitana, alijsq. permultis ciuitatibus recuperandis, ac Gallis e Regno depeilendis, acerrime dimicauit. Hinc, Ferdinando Rege assentiente, ad Maximilianum Sfortiam iuit; Duxq. Sfortianarum copiarum declaratus, cum equitatu ueterano, Hispanorumq. cohortibus quattuor, Cremam accedit, eamq. obsidione cingit, atque Bergomum post paullo capit. Restauratis Sfortianis, una cum alijs Columnensibus, Vrsinos aggressus, & apud Eretum pugnans, eos fregit. Postea ad Consylium Cordubam, qui pro Rege Catholico in Neapolitano Regno cum Gallis conflixerat, se contulit, & ad Cannas magnam meruit laudem. Ac quidem tunc laude maxime dignus, cum in Apulia tredecim equites Italos, a totidem Gallis ad singulare certamen prouocatos, tam bene instruxit, ut clarissimam retulerint uictoriam. Solitaq. est usus uirtute in proelio ad Cirignolam, & quando Capua, Auruncaq. captae sunt; ac cum, ad Lirim,

Gallis fractis, paullo post iterum eos Regno cedere coegit. Inito postea foedere inter Leonem Decimum Pontificem, Caesarem, Regem Catholicum, & Angliae Regem, contra Franciscum Galliae Regem, & Venetos, a Rege Catholico, cum aliis praeclarissimis Ducibus, Vgone Cardonio praecipuo, in Insubriam missus, Patauinum omnem agrum, & Vicetinum, nullo prohibente, populatus, cum audisset Liuianum cum exercitu aduentare, cum Cardonio, productis castris, duobus passuum millibus a Patauio confidet. neque enim propius castrametari licuerat, quoniam Veneri per id tempus, quod uacuum a bello, atque ab hoste otiosum fuerat, Patauium, tamquam belli arcem, & Venetiarum propugnaculum, mirabili studio communiuerant. Ob id Cardonius, & Prosper, fossam, per quam tuto copias, atque tormenta ad murum perducerent, facere instituunt, ea quidem ratione, ut egesta humus in laeui margine aggerem faceret, atque altitudine sua commeantes milites ab omni missilium iniuria tueretur. ita ex tuto moenibus appropinquare, uineas agere, &, nouis operibus obiectis, muralia tormenta subuehere posse confidebant; sed peracta iam aestate, Cardonius, & Prosper, nequidquam opugnatione tentata, ad Albaretum prope Athesim castra reducerant. Quo facto, Cardonius, omnibus difficultatibus cognitis, ad milites concionem habuit, in eamq. sententiam uenit, ut, hiems cum esset, omnes ciuitates maritimas deuastarent, ac omnia ferro, igniq. popularentur. Duces uarie de hoc sentiebant: unus Prosper, qui, uirtutis militaris, inueterataeq. prudentiae fama, (quamquam ad Cardonium summa imperij respiceret) cuncta prope in eo exercitu administrabat, cunctator natura, & cui belli casus, atque euentus maxime displicebat, multis rationibus Cardonij consilium improbauit, immoderatam eorum fortitudinem, qui temeritatem pro disciplina sequerentur, coarguens. atqui ab euentu apparuit, Prosperum, qui temeritatem susceptae expeditionis damnauerat, uatem futurum, si effusior imber superueniret: Patauium postea, & Crema obsidione cinxit, & in Vicetina Venetorum profectione, & in Bergamo recuperando maximam est laudem adeptus, Caroli Quinti, aliorumq. Principum confoederatorum

**Dux cretus, contra Franciscum Galliae Regem, Venetos, &
Genuenses, Mediolanum, tunc sub Gallorum ditione,
expugnauit, Lotrechio ad Bicoccam superato, quem
ab Insubria depulit: maximoq. honore Ge-
nuam, Mediolanensemque agrum**

inuadens, ibi, per aliquot

diebus, Gallorum exercitum

destruxit, cui, Boni-

ueto

Admiralo eorum duce, obstitit, &

iam sexagenarius obiit, anno

communis salutis Millefi-

mo quingentesimo

uigesimo quar-

to



ROBERTVS

R. E. X. N. E. A. P.



ROBERTVS, tertius natu Caroli Secundi, disciplina militarem sub patria potestate edoctus est; quo magistro, adolescens bella uaria in Sicilia, aliisque regionibus, gessit. Et uero animi magnitudinem, uitaeque splendorem Regium, aemulatus filius patrem longe superauit. Is, prius quam in Galliam Narbonensem discederet, a Clemente Quinto Pontifice Maximo, qui tunc Auiatione morabatur, patre defuncto, Neapolitani Regni successor renuntiatus est. Quamquam, in ea possessione adeunda armata manu aditum sibi facere coactus, breui, Guelfae factionis nomine, cuius se principem fecerat, paternum Regnum adeptus est. Cum uero ad Florentina praesidia confirmanda aduersus Gibellinos magnas copias transmisisset, in memorando ad Montecasinum conflictu, in quo Guelforum robor attrita uniuersae Italiae lacrymas excusserunt, fratrem, duosque fratrum filios, desiderauit. His casibus minime teritus Robertus, in Liguriam uenit, maximo nobilitatis comitatu, sub nostrae salutis annum Millesimum trecentimum decimum octauum. Itaque Genuam a Marci Vicecomitis, Matthaei Magni filij, ductorisque Gibellinae factionis, obsidione liberat. Hic ex ipsis muris ciuitatis hostem, quem sex mensium spatio strenue sustinuerat, depellit. Postea, in Galliam profectus, Ioannem Pontificem conuenit, cum de foedere uerba fecit. Ex quo tantam est apud omnes nominis famam consecutus, ut Florentini Carolum eius filium in Principem postularint. Hoc tempore Ceccum Asculanum in foro combustum fuisse, referunt. Neapolim reuersus, plurima praeclare gessit. utque eius in armis uirtus antea semper eluxerat, ita in religionis cultu pietas potissimum enituit. Nam portubus, aquaeductibus, arcubusque partim substructis, partim restructis, amplificatisque, ad pia monumenta construenda animum appulit, quae posteritas omnis est admirata. Videmus templum, Sanctae Crucis nomine, in quo eius uxor condita est. Exstat aedes Sanctae Clarae

in Gallia Narbonensi, & in agro Hierosolymitano S. Mariae
 Montis Sion nuncupata. Praeclarum Principis studium, ac no-
 bilissimum exemplum. Belisarius, ut legimus in Bibliothecario,
 Guintarich perempto, deiectisq. Vandalis, S. Iuuenali templum
 uouit, idemque fundis in Hortino dicauit sub Vigilio Pontifice
 Maximo, petrius manus, ubi Romani uenit, auream crucem,
 centum librarum, ut scribit Paullus Diaconus libro septimo hi-
 storiarum suarum, pretiosissimis gemmis exornatam, in qua ui-
 ctorias reportatas descripserat, S. Petro obtulit. Fuit etiam Ma-
 thildae, feminae insignis, pietas. Sed, quod pertinet ad hoc pium
 structurae opus, clamant & ueterum, & nostrorum templa Deo
 Opt. Max. dicata, qui dum eiusmodi curant, non tam in his ter-
 ris futuris saeculis exemplum, quam in caelesti patria, in omnem
 aeternitatem duratura erigunt monumenta. Quod ij maxime
 consequuntur, qui non ex eiusmodi fabricationis genere inanem
 strepitum, uulgiq. opinionem, quam uberes Christianarum uir-
 tutum fructus, quaerunt. Id de Roberto Rege uere dici potest,
 quo nemo maiora pietatis in illis regionibus argumenta reliquit
 se dicitur. Cum uero pietati studium disciplinarum adiunxisset,
 nihil erat, quod in eo Principe posses desiderare. Haec est illa
 oblectatio, haec felicitas imperandi, ut quia pii peccata auerfan-
 tur, quia prudentes iuste gubernant. Quod igitur Plutarchus sua-
 debat Principi, ut cum philosopho disputaret, Robertus, se-
 cutus Franciscum Petrarcham, uirum eruditissimum,
 cui lauream promiserat, eiusdemq. discipulum
 Ioannem Boccacium, familiariter ad collo-
 quium adhibebat, quorum amborum
 monumentis editis gloriam ma-
 iorem, quam ex armis, re-
 tulit. Decessit, plane
 senex, Regni sui
 anno tri-
 gesimo tertio, Christi nati Mil-
 lesimo trecentesimo qua-
 dragesimo se-
 cundo.

ROBERTVS

SANSEVERINVS



ROBERTVS, Sanseuerina familia in regno Neapolitano clarissima ortus, primum sub Alphonso Primo Rege disciplinam militarem didicit; post cuius obitum Ferdinando Primo, qui ei successerat, non minus carus fuit. Nam is hostes, qui in Regem contrauerant, persecutus, Calabros Regi subdidit. Hinc in Apuliam uenit, in qua ciuitates illi Coronae subiectas in fide retinuit, ac conseruauit. Postea Salernum obsidet, Amiternum occupat, omnemq. late regionem Neapolim usque Regi tradit. Quae altera Sicilia, a Trinacria, Scyllae, ac Charybdis paruo freto discreta, dicta est. Huius in continenti sitae amplius quam tres partes supero, atque infero mari alluuntur. Quod reliquum est, montibus, ac fluminibus a reliqua Italia determinatur. Longitudo a finibus agri Reatini, quem Umbilicum Italiae uocant, per Aquilam, Maritorum urbem, usque in Bruttios, & Leucopetram, millibus pass. circiter quadringentis protrahitur. In qua ceterarum Urbium primaria Parthenope est, quam Augustus Neapolim nuncupasse dicitur, licet olim Capua, nondum Romanorum, aut Hannibalis armis uexata, primatum gereret. In hoc ambitu terrarum, sedato tumultu, Robertus, honorificis condicionibus, uocatur a Galeatio Sfortia, Duce Mediosanensem. Quo defuncto, superstes uxor, Calabri hominis consilio, qui illi erat a secretis, Lodouicum Sfortiam, Morum nuncupatum, aliosq. eidem sanguine coniunctos, in exilium compulit. Is erat Lodouicus, cui cognomen Moro ab insigni fuit, in quo gestabat arborem eius nominis, quae non prius efflorescere soleat, quam hiemis iniurias effugerit; ac tutum fetum ocissime edat; quasi id sibi indigum esset, mature consilia suscipienda, deinde celeriter explicanda. quod idem uetus illud, Matura lente, indicabat. Quamquam, in tanta opione prudentiae, minus ceteris sapere uisus est, in eorum numero ponendus, quos in leuissimis superstitiosos, in grauib. delirantes, agnouimus. Huius igitur aleam sequi coactus est prudentissi-

dentissimus Robertus. Itaque se in Ligūriam recepit, & Genuae, quae tum primum libertate potiri coeperat, confedit. Interea Mediolanenses, parato exercitu, Genuam occupare cogitant. Hac occasione, Genuenses Robertum militiae ducem sibi elegerunt. Fit conflictus acerrimus: ad quindecim millia hostium caesa numerantur; qui superfuerant, omnes, fusi, fugatiq. sunt. Adhaesit hoc tempore Roberto Lodouicus Morus; quo duce, castra plurima capta sunt. His in Senatum Mediolanensem relatis, statutum est, plena concione, de Mori in Urbem reuocatione. Itaque, non multo post, excipitur in patriae sinu, ingenti plausu, comite Roberto, ceterisq. exsulis. Quamquam Sanseueri no breue id fuit, ut esse solet in rebus humanis felicitas. Eijcitur eam ob causam uir generosus, quod eius fama in bellis gerendis Principis ipsius gloria quasi obscurari uideretur. Sed is, dum prudentiae uim simulationis artificio singulari praemuniret, in expugnatione Nouariae, captus a Gallis, in Locensi turri, erepto scribendi solatio, carceris pedore necatus, professus est, se id a Deo uindice pro ueteribus delictis iure passum. Interea Veneti ad se traxerant Robertum, quem aduersus Herculem, Ferrariensium ducem, imperatorem esse uoluerunt. Verum, eius prudentia pace consecuta omnium Italiae Principum, communi eorumdem consensu Generalis acclamatur: quae dignitas singularis fuit; & quam inter tot duces, quos legimus, pauci sane consecuti sint. Non multo post, motis Venetorum castris, ad fines Apuliae conuolat, ubi, facto conflictu, Regem Neapolitanum annuum censum Innocentio II X. familia clarissima Malaspina reddere renuentem, persolvere coegit. Deinde omnem conatum adhibuit, ut ab Austriacis ablata opida Venetae Reip. restitueret. In quo consilio socium habuit filium, patriae gloriae aemulum. Is erat Antonius Maria, qui fortissimum quemque ad Callianum Vicum ex Caesarianis ausus fuerat ad singulare certamen prouocare. Prodiit Georgius Sonebergus, prodiit & Sanseuerinus filius, qui, effracta subito in hostem hasta, equi uelocitate in saepa impegerrat. Urgebat eques Germanus. Ille, cum ex legibus, equum ferire prohiberetur, enssem ex aduersarij manibus extorsit: tantum potuit in rebus dubiis non modo uis, sed ingenium. Germanus, educta claua ferrea, in hominem acrius irruit. Arguit Sanseuerinus Germanum iniqui certaminis. Ille, equo desiliens,

parem pugnam init. Sed ecce iacent humi ambo. Iam plane Germanus se uictum professurus erat, compressus Sanseuerini armati pondere, cum, casu comperto ad crus Itali pugione, punctum uictorem ex aduerso inclunibus cedere institit. Cessit Sanseuerinus, cum iacenti, ac semiuiuo hosti sors uictoriam peperisset; atque arma hostilia ipsi hosti decus praeripuissent. Non multo post hoc certamen Robertus pater, in Caesarianos animatus, Tridentum properabat, eius Urbis sibi promittens uictoriam, cum inter pugnandum urgentibus aduersariis, ad Athesis ripas adactus, in Athesim ipsum pugnans, equo uectus, concidit. Casus notatus in Fastis I V. Idus Sextilis, Millesimo quadringentesimo octuagesimo septimo. Eo loci Sigismundus Imp. in perpetuum eius uictoriae testimonium, quam die sacro S. Laurentij retulerat, eiusdem nomine aediculam eo ipso in loco substruxit.



RVDOLPHVS . PRIMVS

IMPERATOR



RVDOLPHVS, Comes Habsburgensis, probatae uirtutis adolescens, familiam suam, licet nobilissimam, maxime illustrauit: uerum, praec omnibus ornamentis, eum in primis pietas extulit. Accidit inter uenandum, dum per montium amfractus, ac deserta Germaniae nemora damulas insequitur, quarum frequens est usus iis in regionibus, ut sacerdotem, ad uillicum sacram synaxim deferentem, inclementi caelo conspicaretur. Equo desiliens, conscendere Vici Curionem persuasit. Ipse uero dux, arrepto freno, imbre madidus, nudatoq. capite, ad mapalia uenerabundus accessit: post domum redeuntem omni humanitatis officio comitatus est. Quae pietas quam grata fuerit Deo Optimo Maximo, ea, quae secuta sunt, futuraque in omnem posteritatem in ea familia digna omni laude, & admiratione dignitatis insignia fidem faciunt. Cum igitur de Imperio decertaretur, consentientibus uotis Francofordiae Imperator electus, Aquisgrani Coronam accipit Millesimo ducentesimo septuagesimo tertio anno humane salutis. Postea, Octocaro, qui imperata facere recusabat, bello subactio, Regnum Boemiae sibi subdit. Hic, dolens, nobilissimam Boemiae ditionem Imperatori fuisse concessam, iterum bella suscitauit; uerum breui factum est, ut, utrimque coactis copiis, equo deiectus, Octocarus ab Imperatoris seruo occideretur. Reliqui, partim fusi, partim necati, Rudolpho uictoriam reliquerunt. Austria confirmata sub Imperij maiestate, Albertum filium Austriae Ducem creat, unde Austriaci Principes longo ordine stirpe clarissima existisse dicuntur: Rudolphus, minime elatus triumphis ab exteris reportatis, suam etiam Germaniam, tunc temporis tumultuantem, ac laticocinis foedatam, purgabit, praedonum arcibus, tamquam infamibus scopulis, ad sexaginta funditus euersis; sublatisq. sicariis, qui per regionem illam, sub tanto Principe florentissimam

rentissimam, liberius debacchabantur. Hinc ad Aeduos profectus, immanem illam belluam, quae, simulato Friderici nomine, circumcursabat, exercitu collecto, captam, flammis damnat. Princeps certe omni laude dignissimus, qui non modo Italiam perturbare non sit ausus, sed hunc quoque, Friderici Secundi falso cognomento in Italiam se se insinuantem, penitus sustulerit. Id ad cumulum laudum tuarum, Rudolphe, ad insignem gloriam rerum a te gestarum addatur, quod numquam ad nos uingrediundi consilium ceperis. Exstat uetus apologus, quem ille iactare solebat. Aegrotantem se finxerat Leo, inter bestias ferocissimus. Ad hunc, quasi ad Regem, ceterorum animantium fiebat concursus. quorum ut erat ingens in accessu numerus, ita ne signum quidem redeuntium apparebat. Sola uulpes uafra salutationis officium praetermiserat. In iudicium uocata, egregie causam dixit; dubitare se uehementer, quod nulla retrorsum uestigia apparerent; cum accedentium tam multa essent impressa. Sic sane, eorum, qui in Italiam furentes uenissent, Italiam ipsam sepulcrum exstitisse. Fuerit Italia exterorum tumulus, qui, caeli clementia, ac bonorum omnium in ea copia allekti, potiri conati sunt. Exstincti ab ultimis terrarum partibus auulsi Vandali, deleri Longobardi, Hunni, Gothi, & quotquot siue ex Septemtrione, siue quibuscumque locis, ad has felicissimas sedes conuolarunt, attriti sunt. Cum leges, maiestas diuina, & humana, omnia hostibus tradita uiderentur; eorundem cladis non lex, sed eorundem libido finem fecit. At Rudolphus, Princeps alioqui pius; & clarissimus, nisi auaritiae maculam non nulli adspicerent, Comitem Wirtembergensem Eberhardum inuasit, Stuttgartadium obsedit: sed causa deinde per Episcopum Moguntinum transacta est. Dum praeclara molitur Rudolphus, inuitatus a Summo Pontifice ad Sacrosancti, & augustissimi Sepulcri restitutionem, inter concepta uota, ad immortalem Hierusalem iter parat, relictis nostris saeculis tam insigni uictoria. Prouidus senex huius uitae exitus, Principibus Viris Francofordiam accitis, Albertum filium Romanorum Regem designare contendit. Id illis renuentibus, Argentinam profectus, inde Erfordiam, ubi aegrotare coepit. Hinc Spiram, ueluti

ad tu.

ad tumulum, mortales depositurus exsuuias, properans, in Gersheim diem ultimum claudit. Hinc Spiram humeris totius nobilitatis deducitur, ubi sepultus est
 ætatis anno septuagesimo tertio, Imperij
 decimo octauo, ab optatissima concessa diuinitus salute Mil-
 lesimo ducentesi-
 mo nona-
 gesi-
 mo primo.
 mo.



SFORTIA. COMES



NATUS est Sfortia Cotignolae, ueteri Togatae Galliae opido, in Flaminia, matre Elisa, fecunditate admirabili, quae uiginti liberos ad arma ediderit. Lustrico die, rite sacro fonte abluto puero, Iacobi, & Mucij nomen inditum est: quāquam, priori oblitterato, posterius retinuit, donec, ab ingenij, uiriumq. indomito quodam uigore, Sfortiae cognomen tulit. Hic, primum, apud Boldrinum, qui Pontificiae militiae sceptrā tenebat, tirocinio posito, ab Alberico Barbiano, Brolio, & Aucutho, illustri fulgure, secunda fama ita militauit, ut semper uberiore stipendio, & maiore praefectura dignus haberetur. Primus autem Albericus equitum cataphractorum ordinem instituerat, adinuento conclusae, duplicisq. galeae genere, quod Gothico nomine Elmetum uocamus. At Brolius Brandolinus Foroliuiensis, egregius copiarum sui temporis dux fuit; primusque, eiectionis Theutonicis, ac Gallicis, ceterisq. ducibus externis, ut Pij Secundi Pont. uerbis utar, Italicam militiam ad eorum temporum splendorem restituit. Sfortia, dux summus, operam nauabat Gregorio Duodecimo, Alexandro Quinto, & Ioanni Vigesimo tertio, a quo, insigni liberalitate, pro quattuordecim millibus aureorum, in rem Sedis Romanae impensis, Millesimo quadringentesimo undecimo, Cotignolam patriam dono accepit. Erat sane adolescens, cum, militum praefectus a Florentinis creatus, cum Ioanne Galeatio dimicans, Pisanos subdidit. Apud Aquilam, uictor captiuos omnes una uoce liberat, bello sine suorum sanguine confecto. Quo exemplo adducti, Iulius Caesar Capuanus, Carolus Martianus, & Christophorus Caictanus restitutis urbibus, ac opidis, ad Reginae imperata redierunt. Est etiam memorabilis ea acie, qua ad Seberthi amnis pontem iuxta Neapolim pluribus horis dimicauit. Quo tempore auctore Martino Pont. reducebat Sfortia Lodouicum Andegauensem in auxilia, paternaq. iura. Ac in proeliis Neapolitanis tantum intrepidi ducis nomen est consecutus, ut Neapolitanis ualuis Regis uexillum imposuerit. Quo facto, Alphonsus exclamauit, se Sfortia fortiores uidisse neminem. Tanta nimirum est uirtutis uis, ut uel

hostes ipsos conciliet. Itaque, in Alphonſi, ac Reginae gratiam
 reſtitutus, praeter dignitatem priſtinam Comeſtabilis, dono etiã
 Apenenſem accepit. Deinde Ladilaum Regem, ac Braccium, ar-
 cem Hadrianam prementem, Ioannae Reginae copiis repulit.
 Locauerat ad Appiam uiam caſtra ſua Sfortia, cum miſit per prae-
 conem ad Braccium cruentem chirothecam. Eundem Martini
 Pont. auſpiciis inſecutus, in expugnatione Capitonis, celebris
 olim noſtrorum Roſciorũ uillae, uitae periculum maximum adiit.
 Inde ad mirandum Planci ſepulcrum hoſtium inſidias ſuperauit.
 Cauſſa autem inimicitiarũ inter Braccianos, ac Sfortianos hæc
 refertur. Quod, Sfortia, ad Beneuentum, in carcerem coniecto,
 Braccius opida in Tuſcia inter Caſſiam uiam, & Aureliam, Sfor-
 tianae ditionis, Tartaliae occupanda tribuiſſet. Interea iterum
 ſubortae lites inter Alphonſum, ac Ioannam Reginam. Aduolat
 eo Sfortia; fractiſq. hoſtibus, ac ductis captiuis uiginti tribus ex
 flore nobilitatis, ac ſexaginta equitibus, maximeq. abacta prae-
 da, Reginam defendit. Pro quo inſigni beneficio dono accepit
 Tranium, ac Barlettam, nobiles Apuliae urbes. Hinc factum eſt,
 ut Ioanna, repudiato Alphonſo, Aloyſium ſecundum in filium
 adoptauerit. Fuit uero Sfortia inſigni pietate, qui Boſſum pa-
 truem ex caſtrenſi per hiemem fatigatione neruis conuulſum di-
 ligentiſſime fouerit, elatumq. apud Spoletum inſigni pompa fra-
 trum intulit ſepulcro. Properabat Sfortia ad Aquilae deſenſio-
 nem III. Non. Ianuarij, cum in ipſo honorum curriculo raptus
 eſt. Anxano Vrbe, & Buccianico, Millionicoq. deiectus, Buccij
 praefidiis Orthona peruenerat, ubi, inſigni religione, Natali Chri-
 ſti optimi celebrato, ad Aeternum amnem contendit. Is hodie a
 Piſcara opido nomen habet. Ad oſtij fauces uado pertentato,
 Franciſcus, Sfortiae filius, aliiq. armati, cum ſexcentis equitibus,
 amnem tranarant, ſequente mox Sfortia, qui, eo ruſus equum im-
 pellens, ut exemplo trepidos milites irritaret, dum armigero pue-
 ro periclitanti protenſa dextera opem affert, coenoso ſubi-
 dente uado, grauantibus armis, ſibi & mortem, & tumu-
 lum ſtruxit, cum bis armatam manum ſuſtulſſet
 annum quinquageſimum quartum, ſalutis
 humanae Milleſimo quadringen-
 teſimo uigeſimo
 quarto.

SIGISMUNDVS

MALATESTA



SIGISMUNDVS Pandolphus Malatesta, eius Pādulphi filius spurius fuit, qui, Bergamo, ac Brixia potitus, Comum, imperāte Insubribus Io. Maria, uastauerat. Quae urbs clarissima, redi uiuis, maioribusq. opibus, non secus, ac Roma Neronis incēdio, resurgens, potissimū nobilitata est Iouiano Musaeo, in qua pleraeque clarorum in armis, ac litteris uirorum insignia, elogiaq. spectantur longe elegantissima. Fuit ibidem celebrata Plinij platanus, qua parte Musaeum assurgit; ut ad Iouis Hammonij collem fons, Plinij quoque nomine celebris, est, unde ille se spectasse ait lacum Vadimonium, item dignissimus, qui Iouis stylo, una cum soceri sui uilla, illustraretur. Reuertor ad historiam. Ariminum ciuitas est splendidissima, in litore Hadriatici posita, ubi Eridani planities terminat, ad meridiem uergens. Hic natus Sigismundus, ab ipsis, ut Graeci dicunt, unguiculis arma insigni cum laude tractauit. Nam, concertante Io. Malatesta, ex stipite Paulli, Glagiolii, ut loquuntur, Comitum, nomine, aduersus fratres, quos intra domesticos parietes detinebat supra aetatem, uix enim agebat annum tertium decimum, contento cursu Caesenam aduolans, collectis copiis, eodem die periclitantem patriā, ac suos conseruauit, Caesenamq. in fide retinuit. Deinde Alphonso Regi operam suam nauauit, sub quo mille & octingentos equites, ac pedites sexcentos duxit. Ab Alphonso, prout ferre solet rerum humanarum uarietas, se ad Florentinos transtulit; a quibus summum militaris imperij decus consecutus est. Defuncto Alphonso, ac Picinino, per agrum Picenum pro Andegauensibus aduersus Ferdinandum Alphonso filium castra mouenti, acriter restitit; eidemq. quasi se murum opposuit, dum in Umbriam irrupere omnibus artibus tentat. Quo tempore pro S. R. E. exercitum ducens circa Liuij, Cornelijq. Forum plurima castra in rem Romanam restituit. A Pontifice adhaeret Florentinis Millesimo quadringentesimo quadragesimo septimo; quibus opida omnia, quae Alphonso, Ferdinandi pater, ademerat, recuperauit.

perauit. Hinc suppetias uenit Populoniae in Etruria; post, Eloquentino exercitu, Venetis auxilia praestat, in Cremae obsidione; a quibus Princeps exercitus creatus, ad Peloponnesum profectus, Spartam, urbem celebrem, acriter oppugnat. Inde se se Mantineam, Arcadiae urbem, recipit, ubi partes omnes, quae in duce requiruntur, cumulatissime persoluit, usus prudentia, ac uigilantia, in rebus agendis, singulari. Venetiq. exercitus imperator, cum Mahumete, Scytharum Tyranno, decertans, Peloponnesum, Graeciae prouinciam, illi Reip. subegerat. Hinc in patriam cogitans; diu deliberationem distulit. Nouerat dux insignis, terum suarum se absente euerfionem. Retinebant illum procul ab Italia Venetorum commoda, quorum res, se recedente, in periculo fore praeuidebat. uicit tamen patriae caritas. Sed, antequam ex eo litore solueret, qui uiros studiosos fouerat semper in patrio solo, etiam inter arma, in exteris, aridisq. cineribus, declarauit. Secum ille Themistij Constantinopolitani, quem acceperat post Aristotelem Graecorum doctissimum fuisse, ossa in Italiam transferenda curat; eaq. Arimini in templo magnifico, inter praeclara opera, S. Francisci nomine, uariis tormentis, & picturis intrinsecus, & extrinsecus illustri, construxerat, marmoreo tumulo condidit; qui ad hunc usque diem perdurat, hoc plane epigrammate, quod dignissimum uisum est, ut Sigismundi elogio insereremus:

*Themistij Byzantij philosophorū suae tempestatis Principis reliquū
Sigismundus Pandulphus Malatesta Pandul. filius, belli Pelop.
quod aduersus Turcarum Regem Imp. ob ingentem eruditorum, quo
flagrat amorem huc afferendum, intromittendumq. curauit*
C D C D L X V

Nam is ita litterarum amantes complexus est, ut & domi liberalissime aluerit claros in armis, & oratores, ac poetas, eisdemq. ad familiares congressus saepe adhibuerit. De eo uno plura leguntur in hoc genere magna, quam in pluribus reperias. Io. Antonius Campanus, Braccij uitam fusc. descriptam Carolo Fortebraccio filio oblaturus, forte Arimino iter fecerat. Is fama dumtaxit Sigismundo notus fuerat. Hominem e publico hospitio in aedes a se honorifico cultu substructas una cum comitatu sublatum Regio apparatu triduo detinuit. Abeuntem uero ab electa cohorte usque ad Apennini iuga perductum itineris incō-

moda magna ui auri subleuauit. Quibus saeculis aureis Bessario Cardinalis, omni memoria dignissimus, cum se uiri docti inuiserent, comitante aula ad fores usque prodibat obuius: tantus honos uirtuti debitus exhibebatur. Sigismundus, qui uirtutem in aliis ornat, a Sigismundo Imp. ipse quoque in foro Ariminensi eques creatus est, cum is in Vrbe Coronam ab Eugenio accepisset, febricula correptus, mortalem se, atque in primis Romanae Sedis filium agnoscens, certus beatæ uitæ, ea omnia præstisse dicitur, quæ Christianum hominē decerent. Gesserat enim ille cum Pio Secundo, pro re sua, quæ sæpe etiam sapientes fallit, graues inimicitias. Diuino beneficio factum est, ut tantum illi uitæ concederetur, donec, ab Vrbe Roma absolutione mutua perlata, acceptis omnibus Ecclesiæ rite sacramentis, pie ab hac uita ad meliorem, ut speramus, decessit, uix Princeps Ariminensium, qui a maioribus suis hereditario iure Vrbes quindecim, castraque ducenta accepisse dicitur. Sepulcrum in templo Sancti Francisci a se erecto dextrorsum ingredientibus indicat Sigismundum obiisse VII.

Idus Octobr. ætatis anno quinquagesimo primo, humanæ salutis
Millesimo quadringentesimo sexagesimo octauo.



STEPHANVS . COLUMNA

PRAENESTINORVM . DOMINVS



STEPHANVS Columna, Iulij Caesaris, Praenestinarum Principis, pater, quem filium unicū, pōst alios multos auorum imitatores, qui ad aeternam gloriam praecurrerunt, Romana Vrbs superstitem colit. Id nomen consecutus Stephanus, quod & coronam, & eum referat, qui Tribuno Pleb. Rentio, eiusdemq. aemulo Varoncello Tyrannis, domitis, patriae redditus, a qua, odio nobilitatis, pulsus fuerat, Vrbi quietem, ac Capitolium suum decus restituit. Hic est, qui, cum in armis consenuisset, hortanti Francisco Petrarcae, familiari suo, ut animum a bello ad otium traduceret, respondit, Romano ad tumulum usque pro dignitate, ac libertate patriae esse dimicandum. Ex huius domo, quae optimorum studiorum, & uerae uirtutis semper domicilium fuit, Stephanus item ortus est is, de quo dicere coepimus. Vt uero hoc quoque natura inter alia illi munificentissima elargiretur, primarias Italiae familias parentes agnoscit, paternam quidem Columnensem, ex Francisco; maternam uero Visinam, ex Visina item, Grauinæ domus nobili matrona. Non igitur illi opus fuit aliunde petere disciplinae militaris rudimenta, qui dominatos praeceptores haberet. Is, puer, supra aetatem, ad omnes pedestres, & equestres exercitationes, tenerum membrorum compagem ita assuefecerat, ut longius circulari, palaestra uti, in arena furentem taurum coercere, aliasq. generis eiusdem domesticas pugnas non modo appetierit ipse, sed etiam inter subditos suos, quibus parentis loco fuit, semper instituerit. Elegerat, ut erat acerrimi iudicii, felici auspicio, Prosperum Columnam, sub quo, multis militiae honoribus clarissimo, non modo in flore illo aetatis spem conceptae gloriae dederit, sed etiam maxima reliquerit argumenta industriae suae. Praeclaram militaris laudis semitam ingressus Stephanus, Philippi Macedonis praeceptum tenebat: Multo consilio bella suscepta, cele-

ritate maxima conficienda. Repetebat pleraque ab antiquis ducibus iactata: ut illa: In bello nihil tam leue esse, quod non magnae interdum rei momentum faciat: Et: Si non laceffantur iniuria, quiescere, si concitentur, pacem bello mutare: eodem, re bene gesta, rursus ad concordiam redire: neque proeliorum prosperitate extolli, neque ex pace otio debere diffidere. His, ac similibus, quae eius artis magistri melius norunt, praeceptis institutus adulescens, Italiae cohorti praefectus, in bello Mediolanensi primum uersatus est. Picocha tribus pass. millibus distat Mediolano, qua parte plurima uiridaria perennibus fontibus, deductisq. riuus amoenissimo, ad prae-irriganda profundis uallis muniuntur. Hic Prosper constitit, locum tutum ratus, ut hostem ab Vrbe excluderet; quod unum ante omnia, postquam ciuitate exierat, semper optabat. Stephanus, ubi conuenit, locum lustrat, castra figit, inuigilat, quam primum hostem adoriri cupidus. Pugnatum est eo ipso in loco. Cecidere in proelio Heluetiorum tria millia, cum decem & septem eorum ducibus. In Caesaris exercitu sane pauci desiderati. Dux unus Io. Cardonensis, Colossani opidi in Sicilia Comes, dum in medio ardore pugnae cassidem eleuat, ut, quid agendum foret, absque impedimento cerneret, sagitta in ipso uultu transfixus, occubuit. Victoria tributa est Columnensibus. Nam, alba cruce, qua Galli utebantur, in rubram mutata, nitebantur una cum Caesarianis castra ingredi; sed, detecto dolo, iubet suos omnes Prosper herbae, aut spicrum, quibus agri tunc referti erant, manipulos capiti imponere, ut sic ab hostibus dignoscerentur. Deinde Murgantus Parmensis pontem Sublicium, quo extra aggeres urbis iter erat, occiso cohortis Centurione, qui in statione erat, Gallis prodere tentans, tres sceleris conscios collegerat. Inter hos, iureiurando Ioanni Ferrariensi, Stephani Columnae a peditatu, praemium, quod ab hoste accepisset, se communicaturum, pollicetur. Ferrariensis, fidei plenus, ut proditoris certior fieret, operam suam liberaliter exponit. Hic, cum cognouisset, quid se facere, & qua hora uellet, exemplo Stephanum Columnam ducem suum adit: req. patefacta, Stephanus, ac Ioannes Medices, crimen una aegre ferentes, comprehensos coniuratos, disquisitione

quisitione per quaestionem habita, criminis reos lanceis ab ipsis militibus transigendos mandarunt. Tanta nimirum fuit Stephani fides, ut ea etiam ad suos quosque infimos pertineret. Sileo expugnationem Genuensem, Caesari tributam operam, ad Frusinonem in Latio data auxilia: quo loco primus in pugna eum pontem occupauit, quem praesidia maxima non modo nostrorum, sed exterorum etiam tenebant. Dicent alij, sacrum foedus Neapolim secutum eius exercitus, cuius infausum exitum Summo Pontifici multo antea praedixerat; & in Insubria Italos cohortatum, ut, si ceteri eundem adhibuissent conatum, penes Gallos uictoria futura uideretur. Praedicabunt, ut pro Republica Florentina ad Sanctum Miniatum, ac Sanctum Donatum, licet in impubio, & in ore duplici accepto uulnere, in uallum hostium ingressus, nisi aliunde reuocatus fuisset, plane obsidione Urbem liberasset. Addent his, ut una cum Admiraglio ab Italia digressus arcis Augustae Taurinorum fundamenta iecerit, secutusq. Franciscum Regem, dum Galliam Braccatam Carolus Quintus bello infestat, inde uitato in se coniuratorum dolo, qui eius gloriae inuidebant, in Italiam reuersus, a Paulo Tertio Imp. Romani exercitus creatus, pro Camerinenfi restitutione, magna cum laude uersatus fuerit. Verum, quod ante haec gestum est, & his omnibus ego praeferre soleo, quodq. futurum est perpetuum apud posteros eius pietatis monumentum, id est, quod in Romanae Urbis obsidione ita hostem detinuit, Borboniumq. coercuit, ut illi uitam acceptam tulerit Clemens Pontifex Maximus, tribueritq. uni, quod tantum temporis sibi esset concessum, ut saluus, ac uiuens in arcem Hadrianam se se reciperet. Quo beneficio, gratus Clemens, dono illi dedit Stronconium opidum, quod est in antiquis Sabinis, in finibus Interamnae, & nostrorum Cardulorum. Sed, ut finis sit, uocatus Stephanus a Cosmo Medice, praeficitur toti exercitui, ac post ab eo pro rebus grauissimis ad Caesarem in Germaniam mittitur, unde insignes ab ijs regionibus in Etruriam honores retulit. Non multo post, dux aeque amantissimus, in omnes liberalis, militum non modo comes, sed socius, & in primis religionis studiosissimus, pro clarissima Medicea familia Pisis, in lectulo cubans, qui toties in armis fuerat, ex bellorum, & longo-

rum itinerum laboribus morbo contracto, ad aeterna praemi properavit. Ductum est funus splendide, habitaq. Etrusca oratio a Benedicto Varchio, oratore celebri, XIII. Kal. Aprilis, Millesimo quingentesimo quadragesimo septimo. Cui ego quoque carmen addidi:

*Haec Stephanum tegit urna, parens maestissima Roma
Optasset patrio quem tumulare sinu.*

*Omne solum patria est, inquit fortissimus Heros,
Defendi & patriam, sim licet hospes humo.*

*Ne lacryma, externum cernis quicumque sepulcrum:
Indiget em caeli me patria una tenet.*



T A M E R L A N E S

S C Y T H A R V M . I M P .



TAMERLANES, in propinquis Maracandae montibus, atque abditis nemorum saltibus, apud Persas, infimae sortis opilio, natus est. Hic ab aequalibus, pastorali more colludentibus, Rex fuerat creatus. Iuramento eos obstrinxit mandatis obsequi: iubet pecus diuendi, & in aciem prodire, sperans fore, ut ex parua, humilique condicione, in qua delitescere uel omnium sordidissimi didicissent, ad maximae, inopinataeque felicitatis gradum perueniret. Imperata sequitur agrestis hominum cohors. Dux Tamerlanes Temirus Guthlus est appellatus, quae uox, Scythica lingua, Fortunatum gladium exprimit. Breui duo millia hominum collecta sunt, qui ex pagis, uillisque collectam praedam inter se aequissime diuidebant. Itaque accolae plurimi Sogdianae regionis, Oxianae, atque Alexandriae, super amnem Tanaim, ad Alexandri memoriam, conditae, tum regnandi auditate, tum spe libertatis, allekti, se illi coniunxerunt. Hac expedita latronum manu, Tamerlanes tot copias breui contraxit, ut illis ob immensum numerum alimenta uiderentur defutura. His copiis gentes immanitate barbaras perdomuit, quas nec Darius Persarum Rex, nec Macedo, nec Cyrus Medorum Rex superauit: quorum alterum turpi fuga depulsum, alterius ducem Zopyrionem cum omnibus copiis deletum, & Cyrum denique cum uniuerso exercitu attritum ueterum monumentorum scriptores prodiderunt. Ille uero, ad Persidis imperium sensim adspirans, fratres inter se certantes conspicatus, uastro ingenio, alterius ita partes suscepit, ut, per Calderanos campos uno deleto, alteri superstiti, ac miseras suas collacrymanti, Regnum subtraxerit. Digna quidem haec sunt admiratione: sed illud potissimum, quod, se Dei Maximi iram esse, atque deprauati saeculi funestam cladem, pronuntiaffet. Conuersus enim is in Ligurem, licet amicum, Nisi magna, inquit, quam meri-

tus es, capitis poena plekti uelis, hinc faceffito. Quibus diri Tyranni uerbis cum ille, pro familiaritate, qua cum eo utebatur, de clementia monuiffet, peregre abiens, nusquam poftea in Tamerlanis confpectum uenit. Hac feueritate, & bellorum gloria, aliquot Armeniae urbibus captis, & Sulthania Perfaram olim Regia direpta, incensaque, dextrorfum iter flexit, atque, Euphrate ad Arfenfngam superato, in uniuersam Cappadociam ingenti exercitu fe fe, torrentis more, effudit. Interea conuenerunt Baiazetes, Turcarum Rex, ac Tamerlanes, fuis copiis. Hinc per agmina circumducuntur fagittarum faeces: inde, declinato fcutis fpiculorum imbre, haftis certatur; interim tamen, quafi deniffiffima labentium fagittarum grandine fternuntur aduerfarij. Nusquam auidius fanguinem mortales fiftierunt. Inclinate ad occafum Sole, uictoria ad Tartaros aduolauit. Hic Baiazetes, ex equo, fagittis transfixo, collapfus, ad ludibrium feruatus eft. Centum & quadraginta milia hominum caefa dicuntur: fpolia aequae partitus eft militibus Imperator. Erat enim Tamerlanes aequiffimus rerum aestimator. Abftulerat gregarius miles mulieri, paftoriciam uitam agenti, coagulatum lac, quo illa fuffentabatur: fupplex Imperatorem adit: rem, ut acta erat, narrat: faeturum fe iure, modo hominem recognofcat, confirmat. Lufratur fubito exercitus: fur ab ea cognitus morte multatur, lac in extis ipsis comperit, & furtum aperuit, & poenam comprobauit. Ille uero, per Taurum montem in Mefopotamiam irrumpens, triplici illo tenriorum colore omnes terrebat. Circumfederalis Urbem feraciffimam. Ciues in primis per nuntium ad deditiorem follicitat. ab his duo poftiti funt dies ad deliberandum; tertio aduentante, omnium functiffimo, quo extrema Vrbi incendia infarent. Desperatis rebus accolae efferati, atque inexorabilis uictoris animum mitigare fe poffe, ac flectere fperantes, delectam manum puerorum, ac puellarum, chorum longo ordine ducentium, alba ueste, olearumq. ramis, ad Tamerlanem miferunt; ut gefu ueniam poftularent, cum uix loqui didiciffent. Hos procul ut uidit Tartarus ab Vrbe egreffos, plane immanis, fortiffimas equitum alas in tenera puellarum agmina dimiffit, abdicatoq. prorfus omnis clementiae, atque humanitatis officio,

cio nil tale emeritos equitum pedibus contriuit. Inde, Urbem ingressus, omnia ferro, ac flammis absumpsit. Itaque nemo erat, qui non illi se ultro, ac libenter, daret. Tandem, ubi Samorcandam in patriam rediit, quam unice amabat, eam ut nomine illustrauit, ita opibus, spoliisq. ditauit. Hic praefidia posuit, ludos agones instituit, ac spectaculum, ueterrum Romanorum more, exhibuit. In cubiculo inter dormiendum phiale praefocatus, orbis ille terror occidit, anno a partu

Virginis quadringentesimo secundo supra Millesimum, ante

quinquagesimum aetatis annum,

Pontifice

Bonifacio

No-

no, duobus reli-

atis filiis: quibus inter se contendentibus, bre-

ui spatio temporum,

Asiae regnum

ad Otho-

ma-

nos rediit.



TANAQVILLVS

CASTELLVS



ANAQVILLVS, summo loco, in Prouincia Britannia Armoricae, Leonen. dioec. in finibus terrae, peruetusta familia Castella ortus est, hodie in ea Prouincia exstincta, ob unicam tantum ex ea feminam, quae Domino Castelli Noui, ex Lauallensium familia Britanna, nupsit.

Hanc familiam eandem esse cum ea, quae in Italia, & praecipue in Vmbria, per tot saecula diuersos, illustresq. Principatus habuit, iidem illi Castelli Galli affirmabant. adhuc etiam Interamniae Nahartium, titulis, iurisdictione, opibus, eximijs honoribus, clarisq. uiris maxime pollet, qui, compluries Castellis Gallis conuentis, tamquam carissimi consanguinei ab iis agniti fuere. Quin etiam, antiquitus a Regno Burgundiae, ex inclyta Gundiochensium familia hanc manasse, hincq. in Italiam, & Vmbriam, (ubi tunc Spoletij Theodoricus, Italiae Rex, residebat) peruenisse, clarissimis constat argumentis. Quo tempore Castella, ob rubeum Castellum in albo campo, quod ipsi in armis ferebāt, (Regni Burgundiae id antiquum insigne) uocari coepit. de quo, praeter certissimas traditiones, ad nostra usque tēpora seruatas, tot exstant monumenta, ut nullo id pacto possit in dubium reuocari. Ab hac quoque familia, diuersis temporibus, uariis Imperatoribus, & praesertim sub Friderico I. & II. istius nominis, aduersisq. euentibus, tamquam a fecundissimo Illustris Prosapiae Seminario, (mirabile dictu) permultae aliae illustres familiae ortum habuere, & praecipue Mediolani, Bononiae, Neapoli, atque in aliis Clarissimis Italiae ciuitatibus, a quibus semper inter praestantiores Patricios connumerati sunt; hisq. honoribus, & praerogatiuis, per multa saecula sunt potiti. Verum, ad Tanaquilli egregia, praeclaraq. gesta redeundo, is, Lutetiae Parisiorum Praepositi Gradum consecutus, tumultus a Ioanne, Duce Burgundiae, illic periculose excitatos, urbe defensa, fortiter, & prudenter sedauit. Inde Castellum Montelerium aggressus expugnat: ut & alia loca a Burgundis ui occupata. Postea Locumtenens

nens factus Caroli Delfini, qui post Rex, Septimus eius nominis, fuit, Montelerium, rursus a Burgundis uexatum, graui obsidione liberat. Inde, inito foedere cum aliis Regni Magnatibus, ardenti studio, apud Sanserram, Anglis, a Philippo, Ducis Ioannis filio, adiutis, se opponit: oblata pugnandi facultate, & ab illis non accepta, in tuta illa expeditione uirtutis specimina multa edidit.

Totius Galliae administratio penes illum erat. Carolo Regi tam carus, ut ab eo semper uocari uoluerit filius: quemadmodum illum non aliter ac patrem, & uoce, & litteris, ad illum datis, semper appellaret. Non minus gratus erat Lodouico XI. sub quo egregiis muniis obitis, in bellicis negotiis praecipue excelluit: quorū causa, in prima institutione Ordinis militaris Sancti Michaelis, sub annum restitutae salutis Millesimum quadringentesimum trigessimū facta, auctore Paulo Aemilio Veronenſi, cum aliis sex & uiginti torquem auream meruit. Quibus his eximiis, tanto uirtutis merito, uiris, Rex Lodouicus tantū detulit, ut, quid quid umquam feliciter uel in Gallis, uel Belgiae bellis succederet, id omne illis acceptum ferret. Cum in acie, furente Marte, fama de caeso Rege temere uulgata, amentes, ac prope torpidi milites, pro eius causa capite pugnarent dubij: Lodouicus, cognito suorum errore, casside detracta, se oculis suorum spectandum praebens, omen mortis hostium cruore expiari iussit. In his, ac generis eiusdem certaminibus, erat satis probata Tanaquilli gloria. Quamobrem Lodouicus is, eiusq. filius Carolus II X. qui reatae Valesiorum lineae finem fecit, emeritis militiae ducibus distribuendo praemia, torquem dedere: eo dicto: Immensi tremor Oceani, quod insigne belli, ab illis usque temporibus, tanto in honore est habitum, ut id etiam ad Regem Britanniae miserit. Color uero corporis Tanaquilli erat albus: oculorum, & crinium castaneus. Verum addamus nos hoc Epitaphium tumulo eius: ut ipse de se loquatur:

Hoc tumulo, Tanaquille, iaces? uix nomen, & aureum

Insigne asseruat marmore sacra dies.


VGVCIO . FAGIOLANVS



VGVCIO Fagiolanus nascitur ad Voltumnæ fanum Togatæ Galliæ, ex cæli plaga, qua Apennini ad Arretinas Alpes uergunt. Hic ætatē primum in Gibellina factione prouehēda posuit, quæ, Guelfis inimica, iis in locis uigebat. Ut corpore, ita ingenio, præstans, aliquādo a suis desertus, attrita galea, e medio ipsorum hostium, telis non modo confossus, sed etiam onustus, ad suorum castra rediisse, dicitur. In hac domestica militia, cum multa præclare gessisset, a Tarlatis, Arretij Principibus, dux exercitus creatus, Florentinos ita uexauit, fugauitque, ut sane pauci e Guelfis in finibus illis superfuissent. Eodem tempore, defuncto Henrico Imperatore, Pisani unum Vgucionem elegerunt patronum, ac defensorem rerum suarum. Huic totius belli cura aduersus Lucenses creditur. Acrius re suscepta, pluribus castris restitutis, ad portas usque fugiētes Vbertus est insecutus. Lucam capit, ac, Guelfis partim pulsus, partim necatis, Gibellinos introducit. Hoc proelio Gerardus Lupidius, Picenus, militiæ peritus, & uir alioqui fortissimus, qui Lucensibus copiis præerat, prosligatus est; cum non sine prodicione Vrbs Etruriæ nobilissima capta esset. Non multo post in Pistorienses machinatur. Dum opidum Montecatinum oppugnant Guelfi, ac magnis copiis aggressi, sperant fulmen Gibellinorum extinguere, Vgucionis uictoria celerata est. Is, castris ipsis occupatis, in quo suum decus existere iure optimo credunt milites, miserandam caedem fecit. Eo tempore, Nebulam, fluuium occisorum cadaueribus oppletum, diu eruentum fluxisse, narrant. Haec fuit dies illa Guelfis infauita, in qua florentissimæ Italiæ Vrbes, funebri ueste suscepta, communem suorum calamitatem deplorarunt. Sic e Canensi pugna allatus nuntius Urbis Romæ lacrymas elicuit. Sic Aliensis dies tamquam infauitus dictus est, quod ad Aliam fluuiū res infeliciter gesta esset. Verum humana nō semper eadem sunt. id enim habent proprium, ut perpetua mutatione agantur. Dum miles generosus, pluribus uictoriis clarus, Lucae ad mensam sedet, ecce nuntius qui Pisas iugum excussisse refert. Ille, nec minimum quidē, aut uultu, aut loco dimotus, non prius e mensa abiit, quam

quam satis commode conuiuij finem fecit. Quam dissimilia sine hominum ingenia, ex exemplis, quae addam in hoc ipso rerum genere, plane liquet. Perseus Rex, manus abluens, iam cenaturus, cum accepisset, hostem prope adesse, ita metu attonitus, ac consternatus fertur, ut, e solio repente exsiliens, & se uictum, ne conspecto quidem hoste, clamitans, fugam properaret, falso percussus rumore, cum idem Romanos intercludere facile potuisset. Canis uero Scaliger, licet proxime discubiturus, ieiunus tamen, Taruisium prope perditum restituit, existimans, posse se postea uictorem cum suis opipare prandere. Audierat is, Taruisium magno in discrimine uersari: mutata ueste, a sellum conscendit, ac, Taruisium ingressus, arma induit, hostibusq. occurrit, antequam uel de illius aduentu suspicarentur. Itaque Patauini duces, qui eo, ueluri ad certam uictoriam, uenerat, fuis ordinibus capti sunt. At Vguccio, bene pransus, uix Luca egressus fuerat, cum ex ergastulo in lucem, & imperium Castrucius educitur a Lucensibus, in quod fuerat dolo malo coniectus, ut, cuius extimuerat ingenium, uires, & uultum perhorresceret. Ille interea Vrbes duas, easq. Etruriae nobilissimas, ut falso dicto circumferebatur, deuorarat. Infelix dux Pifarum portis, quarum paullo ante regulus erat, se se proripit, nec umquam ex ea turpissima fuga desistit, donec ad Fossas nouas, olim Papirianas, supra amnem Macram constitit, ubi a Spineta Malaspina, Gibellinae factionis, uiro clarissimo, omni humanitate exceptus est: quae laus Regiae hospitalitatis inter ceteras eius Familiae celebratur. Hinc abiens, statuit Cani Scaligero operam suam nauare, in quo uno miserorum omnium erat perfugium. Is enim, uir pius, ac generosus, liberale, atque illustre domicilium totius hospitalis disciplinae singulari arte distinxerat, ac formarat. Neque uero mirandum, hac rerum uarietate. Non nouum id est. Dionysius iunior, in Graeciam fugiens, ludi magister fuit. Perseus, Macedonum rex, a Paulo Aemilio

res fide dignissimi historici, soluit in Hortino S. Iuuenalis templo, quod nos pueri collapsum uidimus, aedificato. Sic, longe post, (ea est rerum humanarum uarietas) Belisarius ipse, dux maximus, ac potentissimus, oculis captus, stipem quaerere coactus est. Quamquam Vguccio in eo miseriarum statu non destitit, aetate graui, animi retentis bonis, quae sola secum gestabat, in Patavinam usque obsidionem Scaligerum sequi. Ad Paludes Medoaci amnis, aegrotans, Veronam delatus, non sine militari pompa, ad sepulcrum depor-
tatur, Millesimo trecentesimo decimo-
nono.



VIRGINIVS . VRSINVS



VIRGINIVS Vrsinus, Neapolionis filius, Magnus Comestabilis nuncupatus, elementa disciplinae militaris domi accepit a patre, cura quo in pluribus proeliis uersatus est. Quo tempore Sixtus I V. ac Ferdinandus Rex inter se dimicabāt, Virginius, Pontificis partes, una cum Roberto Malatesta, secutus, nouam Albam, quae est ad radices montis Albani, ac Pandulphi castri, Albae Longae dorso imminens, recuperauit. Eodem duce, Alphonsus Aragonius, pugnam detrectans, ad Velitras profligatus est. Sex erant Rom. militiae ordines: tribus quidem Iacobus Comes, Io. Franciscus Tolentinus, ac Renatus Triuultius praeebant; reliquos Virginius, Iordanus, ac Nicolaus Petiliani Comes, omnes Vrsini, ducebant. Inter omnes Virginius enituit, & Vicinus, Petri Angeli filius. Is enim tantam stragem fecisse dicitur, ut unicus meritis fuerit, in eo triumpho, in quo Robertus Malatesta lauream Romae adeptus est, Regium raptare uexillum. Hoc ipso in triumpho sublatus est Robertus: eodemq. die dux quoque fortissimus Federicus Feltrius meliorem in caelesti patria coronam accepit. Interea Columnenses Lauinium opidum, alterius Aeneae coniugis nomine celebre, obsederant. Quo nuntio ad Virginium perlato, ne se opidani dederent, ueritus, lectissimis militibus hostem de nocte aggressus, castra diripit: tum, praesidiis relictis, Urbem repetit. Defuncto Sixto I V. ac creato Innocentio I X. uere innocentissimo Pontifice, cum is Prosperum, ac Fabricium Columnam euoxisset, indignatus Virginius, ad Ferdinandi castra uires suas conuertit, a quo praefectus copiis suis est maxima auctoritate. Hinc nata illa dissidia, iactaq. semina, quae segetem inuentem

animi uirtutem, patricius creatus, pro Belisario in Italiam missus, decem annis uariis euentibus pugnauerat. Vetus Ducis elogium, ingenti in marmore, pueri, inter Seminarij Rom. alumnos, eo usque animi gratia, studioque antiquitatis progressi, ex utroque pontis latere, maxima cum uoluptate legebamus. Meminimus quoque, ad Anienem Torquatum pugnassee, in eundem, pro patria seruanda se dedisse praecipitem Horatium. Hic, & is, de quo dicebam Narsetes, uictoria reportata, libertatem Romanae Vrbi restituerat. Ut uero etiam nostris saeculis eodem in loco simile exstaret apud posteros exemplum Virginii afflictae Italiae refugium datus fuisse dicitur. Certatum praeterea ad pontem Miluium, quo loco Constantini Magni celebrata uictoria, signo diuinitus dato, cuius aureum numisma magni pretij litteris Graecis, quas protulisse beatae mentes feruntur, atque in uelabro Vaticano legimus restitutas, fuit aliquando in manibus Achillis Mafaei, antiquarij, ac studiorum meorum patroni unici. Pace facta, ut eo redeam, Millesimo quadringentesimo octuagesimo sexto, Virginius, Iulius, ac Paulus Vrsini, Pontifici Maximo adhaeserunt, ijs plane conditionibus, quas optare potuisset. Virginio duce, ad Vicum Vari deducuntur ad colloquium Alexander Sextus, ac Alphonsus Secundus. Tum Virginius Neptunium uenit, ut Gallicam classem portu repellat. Hinc Viterbium aduolat, ut se Carolo Octauo opponat. Erat is potentissimus; quo auctore Tuscanellae ciues, cum in gratiam Pontificis Gallos aditu prohibuissent, scalis, tormentisq. bellicis admotis, ad horam tertiam misere expugnati, attritiq. sunt. Itaque Virginius, cum tantis copiis minus resistere posset, una cum Nicolao se se Nolam recepit; ubi Arsius Gallus, contra fidem pactiois, ducibus manu captis, copias quoque eorum hostiliter est depraedatus. Ducebantur ambo in Galliam captiui uiri fortissimi, cum e tumultu Tarrensis pugnae, non sine Gallorum damno, liberati restituantur. Conatus est deinde Virginius Petrum Medicem patrio solo, quo Carolus Octauus illum eiecerat, restituere. Post, ad Senarum balnea secedens, a Camillo Vitellio duodecim aureorum millia Caroli Octauo nomine missa, non tam auro permotus, quam quia Prosper, ac Fabricius erant in deliciis apud

Alphonsum, titulo etiam Comestabilis tributo, condicionem
 accepit. Contremuit eius primo aduentu Apulia; uerum paulo
 post, ad Baias plurimis Gallis desideratis, eo potissimum
 morbo, cui nomen milites aduenticii dederant, captus plurimorum
 Ducum magister
 Virginius, in Oui arce, non sine ueneni
 suspitione, sublatuſ est,
 annum agens circiter
 quinquagesimum,
 a gloriosae Virginis partu Millesimo
 quadringentesimo
 nonagesimo septimo.



VITELLOCIVS. VITELLIVS



VITELLOCIVS Vitellius, a patre, adolescēs, Virginio Vrsino, in disciplina militari instituēdus traditur; sub quo tantum sibi nominis, & amoris conciliauit, ut illi ex familia sua Paulli Vrsini filiā in matrimonium dederit. Hic phalangem peditū ita instituit, ut Itali hastas, secures, ferrea pectoralia, & galeas, externorum exemplo, gestarent. Quam disciplinam, ex Germania in Italiam traducens, Tifernates suos primus edocuit. Ac, secutos ceteros, veterum eorum armorū congeries illius saeculi apud meos fidem facit. Huic quoque accepta referenda est ea ratio circumueniendi hostis opportunissima, qua milites in acie procurrerent, consisterent, regrederentur, & in cochleam ita se se infinuarent, ut mirifice staret ordo. Cuius ego aliquando speciem adolescentior admiratus sum ad Nouum castrum, non multo anteditionem Iulij Caesaris Columnae, Praenestinatorum Principis, exerceri ab flore eius iuuentutis, duce Andrea de Affectis, qui ex nauali uictoria cum nostris redierat. Illi agminatim se se in gyros, magnosq. orbis, introrsus uacuos, coronae modo decurrentes, ut aduersi, auersiq. pariter hostem ferire uiderentur. Hac arte Vitellocius Vgonem Moncatam, Borgiae Caesaris ducem, in Umbria profligauit. Nec minus etiam una cum Carolo Vrsino insignem illam praedam uirorum clarissimorum abegit ad Lacū Vadimonium, ubi olim ad bellum profecturi milites, ueteri superstitione, iuramento se obstringere ferebantur. Non me latet, de loco alios aliter sentire, & id totum proelium ad Bassianum, uicinum castrum, trahere. In quo ignoscendum est imperitis locorum. Is enim persimilis est error illi, qui latissime de Vadimonio lacu per uagatur, quem eidem opido adiungunt, loci uicinitate; cum tamē, in agro Hortino eum esse, constet. Qua uero ratione ad Bassianum proelium gestum sit, ad quod asperitate uix pedites, non modo equites ascēdant, quasi Ithacam, & nidulum saxulis affixum. At, circa Vadimonium; sic enim ipsi accolae, uel etiam rudes, & aratores, lacum illum uocant, ad Tiberim usque, indeq. uersus Orientem, qua parte Vrbs nostra imminet, tanta protenditur planities, quantam uix acies oculorum assequatur. Hanc, quasi quoddam belli

belli stadium, in theatri speciem, perpetuis subiectam collibus, fabricata natura. Huc accedat auus meus Fabricius Roscius, qui & ipse bello interesse potuit, cum in armis semper ediderit familia nostra homines non inertes, ut norunt ciues nostri, uel certe ex ipsa arce Hortina, quae tunc temporis non erat plane deleta, prospicere facile erat. Is in Topographia sua, quae est apud me manuscripta, pugnae, de qua loquimur, Vadimonium in Faliscis locum praescripsit, ac diem notauit VII. Kal. Februarij, Millesimo quadringentesimo nonagesimo septimo. Qua dere nos uberius, ne quis in posterum in hoc aberret, quando his ipsis diebus non defuerunt, qui non modo perperam apud se sentirent, sed etiam inanis picturae coloribus naturarum situs, famamq. praeuerterint. Ut uero redeam eo, unde fueram digressus, Vitellocius, hac parta uictoria, una cum Petro Medice, qui tunc a patria exsulabat, Florentinis ad quadraginta castra in Etruria, nec non Cortonam, & Arretium ademit. Meruit deinde sub Alexandro VI. sub quo Allobellum, Tudertinorum Tyrannum, Aquaspartae latentem, occidit: cuius est ad macellum caro diuendita, ob crudelitatem, qua ille usus fuerat in suos, & Hortinos milites, ex quibus ad Augusti pontis fauces conclusos centum iuuenes Ameriam tracti misere ibidem trucidati sunt. Exstat manuscriptum elegantissimum ea de re poema, quod Delphinus, Iouij consilio, posterorum memoriae consignauit. Sed, sub Alexandri fide non diu permansit, impatiens scilicet Caesaris imperij. Verum breui factum est, astu, ut in gratiam reciperetur Vitellocius, qui, colloquij simulatione, ac consilio, de rebus bellicis, Senogalliam uocatus, cum Paulo Ursino socero, Francisco Ursino, Grauiacae regulo, ac Oliuerotto Firmano, misere strangulantur, circa an. CIO. IO. II. Ad huius, ut olim ad Aiakis tumulum, sic Virtutem eiulantem Asclepiadis tetraesticho finximus:

Dilacerata comae, uisum miserabile, oheu

R E G E S T R V M

▪ A B C D E F G H I K L M N O P Q R S T
V Y X Z,

Aa Bb Cc,

Omnia sunt integra foglia, praeter Cc, quod est
folium cum dimidio.

R O M A E

Ex Typographia Bartholomaei Bonsadini

CIO IO XCVI

